





phicantes inter aduersas determinatas, et excommuni-
cationali, ut in libro prop. et obis p. n. h. ad p. gen.
Reclusio Prima

reale veritate fort.^{is} supra ad veritatem conditionalem fort.^{is}
tunc hic talis veritas fort.^{is} non precludit omnem rationem ut
scilicet veritas per se verificetur. hic propter veritatem; Per se veritas
non ad reale obicitur; non veritas per se manet eadem pro
ut obicitur, non ita existens. Scilicet est veritas propter
veritatem representatorem adiectum et obicitur, sicut unum pro
conditionale. Scilicet ex veritate, seu affirmativa

Conduwio Secunda

[illegible]

colligat, veritas et felicitas in de aeterna communio possit et fore.
 rione a.
 fud. m. 2. inoparabilis, nec aeterna propria et nulla.
 v. 2. 3. aeterna communio inoparabilis possit fore.

ORDO, ET MATERIA LI-
brorum duodecim se-
quentium.

*

Liber Primus tractat de principiis rerum naturalium.

Liber Secundus, de causis rerum naturalium.

Liber Tertius, de motu & accidentibus eius.

Liber Quartus, de infinito, loco, vacuo, & tempore.

*Liber Quintus, de generatione & corruptione rerum natu-
ralium.*

Liber Sextus, de meteorologicis impressionibus.

Liber Septimus, de cælo & mundo.

*Liber Octauus, de anima in generali, & de potentiis vege-
tatiuis, deq; longitudine & breuitate vite.*

Liber Nonus, de sensibus exterioribus, & eorū sensibilibus.

*Liber Decimus, de sensibus interioribus, deq; somno & vi-
gilia.*

*Liber Vndecimus, de intellectu & præcellentibus eius offi-
ciis.*

*Liber Duodecimus, de appetitu sensitivo & voluntatis præ-
cellentia.*

OPTIMAE STV-

DIORVM PARENTI, SEMPER VENERANDA Artium liberaliũ Facultati, in præclara Louaniẽsi Academia creditos alumnos

fideliſſimẽ educãti, Frater Frãciſcus

Titelmãnus Haſſellenſis humi-

lis eiufdem diſcipulus cũ

omni reuerentia hu-

mile offert ob-

ſequium.



*V*l' *M* ante annos aliquot. optima ſtudioꝝ parens, è tuo gremio ad ſacram Minorũ Fratrum religionẽ me contuliſſem, ac nõ multo poſt ſuperiorũ imperio (quibus relictari nec poterã, nec debebam) cõpellerer ad eã doctri. fratribus cõmunicandam, quã è tuo ſuxerã benigniſſimo ſecũdiſſimiq; vberibus, ad eã, ad prælegendas Philoſophicas diſciplin. as, vt mihi inuincẽ obediẽtiẽ mandatu pro fratrum ſimpliciũ vtilitate, quã poſſem fidelĩſſimẽ perficere. viſum fuit hoc mihi bonũ conſiliũ, vt ea quæ olim tuo inſidens gremio, partim à doctiſſimis præceptoribus (cuiusmodi ſemper plurimos alios) viuẽ vocis magiſterio acceperam, partim ex mutorũ magiſtrorũ ſcriptis, id eſt, eruditorũ Philoſophorũ libris, pro ingenioli mei tenuitate hauſeram, ſuccinctẽ breuiterq; velut in compendiũ colligerẽ, & nihilominus lucidẽ & ordinatẽ quantũ poſſem omnia diſponẽs, nihil eorũ quæ eſſent neceſſaria omitterem. Sic enim ſimplicium fratrum conditioni iudicaui vtilius, vt pote quibus bona diei, noctiſq; pars diuinis hymnis decãtandũ, ſacris peragendis myſterijs, & circa proximos exercendis hierarchicis actibus foret impẽdendũ, ita vt ad Philoſophiæ ſtudia minimũ temporis ſupereſſet, neq; vacaret eorum qui plenius illa tractarũt, prolixos & difficiles commentarios euoluere. Ad phyſicam autem diſciplinam in compendium contrahendam meum deſiderium peculiari, vt etiam illud accendit, quòd hanc rem à nemine hætenus tentatam cõſpicerem. Nam in Dialecticis, vel uſq; ad nauſeam abunde multos inuenias, qui totam librorum ſericẽ per ordinẽ ſunt proſequuti. Fla-Elenus autem qui Phyſicæ diſciplinæ amplitudinẽ cõpendio ſimul ſeſet (quod ego quidẽ ſciã) extitit nemo. Ac proinde videbar mihi opere præciũ ſacturus, ſi tam cõmoda oblata occasione, quod animo inſederat, opere perficere. Neq; enim minimã præſtare mihi vidẽtur ſtudijs vtilitatẽ, qui ea quæ à prioribus multa proximitate & obſcuri-

tate tractata fuere, sua industria atque diligentia in compendiosam ordinatamq; breuitatem laborant contrahere. Quos enim inuoluta prolixitas molestaq; difficultas deterreat, plerunque grata breuitas & compendiosa facilitas ad honesta studia inuitant. Super hac vero propositum nostrum vehementer adiuuit, animumq; addidit, quod videbami physicam disciplinam, si recte & pro sua dignitate tractare tur, ad sacram Theologiam plurimum omnino habere momenti, & ad Dei plenioris cognitionē: neq; ad Dei tantum cognitionem, reuertentiam ad Dei excitandum amorem, mirum in modum conducere: quæ duo (nempe Dei cognitio & amor) omnium debent esse honestorum studiorum vltimus atq; precipuus finis. Ei gestiebat animus, hac in parte aliquam tibi, optima mater, ostendere gratitudinem: videlicet demonstrando eas disciplinas, quibus tibi creditos Alumnos instituis, non solum ad eruditionem absolutam esse omnino necessarias, verumetiam ad pietatem (quæ ad omnia utilis est) plurimū cōducen-tes: vt merito sanxerint venerandi Theologorū Magistri, neminem vllō Theologie titulo insigniendum, itidem & medicinx honorandi ex sacre pagine instructione professores, neminem ad sue professionis vllum gradum admittendum, qui non prius in tuo gremio fatus, tuq; saluberrimo lacte pascuus fuerit, imò & ablactatus: videlicet hoc ipso suo iudicio manifestissime attestates, quod nullū omnino disciplina (neq; quæ ad corpus, neq; quæ ad animam spectat) absq; tue institutionis praiacto fundamento, solida possit cōsistere. Nunquam enim viri prudentissimi id statuis edixi cauissent, nisi prorsus solido veritatis cibo iueptos iudicassent, quos non tu prius tuo lacte potasses. Itaq; cum hos Physicæ considerationis libros Physicæ disciplinæ hoc compendium, multorum precibus importunis diu multumq; sollicitatus, tandem acquiescens amicis postulationibus in lucem edere decreuissē, post Deum omnis boni primum autorem & omnis parentem veritatis, nō iuuenire potui in terris, cui hunc laborem institui possem quā tibi, mea nutrix, mea fatrix, mea opima mater, dedicare ac nūcupare. Est enim hac Dei institutio, vt singula vnde effluūt, illuc & refluant. Ad locum (inquit sapientissimus ille rerum naturalium investigator Ecclesiastes) vnde exeunt flumina reuertuntur, vt iterū fluant. Quæ nos ergo primum quidem à Deo omnis veritatis doctore, post hunc autē ex tua institutione accepimus, iustum est illi vt primario datori per gratiarum actionem accepta referri, ac deinde in te quoq; vnde nobis effluxerunt refluere. Si verò hunc nostrum laborem tibi non ingratum, ac tuis alumnis non inutilem compererimus, quod nūc in Physica disciplina egimus, forsità & in Dialecticis aliquam

quando tentabimus. Puto enim & illic laborem superesse Christiano operario, hæcenus à nemine susceptum, quo mirum in modum illius quoque disciplina dignitas possit exaltari. Qui te suorum puerorum nutricem instituit, ipse te quoque felici statu conseruet, & multa semper prole sæcundet, ut sis quasi vili abundans in lateribus domus eius, sintque filij tui sicut novellæ plantationes olivarum, in circuitu delicatissima mensæ tuæ.

PSALMVS NVNCVPA

TORIVS OMNIVM CREATORI,

TRINO ET VNO DOMINO.



IDEBA M ego librum latum, pulchrum, & magnum, & utrum eius quasi gravidatum, & tanquã pregnantem conspiciebam in visione mea.

Intendi mentis aciem, & vidi de utero eius enasci libros plurimos: & contemplabar si non imminueretur partu tam multiplici gravidatus uterus.

Non potui considerare imminutionem eius: quanto plures prodibant fœtus, eo magis videbatur intumescere.

Dimicabant scum intra me cogitationes meæ: & cogitabam varia, volubamque plurima, quoniam tenebar rei miraculo.

Mulierum partus me docuerant, fœtu egresso abscedere collem uteri: monticulus, quem gignit latens in oculo, cadere solet egresso vagiente.

Propterea tenebat me rei novæ miraculum: & lætabar ego cum cogitationibus meis, neque inueniebam exitum.

Feci mihi scalas altissimas, ut introspicerem in utrum libri: erat enim excelsus & eleuatus longe supra paruitatem meam.

Datum est mihi post laborem multum introspicere à longe: contemplatus sum (sed plusquam caligantibus oculis) quid inhabitaret in utero, aut quæ esset huius causæ miraculi.

Contemplans video uterũ velut abyssum: & qui sedebat in eo, non poterat videri, neque mensura, neque erat finis magnitudinis eius.

Desij admirari postquam videram: dixi enim, quomodo minuetur uterus, qui in se habet inhabitantem infinitum & immensurabilem?

Quid enim si egrediuntur ex illo fœtus paruuli, quando manet intra utrum ipse de quo fœtus procedunt, maximus & implens omnia?

Parabola hæc quam assumpsi, confitetur gloriam illi qui creator

est & dominus omnium, tibi dominator domine, pater sancte rex cæli terre, & marium.

Tuam gloriam eloquitur similitudo mirabilis libri huius: & ad te pertinet gloria inhabitantis in eo.

Tu fecisti librum magnum & latum: vniuersam hanc mundi machinam spatiosum & speciosam valde tu creasti.

Scriptisti in eo mirabilia multa & magna, incerta quoque: & occulta sapientiæ tuæ impresisti in eo.

Immensam potentiam tuam, & incomprehensibilem sapientiam descripsisti in eo: inestimabilem quoque bonitatem & perfectionem tuam.

Singule quæ sunt in eo creature, singule sunt pagine libri, singuli sunt characteres, singule perfectiones, quæ inueniuntur in illis.

In oculis omnium legendum exposuisti librum istum: volumē hoc volui facis atque reuolui, ante conspectum omnium populorum.

Legunt in eo quibuscunque leuare placuerit oculos: intellectum quoque das omnibus, qui pro corde abs te poposcerint.

Veruntamen intra vterum illius tu posuisti habitationem tibi: intimus enim es & presentissimus machinæ quam creasti, quicquid est creatum penitissime inhabitans.

Considerauerunt librum hunc plurimi, & viderunt quoniam esset fecundus nimium: & de libro hoc ediderunt libros sine numero.

Viderunt quoniam ad intelligendum esset liber difficilis sectatoribus suis multiplicatione verborum atque librorum conati sunt explanare illum.

Magi, Sophi, atque Philosophi innumeri, operam impenderunt in considerandis paginis libri huius: te quoque autore inuenerunt nō pauca veritatis tuæ, quam descripserat in illo.

Inuisibilia enim quæ de te cognosci poterant, per facturam tuam fecisti intellectu ab illis conspici: sempiternam potentiam, virtutem, & bonitatem tuam.

A te procedebat quicquid describebant veritatis tuæ: à te nanque pater luminum est omnis veritas, & tu manifestasti illis.

Veruntamen vanitates multas immiscebant veritati modicæ: erroribus multis ac vanis opinionibus nimium erant permixta eorum omnia.

Non enim lumen plenum erat in oculis eorum: & quasi sine lumine excacatis oculis legentes, non potuerunt quæ descripta erant penitus cognoscere.

Excacauit enim eos affectus non bonus: nequam oculus totum corpus

pus fecit esse tenebrosū.

Dicentes enim se esse sapientes, stulti facti sunt, quia non dederunt gloriam deo cœli, qui creauit omnia.

Cum adorare debuissent, populisque adorabilem predicare, quem in lectione libri huius cognouerant: dissimulare maluerunt: seq̃; glorificare magis concupierunt, quàm creatorem deum.

Quomodo paruuli in libro formuli pulchris decoro harent in flosculi paginarum, neq; perpendunt quæ descripta est in eo, veritatem.

Ita aspiciabant isti in creaturarum pulchritudinem, suntq; oblectati in eis: veritati autem quæ continebatur, quæq; parata sese erat aperire legentibus, non intenderunt cultu debito.

Propterea non sunt inuenti digni ampliore lumine: quoniam acceptis male vsi deprehensi sunt.

At vero, vbi venit plenitudo temporis, vt sanaretur cecitas generis nostrī: misisti tu domine lucem tuam, quæ illuminat omnē hominem.

In hoc lumine salubriter iam legimus librum istum qui antē fuerat sterilis: docet enim nos scientia salutaris fidei, in vniuersa te venerari creatura tua.

Qui attentē in lumine spiritus tui considerauerit opera tua delectabitur suauissime deus, autor omnium, in factura tua.

Inueniet in ea materiam laudis quam recites tibi confessionis, amoris, & sancti desiderij.

Qui enim opificem diligit, quomodo non oblectabitur in opere eius? quomodo non reficiabit operis contemplatio memoriam artificis, & confirmabit desiderium eius?

Ita pater sancte, creator omnium, hoc animo descripsimus considerationem creature tuæ: ad adminiculum simplicium quibus placitum erit tuorum operum attentius aliquid perspicere.

Quæ veteribus illis Philosophis qui ante lucem surrexerant manifestasti: vbi consentanea inuenimus veritati, vendicauimus in vsum nostrum.

Nihil enim immundum putamus, quod sanctificatur & purificatur in fide tua: non sunt abominandi thesauri Aegypti, cum consecrantur tabernaculo tuo.

Quæ vero supra sensum sunt hominū, & quæ ratio monstrare non potuit ex viris quos sacer tuus illustrauit radius, descripsimus ea.

Ita pater, collecta hæc labore nostro offerimus tibi: propter tuam gloriam descripsimus, tuæ quoque mancipamus gloriæ.

Confido enim, quod falsitas non inueniatur in opere isto, neq; mendacium, omnis autē veritas tibi debet cōsecrari, qui es deus veritatis.

In hoc autem potissimum tu nostri fuisse conatum nostrum: ut formulam praeberemus philosophari cupientibus, qua in te discerent regere omnem considerationem suam.

Non enim ignoras, quanta sit in te ista abusio: & quam rarus sit qui sic doceat contemplari creaturam tuam, ut tibi accedat gloria, tu optime habes cognitum.

Prava curiositas in feces abducit multos: in profundum facit immergi, ut ad te non leuent oculos.

In spinis & reprobis haerent plurimi, & dilacerentur in cogitationibus & adinventionibus ingenii sui.

Qui autem te quaesierint in horto creaturarum tuarum, inuenient fragrantiam flosculorum bonorum: & qui cognitioni tuae maiestatis aptauerit omnia studia, ipse pascetur in delicijs tuis.

Suscipiat itaque dominus mens quae offert tibi seruulus tuus: seruum de rosis horti tui suscipe de manibus pueri tui.

Fac proficit olfacientibus illud, & excitatos odore creaturae tuae, subuehe in amorem sanctum tuum.

Ego vero sperabo in misericordia tua: & adijciam semper super omnem laudem tuam.

Gloria patri, & filio, & spiritui sancto.

Sicut erat in principio, & nunc, & semper, & in secula seculorum. Amen.

FINIT PSALMVS.

P R A E F A T I O I N

S E Q V E N T E S D V O D E C I M L I -

bros de consideratione rerum naturalium.

*



D omnipotētis Dei gloriā, patris, filij, & spiritus sancti, omnium & spiritualium, & corporaliū conditoris æterni, rerū naturalīū considerationē pertractare cupientes, cōgruū existimauimus, ea quæ à Philosophis naturæ inquisitoribus longe lateq; disputata atq; modis varijs diffuse tractata sunt, succincte breuiterq; colligere, ac veluti in cōpendiū redigere; vt qui ad creatoris meliorē pleniorēq; notitiā creaturarū considerationē fortē exquisierint, nostro hoc compendio præcauere valeāt temporis omniū preciosissimi damnosa dispendia. Neq; enim dubiū est, quin creaturarum visibilium & rerum naturalium recta cognitio plurimum omnino habeat momenti, ad omnipotentis dei pleniorē cognitionem, apud eum, qui fidei lumine illustratus interius, quæcunq; oculis foris contemplatur, aut naturali etiam ratione ex eisdem venatur, in deū studet creatorem regerere, atq; eius potentiā, sapientiam, & bonitatem contemplandā omnia referre. Siquidē inuisibilia dei (quemadmodum Apostolus ait Romanis scribens) à creatura mundi per ea quæ facta sunt intellecta conspiciuntur sempiterna quoq; eius virtus atq; diuinitas: ita vt inexcusabiles sint, qui ex creaturarum cognitione non studuerint dignas creatori gratias referre, cultūq; debito famulari. A' magnitudine enim speciei & creaturæ (vt Sapiēs alius attestatur) cognoscibiliter poterit creator operum mirabilium, quæ mundus iste habet, videri. Neq; difficile erit iis in quibus est sciētia dei, cum specie delectantur mirabilium quæ habet mundus, virtutemq; & opera eorum mirati fuerint, intelligere ex his, quanto eorum dominator est speciosior: qui hæc omnia cōstituit, & quanto fortior est illis, qui de nihilo fecit omnia. Hunc ergo nostræ considerationis scopum habentes propositum, ex iis quæ à naturalium rerum tractatoribus fusius tractantur, velut ex immensa sylua, præcipua quælibet colligere

Roma 1.

Sapien. 13.

curabimus: ea potissimum quæ nostro maxime deferuere
 queant instituto, iis reiectis, aut certe relictis, quæ minus vi
 debentur nostro proposito opportuna. Solent enim ex iis
 qui naturalia tractant, nonnulli acuta quidē & subtilia mul-
 ta differere, quibus sua ingenia ostentando aliena exerci-
 tēt, ea vero in quibus pietatis est quæstus vberior, vel ne-
 gligere, vel sicco pede pertrāsire. Nos verò institutū con-
 trariū animo propositū habentes, nemo calūnietur, si quæ
 eiusmodi sunt nos videat vel prætermisisse, vel parcius
 attigisse. Ob quā etiā causam in libris sex posterioribus,
 multa verborū copia, & similitudinū multipliciū addu-
 ctione, conati sumus pro virili nostra, quā lucidissime ple-
 nissimeq; omnia tractare: cū in libris prioribus (maxime
 autē in tertio, quarto, quinto, & sexto) breui plerūq; ser-
 mone rē tātū perstringētes, potius eā indicemus, quā peni-
 tus explicemus. Videmus enim ea quæ in posterioribus li-
 bris tractantur, multo magis ad dei cognitionē & scientiā
 veritatis esse vtilia atq; necessaria, quā ea quæ in priori-
 bus illis enumeratis libris traduntur. Proinde nemo nostrū
 calūnietur propositū, vbi præter quorundā consuetudinē
 (qui prioribus maxime inherēt, posterioribus vel in totū,
 vel certe magna ex parte neglectis) nos viderit egisse. Si
 quidē non tā ad ingenij exercitationē, quā ad pleniorē
 de deo cognitionē & pietatis qualemcūq; venationē, no-
 ster iste labor desudauit. In scribēdo autē hac libertate vti
 sumus, vt nullius scriptoris ordine nos pateremur cōstrin-
 gi: sed nostro iudicio, vbi cōmodissimus visus est locus, sin-
 gula locauimus, quæ prolixius dicta videbantur plurima
 abbreviantes, vt compendij scriptorem decebat, nonnul-
 la contractius dicta, quātū vtile videbatur, latius explicā-
 tes, nonnunquā humanis diuina, tēporalibus æterna, ex fi-
 dei illuminatione cōmiscētes, vt ne purus esset Philoso-
 phiæ hic tractatus, sed Philosophiæ pariter & Theologiæ
 commixtio. Non est enim dignū, vt ab vllius Christiani
 scriptoris operibus alicubi ablit deus, qui cælum & ter-
 ram sua maiestate adimplēs, sicut creauit, ita & continet
 omnia, qui est benedictus in secula, Amen. De rebus igi-
 tur naturalibus hac ratione tractare volentes, ab ipsis ea-
 rum principiis exordiemur determinationem, si prius quid
 res naturalis sit, quidq; natura, breuiter explicauerimus.

LIBER PRIMVS

QVI EST DE PRINCIPIIS
rerum naturalium.

*Quid sit res naturalis, & de quibus sit in presenti libro tra-
ctandum.*

CAP. I.



Es naturalis dicitur quæ ex natu-
ris constat.

*Hæc tra-
ctat Arist.
initio. 2. lib.
Physicorum.*

Quæ secūdū Græcam appellationem, alio nomine corpus physicū siue res phy-
sica solet appellari. Siquidem Græcis *φύσις*, idem est quod Latinis natura. Res na-
turales sunt, omnia corpora quæcunq; ex materia & for-
ma componuntur, vt cœli, elementa, & quæcunq; sub eis
sunt mixta, siue animata, siue inanimata. Angeli autē res
naturales non sunt, eo quod ex naturis nō componantur,
sed puri actus sunt & formæ immateriales. Et de his qui-
dem rebus quæ naturales non sunt, in his libris per se tra-
ctare non intendimus, sed de rebus tantum naturalibus,
quæ sunt subiectæ sensibus. Nonnunquam tamen vbi se
occasio obtulerit, si de illis quoque nonnihil dixerimus,
non prorsus nostro instituto contraibimus, quandoqui-
dem proximæ sunt deo mentes angelicæ, & corporeis
omnibus illi accedunt vicinius. Atque ob hoc, cum à cor-
poreis rebus ad deum transire contendimus, commodius
nonnunquam spiritualium mentium considerationem
velut mediam intericimus, quo sic velut gradatim, ab im-
perfectioribus ab perfectiora, in deum qui est perfectissimus,
ordinatius dirigamur. Erit ergo rerum naturalium
determinatio, nostræ considerationis præcipua materia:
Dei autem cognitio, considerationis ipsius primaria in-
tentio: angelicæ verò naturæ sicubi admiscebitur mentio,
ad priora nonnihil præstabit adiumenti.

Quid sit natura & quotuplex.

CAP. II.

Natura est substantiale principiū, mutationū atq; acci-
dentialium formarum rei cōueniētiū, vel effectuum
vel susceptiū. In qua definitione posita disūctiua cōiun-
ctio, duplicē innuit naturā, quarū altera sit principiū effe-
ctiū, nepe substantialis forma: altera vero susceptiū prin-
cipiū,

*Arist. 2.
Phys.*

cipiū nempe materia. Omnes enim mutationes & dispositiones accidētariæq; formæ rebus naturalibus cōuenientes, efficiūtur ab earū formis substātialibus, & cōseruantur ab eisdē, quēadmodū calor ignis, à forma substātiali est eius, & cū aqua violenter calefacta ad frigus redit, à forma substātiali frigus illud efficitur. similiter & cum ipsa nimīū rarefacta, ad iustam densitatē se reducit. Ignis quoq; per formā suā, se mouet sursum: lapis deorsum, itē per suā formam. Non solū autē qualitates conueniētes, & motus ad proprias perfectiones, à forma sunt, verūetiam operationes omnes & motus omnes illis naturaliter conueniētes, quibus agūt in exteriora. Vt cum ignis agit in aquā, aut in aliam quālibet materiā, calefaciedo, incēdendo, sibi assimilando, à forma substātiali fiunt hæc omnia. Materia verò subiectū & receptaculū, in quo cōseruātur & permanent quæcunq; rei cōueniunt, ad actionē autem nō concurrat. Propter quod, passiū tātum principiū est, non etiā actiū. Cæterū, quod in definitione dicebatur principiū substāntiale, excludit accidētia omnia, quominus naturæ dici possint. Sunt enim quædā accidētia, quæ vidētur quārūdā mutationū rebus cōuenientiū quædā esse effectiua principia: quēadmodum (exempli gratia) ipsa ignis leuitas, causā quodāmodo est & principiū quoddam motus eius sursum: & ipsa lapidis grauitas, principium quoddā est motus eius deorsum. Sunt enim quædā principia, & quædā causæ secundariæ horū motuū, & velut instrumenta, quibus mediantibus formæ ipsæ substāntiales vt principalia principia & causæ primariæ, motus eiusmodi efficiūt. Nō sunt autē naturæ, quoniā principia substāntialia nō sunt. Est enim principiū substāntiale, quod re substāntialiter constituit atq; cōponit, quēadmodū videlicet ex materia & forma cōponuntur res naturales, tanquā ex suis partibus essentialibus atq; substāntialibus, à quibus naturis duabas, res naturales denominātur. Non autē ex leuitate, ignis cōstat, neq; ex grauitate lapis. Quare neq; naturæ rerū dicendæ sunt, sed potius entia secundum naturā, quēadmodū infrā plenius declarabitur. Cæterū Aristote. in 1. libr. de Phytico auditu, obscuriorē quidē verbis, sed in sentētia æquiualentē ponit definitionē, quæ ex prædictis euadet facilius. Sic itaq; naturā definit Aristot.

Natura

Natura est principium quoddam & causa, vt id moueatur atque quiescat, in quo primo per se, & non per accidens inest.

Quæ quidē definitio, conformiter ad prædicta, sic debet intelligi: Natura est principium quoddam, id est, substantiale principium, siue effectiuum, siue susceptiuum: & causa, siue materialis, siue formalis, siue effectiua, siue conseruatiua: principium (Inquam) & causa, vt id moueatur atque quiescat, in quo ipsum tale principium inest, hoc est, motus vel quietis rei naturalis, in qua tale principium est: primò, id est, principaliter per se, id est, tãquã pars essentialis ipsius rei naturalis: & nō per accidens, id est, nō sicut aliquid accidentali-ter inexistens, vel essentiali extraneum. Vbi hoc peculiariter notandum est, coniunctionē copulatiuam: Atque loco dis- iunctionis cōiunctionis accipiendam esse, vt sit sensus, principium quoddam vt id moueatur vel quiescat, &c.

Quæ dicantur habere naturam & entia secundum naturam.

C A P. I I I.

Naturam autem habent, quæcunque tale principium habent.

Hoc est, Naturam dicuntur habere, quæ formam substantialem & materiam sub nomine naturæ prius definitas habent tãquã partes essentielles sui. Huiusmodi sunt omnes & solæ substantiæ corporales, quæ supra dictæ sunt res naturales. Excluditur autem ab hac definitione materia (quæ formam in se videtur habere) eo quod ipsam non habeat tanquã partem essentialē sui, cum sit omnino simplex & incomposita, tamen si cum forma vnum tertium constituit, cuius pars existit. Definitio autem entium secundum naturam, hæc est. Secundum naturam sunt, & hæc ipsa, & etiam ea quæ hisce per se competunt.

Quæ definitio sic intelligitur, Entia secundum naturam dicuntur hæc ipsa, id est, res habentes naturam, & ea quoque quæ rei secundum naturam cōueniunt, &c. quemadmodum accidentariæ dispositiones & motus rebus naturalibus cōuenientes, dicuntur esse eis secundum naturam: vt igni secundum naturam sunt calor, siccitas, raritas, leuitas, motus sursum, calefacere, exiccare; aquæ secundum naturam sunt frigus, dē-
tas,

ras, grauitas, humiditas, motus deorsum, frigefacere, atq; ita in cæteris. Quæ verò naturæ rei nō cōueniūt, nō sunt entia secundū naturam, vt quæ ab extrinseco per violentiā, rei cuiuslibet imprimūtur, quēadmodū in aqua calor, & in lapide motus sursum, ignis percussio ad locū deorsum.

Quid ens cōtra naturā.

Et quidē si forma rei contranitente, per violentiā prædominantis agentis hæc fiat impressio, dicūtur entia cōtra naturā, quēadmodū exēplū est in iis q̄ statim posita sunt. Cōtranititur em̄ forma aquæ, ne calorē suscipiat, licet p̄ualēs ignis imprimat eū violēter: & lapidis forma, ne ipse moueatur sursum cōtranititur, quæres magis moueri de-

Quid sit præter naturā.

orsum. Itidē & forma ignis, motui deorsum reuēctatur. Si vero id quod ab extrinseco imprimitur, nō repugnat naturæ, neq; introducat cōtranitente natura, sed p̄mittēte (eō q̄ sicut nō cōuenit, ita ei nec aduersatur neq; officit) præter naturā id esse dicēdū est, quēadmodū impressus in lapidē imperus ad motū lateralē in loco plano. Hic enim motus sicut lapidi secundū naturā nō cōuenit, ita secundum eā nec aduersatur, vnde præter naturā dicendus est. Hæc vt magis clareant, ponit Arist. hanc diuisionem. Eorum quæ sunt, quædam sunt natura, quædam ob alias causas.

Cuius hic est sensus, Rerum productarum, quædam à natura naturaliter agente producuntur: aliæ aliis à causis, quippe ab arte, à libera voluntate, casu aut fortuna, quorum exempla ex sequentibus patebunt.

De rerum naturalium principijs in genere, atq; tribus eorum conditionibus.

C A P. I I I I.

DE numero & assignatiōe principiorū rerū naturalium, varie admodū senserunt veteres Philosophi, quorum vt nō est admodum operæpretiū, ita neq; propositū singulas sigillatim sentētiās adducere, aut errores impugnare. Si quem fortē oblectant eiusmodi, is Aristotelē consulat 1. Physic. lib. quem de principijs rerū naturalium scripsit, & abunde illi (ni fallor) forsitan & vsq; ad nauseā, erit satisfactū. Nos verò Aristotelis sententiā (qui cæteris certiora magisq; cōsentanea in Philosophicis reb⁹ descripta reliquit) in sequētes atq; adeo veritatē ipsam quā fideiū doctorū omniū vnanimis firmat cōsensus, duo tantū rerū natural

turaliū principia ponimus, nēpe materiā & formā, q̄ substantiāliter (vti suprà dictū est) rē naturalē cōstituūt. Priuatio eī, tāctū (vt pōst dicetur) principiū trāsmutationis rerū naturaliū admittat, nō tamē principiū rerū naturaliū admitti debet, cū res naturales ex priuationē nō cōponant.

Principia igitur prima rerum naturalium sunt quæ neq; ex sese mutuo, neque ex aliis fiunt, & ex ipsis omnia esse oportet.

Ex qua descriptione tres colliguntur eorū cōditiones: *Tres conditiones principiorum posite ab Aristote.* quarū prima est, vt simplicia sūt penitus, & ex aliis nō cōposita. Quod intelligi debet de partibus alterius ratiōis, siue de partibus essentialibus. Nā materia oīs, ex partibus cōponitur tanquā integrantibus ipsam, non autē ex partibus alterius rationis siue essentialibus. Quælibet eī, materiæ pars, eiusdē rationis & speciei est penitus cū tota ipsa materia. Nō tamē cōponitur ex aliis partibus essentialibus, quasi ex alia vltcrius materia ipsa cōponeretur: alioq; processus fieret in infinitū. Sic & formæ substantiales oīm rerū naturaliū, præter animā rationalem, partes habēt integrantes ex quibus cōponuntur. Sunt tamē etiā ipsæ rerū principia, neq; ex vllis partibus essentialibus cōponūtur.

Secūda cōditio est, vt non cōponātur ex se inuicē. Materia enim nō est ex vlla forma cōposita, neq; formā vllā in se habet ex qua cōponit, neq; itē forma, materiā habet pro parte sui. Ex quo patet, secūdū eos q̄ formā corporeitatis distinctā ponūt in corporibus à formis vltimis, cōpositū illud ex materia prima & forma illa corporeitatis, nō esse principiū rei naturalis, tāctū si pars sit ipsam cōponēs, qm̄ simplex nō est, sed ex materia & forma cōpositū. Tertia verō cōditio est, vt ex ipsis res oēs naturales substantiāliter cōstituātur. Quā cōditionē manifestū est materiæ, & formæ cōuenire. Oīs siquidē res naturalis, ex materia, & forma, tanquā ex partibus essentialibus, atq; substantiāliter cōstituitur. Huius autē cōditionis defectu, formæ artificiales (vt forma statuæ) principia nō sunt, qm̄ ex ipsis nulla res naturalis cōponitur, sed tātum artificialis, vt ex forma statuæ cū materia cōponitur statua, q̄ est opus artis, nō res naturales. Hic animaduertēdū est, illud esse principiū rei naturalis, ex quo videlicet ipsa res (tanq̄ pte essentiali)

intrin

intrinseco cōponitur: iuxta interpretationē conditionum positarū, & principiū transmutationis rei naturalis: quod videlicet ad rei naturalis generationē seu productionē requiritur: siue in generato postmodū maneat, siue nō. Priuatio siquidē formæ substantialis ad generationē requiritur: in producto tamen nequaquā mansura. Nihil enim potest generari substantiale, absq; formę præexistētis in materia expulsionē. Nā ex homine cadauer nō fit, nisi ratio nali anima migrāte: nec ex aëre aqua, nisi aëris forma substantiali cedēte. Siquidem incōpāsibiles hæ formæ sunt. idem in cæteris videre est. Sunt itaq; tria transmutationis rerum naturalium principia. sed non item tria rerum naturalium principia. Duo enim sunt, & non plura.

De materia, vt est alterū principiū rerū naturalium. CAP. V.

Aduertēdum est autē hoc loco, cū materiam dicimus rerū naturalium esse principiū, eamq; alteram esse naturā, accipi debere nō (vt vulgo solet) pro qualibet materia etiā artificiali, quemadmodū aurum, argētum, siue lignū statuae ex aliquo ipso rū factæ, dicitur esse materia. Pro quo est intelligēdum duplicē distingui solere materiam nempē primā, & secūdā. Secūda materia dicitur, quæ ex alia vltius materia tāquā ex parte essentiali cōponitur, neq; pura potētia est, sed formam etiā in se includit, vt partē substantialem sui. Quēadmodum cum in exemplo suprā adducto, aurū vel argentū dicitur materia statuę aureæ siue argēteæ, quoniā ex ipsa & forma per artē introducta, una cōponitur res artificialis, quę statua dicitur. Nō est tamē aurū materia prima, sed secūda tantū, quoniam priorem habet aliam, in quam vt in partē resoluitur, ex qua simul cū forma sua substantiali cōponitur. Sic itē cōpositū ex materia prima & forma corporeitatis, materia prima nō est, sed secūda tantū. Atq; hanc quidē materiam secūdā, nō est difficile ne rudibus quidem intelligere. Cæterum ad intelligendū secūdū veritatē & proprietatē, quid sit prima materia, quæ hīc natura esse dicitur, & principiū alterū substantiale rerū naturalium, subtiliorē adhiberi oportet mentis contēplationē, & intelligentiæ acie fixius intendere. Neq; satis rectē potest intelligi, nisi per comparationē ad formā, quēadmodū ait Aristoteles, materiā per analogiam ad formam esse

esse cognoscibilem, id est; per comparationem & relationem ad formā, sicut & omne relatiuum per collationem cum suo correlatiuo melius atque perfectius intelligitur, neque satis vnum absque altero potest agnosci.

*Quid sit materia prima, & quomodo cognosci debeat, quodq;
non sit propriè ens nominanda.* CAP. VI.

EST igitur materia prima, primū vniuscuiusque subiectū, ex quo quippiam eo fit pacto, vt non per accidens insit: & si corrumpitur, ad hoc vltimum sanè proficiscetur.

Quorū verborū hæc est sentētia, materia prima est subiectū primū & vltimū omnis formæ, tam substantialis quā accidentalis, & velut nouissimū substerniculū, quod in se formā substantialem recipit, formæq; substernitur, cū ea rem naturalē pariter componens, ita vt si quā rem naturalem per ablationē omniū formarum corrumpere contingeret, ad ipsam materiā nudā deueniendū esset. verūm hoc impossibile, quemadmodū & ipsam materiam omni forma spoliari. Vbi cū dicitur subiectum primum & vltimū, excluditur omnis materia secunda. Ipsa enim tametsi alterius formæ subiectū sit, subiectū tamē primum siue vltimum nō est, quod ex sua materia & sua forma tanquā ex partibus cōponitur, sed vltērius siue prius subiectū habet, illud formæ habitaculū & substerniculū, quod in re formam nullā habet tanquā sui partem, sed tantum accidentaliter velut hospitem recipit formam substantialem, vt vnā cū ea nō seipsam, sed rem naturalem cōponat. Materiam ergo primā intelligere volens, ad illud substerniculum vltimū debes intellectū cōuertere, in quo nō includatur tāquā pars eius vlla omnino forma. Donec enim formā singul intelligis vt partē, materiam primā nō cōcipis.

Materia enim ex sese pura potētia est, & quasi nihil per se, hoc est, nullā formam sibi habens intrinsecam, ex qua cōponatur neq; ad aliquod particulare esse determinata, cū formā nullā habeat intrinsecā, cui⁹ est dare esse determinatū, sed fieri ex ea potest quodlibet, secundū adueniētium formarū varietatem. Itaq; per se quidē nihil esse videtur materia, nec simpliciter eius dicenda, neq; simpliciter res, neq; bonū, sed quasi nihil. Est enim nihilo vicini-

*Materia pri-
ma nihilo
vicinissima.*

fima & inter oīa quæ à deo creata sunt aut facta, imper-
fectissima. Quare inter omnia, ab optimo & summo & ve-
rissimo ente Deo dño quàm longissimè distat, cū ipse sit
esse plenissimū & perfectissimū, actusq; purissimus nihil
habēs potētiae admixtū. Illa verò est mera potētia, nullā
habēs essentiae stabilitatē, nullūq; propriū esse, sed à for-
ma tantū quodāmodo esse mutuatur accidētale, vt quoties
de forma in formā trāsit, toties suū quod habet accidēta-
riū esse, cōmutet. Quēadmodū accidentiū subiecta, quo-
ties de accidēte in accidēs transeūt, prius esse accidētale,
quod secundū formā abeuntē habebāt, perdunt, & nouū
esse accidētale, secundū qualitātē aduenientē, acquirunt.
Veluti cū homo qui albus erat, fit niger, perdit esse albū
quod habebat, & acquirit esse nigrū quod nō habebat. Ita
cū materia prima de forma aque sub qua fuit, mutatur vt
sit sub forma ignis, desinit esse materia aquæ, & fit ignis.

*Quemadmodum materia non sit actiua, & à Deo longissimè
distet.*

CAP. VII.

Illud verò de materia diligenter cōsiderandū est, quòd
mera potētia sit, nihil actus in se essentialiter habēs, ac
proinde susceptiua tantū est atq; passiua, nulla autē ratio
ne actiua. Forma enim est à qua est esse, ipsa etiā est à qua
omnis procedit actio atq; motio, & omne quod agit, per
formā agit: quemadmodū & omne quod est, per formam
est hoc ipsum quod est. Vnde quāto formę rerū sunt per-
fectiores, tanto res ipsæ quarū sunt formæ, nobiliores ha-
bēt actiones, atq; dispositiones perfectiores. Quēadmo-
dum anima rationalis (quæ est omniū formarū nobilissi-
ma) nobilissimas dat homini præ omnibus creaturis ope-
rationes, quēadmodū & cœlestes formę, suis corporibus
dāt potētissimas. Vnde & formæ illæ immateriales (cœle-
stes dico spiritus) quæ sunt formæ per se subsistentes, &
actus puri, nō potētes cū materia cōmisceri, potētia atq;
virtute lōgè superant cætera creata omnia, atq; adeò ra-
tionalē ipsam animā, quatenus cū materia habet naturale
cōmerciū. Et super omnia benedictus deus qui est forma
perfectissima & actus purissimus, super oēs formas alias
creatas, materiales & immateriales, nihil prorsus habens
admixtū potētiae, in infinitū potētia, virtute, sapiētia, & o-
mnibus perfectiōibus supereminet creatis omnibus quā-
tum

tumuis in suo genere præcellētibus. Qua in re meditatio sese offert nō iniucūda, ei qui in materiā velit tanquā entium infimū & nouissimū ac nihilo proximū, cū Deo qui est entiū primū supremum atq; perfectissimū, & à nihilo prorsus elongatissimū, velut ex opposito comparare atq; contrā opponere. Quemadmodū enim materia, pura existens potētia, nihil habēs in se actus intrinseci, omniū maximè passiuā est, & tantū passiuā, nulla verò ratione actiua: sic ex aduerso deus purus actus existēs, & forma perfectissima, nihil omnino habens admixtū potētix, maximè actiuus est super omnia (iuxta Apostoli dictū) in omnibus operans omnia, nulla tamē ratione passiuus, vt à quouam quicquā possit suscipere. Et quemadmodū materia cū ab omni agente naturali passibilis sit, & ad quælibet suscipiēda indifferens, quæcunq; à quodlibet fuerint prædomināte agente impressa, nō pōt tamē per se quicquam omnino agere: ita e contrario Deus cū ad quælibet agēda sit indifferēs, & omnis actionis principiū, omnia agens ac mouēs pro suo libito, nō potest tamē pati quippiā à quouis agēte, imò nec à seipso, quemadmodū nec in seipsam aliquid agere potest materia. Et quemadmodū cū multa accipiat in sese materia, nihil tamē ipsa cuiquā donat: ita ecōtrario omnipotēs Deus cū omnia donet omnibus, omnibusq; rebus suum esse instillet, & ceteras perfectiōes omnes dispēsēt, nihil tamē ipse à quoquā accipit, neq; accipere potens est. Est ergo materia, omniū entiū imperfectissima, à Deo quā lōgissimè distans, & nihilo atq; non enti vicinissima, neq; vicinius quicquā nihilo potest imaginari homo, aut Deus fabricare. Imò nō ens simpliciter dicenda est, & nō ens in actu, sed tantū ens in potētia, tali nimirum diminvente determinatione adiecta.

Quomodo Deus materiam creare potuerit, & an dignum fuerit, tam imperfectissimā rem illum creare. CAP. VIII.

CVM autē inter agens & effectū oporteat esse similitudinē, forsitan mirū cuiquā videri poterit, quemadmodū Deus perfectissimus atq; purissimus actus & forma simplicissima, aut potuerit aut voluerit hāc impuram potentiā creare. Nā inter infinitam & purā formā, & finitam potentiā nihil actus habētem, nihil apparet similitudinis. Soluitur autē ista dubitatio hoc pacto, quoniā ma-

Transuectio in considerationē diuinæ perfectiōnis.

I. Corin. 12.

Quæstio.

Solutio quæstionis.

tertiã nō per se creauit Deus, quasi ens aliquod per se subsistēs, aut quasi hoc aliquid: sed cōcreauit potius cū re naturali, cuius in creatione erat materia, fecitq; eã Deus esse sub forma, quã in se recipit, sub qua quodammodo esse habet, atq; ita etiã quodammodo Deo assimilatur, quatenus est sub forma ipsius rei naturalis, cui ipsa substernitur. Neq; simpliciter creatura dicenda videtur, neq; simpliciter creata, sed potius cōcreatura siue cōcreatū aliquid cū re naturali. Ex quo cōsequi videtur satis manifestè, quòd ab initio cōditionis rerū Deus materiã non fecerit, neq; creauerit absq; formis substātialibus, sed omnē materiã sub aliqua certa forma produxit, cœlestē quidē materiã sub forma cœlorum, elemētarē verò sub forma elemētorū, tametsi formis vlterioribus, per subsequētes sex dies diuinæ operationis, postmodū fuerit cōpleta. Ex hoc etiã patet, materiã non posse sine forma secundū naturã existere, neq; esse possibile, vt materia omni prorsus forma sit nuda atq; spoliata, neq; vna vnquã posse spoliari, nisi adueniēte altera, Imò neq; Deum hoc posse (vt materiã videlicet sine forma creet, aut cōcreatā per se seruet absq; omni forma) probabilis quorūdā sentētia est. Aiūt enim, à quo omnis forma aufertur, ab eodē similiter omne esse auferri, cū forma sit, quæ dat esse rebus. Aliis cōtrā sentiētibus, Deo nō esse impossibile, quod natura possibile nō est, sed potuisse Deū & ab initio sine forma creare se materiam, & etiã nunc eã sine omni forma seruare, licet sub forma creatā. Vtra verò sentētia sanior debeat haberi, nostro nō stat iudicio: quapropter utrāq; in sua probabilitate relinquimus. Nemo verò existimet Deo perfectissimo indignū, quòd tã vilem rē creare voluerit, quæ sit nihilo vicinissima: Imò verò hac in re admodū magnificauit potētiã suã qui est omnipotēs, dū eã sic demonstrat validã, vt possit etiã in vltimū illud & imperfectissimum quod à sua essentia quàm longissimè distat, attingens à fine vsque ad finem fortiter, id est, à perfectione naturæ angelicæ, vsque ad imperfectionem huius propè nihili.

Nulla creata virtute fieri posse materiam, sed in omni actione naturaliam presupponi.

C A P. I X.

Dictum Aristotelis notandum.

N Vlla verò est tam potēs creatura, quæ possit creare vel minimã quātitatem materiæ. Infinita enim hoc est

est virtutis tantum, nempe diuinæ, facere aliquid ex nihilo, quemadmodū innuit Aristoteles, cū ait, ex nihilo nihil posse fieri. Nā si creatura aliqua materiā primā faceret, necesse esset illā ex nihilo fieri, sicq; creati. Nō potest autē creatura creare, neq; ex nihilo quippiā efficere. Potest enim creatura cū influxu dei cooperāte, tē quē aliqua lis est in potētia, efficere vt talis sit actu, quēadmodū ignis ex ligni materia, quē est in potētia ad formā ignis, potest facere ignē actu, introducēdo in eā, formā suę formę simi lē. Cæterū quod in potētia nō est, creatura facere nō potest vt potētia sit. Hæc ergo causā est quare cū agēs naturale aliā rē naturalē possit efficere, quēadmodū de igne aliū ignē producere iā mōstrauimus: materiā tamē produ cere nō potest, quoniā maioris potētix est hoc, quā illud. In omni itaq; actione quæ sit à re naturali, præsupponitur materia, in qua forma suscipiatur: quēadmodū & omnis artifex, nō nisi ex materia quicquā efficit, neq; itē agēs naturale quodcūq;. Quēadmodū ignis nūquā nisi ex præiacēti materia ignē facit. Sicut autē diximus de creatione, ita & de annihilatione dicēdū est. Rem enim quæ actu est aliquid, potest agēs naturale efficere, vt talis actu nō sit: hoc est, potest formas rerū destruere atq; expellere, nō potest autē efficere, vt res potētia talis nō sit. Illud enim (nē pe formā expellere ex materia) finitæ virtutis est. Hoc ve rò (scilicet materiā in nihilū redigere) infinitæ, quæ nulli cōpetit creaturæ. Quin & illud probabilior tenet sentētia, nō posse talē aliquā creaturā à deo, licet potētissimo, creati, cui virtus illa cōpetat creādi siue annihilandi: neq; virtutē hanc ulli creaturę quātūvis nobilissimæ siue creatæ, siue creandæ, cōmunicari posse, sed eius solius omni potētix conuenire. Solus est deus in cœlestibus sursum habitans, qui potuit vniuersam hanc mundi machinā & molem permaximam, ex nihilo & materia nusquā præi uenta creare, & eandē potest, cū voluerit, etiam nūc vsq; in nihilū redigere. Subest enim illi, cum voluerit, posse. Sap. 12.

*Ex materia ingenerabili & incorruptibili secundum sese, transi-
tur ad diuinitatis considerationem.*

CAP. X.

Meditari hoc in loco possumus, quā sit stabilissimus in sua essentia Deus, actus purissimus & perfectis-
simus, ipsūmq; suū esse infinitū existēs, si sic permanet sta

b 3



bilis, quātum ad se attinet, imperfectissima ista materia, quæ à Deo est longissima, & nihilo vicinissima, sola sic eā conseruante diuina volūtate. Tamen enim secūdm formas tam substantiales quā accidentarias plurimū ipsa varietur accidentaliter, in se tamen essentiali mutatione & intrinseca manet prorsus inuariata, neq; corruptioni est aut generationi, vt cetera corpora naturalia inferiora, subiecta, adeò vt ab initio creationis rerū, de immensa illa mole materiae, sub qua creata fuerūt cœlū & terra & quæ in eis sunt omnia, nulla materiae illius particula ne minima quidē deperierit, actione naturalis agētis, quæ ad modū neq; minima particula adiecta est, eadē virtute. Idq; nō ob aliud, nisi quòd secūdm suā existentia vel nō existentia, soli subit diuinæ volūtatī: agentibus verò, naturalibus, nō nisi secūdm formarū & accidentium transmutationes, est subiecta. Quātūvis enim humana potētia se uiat, quantūvis ad perditionē omnimodā conetur, nūquā vsq; ad annihilationē pertinget. Poterit quidē efficere vt moriatur homo, & quæ materia erat hominis, iā esse incipiat materia cadaueris. deinde & hoc poterit, igne adhibito cadauer ipsum in cinerē atq; puluerē redigere. Verūm etiā si mille syluas in vnus consumptione cadaueris adhibeat, ad hoc nequaquā pertingere valebit, vt puluerē annihilaret. Dispergere quidē poterit in aērē, aut in aquā, aut in terrā abdere: facere autē vt aliquid materiae perdat, in omni virtute sua & cōsilio nō poterit. Atq; hinc rursus ratio humana cōsideret, si omnis creata virtus aduersus ipsum quod est omnium vilissimū non possit præualere, quòdque est nihilo proximū ad nihilū nō potest reducere is qui est actus purissimus, forma perfectissima, esse infinitū atq; plenissimū, quiq; est à nihilo in infinitū elōgatus. Deus omnipotēs, quā sit prorsus creatæ omni virtuti subiectus, & quā aduersus illū omnis creata virtus, etiā si millecuplo augmentetur, omnino nihil præualere possit.

Conscriptio in vinisum Dei affectum, ex precedentium contemplatione mirabilium.

CAP. XI.

Tibi ergo soli domine Deus, debetur creatiōis honor & gloria. Tu solus nō es quopiā, vt tibi preparēt in tuo opere materia. Nihil erat mūd°, & solo eū verbo scitasti, p̄diitq; de nihilo hæc amplissima creatura. Sed nec
quis

Alia contemplatio.

Gen. I.

quisquā est, qui nobis possit auferre vel pilū de capite, vt *Luc. 21.*
 in nihilū pereat, præter te, qui solus es potestatem habēs cre
 andi & annihilādi. Quare ergo piissime domine, timebim⁹
 vllā huius mūdi potestatem: cū nec animā interimere, nec *Matth. 10.*
 corp⁹ annihilare valeāt. Vnū hoc tu domine reliquisti im
 piis persecutorib⁹, vt possint animā te sitiētē ab inimica se
 dissimāq; carnis hui⁹ molestia separare. Quo qd possit ho
 mini te verē agnoscēti grati⁹ euenire? Ceterū, neq; corpus
 neq; animā creata vlla potestas annihilare pōt. Igis in te
 domine sperantes, tuoq; validissimō fulti auxilio, nullā
 omnino mūdi huius pertimescimus quātūvis præcellētē
 potestātē, illud firmissimē sciētes, quoniā tua virtus super
 uincit in immensum, sed confidēter in doctrina benedicti *Tit. 2.*
 filij tui perstamus, expectātes beatā spē, & aduētū tuū glo
 riosum, ō maxime deorū Deus, quē ipse repromisit nobis.

*De forma vt est alterum principium rerum naturalium & obiter
 de materia cælestium atque inferiorum, an eiusdem sint spe
 ciei.*

CAP. XII.

QUod ad materiā pertinet, res omnes cognatæ sunt, &
 secundū speciē aut genū penitus indiūctæ. Siqui
 dē in omnibus naturalibus, præcipuē inferioribus istis vna
 est eadēq; materia. Nā de materiā cælestiū corporū, pro
 pter ipsoꝝ incorruptibilitatē dubitari solet, ob hoc potis
 simū, quod nō videatur cælestiū corporū materia esse alie
 narū impressionū susceptiua, neq; videtur transire de for
 ma in formā, sed perpetuō sub eadē forma, eiusdē dispositio
 nibus permanere: quod lōge est à materiā corporū horū
 inferiorū, elemētariū atq; mixtorū. Qua ratione permo
 ri opinantur quidā, distinctionē esse ponendā specificā
 vel genericā, inter materiā cælestiū ingenerabiliū & in
 corruptibiliū, & inter materiā elemētōrū atq; ceterorū
 mixtorum generabiliū & corruptibiliū. Aliis ecōtrario di
 centibus, nō esse ponendam distinctionē vllam talē, siue
 genericā, siue specificā: sed omnē materiā eiusdē esse ratio
 nis; aliis dicētib⁹, illā cælestis materiē intrāsinutabilitatē
 nō ex ipsa sua natura puenire, sed ex cōditione & virtute
 formarū in ipsis inhabitatiū, quib⁹ tātū Deus naturē virtu
 tē cōtulit, vt nullā extraneā imp̄sionē patiātur materiā in
 qua create sūt, suscipere, neq; de forma in formā transire: quē
 admodū in reb⁹ quoq; naturalibus videm⁹, quasā ex sua

*Contrarie
 opiniones de
 materia cæ
 li-*

natura ad annorū centenarios perdurare secundū formā inuariatas, dum aliæ breuissimo intereāt spatio, quod nō dubiū est ex formarū prouenire varietate. Quāquā aut his modis de materia cœlestiū & inferiorū diuersa sententia est, illud tamē vno ore astruunt omnes, rerum inferiorum omniū vnā eandemq; esse materiam, atq; ita quantum ad hanc, esse secundū speciem indistinctā. Cæterū, ipsa rerū abinuicē distinctio substantialis atq; specifica, à formis est substantialibus. Siquidem forma est, per quam res actu est, & incertā aliquā specie redigitur, quæ ex materia prorsus indeterminata est, & in potētia ad quodlibet. Forma itaq; ī materia suscepta & pducta, cū ea pariter rē vnā substantiāliter cōponit, & materiæ quodāmodo esse cōmunicās accidentaliter, & cōposito dās esse substantiāliter & essentialiter. Ab anima enim rationali habet homo, vt homo sit: materia verō prima, tātū hoc, vt materia hūana sit.

Ex massa cereæ & impressione sigilli per analogiam declaratur formæ officium.

CAP. XIII.

Analogia.

VT autē clarior fiat formæ cognitio, analogiam quādā & cōparationē assumimus ceræ & formæ sigilli, per quā vtrūq; comprehendī poterit formæ officium atq; natura. Sicut enim massa ceræ ex se nullā habet imaginē aut formā, sed iuxta sigilli variā sculpturā nata est suscipere diuersas formas, siue hominis siue leonis imaginem, siue alterius cuiuslibet animalis, dū tñ sub vna qualibet est, pariter nequit esse sub alia nisi prior abiiciatur, vt cū in cera impressa est leonis imago, nō pōt in eā introduci hominis imago, donec abiiciatur prior leonis, successiue tamē indifferēter quālibet suscipere pōt impressionē. Ita sane materia, ex sese ad omnē prorsus formam indifferēs est & indeterminata. iuxta aut agētis supra ipsam dñum obtinētis naturā, impressionē recipit formę. iuxta aut formę varietatē esse variū suscipit. Forma verō esse accidentariū dat materiæ, & eius indifferentiā suo aduētū sic stringit, vt pariter secū aliā suscipere nequeat. Quod quidē de formis vltimis debet intelligi. Nā inconvēniēs nō est plures formas substantiales simul eidē inesse cōposito, cū ambæ nō vltimæ fuerint, aut etiā cū altera fuerit nō vltima. Quēadmodū forma corporeitatis, secundū eos q eā distinctā ab vltima forma in omnibus corporibus ponūt, simul est

est cū anima rationali, & secūdū eorū sententiā qui tres animas distinctas reponūt in hoīe, simul sunt anima vegetatiua, sensitua, & ratiōalis. Formas aut vltimas, impossibile est eidē simul inesse, cuiusmodi sunt forma hoīs, equi, & asini, forma ignis & aquæ. Successiue tamē pōt quālibet formas quātūvis cōtrarias æquē recipere. modo adsit agēs qđ formā introducat, alia quæ prius inerat expulsa.

Quomodo forma esse aut nō esse dicēda sit. CAP. XIII.

Rursum & illud in proposita analogia aduertēdū est, quod sicuti figura illa aut forma quæ in ceræ massa per sigilli impressionē relinquitur, non apparet esse in sigilli imprimētis sculptura: ita forma cū det esse reinaturali, ipsa tamē nō hoc esse dicitur, quod cōposito donat vt sit. quēadmodū (exēpli gratia) donat homini anima rationalis, vt homo sit, ipsa tamē homo nō dicitur, neq; est. Imo forma cū det esse rebus, ipsa tamē nō tā esse per se, quā cōexistere vel inesse dicēda videtur. Nō enim est forma, eo modo, quo hoc aliquid siue cōpositū naturale est, aut quasi per se subsistēs, sed tanquā inexistēs, quēadmodū de accidētē dici solet, quod eius esse sit inesse. Accidēs enim quodlibet esse dicitur, nō quia ipsum per aliquid est, quō res naturalis, per formā est: sed magis quia per ipsum, subiectū cui inest, aliquale est. Sic etiā substantialis forma, eatenus est, quatenus per ipsam res naturalis est, nō quatenus ipsa per aliquid est, vt magis propriē dici debere videatur ipsa inesse rei, aut rē informare, quā simpliciter esse. Loquimur de formis purē naturalibus, & quæ nullā habēt per se subsistētiā. Rationalis etenim anima, quatenus per se subsistēs à corpore separatim pōt permanere, eatenus, per se ens nō solū inexistēs, rectē noīari pōt. Et formæ illæ in materiales angelicæ, per se entia, & quidē nobilissima entia sunt. Super omnia verò forma illa purissima, & actus perfectissimus atq; inestimabilis, ens primū est atq; supremū, imò totius essentia plenitudo, nō per se tātū felicissimē subsistēs, sed omniū in super rerū essentias, in suo esse plenissimo, benignissimē cōtinens atq; concludens.

Comparatur forma aliquatenus cum Deo secundum similitudinem & vicinitatem.

CAP. XV.

Quemadmodū verò suprà diximus de materia, quod à Deo quā lōgissime distet, & penē nihil habeat cū

illo similitudinis, ita e contrario de forma videtur eam ni-
 mirū esse Deo ad similitudinem: Deoq; vicinam, cum sit etiam ipse
 forma quēdā perfectissima, & actus purissimus. Neq; diffi-
 cile fuerit ei qui recte intellexerit suprà positā materiæ ad
 Deum comparationē quę secundū dissimilitudinē fiebat,
 formæ quoq; ad Deū per similitudinē applicare. In omni-
 bus enim iis cōparari forma secundū similitudinē cū Deo
 poterit, in quibus materia dissimilis fuit declarata, tamen si
 in immensum semper excellat diuina perfectio, & in infini-
 tū ab ea deficiat formę similitudo. Nō fuerit autē iuutile
 ad formę clariorē habēdā notitiā, & potissimū ad Dei per-
 fectiorē aliquanto habēdā cognitionē, adinuicē ista cōpa-
 rare, & in quib⁹ similitudo sit atq; etiā dissimilitudo ostē-
 dere. Deus itaq; sicuti actus purus est & simplicissimus, ex
 materia nō cōpositus: ita & forma rei naturalis actus pu-
 rus est & simplex, ex materia nō cōpositus. In hoc tamē à
 Dei perfectione deficit, quoniā cū materia quę est potētia
 pura, cōmunicat atque societate habet in ea inhabitās, &
 cū ea pariter rē naturalē cōponēs, cū Deus nullā omnino
 potentiam secū admittat, neq; cōpositionē sciat. Rursum
 quēadmodū Deus summē actiuus est, omnia operās in o-
 mnibus, quatenus actus purissimus & perfectissimus atq;
 infinitus, ita forma omnis substantialis, virtutē habet agē-
 di, operatūq; in corpore omnia quę sunt rei, quam cōsti-
 tuit, cōueniētia. Verū in hoc deficit, quod limitata sit eius
 actiuitas, vt nō quēlibet possit effectū indifferenter ope-
 ri, sed tantū quę rei cōueniūt quā componit, cum Deus
 infinita & illimitata sua virtute operetur omnia in omni-
 bus, & nulla omnino sit actio, quę ab eius non emanat
 immensa virtute. Iterū in hoc cum Deo cōuenit, quoniā
 principiū actiuū existēs, pati nō potest, neq; aliunde quic-
 quā suscipere. Sic enim forma principiū tantū actiuū est,
 nō autē passiuū, quomodo materia tantum passiuā est, nō
 autē actiua. Neq; ipsa alias nouit in se formas, potissimū
 corporeas suscipere, neq; secundū eā res naturales patitur.
 A diuina tamen perfectione adeo deficit, vt etiā ad corru-
 ptionē, cōtrariante virtute perueniat, cū eā prædominari
 cōtigerit. Amplius, quēadmodū Deus esse donās rebus, &
 omnia omnibus elargiēns, nihil ipse recipit, neq; recipere
 potens est: ita forma substantialis cum esse donet rebus,
 atque

atq; ipsi etiā materiæ, & omnia in eis quæ conveniunt ope-
retur, atq; elargiatur, ipsa tamē à materia vicissim nil re-
cipit. In hoc tamē deficit, quoniam ille omnia largitur o-
mnibus, hæc autē suo tantū cōposito atq; etiā peculiari-
ter, quantū ad materiā, nullū illi donat esse intrinsicum,
cū Deus rebus omnibus hoc ipsum donet, quod substan-
tialiter sunt. Et Deus quidē nec recipit aliquid ab iis qui-
bus benefacit, neq; commodum vllū accipit. Forma verò
in materia, vt in domo necessaria inhabitat, & ea vtitur
vt officina, extra quam prorsus nec existere possit, neq;
quicquā operari nihilò certē amplius quàm materia ipsa
sine forma. Patet ergo, quēadmodum forma Deo sit adsi-
milis, eiq; secundum qualemcunque similitudinem, tamē
et si deficientem, vicina possit demonstrari.

*Quemadmodum materia dicatur appetere formam, tam absen-
tem quàm presentem.*

CAP. XV.

SVperest nunc, de mutuo amore atq; appetitu materiæ *Appetitus
varius.*
ad formā, & formę vicissim ad materiā, vt aliquid dica-
mus. Neq; eū nihil huius rei cognitio, Dei gloriā magni-
ficabit. Aduertēdū ergo est, quòd sicut rationalibus crea-
turis Deus appetitū dedit rationalē, quæ voluntas nomi-
natur, per quā ea quæ secundū rationem sibi cognoscunt
utilia appetūt, absentia desiderādo, præsentia amando, ea
verò quæ inconvēnientia fugiūt, absentia detestādo, & de
præsentib⁹ tristādo: brutis verò animātibus appetitū sen-
sitivū, quo ea quæ per sensum vt cōmoda apprehendunt,
prosequerentur, itidē & inconvēnientia fugerent: sic rebus na-
turalibus sensu atq; ratiōe carētibus, naturæ autor Deus
naturalē quendā instillavit indiditq; affectum siue appe-
ritum, atq; desiderium, quo res quælibet naturaliter suā
perfectionē appetit, atq; id quod sibi secūdū naturā cōue-
niēs est, diligit, ita vt si adsit, in eo cōplaceat, & velut oble-
ctetur: si verò absit, desideret, atq; ad ipsum acquirēdum
quantū ex se est, tēdat atq; conetur. Quemadmodū aqua,
naturaliter frig⁹ desiderat, & locū deorsum. Et quē vbi p-
sens adest frigiditas, oblectat & gaudet in ea, eāq; quoad
valet servare conat. Si forsità abfuerit, ab extrinseco nimi-
rū agēte expulsa, nō qescit donec illā rursū in sese recupe-
ret. Sic lapis si in naturali est loco, qescit & oblectat in eo
sine violētia. Si verò extra illū alibi detineat, desiderabit
nihilò

nihilominus eundē, & ad eum quantū ex se est conabitur vt tēdat atq; perueniat: mōxq; vbi fortē impedimentum ipsum detinēs fuerit subtractū, illuc motu festinabit, quō prius tēdebat desiderio. Hoc modo imperfectū omne (vt diximus) suā amat perfectionē, & illud appetit, atq; desiderat, à quo habet perfici. Quapropter, cū ex supradictis euadat manifestū, materiā accipere suā quādā perfectionē à forma, per quā nimirū eius infinitas finitur, & indifferētia stringitur atq; limitatur, & à qua esse accipit accidentariū & accidentarias alias dispositiones, quib⁹ suo quodā modo perficitur, nō est difficile intelligere, quo modo materia formā appetat ac diligat, ita vt absente desideret atq; ad eā tendat: præsente verò amet, inq; ea cōplaceat, nēpe vt id quod imperfectū est, suā appetit perfectionē.

Quemadmodum forma appetat materiam. CAP. XVI.

Ceterū, quomodo forma perfectior, materiā rem imperfectissimā ac nihilo vicinissimā appetat, mirum forsità cuiquā id videatur. Oritur autē hęc admiratio ex humani cordis peruersitate. Sic enim vani sunt filij hominū, vt nō ament neq; desiderent nisi eos à quibus emolūmētī aliquid sperēt. Neq; nisi vilē hūc nouerūt & mercenarium amorē, quo materia formā & inuicē se filij huius seculi amant. Nimirū vilissimis rebus & infimis (materiæ, & crassis carnalibus) vilis eiusmodi & infimus cōpetit amor. Ceterū, est præter illū alius amor longē nobilior, quo perfectū omne imperfectū amat atq; desiderat, non vt ab ipso accipiat aliquid, sed in hoc magis vt ipsum perficiat. Et sic sanē forma gaudet egēti atq; nudæ materiæ, quod ab optimo creatore accipi gratis, libenter elargiri, quasi intelligat bonum quo cōmunius, eo melius ac perfectius esse. In hoc enim diuinæ largitati multū assimilatur, quæ nos nō ob nostra diligit (si quidē bonorum nostrorū ipsa nō indiget) sed ob seipsam potius diffundēdam, suāmq; immensam bonitatē in nobis communicandam. Quanquā ex supradictis constet, materiā etiam formæ esse necessariā, & maximo omnino vsui, vt in ea habiter, & quasi in officina omnem suā operationē operetur atque seruet, vt hac quoq; ratione ipsam meritō debeat experere, quemadmodum non solum fœmina appetit virum, sed econuerso vir etiam, licet perfectior, fœminam.

Propo

Psal. 15.

Proponitur quæstio de rationali anima, an etiam ipsa materiam appetat.

C A P. X V I I I.

VErū, quantū ad hanc rē attinet, peculiaris quardā du-
bitatio de rationali anima (quæ forma substantialis
est hominis) moueri rationabiliter potest, nū etiā ipsa, vt
cæteræ substantiales formæ, à materia inseparabiles, mate-
riā appetat naturaliter. Videtur enim & ratione & autori-
tate mōstrari, quòd ipsa magis odio debeat erga corpus
affici, in quo inhabitat. Ratione quidē sic. Omnis eī res,
naturaliter in eo magis statu esse desiderat, in quo sibi
melius esse sentit, & in quo operationes sibi cōuenienter
magis debite, magisq; rite possit exercere. Rationalis autē
anima, per corporis huius crassitiē ita obuoluitur, vt ope-
rationes suas nobilissimas quas habet, nēpe intelligere &
velle, minus rectē possit exercere, quā si ipsa à corpore fo-
ret separata. Sic enim anima rationalis corporis crassitiē
impeditur, quō oculus alioqui rectē dispositus, pellicula
obuolut^o clare rē ipsam cernere nequit. Iuxta illud sapiē-
tis, Caro quæ corrūpitur, aggrauat animā, & deprimat ter-
rena inhabitatio sensum multa cogitatē. Videtur ergo aīa
naturaliter desiderare magis, vt à nube carnis hui⁹ separe-
tur, q̄ vt ei cōiungatur. Neq; præsens corpori videtur in
eo posse oblectari, neq; absens ipsum desiderare, quod in
præstantissimarum suarū operationū exercitio sibi nouis
præbere impedimentū. Rursum, videmus formas illas im-
materiales spiritus cœlestes materiā nō appetere. Videbi-
tur ergo & anima rationalis, tæcti forsitan in materia o-
blectetur, donec in ea inest, cū tamē fuerit separata, iā il-
lis modo quodam per se substitēdi assimilata, nō vltrā ad
materiā trahi desiderio: Accedit his, sanctarū scripturarū
autoritas, sanctorūq; patrū testimonia. Beatus eī Paulus
dissolui cupit, & corpore magis exui, vt Christo dño pos-
sit cōiungi. Et idē ipse de corpore mortis huius alio loco
querit liberatōrē atq; alio rursum, in hoc corpore gra-
uatus ingemiscit, sciens qm si terrestris ista domus corpo-
ralis huius habitationis per mortē dissoluatur, domū ha-
biturus sit à Deo nō manu factā, id est, gloriæ æternæ ac-
cepturus mansionē. Sancti quoq; patres, corpus istud quod
circūferimus, carcerē siue ergastulū & exilij locū, atq; a-
liis huiusmodi variis nominib⁹ nominādū putauerūt. Ne-

*Quæstio de
anima ratio-
nali in ma-
teria.*

Philip. 1

Rom. 7.

2. Cor. 5

ma

mo verò est, qui nō deergastulo & loco carceris libenter velit liberari, neq; liberatus quisquam ad locū eiusmodi q̄rit redire. Videſ ergo aīa q̄ in corpore est vt in carcere, nec in eo debere oblectari, neq; ipsum absens desiderare.

Ponitur differentia inter formas materiales & immateriales, quantum ad appetitum materie. CAP. XIX.

PRO solutione autē huius dubitationis sciendū est diuersitatē esse (quātum ad hāc rē) inter formas prorsus immateriales, & quæ prorsus cū materia cōponi non possunt, cuiusmodi sunt spiritus angelici, & inter animā rationālē, quæ tametsi nō ita sit materialis vt ceteræ corporeæ, quæ extra materiā nō possunt subsistere, est tamē eatenus materialis, quatenus ex sua natura habet, vt cum materia quid vnū (nēpe rem naturalē) possit constituere.

Differentia anime rationalis à formis alijs immaterialibus.

Quæ enim prorsus immateriales sunt, & cū materia cōponi non possunt, his procul dubio nullus inest ad materiā appetitus. Quorsum enim appetitus esset rebus à natu-
ra datus, qui nunquā posset impleri? Anima tamē rationalis, quoniā ex sua natura hoc habet, vt cum materia simul rē possit cōponere, & quidē rē inter res omnes naturales nobilissimā, nēpe hominē, idcirco dubitādū nō est, quin ad materiā habeat naturalē appetitū, ita vt & absentem desideret, & præsenti amet. Tametsi enim videatur anima rationalis separata aliquatenus cœlestibus spiritibus similior, dū per se subsistat extra corpus, eò quod tūc sine materia sit, atq; ita forsitan perfectior in eo statu videri possit, separata existēs, quia tamē ab optimo cōditore non separatim ipsa, neq; per se, neq; propter se creata est, sed in corpore propter hominē ipsum totū, vt ipsa videlicet cū corpore hominē cōponeret (partes enim propter totū sunt, & nō propter partes totū) idcirco suæ cōditionis memor, semper corpus desiderat & amat. Lōgè verò diuersum est de formis illis cœlestibus, quæ neq; in materia creatæ sunt, neq; ad simul cū alio rem aliquā componendam, sed vt per se subsisterēt, conditæ sunt ab initio.

Soluitur proposita superius obiectio, et quomodo carnis corruptionē odio habeat anima, non corpus ipsum, declaratur. CAP. XX.

AD ea verò quæ in contrariū obiecta vidētur, responderi debet, ea procedere cōtra corruptæ carnis miseriam, q̄ nō ex ipsa cōditione primæ materiæ, neq; ex corporis natur

natura, sed p' accidēs ex primi parētis inobediētia, ī ipsum corpus intrauit, & p' propaginē in omniū posterorū corpora deriuatur. Vnde quoties cōtra carnē vel corpus, in scripturis aut in patrū scriptis fit exclamatio non contra ipsam corporis naturā, neq; aduersus corpus ipsum p' se, sed aduersus corruptionē & puerilitatē & multimodā miserā in carne humana post peccatū inhabitantē, intelligi debet indignatio. Vnde nō simpliciter corp⁹, sed corpus quod corrūpitur, Sapiēs dicit aggrauare aīam. Neq; Paul⁹ à corpore simpliciter vult liberari, vt ipsum nūquā recipiat: sed à corpore mortis huius, id est, à corpore, vt nūc est, hoc est, ab ista miseria multimoda, q̄ in corpore adhuc inhabitet. Neq; Paulus dissolui cupit à corpore, vt corpus nunquā velit recipere: neq; sic ingemiscit in hoc corpore, vt prorsus velit expoliari, & corpore omnino priuari: sed ad hoc vult corpore exui mortali & misero, eōq; ad tēpus pmanere priuatus, vt absorbeat mortalitys à vita, & recipiat aliquādo ex Dei munere gloriosum, qd' fœtidū atq; sordidū olim deposuerat. Sic etiā corp⁹ istud, in eo statu miserix quo nūc est, obscurū, crassū, corruptibile, & tardū, rectē carcer nūcupatur, insuper & ergastulū, & locus laboris atq; exilij. Quia donec in eo secundū statū in quo nūc est anima inhabitat, magni laboris opus habet in prauis ipsius cupiditatibus refranādis, atq; expugnādis, propter corruptionē quæ ex prima inobediētia in ipso inhabitat. Verū hæc omnia nihil aliud probāt, quā animā merito carnis istā corruptionē, & omnē q̄ ex corruptione est miserā, detestari. Nō autem cōsequitur, quod p' se corp⁹ ipsum odio habere aut detestari debeat. Similiter & quod de impedimēto dicebatur à corpore in aīam veniēte, ad corporis miserā & crassitiē referri debet. Cū enim resurrexerit olim virtute diuina corpus hoc nostrū in incorruptione, in virtute, in subtilitate, in agilitate, ceterisq; perfectionib⁹, omni crassitie atq; imperfectiōe ex Dei dono deposita, nullū erit aīæ rationali ab ipso impedimētū, quin ī corpore posita eiq; reunita glorificatio pos sit beatifica visione Deū etiā facie ad faciē contēplari, & amore inestimabili eo dulcissimē perfrui. Et erit tūc qdē aīæ plenū gaudiū, cū ipsam carnem, qua dū viueret homo velut ministra vsa fuerat, ad hāc gloriā apud Deū bonis actio

Sapient. 9
Rom. 7.

Philip. 1.
1. Cor. 5.

1. Cor. 11.

1. Cor. 3.

actionibus promerendā, sibi viderit in præmij quoq; iucunditate consociatā, & gaudebit indubiè videre in consolatione sociam, quam in labore vitæ habuerat ministrā atq; adiutricē. Ex his ergo manifestū relinquitur, quemadmodum rationalis anima æquè atque cæteræ substantialia formæ, materiam appetat atque desideret.

De priuatione, vt est principium quoddam transmutationis rerum naturalium. CAP. XXI.

Quoniam autē (sicuti iā diximus) forma perficit materiā, & ad omnē formā est materia indifferēs, penit^r ex se indeterminata, ad eò vt quælibet materia oēs omnium rerum formas suscipere per successionē nata sit, quanquā simuleas cōtinere nequeat: hinc fit, vt materia indeterminate quælibet formā desideret & amet. Vnde & præsentē formā atq; hospitatā materia amat, & seruare eam absq; fastidio cupit: & tamē quoniā indeterminata est, eas quas nō habet, similiter desiderat, atq; conat habere, & genuino quodā natiuōq; conatu ad eas tēdit, cupitq; de forma trāsire in formā, quasi hac ratione suæ quærens imperfectioni mederi. Atq; ita fit, vt collaboret ad ei⁹ formæ quā habet destructionē, dū aliā quærit, quæ hāc est expulsura quā habet. Et licet non hoc per se intēdat, consequens tamē est, vt adueniēte forma alia, prior licet perfectior emigret, atq; abscedat: atq; ita per accidēs, dū eā desiderat acquirere formā quā nō habet, se ipsam priuat ea quā habebat. Sanē materia omnes pariter formas, si id fieri posset, libēs sustineret, optaretq; (si fieri id posset) impleri simul oībus: sed formæ plures se pariter nō cōpatiūtur (de vltimis rerū formis loquimur) sicut nec pluriū sigillorū impressiones, pariter in eadē massa coēxistere valēt. Atq; ita adueniente vna, necessariò pellitur altera. Atq; ex his patet, quemadmodū priuatio formarū absentiu in materia, earū videlicet quas ipsa nata sit habere, & actu nō habet, causa quædā sit, quare res trāsmutētur, & materia rerum naturaliu de forma trāseat in formā. Quā ob causam dixit Philosophus, priuationem conari ad maleficium rei.

Dictū Aristotelis non sandum.

Atq; hinc est, quòd vulgo priuationē tertiū principiu ponit transmutationis rerū naturaliu. Quia enim materia formis aliis substantialibus caret, quas non habet, & nata est habere, hinc est, quòd ad eas tendit desiderio, quas
non

non habet, sicq; per se ad nouæ formæ acquisitionem, ac proinde ad nouæ rei generationē tendit, per accidēs verò ad prioris formæ amissionē, atq; ex cōsequenti prioris rei maleficiū & corruptionē. Non debet tamen priuatio ista principiū dici rerum naturalium, sed tantū principiiū transmutationis rerum naturalium. Nō enim rē ipsam substantialiter cōponit, neq; in re manet, postquā generata est: sed quoties res aliqua generatur, priuatio illa abiicitur, quæ ad prioris maleficiū machinata fuit. Quæ admodū cū in subiectū quodlibet habitus introducit, priuatio eiicitur, cū nequeant opposita simul inesse eidē. Vnde cū principia rerum naturalium (vt suprà patuit) res ipsas naturales debeant constituere atque substantialiter componere, manifestū est, priuationem nō esse dicendam principium rerum naturalium. Transmutationis tamen earum principium, ratione supraposita poterit admitti.

Quomodo intelligendum, priuationē esse transmutationis principium, & ad rei maleficiū conari. CAP. XXII.

CVM verò in præcedentibus diximus de priuatione, quòd ipsa ad maleficiū rei machinetur: & de materia, quòd conetur atq; laboret ad nouæ formæ acquisitionem, sicq; per accidens ad veteris expulsionem, & rei perditionem: nemo ita intelligat (quemadmodū verborū facies forsitā prætendit) quasi priuationem dicamus vim aliquam habere agendi, per quam ipsa conetur & opereatur rei naturalis corruptionē, aut materiā virtutem aliquam actiuam similem habere, ratione priuationis, per quam ipsa aliquid efficiat ad formæ vnius expulsionem, & acquisitionem alterius. Quo enim pacto priuatio ipsa (quæ ens verum non est, sed entis potius priuatio, & non existentia tantū formæ in subiecto apto eam habere) poterit vllam habere actiuitatis efficaciam? Sed & de materia iam suprà declaratum est, agendi virtutem ei minime cōpetere, neque generare quicquam aut corrumpere, neq; destruere posse neque producere. Quod ergo de priuatione dictum est, eam ad rei maleficiū machinari, intelligendum est, secundum occasionē. Siquidem priuatio formæ substantialis in materia ipsa est occasio, ob quā corruptioni res est obnoxia. Quod ex eius definitione facile intelligi potest, quæ est hæc:

Formæ priuatio est, non existentia eius in subiecto eam habere nato.

Quemadmodū cæcitas, carentia est & nō existentia visus in hominis oculo, qui aptus est potentiam talem in se habere. Hoc itaq; modo, quoniam materia apta & nata est habere quamlibet formā, non tamen habet nisi vnā sub qua existit, constat aliarum omniū formarū in ea esse priuationem. Et quoniam sic quamlibet aliarū æquē habere apta est & nata, atq; vnā hanc pro tēpore inexistentem, hinc fit, occasionaliter, vt quacunq; virtute agentis naturale superueniente, si ipsam prædominari contingat virtuti formæ ipsius quæ inhabitat, materia ipsa statim agentis prædominantis impressionem acceptet, nullo utique formæ prioris odio, sed ratione inexistentis priuationis, quoniā videlicet & formā istā quæ introducit non habebat, & habere apta erat æquē atq; eā quam tenebat. Vnde propter hanc indifferentiā, iuxta virtutem prædominantis agentis, semper ipsa materia parata est de forma trāsire in formā. Quemadmodū ciuitas, quæ in medio duorū regnorum posita neutri est addicta, sed quasi media & neutra ad utrūq; est indifferēs, propter suā hāc indifferentiā frequēter cōtrarios habet siue hospites siue dominos. Vtrūlibet enim regnorum illorū prædominari cōtigerit, nō reluctatur ciuitas illa neutra. Sed & si alter ex regibus in eā ingressus fuerit, superueniēs autē alter virtute superauerit, victorem suscipiet, pulso altero, nō utiq; prioris odio, sed ratione indifferētiae, quoniā prædominatus est superueniēs. Et quomodo hac in re dici potest indifferētia illa, causa esse & occasio expulsionis regis prioris, non tamen quicquā efficit neq; egit illa indifferentia, siue (vt ita dicam) neutralitas, ita & de priuatione dicendum videtur.

An in materia corporum cælestium insit etiam supradicta priuatio.

CAP. XXIII.

DE cælestiū verò corporū materia dubitari potest, nū habeat etiā ipsa huiusmodi in se priuationē. Si enim similē habere dicatur, videbūtur cælestia corpora corruptioni quoq; subiecta, cū sit ista priuatio principiū transformationis in rebus naturalibus. Vbi autē eadē est ratio, idē videtur cōsequi effectus. Quod verò ista priuatio in cælest

Comparatio adpropositam rē accommoda.

cœlestiū corporū materia ponenda sit, eorū maximè sententiā cōsequi videtur, qui materiā ponūt eandē specie in cœlestibus atq; in his inferioribus. Nā si vnus eiusdemq; speciei sit omnis materia, videbitur, quomodo inferiorū istorū materia ex sua natura est indeterminata & indifferens ad omnem formā, & quamlibet apta & nata habere, eam etiam quam nunquam habuit neq; est habitura: ita etiam cœlestiū materiā aptam & natam habere quamlibet formam, atq; ita cum aliis omnibus careat præter eā quam habet, omnium aliarū in ea esse priuationē. Quod si admittatur, quæstio deinde fiet, quur minus sint obnoxia corruptioni cœlestia corpora quàm inferiora, & quā obrem illorum materia non ita de forma transire possit in formam, quemadmodū materia inferiorum istorum.

Solvitur quæstio proposita, & vnde cœlestibus corporibus sua sit incorruptibilitas monstratur. CAP. XXIII.

Propositæ verò quæstioni respōderi poterit, admittēdo priuationē, qualē diximus etiā in cœlestiū corporū inueniri materiā, neq; tamē consequi, vt materia ipsa ratione huius priuationis transire possit à forma in formā, ac proinde corpora ipsa cœlestia transmutationi, quæ est secundū generationē & corruptionē, sint obnoxia. Formę enim substantiales cœlestium corporū, cum sint perfectissimę in informando suā materiā, sic eam sua perfectione implent, & (licet ex se indifferentē) solidissima dispositione validissimisq; qualitatibus stabiliunt, tamq; potētes sunt ad se seruandū in ea sub qua ab initio creatę sunt materia, vt nullū sit agens naturale creatū tantę virtutis, quod aduersus ipsarū aliquā possit præualere. Neq; patiūtur in suam quā inhabitant materiā, vllam omnino extraneā impressionē vllō pacto repugnantem introduci: atq; ita propter formę perfectionē fit, vt de forma in formam trālire nō possit materia. Et quidē rectius videtur ac ratio ni magis cōsentaneū, vt cœlorū impassibilitatē & incorruptibilitatē assignemus ex parte formę, quàm ex ipsa natura materię. Quod vt intelligatur clarius, suprapositā libet analogiā resumere. Ciuitas enim illa indifferens & neutra, quā capite xxi. pposuimus, duorū regnorū velut mediā, tamen si ex se sit indifferēs & neutra, & iuxta prædominātis regni virtutē, tēporis succēssu, nūc huic, nūc

illi subiicitur, transitq; de domino in dominum: potest etiam, si præpotentem admodum regem contigerit illam occupare, ita validissimis turribus, arcibus, castris, muris, vallibus & firmissimo præsidio muniri, diligentissima quoque adhibita custodia fidelissimè observari, tam utiq; potenter, sapienter, & validè ut spes ultra non videatur contrario domino aliquando se posse illius potentie prævalere. Quod ubi fuerit, ciuitas illa quæ primùm erat indifferens & neutra, atq; etiamnùm quantum ex se talis permanet, per virtutem nimiam & fortissimam munitionem occupantis & prædominantis, facta est modo quodam eius iam regno & potestati addicta. Neq; poterit ultra de domino transire in dominum, aut de regno ad regnùm, non utique ratione ipsius ciuitatis, sed ratione occupantis, cuius potentie nimie non videtur spes ut aliquando potestas contraria resistat. Sic sanè & de cœlesti materia dicendum, propter perfectionem & potentiam formæ potentissimæ in informando, quæ illi data est ab initio, eam de forma in formam transire non posse: quoniam agens naturale deest, quod illi possit vel aliam imprimere, vel suam auferre.

Soluitur superius obiecta ratio.

C A P. X X V.

AD rationem verò quæ in oppositum obiciebatur, proponentem, ubi eadem est causa eundem etiam effectum, respondebitur, non esse nisi occasionem similem in cœlestibus & inferioribus, cum priuatio (ut supra dictum est) non sit vera causa per se effectiua ipsius transmutationis de forma in formam, sed tantum occasio, & causa sine qua non. Nisi enim in materia esset priuatio formarum absentium, & nisi eas esset apta habere quas non habet, nunquam de forma transmutaretur ad formam. Atq; eatenus dicitur priuatio occasio esse, & causa tantum sine qua non, ac consequenter principium quoddam transmutationis huiusmodi. Cæterum, huius transmutationis veram & efficientem causam diximus esse agens naturale, quod prædominans impressiones forme inexistenti contrarias, & forme quam ipsum vult introducere conuenientes imprimit in materiam, sicq; eam de forma transire facit sua actiua virtute in formam. Quamvis ergo eadem admittatur occasio transmutationis in cœlestibus atq; inferioribus istis, non tamen est causa eadem. Non est autem necesse, quotiescunq; eadem occurrit occasio, siue

ſue eadem cauſa ſine qua non, vt idem ponatur effectus, quemadmodum ſecuris acuties occaſio quædam eſt, & cauſa ſitæ qua non ſectiõis ligni. Non enim ſecaret ſecuris, niſi acuta. Non eſt tamen necelle, vt ſemper fiat ſectio, donec eſt ſecuris acuta: ſed verã cauſam adeſſe oportet, & ſectiõem efficientẽ (hoc eſt, ipſum ſecantem) priuſquam fiat ſectio. Vbi autem defuerit ſecans, quantumuis acuta iaceat ſecuris, non fiet ligni ſectio. Ita & in propoſito, quia agens inueniri nullum poteſt, quod effectũ eiufmodi producat in cœleſti matéria, nempe tranſmutationem in formam aliam, nihil proficit occaſio ſola. Nihil enim prodeſſe valet præſentia cauſæ ſine qua non, vbi defuerit cauſa quæ effectum ipſum operetur.

Quomodo vim nullam patiuntur corporum cœleſtium materia, in eo quòd de forma non tranſeant in formã. CAP. XXVI.

SEd videri forſitã poterit vim pati cœleſtiũ matériã, & *Obiectiõ* violententer cohiberi à formis, ne tranſeat in formas alias. Cum enim ex ſua natura dicatur matéria cupere tranſitum de forma in formam, ſi ab hoc cohibeatur atq; impediat, videtur id non carere violẽtia. Apparet autem inconueniens admittere perpetuam talem in nobiliſſimis illis corporibus violentiam. Verũ diligentius attenden- *Obiectiõis* tes comperiemus cœleſtium corporũ materiã proruſ *ſolutio.* nullam vim à ſuis formis perpeti. imò quietẽ bonã & ſtabilitatem congruam ſic eam accipere, id quod ſuprapoſitæ analogiæ conſideratio, facile monſtrat per ſimilitudinẽ. Quomodo enim ciuitas illa ex ſe indiſſerens & neutra nullũ patitur violentiæ incõmodum, ex eo quòd potens ille imperator ſic eã ſibi firmat munitionibus validis atque diligẽti cuſtodia, ad eũ modũ quẽ ſuprà expreſſimus, imò magis quietẽ dulcẽ & bonã commoda conſequitur, dum à perpetua illa inſtabilitate liberatur, & ſtabili manſione in ipſa habitantis imperatoris ornatur, ditatur, perficiturq; plurimum: Ita per omnẽ modũ nulla fit materiæ cœleſti violẽtia, cũ per nobiliſſimas formas ſtabili manſione in ipſa inhabitantes, ab inſtabilitate eiufmodi liberatur, perfectiſſimis qualitatibus & nobili diſpoſitione ſemper pleniſſima, eo quòd nobiliſſimarũ formarũ ſit habitaculum. Ex imperfectione enim eſt, quòd ita inſtabilis exiſtens materia, ſemper querat de forma tranſire in formã.

*Instabilitas
ex imperfe-
cto est.*

*Canis Aesop-
icus.*

Neque malè puerorum cupiditati, materiæ hoc desiderium potest comparari, quas videmus nonnunquam eâ quæ in manibus habent, siue cibaria, siue alia quælibet, prolicere, vt alia quæ fortè porriguntur, item apprehendant. Neq; rarò panem aut carnes abiiciunt è manibus, vt lapidem aut carbonem aut aliud vile quippiam apprehendât. Quorû cupidè instabilitati parètes bene cõsulûr, neq; vim vllam eis faciunt, dum pro cibo quem tenent, aliud nihil apprehendere eos sinunt. Sic sanè & materiæ frequenter euenit, cû sua instabilitate semper transire gestiat, pro forma nobilissima & perfectioribus qualitatibus sub quibus stabat, formam imperfectiorem & viliores dispositiones vt recipiat, cani illi Aesopico non admodû dissimilis, qui pro carnis vmbra quæ videbatur in aqua maior, carnis substantiâ sibi permisit dentibus excidere. Huic verò instabilitati dum forma cœlestis sua perfectio ne medetur, non solûm vim non facit materiæ, verum etiam quiete bona eâ perficit, & magno afficit beneficio.

Quemadmodum corpora glorificata post resurrectionem sub suis formis sempiterna atque dulcissima quiete requiescent.

C A P. X X V I I.

QUod autem nunc de materia & formis cœlestium corporum diximus, idem etiam de materia in hominibus glorificatis post factam resurrectionem dicendum videtur, nulla videlicet violentia eam à suo illo transitu in varias formas cohiberi, neque violenter detineri, sed quiete summa atque dulcissima ex immortalitatis dono sub suis quamq; formis ita firmari atq; stabiliri, vt nullo amplius transitu perdere valeât quam habent, vel quam non habent acquirere. In hoc tamen est consideranda diuersitas, quòd in cœlestibus corporibus, formæ ipsæ ex sua perfectione naturaliter ita materiam, quam informant, perficiunt atq; stabiliunt, vt extraneam impressionem recipere non valeant. In hominibus autem post resurrectionem futuris gloriosis, non ipsa naturalis animæ virtus hoc præstabit, sed Dei voluntas & beneplacitum, ita vt in beatorum corporibus hoc sit præstitura gratia, & Dei bona voluntas, per immortalitatis donum gratuitum, quod cœlestibus orbibus ipse naturæ autor, secundum primam contulit institutionem. Et quidem quod ad
dant

damnatos attinet, quos etiam necesse erit (iuxta sacratissimæ catholicæ fidei confessionē) tuba canente, in suis corporibus ad iudiciū & ultionē exurgere, si in eis ponamus violentiam perpetuā, nullum sempiternū videbitur inconueniens, illic nimirum, vbi horror & terror, nullus I. Cor. 14. Iob. 10. verò ordo inhabitat, vbi diuinæ volūtatis iustitia, violenta, (quæ natura perpetuò non sustinet) suæ diuinitatis potentia ad ultionē eis in æternitate sustentabit. Cæterum, in corporibus beatorum gloriosissimo illo immortalitatis dono ex diuini conspectus cōsortio factis immortalibus, dulcissima vtique pace & quiete suauissima nihil dubium est quiescere pauperulam ex se & egenam illam materiā, cum sua hospita rationali anima, cui vt in peregrinatione laboris olim fuerat ministra, ita in patria dulcissimæ tunc beatitudinis erit socia. Si enim potest cœlestis corporis forma ab institutione naturæ, suā quā inhabitat materiam in se stabilire, eamq; in pace & quiete perpetua possidere, poterit & hoc rationalis anima in deum iam absorpta, cum plenitudinem acceperit inhabitantis in se diuinitatis, ex Dei voluntate, eam videlicet quæ illi restituetur habitationē, stabilē sibi atq; perpetuā seruare, sicq; sibi firmo fœdere & solidissima colligatione connectere, vt vtrā ab ea pelli non possit. Similiter & in impiis, ad æternā exercitiā vindictæ, colligationem hanc faciet iustus ille ultor, vt perpetuis tormentis & suppliciis inæstimabilibus, vtrā à corpore anima, quantūcūq; desiderauerit, separari omnino nō possit: Illis quidem ad gloriam æternā, vt ab ea, ad quā semel admissi fuerant, beatitudine nō possint excidere. His verò ad sempiterna supplicia, vt cruciatibus diabolo & ministris eius ab initio præparatis, nūquā valeant abesse. Et hætenus quidē, quæ de rerū naturalium principiis, ad omnipotentis Dei notitiā & gloriā cōducere videbātur, pro nostra paruitate tractauimus. Proximū est, vt ad earū causas utcūq; explicandas, altero libro, transeamus, si prius in ipso libri huius terminò, ex iis quæ diximus, laudis qualecūque canticum cecinerimus altissimo rerum omnium domino, qui super omnia viuit benedictus in æterna secula. Amen.

Finit ad Dei omnipotentis gloriam Liber primus

considerationis Physicæ.

PSALMVS LAVDIS, AD CONCLVSIONIS
terminum, primo & optimo rerum omnium
principio.

Confitebor tibi domine in toto corde meo, meditabor in omnibus
mirabilibus tuis.

Non est similis tui in dijs domine, & non est secundum opera tua.

Tu solus inhabitas aternitatem cum unigenito tuo, in sancto spiri-
tu semper perfectus atque beatus.

Caelo tibi opus non erat, ut sederes in eo: terra verò & vniuersa
quae sunt in ea, quem tibi usum praeberere poterunt, qui rebus nullis in-
diges?

Quia voluisti, quando voluisti, sicut voluisti, ita verbo dixisti, &
surrexit vniuersa haec machina, magna nimis.

Ecce non est in omnibus gentibus vir industrius, aut potens arti-
fex, ut suscitet de nihilo vel puluisculum terra.

Tu autem ex nihilo fecisti, quaecumque nostrum sunt obiecta sensibus,
molem magnam valde.

Sub materia, non ex materia constituisti haec omnia, suum cuique
pondus librans.

Materia quidem cognata erant, & indiuisa, formarum autem va-
rietate separasti ea.

Quam unico opere demonstrare nequisti infinitam pulchritudinem
tuam, variatis sic rerum speciebus, uti manifestam faceres.

Ecce verò in hoc mirabilis dulcedo sapientiae tuae, dum sic diuersis-
sima natiuo neccis amore.

Et quae per sese inimica videntur, tuo iussu, inseparabili sunt con-
glutinata dilectione.

Verè magnus es tu, & faciens mirabilia, tu es Deus solus creator
omnium, creator caeli & terra.

Tibi soli laus, honor, & gloria, tu es solus adorandus, domine deus
noster.

Vt quid domine permittis alienis honorem tuum, & quare cum
praeripiunt tibi creaturae tuae, quae adorantur in terris?

Intende ad visitandas omnes gentes, & agnoscat gloria nomi-
nis tui super omnem terram, ut non deficiat laus tua de ore nostro in
sempiternum.

Gloria patri, & filio, & spiritui sancto.

Sicut erat in principio, & nunc, & semper, & in secula seculorum.

Amen.

FINIT PSALMVS.

IN

IN LIBRVM SECVN-

DVM PHYSICAE CONSIDERATIONIS DE CAUSIS RERVM NATURALIVM
PRAEFATIO.

*



OMNE quod creatum est, aliquā necesse est suae existentiae habeat causam, etiam angelica ipsa, licet nobilissima creatura. Omnia siquidē quae creata sunt, manifestum est ab eo qui ipsa creavit atq; effecit, suū esse accipere, & suum effectorem suae existentiae causam habere. Necesse item est, ad finem omnia ordinari, propter quae creata sunt, & ad suam singula existentia perducta. Atq; ita quidem efficientem & finale causas, omnia quae sunt creata & visibilia & invisibilia, spiritus & corpora, necessum est habere. Ceterum, res corporeae, & naturales, praeter supradicta duo causarum genera, cōspiciūtur & alia duo requirere. Materialem causam dico ex qua consent, & formalem per quam suā accipiant existentia. Et de his quidem posterioribus, in priori libro, quatenus principia sunt rerum naturalium, coeptū est determinari, propter quod non ita proluxa nobis praesenti hoc libro de eis facienda erit determinatio, nisi quantū ipsa causalitatis ratio exposcet. De prioribus autem duobus, proluxior restat tractatus. Ad gloriā ergo eius qui est omnium causarum prima atq; novissima, & u, principium & finis omnium, ex materia cōponens singula, & suis formis in sua existentia ligans vniuersa, rerum istarum iam aggrediamur determinationem.

Apoc. 1.

Definitio causae, & quomodo ab occasione separanda causa.

CAP. I.

CAUSA definiri solet, ad cuius esse consequitur *Causae definitio prior.*
aliud.

Qua definitione indicatur, omne illud esse alterius causam, quod ei quomodocūq; dat esse, siue ut sit, aut à quo, hoc alterū accipit quomodocūq; ut sit. Quemadmodū (exēpli gratia) ad Dei esse cōsequitur omnium esse creatu-

rarū, id est, à Deo omnia accipiunt vt sint, & Deus omnibus esse donat, atq; ob hoc est Deus omnium causa. Similiter res oēs naturales, à materia & forma accipiūt vt sint, & materia ac forma modo quodā dant rebus naturalibus vt sint, dū ex illa & per hanc necesse habēt subsistere, atq; ob id omnium rerū naturalium causę sunt, materia & forma. Sic & finis quatenus agentē mouet ad operandū effectū, quodāmodo dat effectui vt sit, cū propter finē agens eundē operetur. Aduertendū est autem (quemadmodum in libro priore obiter indicauimus) distingui solere duplicē causam, alteram propriē dictā, quam nūc definiuimus, & de qua principaliter loqui intendimus, cū de causis rerum facimus sermonē: alterā verò impropriē causam nominatam, quę est occasio siue causa occasionalis, aut causa sine qua nō. Quemadmodū in ligno, siccitas vehemēs occasio est accensionis, inflammationis, & cōbustionis eius: & in stipula leuitas, occasio est facilis agitationis sursum: in globo rotunditas, occasio est facilis motus: in cultro occasio bonę scissionis est, ipsa eius acuties, atq; ita in similibus. Non sunt tamē hę nisi occasiones talium effectuum & occasionales causę (quod cū diminutione dicitur) atq; etiā causę sine quibus non, hoc est, sine quibus effectus eiusmodi vel non fierent, vel non ita commodē & facilē fierent: quemadmodū non fieret, aut fieret, aut nō facilē fieret ligni accensio, nisi esset in eo siccitas: neque facilē globus laterali motu agitari possit, nisi rotūdus: neq; rectē scindere culter, nisi acutus. atq; ita in aliis. Causę tamen verę nō sunt, sed tantū dispositiones quardā, quas necesse est adesse, si agens ipsum & pręcipua causa debeat effectū operari, aut quę vbi adfuerit, rectius ac facilius agens & pręcipua causa suum effectum operetur.

Quomodo in moralibus vtile sit dignoscere causam ab occasione.

C A P. I I.

EST verò in moralibus diligentissimē attendenda ista distinctio, vt non pro occasione causa, aut econtrario pro causa existimeretur occasio. Multū enim hęc distinctio valet ad peccatorū discretionem. Quemadmodum (exēpli gratia) in scandalo dato, quod est vera causa ipsius scandalizationis passiuę, & in scandalo non dato, sed accepto, vbi opus ipsum ex quo scādalizatur alter (quod scādalum

*Causa occasio-
nalis non
est vera cau-
sa*

*Quid scād-
alum datum
et quid ac-
ceptum.*

dalum acceptum nominant) non est causa scandalizationis passiuæ, sed tantū occasio: vera autē causa huius passiuæ scandalizationis est, ipsa praua voluntas eius qui ex eo scādalizatur sua prauitate, vnde scandalizari meritō nec potuit, nec debuit. Sic & in cōsideratione finis, distinguenda frequenter venit occasio & vera causa. Quemadmodū (exempli gratia) propter tēporale præmiū, actum aliquē sacrū faciendo, si præmiū istud tēporale, tantū occasio quædā est, & finis quidē occasionalis, & occasionale motiuum: sic verò Deus finis verus & vera causa finalis, non est actus ille malus vel illicitus. Sin tēporale illud præmiū vera est causa finalis, & motiuū præcipuū, nō autē Dei honor aut gloria, indubiē illicitus iudicabitur. Quapropter huius rei proderit exacta cōsideratio. Excluditur verò causa occasionalis à definitione supraposita, per hoc quòd non sic ad eā effectus cōsequatur, vt ipsi det aliquo modo esse. Nullo enim modo occasio dat esse effectui, sed tantū est dispositio quædā, qua mediante causa præcipua facit effectum esse. Quemadmodum ignis agens, dispositione, & occasione siccitatis, facit inflāmae lignū, & manus proiicientis globum rotunditate dispositum, facit agitat. Nemo autem dixerit siccitatem inflāmare lignum, aut globum à sua rotunditate moueri.

Alia ponitur cause generalis definitio, ex qua speciales eliciuntur definitiones quatuor generum causarum. CAP. III.

SOlet etiam hoc modo causa definiri:

Causa est ex qua, aut per quam, aut à qua, aut propter quam, res quæpiam efficitur, vel est.

Cause a. te. ra definitio.

Quæ definitio, dum sub quadruplici datur disiunctione, quatuor indicat causarū genera, id est, causæ diuisionem in quatuor sub se contentas species. Diuiditur enim causa, in causam materialem, causam formalem, causam efficientem, & causam finalem. Nam ex qua, respicit causam materialem, per quam, causam formalem: à qua, efficientem: propter quam, finalem. Ex quibus facillè colligi possunt singularum specierum harum definitiones.

Causa enim materialis est, id ex quo quippiam fit eo pacto vt insit.

Cause materialis.

Id est, principiū naturale vel artificiale ex quo res naturalis

Aristot.

lis vel artificialis fit, ita vt in ipsa maneat. Siquidē ex materia cū forma, res omnis cōponitur, res (inquam) siue naturæ, siue artis. Vt ex ligni materiā, cū formā ignis in eam introducta, fit ignis: Ex auro, per formā idoli infusam, fit idolum. Per quam, causam formalem respicit. Per eā enim & secundū eam res dicitur esse substantiāliter quod est, & in suo item peculiari esse per eam res conseruatur, vt per animā rationalem homo est homo: & per formā idoli, ali-quod opus dicitur idolū. Quod si forma aufertur, oportet homini & idolo esse similiter, auferri, vt nō amplius sit homo vel idolū, quod prius erat, donec inexistet formā. Propter quod, ab Aristotele dicitur, Formā est species, exēplum, & ratio quidditatis, id est, essentia rei naturalis. Sic enim ille solet essentiā rei exprimere. Species quidē, quia per eā res in certam speciē constituitur, atq; arctatur, quē admodū in priore libro latius tractauimus. Exemplū, quoniam secundum formā, res sibi similia efficiūt, quē admodū ignis per suam formam generat ignē alium sibi similem. Ratio autē dicitur, quoniā essentiam rei cōstituit, & secundū eam res accipit suæ essentia rationem, & secundum eam etiam res definitur, quemadmodum homo definitur esse animal rationale, & animal corpus animatū seu sibile, vbi rationale & sensibile, animam rationālē & animam sensitiuā (ex quibus essentia hominis ac bruti est) respiciūt. Tertia autem disunctionis particula, nempe à qua ad causam efficiētē spectat. Ab ea enim primū fit motio exterior, vt opus fiat, & in materiam ipsa habet suo motu & actione formam introducere: idq; tam in rebus artis, quā naturæ, licet primus motus interior à causa finali procedat. Quemadmodum in domo cōstruenda, quæ est opus artis, nō seipsos lapides componunt, sed est domificans, qui manū admolitur operi, quīq; suo motu & actione materiam componens, & debito modo coaptans, formam domus efficit. Item nō seipsū ignis gignit, neq; materia seipsam accendit, sed ab alio agente succenditur materia ad formam ignis. Definitur autē ab Arist. hoc pacto:

Causa efficiens est id vnde primum principium mutationis & quietis.

Cuius est hic sensus, causa efficiēs principalis, est primū
prin

principium, à quo motus & quies exterius procedit, vel effectus positivus aut privativus producit, quod tam ad artem quàm ad naturam applicari potest. Ultima verò particula propter quam vel cuius gratia, finē signat, qui mente quidem conceptus, tacitè intrinsecus efficiens tem mouet causam & veluti in exterius opus mittit, quemadmodum propter inhabitationē homines domos ædificant, propter defensionem & tutelam ab hostiū incursibus ciues muros, valla, turres, aliq; fortalicia construunt. Mouet enim mentem finis iste conceptus, & ad opus procedere facit exterius. In naturalibus verò agentibus, in quibus non est ratio, finis ipse vt naturaliter intentus & desideratus, hoc est, quatenus res agens ad finē naturaliter inclinatur ac fertur, mouet rem ad operandum effectum tali finī congruum. Quemadmodum forma lapidis mouet ipsum deorsum, propter finē ad quem naturaliter inclinatur, id est, propter quietem in loco naturali. Desinitur hoc modo:

Causa finalis est cuius gratia omnia fiunt.

Id est, finis est principium ad quod diriguntur & destinantur omnia media, eidem congruentia, veluti in scopum quandam.

Quomodo & causa efficiens & finalis vtrique dici possit causarum prima.

CAP. II II.

EX quibus patet, vtranq; causam, nempe & efficientem & finalem, rectè dici posse causarum primam, sed differēter, aliq; & alia ratione. Finis enim est prima causa secundū intentionē, quatenus agentis virtutē effectiuā (in rationalibus, per rationem intētus, siue in naturalibus per naturalē inclinationē desideratus atq; naturaliter propositus) sollicitat interius, ad operationē exteriorem cuiuslibet effectus. Quemadmodū aues, tempore coitus & procreationis, ipsa suæ speciei multiplicatio, & conseruatio (vt naturaliter intenta atq; desiderata) extimulat & mouet ad coeundum, nidos construendum, & quæcūq; sunt opportuna tali finī operandū. Cæterū, efficiens, primū est in interiori operatione, & motione materialis. Vnde sicut finis semper est intentione prior efficiente, interius mouendo & sollicitando efficiens, ita contra-

rio efficiens secundum tempus prior est fine. Quemadmodum sanitas ipsa atque sanatio, tempore est posterior ipsa porione siue balneatione, ad sanitatem ordinatis, tanquā ad finem: & operatio bona Deo dignæ conuersationis, antecedere debet æternæ felicitatis retributionem, quæ est illius finis, cum hæc sit illa intentione prior.

De effectus definitione & diuisione per oppositum ad causam. CAP. V.

Quid effectus.

QUæ autē de causa dicta sunt, eadē effectui possunt omnia per oppositū aptari. Sūt enī causa & effectus relatiua quēadmodū pater & fili⁹. Vnde ex suprapositis causę definitionibus effect⁹ potest hoc modo definiri: Effectus est, id quod sequitur ad esse alterius.

Hoc est, quod quoquo modo ab alio accipit, vt sit: hoc est, quod ex aliquo est, aut per aliquid, aut ab aliquo, aut propter aliquid. Est autem effectus nomen generale, non quidem oppositū relatiuē causę efficienti in particulari (quēadmodū ex nominis ratione videri poterat, eò quod inter efficiens & effectum secundū nominationem & terminationē videatur interuenire relatio) sed generaliter causę opponitur secundū relationem. Vnde quemadmodum superius causa quadruplex distincta fuit, sic ex opposito quadruplex item effectus venit distinguendus. Sed quia propria nomina non habentur, idcirco adiecta causarum distinctione, necesse est circumloqui. Est enim effectus causę materialis, est effectus causę formalis, est effectus causę efficientis, & est effectus causę finalis.

Quadruplex effectus.

Effectus causę materialis est, quod est ex aliquo.

Vt homo hoc modo est effectus suæ materiæ, quoniā ex sua materia componitur: & idolum, effectus auri vel argenti est, tanquam materialis causę.

Effectus causę formalis est, quod per aliquid est.

Vt homo per formam, quapropter homo respectu suæ formæ, & idolum respectu suæ formæ artificialis, effectus dicitur causę formalis.

Effectus autem causę efficientis, qui fit ab aliqua.

Vt domus à domificante, ignis genitus ab igne ipsum generante, filius à suo patre. Vnde domus, ignis genitus, & filius respectu domificantis, ignis generantis, & patris gignen

gignentis, effectus dicuntur causæ efficientis.

Effectus deinde causæ finalis est, quod est aut fit propter aliquid siue alicuius gratia.

Vt ambulatio quæ sit propter sanitatem consequendâ, & bona operatio quæ exercetur propter vitâ aternâ. Et regulariter medium ipsum quod ad finem ordinatur, & quo ad finem peruenitur, effectus dicitur causæ finalis, respectu eius ad quod ordinatur, & ad quod perducit, quæ admodum bona operatio ad aternæ vitæ cōsecutionem ordinatur, & ad ipsam perducit operantem: similiter, & ambulatio, ad sanitatem. Videtur tamen difficile hoc intelligere, quemadmodum medium causæ finalis siue ad finem, dicatur effectus illius, eo quod plerunq; ut post latius declarabitur, sit verum efficiens illius. Sed facile vitatur difficultas, si attendatur, effectum generale esse vocabulum, & in vnoquoque causalitatis genere causæ relatiue opponi. Vnde consequitur manifestè, si sanitas respectu ambulationis sit finalis causa, econtrario quoq; ambulationem effectum esse causæ finalis respectu sanitatis, similiter & de bona operatione, respectu felicitatis.

Quemadmodū eiusdem rei possunt esse plures causæ. C. A. P. VI.

AD maiorem autem prædictorum cognitionem, tres apponi solent causarum cōditiones. Quarū prima est: *Eiusdem rei plures possunt esse causæ.*

Quod si de diuersis generibus causarū intelligatur, etiam sensui est manifestū. Siquidem omne agens naturale causas materialem, formalem, efficientem, & finalem habet. Si verò in eodem genere causæ accipiatur, etiā sic verum est. Nam idem homo filius existens, causas efficientes, habet, patrē, matrem, corpora cælestia, & super omnia Deū. Homo enim non generat hominem sine concursu causarū vniuersaliū, id est, corporum cælestiū, & causæ vniuersalissimæ quæ est Deus. Sic plures esse possunt eiusdem rei fines, ut corpus est propter animā, propter hominem, propter Deum. Terræ gramina & herbæ, sunt propter iumentorū pastū, propter ipsius terræ ornatum, & propter hominū consolationē, atq; in Deum ex ornatu illo pro- uocationem. In genere autē causæ materialis istud absurdū videtur, si de materia totali sermo fiat, Omne enim ens

natura

Prima proprietates causarum.

Homo generat hominē & sol, ut habet Aristot. 2. Physico.

naturale non nisi ex vna materia totali componitur. Et similiter nullum opus artis vnū, duas totales habet materias. Neq; enim simul eadē statua, & tota aurea, & tota argentea esse potest. Possunt tamen cōmisceri aurum & argentum, sed tunc non nisi pro vna totali materia reputabitur. Similiter & de causa formali dicendum, maxime si de forma substantiali & vltima sermo fiat. Quēadmodum enim ex primo libro patet, nulla res naturalis plures substantiales formas habere potest. Neq; item res quæcunque artificialis, plures simul totales formas artificiales habere valet. Nequit enim statua, leonis imaginē habere simul & bouis. Quod si formarum fiat commixtio, veluti cū humano capiti ceruicem equinam pictori iungere libuerit, non plures sunt formæ artis totales, sed vnica tantum. Si tamen causam formalem largē acciperemus, vt etiam ad formas accidentarias se extenderet, sic dubium non esset, plures etiam formales causas simul posse existere. Plurimas enim accidentarias formas idem simul in se continet homo.

Causas posse sibi esse inuicem causas. CAP. VII.

Secunda conditio causarum.

Secunda conditio est: Causæ possunt sibi inuicem esse causæ.

Quod quidem in diuersis causarū generibus est indubitarum. plerunq; enim quod in genere causæ finalis est causa, hoc ipsum in genere causæ efficientis est effectus: & quod in genere causæ efficientis est efficiens, hoc est in genere causæ finalis effectus. Veluti cum non rectē quispiam valens, propter acquirendam sanitatem deambulat, aut medicinam bibit amarā, deambulatio ista in genere causæ efficientis causa est sanitatis, quæ per ipsam & ab ipsa efficitur. Similiter & amaræ medicinæ potio causa est sanitatis quam efficit, atq; ita ex consequēti sanitas ipsa admitti debet in hoc causalitatis genere ipsius ambulationis atq; potionis effectus. Econtrario autē, in genere causæ finalis causa est, sanitas vt intēta & desiderata. Ipsa enim est, quæ nō rectē valentē mouit ad ambulationē atq; amarā potionē. Atq; per consequens, in hoc causalitatis genere, ambulatio effecta, & potio illa amarioris medicinæ propter sanitatē, admitti debet.

debēt effectus. Est autem in genere causæ finalis effectus ipsum mediū quod est propter finē, & quo ad finē peruenitur, quemadmodū in proposito est, de ambulatione & potione respectu sanitatis. Patet ergo, quemadmodum in diuersis causarum generibus causæ sibi inuicem possint esse causæ. Amplius verò, etiā in eodē genere causæ inuenire possumus causas esse sibi inuicē causas. Nā habitus ex actibus generantur, quēadmodū virtutes habituales ex actibus virtutum frequēter iteratis, & nihilominus habitus cū generati fuerint, actus vicissim faciūt. Faciunt enim habitus, eos quos habent secundū ipsos operari, & delectabiliter operari. Verū istud secundum speciem est tantū. Nam actus qui præcedunt habitū, eumq; efficiunt, numero diuersi sunt, ab iis qui sequuntur & efficiuntur ab eo. Profundius autē cōsiderando, inuenire poterimus, vbi causæ eadē secundū numerū, sibi inuicem sint causæ. Eadē enim caliditas, quæ in mānu à calido quod tenetur manibus producit, vicissim cōseruat in ipso, quod tenetur manibus, calorē. In eodē autē genere causæ efficiētis sunt, causa producēs & causa cōseruans. Vtraq; enim causa & producēs & cōseruans, dicitur efficiēs. Similiter etiā dicendū videtur in cōtemplatione rei iucundæ, quæ gaudiū atq; lætitiā in animo producit, à qua vicissim cōseruari ipsa rei iucundæ cōtemplatio videtur. Cōseruat enim cōtemplationis actū absq; fastidio, & permanere facit in animo, lætitia interior, quæ in eo inde exoritur.

*Causæ sunt
sibi mutuò
causæ.*

Eandem posse esse causam contrariorum effectuum.

C A P.

V I I I.

Tertiam conditionem causarum ponunt hanc:

Eadem potest esse causa cōtrariorū effectūū.

Quod quidē ad oculum promptum est videre in solis actione, qui vnus & idem mediante calore, quædam facit liquefcere, alia indurās. Ceram enim, & butyrū, glaciem, atq; similia, liquefacit. Lutum verò & lutea vasa, hisq; similia, facit indurescere. Et eadē potio in quibusdā efficit sanitatē, in aliis ægritudinē, imo etiā in eodem successiuē. Huius autē ratio est, varia dispositio subiecti in quo recipitur actio. Quemadmodū ea quæ pro homine cōplexionis sanguinæ bona est potio, & sanitatis effectiua, fieri

*Tertia pro-
prietas cau-
sarum.*

potest vt homini cōplexionis cōtrariā (nempe melācho-
lica) sit noxia, atque agritudinis effectiua. Et frequenter
porio quæ distemperatā complexionē ad tēperamentum
reducit, eadem distemperamentū facit in eo qui recta est
valetudine. Sic eadē præmissæ in vno generant scien-
tiā, in alio generant tantū opinionem, iuxta quod vel cir-
ca præmissas vel circa cōsequentia rectitudinē variē fue-
rint affecti. Ita seculi scientia aliquo modo perficit intel-
lectū, quoniā omnis veritatis cognitio, quantum ex se est,
intellectū perficit. Imperficit tamen affectū, eò quòd in-
flatum reddat. Et quidem in rebus naturalibus hæc con-
trariorū causalitas prouenit, vt diximus, ex parte variæ
dispositionis subiecti, in quod sit actio. In voluntariis au-
tem, ex varia dispositione agentis pro sua libertate. Idem
enim homo vult & nō vult, non solū ratione rei muta-
tæ, sed pro sua etiā libertate absque rei vlla mutatione.

De cause diuisione in vniuersalem & particularem, propin-
quam & remotam. CAP. IX.

Solent quoq; de causis nonnullæ assignari diuisiones.
Causarū enim quædā sunt vniuersales, quædā
particulares, quædā remotæ, quædā propinquæ.

Et considerantur hæc rursū, vel secundū nominatio-
nem, vel secundū rem. Secundum nominationē quidem,
quando causa & effectus nomine vniuersali vel particu-
lari assignantur, vt cū dico, Bonū est finis rerū: Ex mate-
ria, sit res: Forma, facit esse rem: Res est, per formā: Arti-
fex, efficit opus: Finis, mouit operantem. In his, & causæ
& effectus vniuersaliter nominantur seu generaliter. Cū
autem dico ex auro facta est hæc statua, particularis cau-
sa & effectus exprimuntur. Itē cū dico, artificem fecisse
hanc domum, aut viuētem aliquē esse patrem huius
pueri, nominatione causas remotas ab effectibus dico.
Causas enim nomine vniuersali designans, effectum par-
ticularem demonstro. Cum verò huius pueri hunc homi-
nem dico esse parentem, aut hunc artificem causam hu-
ius rei, aut domificatorem domus esse causam, & statua-
rium statuæ, propinquius nomino & exprimo causalita-
tem. Interdum verò nūcupamus causas vniuersales vel
particulares secundū rem, ob rei generalem videlicet aut
part

Causa vni-
uersalis &
particula-
ris.

particularem, remotam vel propinquam causalitatem. Hoc autem pacto causa vniuersalis dicitur, vel generalis, quæ plurimos habet diuersorū generum effectus, quæadmodū sol, & cœlestia corpora, & super omnia Deus benedictus. Habent enim effectus plurimos diuersorum generum, cū omnis creatura corporalis sine illorum cōcursu non efficiatur. Non est autem necesse ad hoc vt causæ dicantur vniuersales seu generales, vt prorsus nullus sit effectus, cuius ipsæ non sint causæ. Sic enim Sol & cœlestia corpora non dicerētur causæ vniuersales, cū non sint causæ spirituum, neque spiritualium rerum: sed sufficit, quod multos valdè habeant diuersorū generū & diuersarum rationū effectus. Quanquā Deus super omnia benedictus, ob hoc vniuersalissima & generalissima causa per superlacionē rectè dicitur, quod prorsus nihil neq; corporale neq; spirituale eius causalitati sit subtrahtū. Videtur etiā homo secundū genus causæ finalis esse causa vniuersalis, eò quod plurimos videatur habere diuersarū rationū secundum hoc genus effectus, id est, plurima ad ipsum ordinata. Cum omnia hæc inferiora, imò & cœlestia, ad hominē vt finē referātur. Causa autē particularis dicitur, quæ non plurimos habet diuersorum generum effectus, vt homo, causa particularis est respectu filij quem gignit, etiam si mille genuisset numero filios. Oportet enim causam vniuersalem siue generalem, multos admodum habere effectus diuersorum generum atq; diuersarum rationum. Indiuiduorum autem quantacūq; multitudo, non sufficit ad faciendam causam vniuersalem. Causa verò propinqua secundum rem nominatur, illa quæ effectui prope est, & per se effectum attingit: quemadmodum pater, causa propinqua est sui filij, quem per seminis decissionem gignit. Causa verò remota est, quæ ab effectu est elongata, neq; ad effectum nisi alia causa priore mediante attingit, quomodo auus causa est remota nepotis, eò quod ad eius causalitatem nō attingit, nisi mediante efficientia filij sui qui est pater nepotis illius, & causa propinquior. Magis autem remotæ causæ sunt proauus, atauus, tritauus, atque ita consequenter. Similiter si ignis aliquis secundum produxerit, atq; hic rursum tertiū, iste quartum, qui deinde quintum: primus omnium, causa est

*Deus causa
est vniuersa-
lissima.*

*Quid causa
particularis.*

*Causa pro-
pinqua &
remota.*

propinqua secundi, & secundus tertij, atq; ita consequenter, sed omnium aliorum præterquam secundi, est ignis primus causa mediata, & secundus causa mediata est quartus & quintus. Sunt autem causæ vniuersales etiã causæ propinquæ æquæ atq; particulares. Sol enim & corpora cœlestia, effectibus prope sunt, & secundum causalitatem effectum attingunt per se se, non tantum mediantibus aliis particularibus agentibus. In omni enim effectui naturali, immediate per se Deus cōcurrit, similiter & corpora cœlestia.

De causa per se & per accidens secundum nominationem. CAP. X.

Cause vniuersales sunt propinqua.

Causa per se & per accidens.

Quid causa per se secundum nominationem.

Iterum autem diuiditur causa, in causam per se, & causam per accidens. Id quod; rursus vel secundum nominationem, vel secundum realem considerationem.

Secundum nominationem est causa per se, quando causa exprimitur sub ratione causalitatis, id est, sub ea ratione secundum quam talis ei effectus competit. Quæadmodum dicimus lucidum per se esse causam luminis vel illuminationis, calidum per se esse causam calefactionis, iugulationem esse per se causam interitus, summum quoque bonum per se finem esse omnium. Atque ita cum dicimus lucidum illuminare, calidum calefacere, iugulatum interire vel interiisse, summum bonum appeti vel desiderari, causa per se exprimitur secundum nominationem. Lucidum enim quatenus lucidum, illuminat, & calidum quatenus calidum, calefacit. atque ita in cæteris. Per accidens verò dicitur causa secundum nominationem, quando causa non exprimitur secundum rationem causalitatis, neque sub ea ratione secundum quam ei effectus talis cōuenit, sed sub ratione aliqua extranea & impertinente. Quæadmodum (exempli gratia) si quis dixerit calidum causam luminis, aut lucidum causam caloris, dicatque lucidum calefacere, & calidum illuminare, percussum interiisse, omnia creatorē appetere & desiderare. In his enim ratio causalitatis non exprimitur, sed aliquid impertinens effectui. Non enim lucidum quatenus lucidum calefacit, sed quatenus calidum: neque calidum quatenus lucidum calefacit, sed quatenus calidum: neque percussum quatenus percussum interiit, sed quatenus iugulatum: neque creator quatenus creator, sed quatenus summum bonum & finis omnium ultimus, ab omnibus appetitur ac desideratur, quasi ordinatis ad ipsum.

De

De causa per se & per accidens secundum rem. CAP. XI.

Secundum realem verò considerationem dicitur causa per se, quæ ad effectū aliquē ordinatur, siue secundum naturalem inclinationē, siue secundū rationis propositū. Per accidens verò, quæ ad certū effectum non ordinatur, sed accidit ei effectus præter intentionem & ordinationē. Quemadmodū (exempli gratia) formā lapidis aut ligni per se mouet lignū ipsum aut lapidē deorsum. Ad talem enim effectū est secundū naturam determinata, atque ob hoc ipsa est causa per se motus talis deorsum. Ceterū si cadens lignum in ignē corrūpatur, & inflammetur, per accidens fit talis effectus. Non enim intēdebatur à formā deorsum mouentē rei corruptio, sed accidit hoc præter inclinationē naturæ, itē si cadens lapis frangat vasterreū, per accidens hoc euenit. Item cū proper sanitatem tecuprandam quis deambulat, hoc ipsum intendens, ipsa ambulatio causa per se est sanitatis, ad quā ordinatur, ex ratione & proposito ambulantis. Cæterum, si inter ambulandum contingat pedem offendere, aut aurū reperire in via, aut simile aliquid præter intentionē effectus eiusmodi per accidens est. Sunt præterea causæ quædam potentiales, vt ædificator, creātor, figulus, pistōr, faber, inflammatiuum, illuminatiuū. Et significant huiusmodi plerunque habitūs, siue potentias. Aliæ actuales, vt ædificans, creans, fingens, fabricans, inflammans, illuminans, & ita in aliis, quæ actum significant vel actionem ipsius efficientis, quemadmodum priora habitus vel potentias.

Quid causa per se ex re ipsa.
Quid per accidens causa ex re.

Causa potentialis & actualis

De causa materiali, & duplici relatione nominis, materia.

CAP. XII.

Quāntum autē ad causam materiale atq; formale attinet, aduertendū est, non prorsus eodē modo hic accipi materiam & formam, quo in libro priore diximus significare. Latius enim hic sumitur causa materialis & formalis quā ibi forma & materia. Vnde hic etiā materia artis, quæ secūda solet nominari, eò quod ex alia priori componitur, est causa materialis, vt ex toto ligno fit idolū, & ipsa forma idoli hic formalis causa dicitur, cū illic nec lignum admittatur materia idoli, neq; idoli species formā, quēadmodū latius fuit præcedenti libro declaratū. Præterea quod ad nominis materię rationē attinet, sciendū est,

Materia in qua ex qua. materiam dupliciter posse comparari. Primò, ad formam quancunq; quam recipit, vel in se habet. Atq; ita solet vocari materia in qua, & materia subiectiua. Nam hæc est materiae conditio, formam ipsam substantialem & alias omnes accidentales recipere, atq; in se quodāmodo sustinere. Secundò cōparatur ad rē quā cōponit, vel naturalem vel artificialem. Atq; hac cōparatione nominatur materia ex qua. Similiter & de forma dicendum. Potest enim primò referri ad materiam cui inest, siue quā informat, quo modo dicitur hæc anima esse huius corporis, quasi ipsum informās: Secundò, ad rē quā cōponit, quomodo dicitur hæc anima huius esse hominis, eò quòd hunc hominē cōstituat. Iuxta primā cōsiderationē, materia & forma sunt ad inuicem relatiua, & ad inuicē referuntur. Est enim materia, formæ materia, tanquam informantis eam: & vicissim forma, est materiae forma, quasi ab ea informata. Et est relatio secundum superpositionē, eò quèd dignius sit formā esse quā materiam. Iuxta verò secundam considerationem, & materia & forma referuntur ad rē naturalem, vt quæ ex ipsa & per ipsam cōponatur. Nomē tamen naturæ, nō nisi cōpositū respicit. Nunquā enim dicitur forma esse natura materiæ, aut ecōtrario, sed vtraq; & forma & materia, sunt naturæ compositi siue rei naturalis.

Forma substantialis, artificialis, & accidentaria.

De triplici causa formali.

CAP. XIII.

Sciendum autem est, præter formas substantiales, quæ propriissimè causæ formales dicuntur, item & præter formas artificiales, quæ minus propriè, cætera etiam accidentia quæ quaecunq; esse accidentarium donāt rei cui insunt, nonnunquam causas formales nominari, quemadmodum albedo & scientia atque virtutes, formæ quædā sunt, & quædam formales causæ eorū in quibus sunt, eò quòd esse quoddam eis dare videantur. Dat enim homini albedo, vt sit albus, dat scientia, vt sciens sit ac doctus: virtus, vt bonus sit ac probus. Sed cū forma, propria & vera definitione dicatur, quæ rei dat esse, videtur sola forma substantialis propriè atq; simpliciter dicēda forma siue causa formalis, cum ipsa sola det esse simpliciter rei quam componit. Cæterū, neq; artificialis forma neq; alia quælibet accidentaria, vlli rei propriè & simpliciter esse donat, sed tantum aliquāliter esse, vt puta accidentarium, nem

sempe esse album, vel nigrum, bonum aut malum. Vnde nec simpliciter formales causæ, neq; propriæ dicendæ sunt, sed tantum improprie, & cum diminutione quædam formales causæ quatenus esse quoddam (secundum diminutionem loquendo) donat, non autem esse simpliciter. Relinquitur ergo, solas substantiales formas propriè atq; simpliciter causas formales nominandas: cæteras autem, non simpliciter sed cum diminutione, adiiciendo accidentales vel artificiales. Est autem forma accidentalis, quæ subiecto donat esse qualecunq; accidentarium, id est, esse aliquale. Forma vero artificialis, quæ donat esse artificiale, id est, quæ esse quippiam facit opus artis. Quæmadmodum formam idoli facit, ut idolum dicatur, & facit lecticæ formam, ut lectica sit, quod ex materia facit artifex, atq; ita in cæteris. Aut artificialis forma dicatur ab artifice, nimirum quod artificis operatione, secundum eius artem introducatur in materiam.

Quid accidentalis forma.

Quid artificialis.

De causa efficiente principali & minus principali producente, corrumpente, & conseruante.

CAP. XIII.

Inter efficientes causas, sunt quædam cōadiuantes tantum & disponetes sua actione siue operatione, suntque ministeriales & minus principales causæ, quædam autem sunt principales, quæ formam in materiam introducunt, etiã si minus videantur operari exterius, aut operi atq; materiæ exteriori minus insudare. Nam constat, multo amplius in agendo res naturales sollicitari circa effectum quam Deum, qui tamē principalissimus in omnia efficiendo est: non nisi quia vicinius formam in materiam inducit, & esse donat. Sic & de architecto dicendum est, qui in efficiendo rem ipsam artis præcipua est efficiens causa, tametsi plerunq; ministri inferiores, operi ipsi exteriori, atq; præparandæ materiæ & disponendæ ad formam artis, multo amplius insudet. Est quoq; & illud in proposito loco aduertendum, per efficiētē causam non solum intelligi causam quæ rem aliquam producit aut esse facit. Causa enim efficiens, sub se habet causam producentē, conseruantem, & corrumpentem. Nam & accidentia formæ conuenientia, quæ ipsam in materia conseruant, eius quædam efficiētia sunt. Ut in igne, calor, siccitas, raritas, leuitas, quamuis formam non produxerint, tamē conseruando progenitum, quodammodo efficiunt. Agentia quoq; naturalia cum sua

Causarum efficientium quædam principalis, quædam minus principalis.

Causa produciens, conseruans, & corrumpens.

virtute aliquid corrumpunt, eatenus in proposito efficiētia sunt. Vt cum ignis corrumpit aquam ac destruit, efficiens est corruptionis illius, & aquæ destructio effectus est virtutis ignis agentis.

De causa duplici, secundum esse & secundum fieri.

C A P. X V.

OMni autem diligentia est attendenda, quæ sequitur inter efficientia siue effectus distinctio.

Quædam sunt causæ suorū effectuum secundum esse, quædam tantum secundum fieri.

Quæ sequitur nota quam diligentissime.

Quædā enim, rerū tantūmodo dum fiunt causæ sunt, vt domificans, causa est domus quādiu domus sit, & ignis causa est caloris quādiu calor ipse sit in subiecto. Vbi verò domus iam facta est, & calor introductus in subiectū, & in suo esse sunt effectus completi, cessant esse effectus, neq; vltra accipiunt esse a b illis à quibus primitus eis datum est. Quare nec illæ causæ vltra sunt nominandæ. Domus enim postquā facta est, & semel vt domus sit accipit, non opus habet perpetua efficientia aut conseruatione domificantis. Manet enim semel extructa domus, moriente domificatore, quemadmodū & filius, patre moriente, nō moritur. Sic est de omni effectū, qui permanet absq; causæ cōseruatione. Quædā verò causæ rē quā diu est efficiunt, siue producendo, siue conseruando, vt lucidum causa est luminis, non solū vt fiat, sed etiā vt conseruetur atq; vt sit. Mox enim subtrahēta luce, aut corpore lucē habente, lumē deficit, nec absq; sua causa habere potest esse subsistēs. Illi ergo effectus qui quādiu sunt, causam habēt sui esse, effectus secundū suum esse dicuntur, & ea à quibus fiunt, causæ eorum efficientes secundū esse, nuncupantur. Quæ verò tantū dum fiunt causam habent, effectus in fieri vel dum fiunt nominantur, & eorū causæ, causæ in fieri siue secundū fieri possunt appellari. Et priori quidem modo causalitatis, constat Deū esse causam secundū esse creatorē omniū, & cœlestia corpora omniū corporaliū. Nō enim Deus est causa rerū solū dum fiunt, vel vt fiant, quasi postquā factæ fuerint ipsius causalitate vltra non habeant opus: sed quemadmodū dum fiunt ipsis esse primitus ab eo datur, ita vt sint, vtq; in suo quod acceperunt,

Quid causa secundum esse.

Quomodo Deus est omnium causa.

runt esse permaneat, conseruatione perpetua opus habent. Si enim vel ad momentum se subtraheret manus omnipotentis, & virtus efficientiæ eius quam rebus in conuersando impendit, in nihilum subito conciderent vniuersa, neque nulla omnino vel nobilissima permaneret subsistens creatura, neque humana, neque angelica.

Ex causa secundum esse, ponitur manu ductio, ad intelligendam æternam personarum in diuinis processione. CAP. XVI.

Est autem causalitas ista rerum secundum esse, diligenter attendenda, & penitissimè cõtuenda. Valet enim ad intelligendam eamque in diuinis est personarum processionem, æternam dico verbi generationem, & spiritus sancti æternam spirationem seu processionem. Per cõparationem enim eorum quæ in creaturis videmus à suis causis semper esse accipere, & semper effici, utcumque innotescere poterit diligenter attendentibus, quemadmodum & in diuinis credatur filius à patre semper gigni, & spiritus ab utroque semper procedere atque spirari. Ad hanc autem declarationem, congruum videbitur solis assumere cõsiderationem, qui lumen, similiter & ardoris siue caloris vim semper gignit, donec existit. Priusquam tamè cõparationem hanc faciamus, expedit præmittamus quo pacto sit à sensibilibus ad æterna traseundum. Oportet enim volentes ascendere anagogicis huiusmodi excessibus, in ipso ascensu, quicquid est corporale, quicquid materiale, quicquid imperfectum separare atque abnegare sicque intellectus acumine & fidei limpiditate sensum crassitie viriliter superare. Alioqui periculum fuerit, ne crassius quid de Deo sentiamus, aut in hereses incidamus. Id quod pluribus euenit, qui aut nescierunt aut noluerunt, spiritu mentis sensuum procacitatem captiuare. Quo rite præmisso ad æternam quæ in diuinis est processionem traseuntes dicimus, quod sicut lux in lucido sole causa est efficiens lumen, semper quãdiu est ipsum cõtinuò producens, & rursum à solis luce & diffuso lumine vis pariter ardoris efficitur, & si semper esset solis lux, semper lumen efficeret, pariterque & lux & lumen cõsequentem ardorem efficeret: ita pater celestis, æternus, lux æterna atque fecundissima, filium suum vnigenitum, verbum inuisibile, non causat, non efficit, non facit, non creat, non producit (hæc enim corporalia sunt & crassitiam secum ferunt) sed modo inæstimabili atque

Nota regulam pro anagogicis excessibus.

Manu ductio ad cognitionem Trinitatis.

incomprehensibili, qui est supra omnem sensum, qui que intellectus & angelici & humani capacitatem excedit, gignit atque dicit filium sibi coæternum & consubstantialem, per omnia penitus æqualem: ipsèq; filius gignitur, dicitur, atque procedit, aut est à patre. Et sicut æternaliter est pater cum filio, ita etiam æternaliter à patre gignitur filius, & æternaliter ut sit filius accipit à patre. Nec est huius processions aut initiū aut finem inuenire. Rursum, à patre & filio spiritus sanctus procedit æternaliter, à patre & à filio, sicut lux & lumen, temporaliter producant ardoris vim. In hoc tamen superat processio personarum processionem luminis & ardoris, quoniam non una est luminis, lucis, & ardoris substantia, una est autem patris, filij & spiritus sancti substantia, una essentia: suntq; unum ens summum atque perfectissimum.

Conversio ex precedentibus in beatissimæ Trinitatis adorationem.

CAP. XVII.

O igitur lux beata Trinitas & principalis unitas, iam nos sol iste igneus suis nos rotis sursum vectos corā te constituit in cœlestibus. Tibi verò omnis gratiæ pater, defixis in terram genibus gratias agimus, humiliata tibi ceruice vota persoluimus, qui nobis indignis famulis tuis secretissima secreta diuinitatis tuæ, per splendentē solē declarare dignatus es, quæ olim à filio tuo nobis secundum carnem assignato doctore, per fidē didicimus. Quā multis olim sol iste, dominator potentissime, fuit in laqueum, captionē & scandalum: qui nimium creaturæ ornatum attendentes, tuum illi honorem vanē impenderūt, tuæ lucis altissimam gloriam in hanc corpoream lucem commutantes. Nobis autem magistrum eū dedisti veritatis, & sicut olim stella magos ad pueritui Iesu noui regis duxit humile præsepiū, ita nos verē sol iste radians ad tui duxit, magnifici throni sempiternā gloriā. Corā te ergo, o beata trinitas, toto corde prostrati, ecce iacemus pauperculæ creaturæ tuę. Te adoramus: in unitate substantię trinū personaliter, & in personarū trinitate unū substantialiter: Te o lux immensa, lux non de luce, lux fecundissima, pater ingenite: te o fili, lux de luce, lumē de lumine, splendor de splendore, verbū patris æternū, de patris substantia æternaliter genitū: te o sancte spiritus ardor inextinguibilis,

bilis, ab æterno patre & filio æternus eternaliter spiratus atq; procedens. Te inquam vnū Deum, vnum dominum, vnum creatorem omniū adoramus solum: quoniam præter te non est Deus, alius, neq; fuit, neq; erit, neq; potuit *Ioan. 17.* esse aliquando absq; te, domine Deus noster, hæc est nobis vita dulcissime domine, te solum Deū verū agnosce: nunc quidē per fidē dum in tenebris huius mūdi subsistimus, tunc verò tunc (ō vtinam nunc) facie ad faciem te conspecturi, in æternum, & vltra. Amen.

De finis diuisione in vltimū & nō vltimū. CAP. XVIII.

Postquā de tribus causarū generibus suprā determinatū est, superest nūc vt de finali causa etiam specialius determinetur. Est igitur finis quidē vltimatus, ad quē propter se tanquā melius & perfectius, alius ordinatur minus bonū & perfectū, vt omniū quæ in hoc sensibili mūdo sunt, est homo finis vltimatus. Sūt enim cetera omnia propter hominē facta, & ad hominē quasi perfectissimū corū quæ in hoc mūdo sunt, referūtur vniuersa. Similiter nutrimentū est, propter vitam conseruandam: generās, propter speciē multiplicandā & cōseruandā: fides propter visionē, ipes propter adeptionē & possessionē. Atq; hic finis solet alio nomine vocari finis gratia cuius, vel propter quē. De hoc fine intelligitur, quod vulgō solet dici, Finis melior est iis quæ sunt ad finē. Siquidē Deus sic rerū ordinē disposuit, vt sint imperfectiora simpliciter propter perfectiora. Alius est finis nō vltimatus, quippe *Quid finis non vltimatus, seu finis quo.* qui per se finis rationē nō habet, sed solū est via vel motus quo mediū ad finē suū pertingit vel tendit: propter quod etiā finis quo solet nominari. Verbi gratia, Deus est finis vltimatus rerū omniū, atq; peculiariter naturę humanę. cognitio verò Dei, est finis quo pertingimus ad cōsecutionē finis illius. Intelligēdo enim & amādo Deū, finē hunc nostrum ita habemus atq; possidemus. Sic medicina est propter sanitatem, nutrimentum propter nutritionem, cibus propter comestionem. Et vniuersaliter omnis vsus rei est finis quidam eius, quo ad finem vltimatū cuius est vsus pertingit: vt equitatio, vsus equi est, quo pertingit equus ad finem, scilicet hominem, seruiendo ipsi. Sic enim equus ad hominem ordinatur vt illi seruiat. in ipsum ferendo, in agris arandis, in vehendis frugibus aliisq;

aliisq; huiusmodi ad hominis vtilitatem opportunis. De hoc autem fine non est intelligendum quod dici solet, finem esse nobiliorem eo quod ad finem est. Nam medicina quæ est substantia, perfectior est atq; in se nobilior sanitate, quæ est accidens: granum, perfectius actu nutritionis: pater, perfectior filio, propter quem generet, quemq; in generatione intēdit: & id cuius est vsus, vsu suo est nobilior. Ex quibus patet, aliud esse finem vltimum, & finē vltimatum. Vnicus est enim finis vltimus, Deus. Fines verò vltimati sunt plures.

Quemadmodum omnia, non solum voluntaria, verumetiam naturalia agant propter finem. CAP. XXI.

IN voluntariis & rationalibus, nulli dubiū est quomodo hæc propter finem præscitum & præcognitū agāt, in illis potissimum actibus qui secundum rationē & deliberationem fiunt. Quomodo autem agentia naturalia agant propter finem, forsitan minus patet. Cum enim finem nullum cognoscere valeant, videntur similiter non posse ob finem aliquem agere. Certū est tamen, etiā naturalia omnia propter finem agere, quoniam in naturalibus omnia videmus similiter & ordinatissimē euenire. Quæ res argumento est, ea ordinatē propter finē agere.

Quomodo agentia naturalia agant propter finem.

Sed ad hoc intelligendum, quod per se alioqui videtur captu difficile, valebit analogia domini ad seruum: dominus enim finem nouit, & propter hanc seruum ad opus mittit, nescientē tamen finem operis sui. Quemadmodū igitur seruus ille non temerē, sed propter finē certū agit, quē tamen nescit ipse, & nouit qui eū dirigit dominus: ita agentia naturalia nesciūt quidē neq; intelligūt finis sui rationē, & tamen propter finē agunt ordinatissimē omnia, non secus ac si finē ipsa agnoscerēt. Quod patet maxime in brutis animalibus, quæ sic ordinatē quædā faciunt vt prorsus videātur finē agnoscere (vt est videre in tela araneæ, & nidis auium) cum tamen sit certissimū ea suū finem nō cognoscere. Similiter & agentia, quæ neq; sensum vllū habent, suntq; prorsus insensibilia & inanimata, suas naturales actiones cōspiciuntur ordinatissimē semper exequi: cum tamen suæ actionis finem non agnoscant. Sed est in cœlis prouidissimus Deus, disponens omnia suauiter, qui sic naturalia dirigit ad finē quē ipse eis præiuldet,

&c

& præstituit, unicuique rei ad suum finem dans congruas modo mirabili inclinationes atque propensiones, qui singula disponit, & dirigit ordinatissimè, vsque adeò, ut etiam si singulis agentibus singuli dii essent, melius ordinatiùsq; ipsa dirigi aut gubernari non possent. Ex quibus liquet creaturas omnes præter hominè agi potius à Deo ad suos fines, quàm agere seipsas: quèadmodum sagitta à sagittate emissà, & seruus emissus à dño agitur ab iis à quibus emit tūtur ad opus. Sola autem creatura rationalis in actib⁹ voluntarijs seipsam agit, eò quòd suū finem habeat cognitum.

Quomodo finis cetera cause proportionari debent, & quomodo diuersimodè quedam agunt propter finem. CAP. XX.

Est autem finis prima causarū atque adeò causarū causa: *Finis quomodo causa tum prima.* Quoniā secundum finē cetera omnia proportionari debēt. Verbi gratia, quoniā finis est domus familiarē inhabitatio, & domesticarū rerū exercitatio: templorū autem cōuentus tantum fidelium in vnū ad orandum, ad audiendum verbū Dei, non autē ad exercitationes domesticas aut opera exercēda ciuilia, idcirco aliter tēpla, aliter domus adificātur, Quoniam alius castrorū finis alius palatiorum, idcirco alij efficientes, alia materia & alia forma adhibenda his, quā illis. Longè enim alia est forma tēpli à forma domus, & alia plerūque materia. Similiter & alia est forma palatij triumphalis, alia castrī propugnatorij, alij quoque lapides pro triumphali gloria, alij pro fortitudine castrī solent exquiri. Et frequēter diuersi ad diuersa huiusmodi opera sunt quæredī artifices, cū plerūque is qui in altero præualet, in altero valeat minus. Similiter & cū vestis est faciēda, perquirēdus est ante omnia finis. Et quidē si propter domesticū fiat vsus tantū, longè alia materia ac forma fiet, quàm si in honestū & publicū aut triumphalē vsus fierit. Sufficit enim materia rudior ac forma simplicior ad illā, quàm ad hanc faciendā. Simpliciter tamen à forma res habet necessitatē ut sit, & suā accipit ab ea denominationē. quèadmodum vestis si formā habeat togæ militaris, indubiè militaris à forma denominari debet: si formā aliā, aliter denominabitur, iuxta quod expostulat forma. Fiūt tamē res secundū finē, & ipsa forma ab agēte secundū finis intentionē debet introduci. Est quoque & illud aduertendū, quædā agentia propter finē agere,

re, ad illum adipiscendum & acquirendum, quemadmodum bene viuunt homines, vt Deum suum finem apprehendant aliquando, atque in possessionē acquirant, quædam autem propter finem agunt, diffundendo & communicando. Quemadmodū Deus agit omnia quæ agit, non gratia vllius rei acquirendæ, neq; adipiscendæ, sed propter bonitatem suam diffundendam atque communicandam creaturis. Atque hoc modo ignis alium ignem producit, propter suæ speciei propagationem & multiplicationem.

De casu & fortuna, deque effectibus casualibus & fortuitis.

C A P. X X I.

CAus & fortuna quanquā causæ sunt efficiētes & sub efficiētibus partim dicta sunt, specialē tamen habēt difficultatem, eo quòd causæ per accidens sunt: quare & specialē exigunt tractatū. Subiungitur ergo hæc diuisio: Eorū quæ fiunt, alia semper eodem modo fiunt, alia plerunque: alia fiunt præter hæc.

Cuius hic est sensus: Inter ea quæ fiunt, quædā semper aut vt plurimum à suis causis similiter fiunt, vt plerunque deambulatio per locum amœniorem, animi releuationem operatur, atq; sanitatem siue producit, siue conseruat, semper forma lapidis, ablato impedimento, lapidem deorsum moueri facit. Quædam verò à suis causis neque semper, neq; vt plurimum fiunt, sed rarò eueniunt. quemadmodum rarò euenit, ambulantiem, & conantiem ad rei venereæ sollicitationem ad virtutē conuerti, quod Darię legimus accidisse cum Crisanto: rarò item euenit, ambulantiem ad aquas puerum inuenire, quod accidit filiar Pharaonis cum Moyse Aegypcio. Rursum,

Exod. 2.

Eorum quæ fiunt, alia fiunt, alia non fiunt, alicuius gratia.

Cuius hic redditur sensus. Inter effectus, quidam sunt intenti ab agente, quidam non intenduntur, sed effectum ab agente intentum eos accidit concomitari, & hi dicuntur effectus per accidens, & eorū causæ sunt causæ per accidens. Vt consensum in rem veneream per se intendebat Daria, suo ad Crisantum aduentu. Ad hoc enim ornata cultu mirifico illum accessit, vt suis blanditiis in concupiscentiam eius animum inflecteret. Et ille quidem effectus

fectus, si conatum Dariæ fuisset sequutus, effectus fuisset dicendus per se. Sed præter intentionem & ordinationem euenit, & planè ex accidenti contigit ipsius ad Deū verum conuersio. Sic ex intentione filia Pharaonis egredi voluit, vt animum releuaret, præter intentionem verò euenit, vt Moysen reperiret Aegyptium, puerum cistellæ aquæ supernatanti inclusum.

In quibus habet locum casus & fortuna, & quomodo inter se hæc duo differant.

CAP. XXII.

His præmissis est aduertendum, casum & fortunā non nisi in illis locum habere quæ rarò fiunt, & quæ per accidens sunt. In iis enim quæ vel semper, vel vt plurimū ordinatè fiūt, casus & fortuna esse nō potest. Similiter neq; in iis quæ per se sunt, sed in iis quæ per accidens tantum. Vnde effectus casualis definitur, qui ex iis est quæ

Quid effectus casualis.

rarò fiunt, & per accidens. Vt in exemplis suprapositis, Dariæ illa ad Christū conuersio, effectus est casualis, qui ex eius ad Crisantū accessu consequutus fuit. Similiter & Moyse inuentio à Pharaonis filia, respectu deambulationis. Casus autem dici solet, ipsa causa effectus casualis, ita vt casus & casualis effectus pro relatiuis habeantur.

Est enim casus, causa per accidens effectus rarò contingentis.

Similiter de fortuna & effectū fortuito dicendū. Notanda tamen est differentia inter casum & fortunam, itémq; effectum casualem & effectum fortuitum: quoniā fortuna nomen specialius est, & cōmune minus est, quàm casus. Fortuna enim in solis est agentibus à proposito, casus verò etiam in agentibus naturalibus. similiter de effectū casuali & fortuito dicendum. Pro cuius notitiā Aristoteles ponit hanc diuisionem.

Eorum quæ fiunt, alia per electionem fiunt, alia non per electionem.

Vnde exustio ligni in ignem cadētis de superiori loco per actionem formæ substantialis ipsum mouentis, dicitur effectus casualis, eò quòd præter intentionē & inclinationem naturalem, talis accidit effectus: non est tamen effectus

effectus fortuitus, neque causa ipsa huius effectus per accidens fortuna, sed tantum casus dicenda est. Nō enim voluntate libera descensum intendit. Vnde fortuna ab Aristotele definitur hoc pacto:

Fortuna est causa per accidens in his quæ per electionem alicuius gratia fiunt, extrā semper, & frequenter.

Per electionem fieri nihil est aliud quàm libera voluntate, & ex proposito.

Ex dictis quadam ponuntur conclusiones.

CAP. XXIII.

Conclusiones Arist.

EX prædictis patet eorum falsitas, qui omnia ponebāt fieri à casu & fortuna: similiter & eorum, qui nihil à casu vel fortuna fieri admittebant. In utroque enim extremorum horum inest falsitas. Media autem sententia veritatem tenet, quæ neq; omnia dicit, neque nulla, à casu fieri & fortuna, iuxta declarationem suprapositam. Patet insuper, quemadmodum insipientibus & improvidis plurima contingant casualia atque fortuita: providis autem, pauciora. Nam improvidis plurima contingunt præterintentionem & per accidens, dum suas actiones easq; per se consequentia non attentè considerant. Providis verò, diligenter & suas actiones & quæ consequuntur circumspectantibus, non ita multa præterintentionem & per accidens contingunt, ac proinde non ita multi eis contingunt effectus casuales. Atque hinc rursus colligitur, providissimo illi, ac summo sapienti Deo (cuius ordinatissimam dispositionem & prævisionem nihil latere potest aut subterfugere) nihil accidere posse casuale vel fortuitum: cum præter illius intentionem prorsus nihil posset euenire, sine cuius ordinatione, dispositione, ac nutu neque solum arbori decidit, neque pilus deperit capiti. Et frequenter ea quæ secundum inferiores causas penitus casualia sunt aut fortuita, eadem quantū ad mentem diuinam primamq; causam maximè sunt iuenta, & secundum ordinatissimam eius dispositionem ita ordinata. Quemadmodum (exempli gratia) generis humani redemptio, legisq; veteris cessatio, & sanctæ fidei ad gentes transitus (quæ omnia ad Christi mortem consequuta

sequuta sunt) velut casualia atque fortuita effecta sunt, quantum ad principes Iudæorū, qui Christi mortē effecerant, & impiissimos dæmones, qui ad eam sollicitando fuerant conati. Omnipotēti autē deo nihil vnquā æquē prospectū fuit, intentū, aut ordinatū. Siquidē ab æterno ille hac ratione instaurare decreuit & quæ in cœlis & quæ in terris erant collapsa, & in filio suo superbenedicto omnia adimplere. Et vniuersaliter, nullus omnino cōtingit in hoc mundo effectus, quē non plenissima illa & æterna sapientia præviderit ab æterno, atq; etiam si pessimus sit, nouit tamen ab æterno, & disposuit apud sese, cur illum esset in suo tempore permissurus, & dispositione ordinatissima omnia nouit in debitos vsus suos atque fines referre.

Col. 1.

Quæ causarum genera Deo vel competant vel non competant.

C A P. X X I I I.

VT autē singula causarū genera ad Deū nunc accommodemus, sciendum est, quod prima duo causarum genera (nempe materialis & formalis) deo nō conueniūt, quoniam habent imperfectionē annexam. Materiā enim necesse est esse partem constituentem aliquid siue naturale, siue artificiale. Similiter & de forma cōstat, per quā oportet rem esse. Deus autem nullā prorsus cōpositionē nouit, neq; pars esse potest, qui est totū & perfectū esse omnium rerū. Casus etiā & fortuna illi nō cōueniunt, qui est prudentissima prouidentia, citra cuius ordinationē & intentionē nihil potest euenire. Cætera duo genera (nēpe efficiēs & finis) quatenus perfectionē nominant, illi sunt omnibus modis attribuenda. Est igitur dominus Deus, omnium rerū finis vltimatus & vltimus, in quem omnes omnium particulares fines reducuntur, ad quē tendunt totum nisi vniuersis suis operationibus: omnia enim naturalia, quāquam infima & vilissima, dum omnia ad hoc naturali tendūt conatu, vt illi assimilentur sua operatione, sicut & ipse summē potēs est: summēq; efficax in agendo, & dum omnia quærunt perfici, sicut & ille summē perfectus est.

Omnium finis est Deus.

Duabus enim rationibus Deus omnium finis est cū ratione finium particularium, quoniā nihil bonū est neq; appetibile, nisi secundū quod est à Deo, tum ratione sui ipsius, qui est etiā vt summum bonum immediatus finis omnium

Quomodo omnium effectuum & rerum Deus est causa efficiens.

C A P. X X V.

*Deus est re-
rū omnium
causa effi-
ciens.*

OMniū quoq; effectū Deus est causa prima efficiēs, & producens & conseruans. Omniū enim causa est, & ab ipso sunt omnia, non solū in fieri, sed quādiu sunt, continuō ipse eis esse influit. & omne efficiens particulare in ipsum Deum vt primū reducitur. Vt enim quælibet res sit efficiens, à Deo habet. Et hac ratione Deus quasi efficiens mediātū est eorū effectuum, quos mediantibus aliis agentibus operatur. Quanquā enim Deus per se potēs sit absq; medio omnia similiter, sicut nunc fiunt, efficere & disponere; tamen ad magnificentiam gloriæ suæ declarandam & donandam creaturis perfectionē (est enim magnæ perfectionis, virtutē habere quippiā efficiendi) proinde ita dispensat rerū ordinē, vt plurima aliis velit mediantibus efficere. Quicquid tamē potest mediante causa secundaria, hoc etiam per se, si velit, potest. Quid enim per se nō poterit, qui per se cœlū & terram, angelos & homines potuit creare? Non tamen est intelligenda hæc mediata causalitas, ad eum modū quo in creaturis pater causa est mediata filij, quoniam medio seminis (in quo est tota patris efficiētia) gignit. Nā & si Deus mediante alio quippiam efficiat, nihilominus tamen oportet ipsum esse effectui immediatū, & influere in ipsum suū esse aq̃uē ac si nulla adesset secūda causa. Imō neq; fieri potest, vt talē quælibet creatura virtutē accipiat à Deo, vt possit per se solā, absq; immediato Dei concursu, aliquid efficere. Patet igitur, quomodo particularis agentis efficientia in Deū reducitur, sicq; Deū quodammodo mediatum agēs constituit. Deinde, immediatus Dei concursus ad efficiendam rem, Deum facit esse omnium causam immediatam.

Vnde in rebus atque effectibus. possit defectus, aut peccatum, aut monstruositas inueniri.

C A P. X X V I.

IN illis autē operibus quæ absq; particulari causa mediata Deus facit, nullus potest esse defectus, neq; malū, neq; peccatū. Sed in his quæ per causam mediatam facit, potest malū & defectus euenire; nō ex ipso primo principio summē bono atq; perfectō, sed ex particularis alicuius efficientis insufficientia, vel imperfectione. Ipse enim generaliter influit & cōcurrit, ad omnem actionē & opus omn

omne, tam naturalis quàm voluntarij agentis. Cæterum, causa: particulares & secundariæ, quæ ad effectũ concurrunt, efficiunt faciliè, vt defectus aliquis siue peccatũ cõtingat. Vnde manifestũ est, quotiescunq; effectus aliqui monstrosi contingunt, debere defectum illum atq; mōstruositatem in aliquam reduci causarum secundarum.

Effectus autem monstrosus est, qui deformitatẽ aliquam notabilem habet, toti suæ speciei extraneam: idq; ab origine.

Quemadmodũ si quis nascatur duo habēs capita, senos digitos in vna manu, os habens ad aurem retortum, aut rostrum caninũ. Quæ possunt vel ex parte indispositionis materiæ, vel ex defectu & superabundantia euenire, similiter & ex superabūdātia vel defectu virtutis actiuæ, atq; etiā aliis diuersis modis, de quibus particularius determinare, ad medicum potius quàm ad Physicũ spectat.

Et quemadmodũ in naturalibus istis, defectus siue mōstruositas in Deum nequaquam reducitur, sed in causam secundam deficientẽ, ita in actibus humanis qui à voluntate fiunt, si quid inest defectus atq; monstri, si quid peccati & deformitatis (quẽadmodũ est in omnibus peccatorum actibus) nequaquam in Deũ primam causam reduci debet, aut illi quasi auctori ascribi, sed in causam secundā, id est in hominis peruersam voluntatẽ: ita vt quicquid est boni in actibus nostris, Deo omnis boni auctori, quatenus bonũ, adscribatur: quod verò inest defectus atq; mali, nobis ipsis, id est, nostrę volūtatis prauitati imputetur. Iuxta quod per Osee prophetā dominus loquitur dicens, Perditio tua ex te Israël, tantummodo ex me auxilium tuũ, siue saluatio tua in bonũ. Igitur domine omnẽ auferas impietatem, quā in nobis sine te nos sumus operati, & nunc accepta bonum placitumq; habere, quod tu in nobis es operatus: & vitulos labiorum nostrorum, laudem & gratiarum actionem, sacrificabimus tibi.

Osee 13.

Ibidem.

*Conclusio libri in conuersione ad creatorem ex spectaculo
creaturarum.*

C A P. X X V I I.

Confite te nunc ô anima mea domino, & cõuertere in requiem tuam. Ascende in speculam celsitudinis tuę, Psal. 114.

Thre.3.

calcatisque subtus te elementorum globis, luna, sole, cunctisq; calorū orbibus. Leua quoq; te supra te, & stās prospice eminus super vniuersam creaturā domini Dei tui. Contuere, & perspice diligēter, quēadmodū à summa illa ac prima omniū causa effluat esse omnibus, quēadmodū illo perpetuo influxu etiam minimis creaturis (quas hominis fastus vix dignatur aspectu) suum cuiq; propriū esse influat, quomodo ab illo inexhausto fonte, tanquam sitibunda omnis creatura suam hauriat bonitatē atq; perfectionē. Rursūq; contēplare, quanto conatu vniuersæ creaturæ pro sua virili, certatim ad illud primū & summum bonū contendunt redire, à quo sunt egressæ. Videbis certē, nihil aliud omnē creaturā agere, quā ad Deum tēdere, & natiuo ac genuino desiderio incessanter ad illū anhelare, illiq; vt fiat simillima, toto nisu elaborare. O' quā est iocundū hoc spectaculū animæ quærēti Deum. Ex aduerso autē quā fœdū est & abominandū spectaculum, & monstrū nimis horrendū, cū sic videamus omnem creaturam ad Deū conari, ad quē tamē pertingere nequa quā potest, hominē solū oculos habere in terrā defixos: cū sit ipse vnus in hoc factus, vt Deo sempiterno nexu copuletur. O' monstrū horrendū. O' execrabile facinus. O' immane scelus, homo Deū nō quærens. Nos verò ad illū quē omnis laudat factura spiritalis atq; corporea, corda etiā nostra leuamus cū manibus, & ne solos nos tā glorioso deesse contingat certamini, in quo primos iure fuisse oportebat, incessanter illius vacemus laudibus, ad illum desiderio semper incessanti anhelātes, atq; per operationem Deo dignam & nobis cōgruam properantes, qui est vnus primus atque beatissimus, creatorum omnium, peculiariter verò humani figmenti, finis & requies vltima, à quo vno sunt omnia, & in quem item tendunt vniuersa, Cui sit honor & gloria in secula seculorum. Amen.

Thre.3.

FINIT LIBER SECVNDVS.

CANTICVM PSALMI, IN LAVDEM

causæ primæ, creatricis omnium.

Cœli cœlorum & qui inhabitatis in eis accedite: terra, mare, & quæ in eis estis, omnia, festinate in chorum gaudij.

Ve

Volucres cæli celeriter aduolantes ne moram nobis facite: etiam quæ super terram serpitis ac reptis, accelerate gressus vestros.

Venite quæcunque subsistitis, collaudemus vñā dominum: ipse est enim cuius potentia surreximus de nihilo.

Non sunt absque illo angelica substantia: siquidem in principio ipse creauit eas in nobilitate nature suæ.

Cælorum quoque amplissimos orbis tu extendisti solus: tanta molis materiam erat tibi pro nihilo condere, qui es omnipotens.

Virtutem mirificam indidisti corporibus istis, vt ad efficiendū quæque sint potentia, quomodo tu in omnibus operans omnia, te demonstrans omnipotentem.

Hunc etenim tu deputas ornatum gloriæ tuæ, sic cōstituis & creaturas tibi non in minimo similes.

In omnibus verò quæ sursum habitant, & nostro aspectui apparent eminus, solis iubar sese monstrat gloriofius.

Ipse graditur in magnificentia gloriæ suæ, per medium cæli ex omni parte luminaribus mille millibus stipatus atque circumdatus.

Quasi dominator in medio serworum graditur in comitatu stellarum, & diffundit multo ardore circumquaque flagrantem radios.

Quocunque aspexerit, illucescit lumen diei: suo abscessu atque regressu contristat & letificat omnia.

Cum abscesserit à terris aspectus eius, marcescunt omnia: ipso redeunte in placiditate sua renouatur facies vniuersæ terre.

Ipse vulnerat & sanat, mortificat & viuificat: & est in omnibus, ò altissime, tui monstrans miram similitudinem.

Laudet te quoque pallida luna & lumē stellarum, quibus cælorum moles iussisti clarescere, & illuminari per noctem obscuritatē terræ.

Laudetur in ignis natura stupenda potentia tua: cui & ipsi miram tibi placuit efficiendi communicare virtutem.

Pulcher est, iocundus, atque formosus, fortis, validus, & in pugnando robustissimus.

Luce sua illuminat, & flagrat ardoribus, quæ bona sunt perficit, absument mala, commixta purgat.

Nunquid non in omnibus his similitudo tua relucet creator altissime? nam & tu ignis consumens es, probans, purgans, atque perficiens.

Sed & aquæ quæ sunt sub firmamēto, habent paratam in se laudem tibi, in quibus virtutem constituisti admirabilis fecunditatis.

Iussisti enim paulo post creationis initium producere eas natantia viuētia: benedictionem tuam contulisti in illas, vt implerentur inhabitatoribus natantibus.

At verò terra mater communis omnium nostrum habet & ipsa manus plenas laudibus. parata offerre eas ante conspectum tuum.

Ecce enim que profert tibi ad obeditionem iussionis tue: herbam virentem, ligna pomifera, & multum omnino decorem ad necessitatem atque delicias filiorum hominum.

Cum tibi rationale figmentum operari placuerit aut fingere: ipsa est que tibi prebet copiosum semper materiam in opere tuo.

Et suis ipsa fructibus quos dedisti ei, sustentat mater bona filios. suos: o Deus magne, quam es in omnibus creator tu mirabilis.

Quo pergimus longius, eo minus pertingimus. laudent te in substantia sua, quæcunque condidit altissima omnipotentia tua.

Nos quoque donec viuimus filij hominum, benedicimus nomini glorie tue: & benedicemus amodo & vsque in secula.

Gloria patri, & filio, & spiritui sancto.

sicut erat in principio, & nunc, & semper, & in secula seculorum. Amen.

FINIT PSALMVS.

IN LIBRVM III.

PHYSICAE CONSIDERA-
TIONIS DE MOTV ET
EIVS ACCIDENTIBVS
PRAEFATIO.



Dignam Dei summi declarandam, post rerum naturas, & causas, motum quoque explicare tentabimus. Ipse namque ut solus penitus perfectus, actus purissimus atque perfectissimus est, omnis expers motus atque mutationis, ita cuncta creata mobilia fecit esse, motibusque variis ac multiplici mutationi subiecta. unde est paratissima inter Deum & creaturas distinctio, quod Deus in se ipso eternaliter perfectus, nihil perfectionis neque appositione annorum acquirit, neque decursu perdit, neque secundum ullam omnino mutationem potest pertingere ad habendum quod non habuisset, siue ad perdendum quod prius habuisset. Omnes autem creaturae ad suam perfectionem naturalibus attingunt mutationibus, acquirētes per motum quod non habeant, perdentes quod habeant.

Atque

Atq; hîc finis erit considerationis huius vt cognoscamus præfidentem omnibus, in se semper immotum permanentem, singulis quibusq; rebus suos motus prouidissimè dispensantem dominū Deum nostrū: qui moueri nescius, singula vt vult, & quando vult, mouere potens est: quîq; (vt diuinus ille ac planè theologissimus philosophus cecinit Boëtius) Immotus ipse manēs, dat cuncta moueri. Ad huius rei noticiam nonnihil profuerit subiicere diuisiones aliquot ab ipso Aristotele positas. quarum primā est hæc: *Boëtius in libro de consolacione philosophiæ.*

Eorum quæ sunt, quædam actu tantum, quædam potentia sunt atque actu.

Cuius hic est sensus, rerum existentium, quædam est forma accidentalis, aut substantialis, aut res ex illis composita, in quantum sub tali forma existens consideratur. alia est res existens in quantum talem formam non habet & habere potest: vt homo ea ratione qua animam rationalem habet, albedinem, talem vel talem dispositionem, sub priori membro, sub consideratione verò carētis alia forma sub posteriori. vnde hæc membra tantum ratione differunt. Secunda diuisio est,

Horum, aliud est hoc aliquid, aliud tantum, aliud tale, & in cæteris simili modo, quæ eius quod est prædicamenta dicuntur.

Id est, entiū aliud est substantia, aliud quantitas, aliud qualitas: & sic de cæteris prædicamentis. Tertia diuisio est, Eorum quæ sunt ad aliquid, aliud excessione defectiōneve dicitur, aliud actiui passiueque atque omnino motiui ac mobilis ratione.

Cuius hic sensus, eorum quæ ad se inuicem quoquo modo referuntur, quædam significatione acquisitionis siue generationis referantur, siue actualis, siue potentialis possibilisve. alia verò deperditionis ratione, vt generans generatum, produciens productum, generabile generatum, corrumpens corruptum, corruptibile corruptum. Quarta diuisio est hæc,

Id quod mutatur, aut in substantia, aut in quantitate, aut qualitate, aut in loco semper mutatur.

Cuius hic est sensus, motuum vel eorum quæ mouentur, aliud tendit ad substantiam tanquam terminum ad quem, aliud ad quantitatem, aliud ad qualitatem, aliud ad locum. Quinta est hæc,

Motuum siue ad substantiam sit, siue ad quantitatem, siue ad qualitatem, siue ad locum, alius est perfectus, alius imperfectus.

Ille perfectus est, qui ad formam perfectiorem tendit. Vt generatio hominis perfectior est generatione equi, & hæc generatione arboris, & hæc generatione herbar. Imperfectus est, qui ad formam imperfectam est, aut priuatiuā, vt denigratio dealbatione, & corruptio generatione imperfectior est, & sic de cæteris.

De definitione motus.

C A P. I.

Arist. 3. Physicorum.

Definit Aristoteles motum hoc modo, Motus est actus entis in potentia vt est tale.

Item alibi, Motus actus est mobilis vt est mobile. Hoc est, quatenus in potētia est. Qua definitione significatur, motū esse accidentariam quandā rei mobilis formam, per quā veluti viā, res quæ mouetur ad aliquid continuò acquirendū vel deperdendum tendit, quasi ad terminū. Motus enim est, quo mobilis potentia ad actū deducitur. Quemadmodū cū ex ligno generatur ignis, per motum hunc generationis, continuò forma ignis in materiam ligni introducit, & per corruptionis motū, continuò extra lignū pellitur præinexistens forma. Vnde statim euidentissimè patet motum, non nisi iis conuenire quæ potētiā habent admixtam, & à Deo esse quā longissimū. Cæteræ verò creaturæ quo plus habent potētiæ, eo amplius sunt motibus subiectæ. Spirituales enim substantiæ sensibilibus nō mouentur motibus, eò quòd ad formas sensibiles potētiā non habeant: intellectualibus tamē mutationibus subiacent, quoniā potētiā habēt ad intellectiones & affectiones, ad esse item & nō esse. Cælestia verò corpora, quia ad locū sensibilem potentia sunt, secundum suas partes diuersa loca habere apta, idcirco mouentur motu locali. Alterationes verò horum inferiorum alterationibus similes, non recipiunt: quoniam ad similes qualitates potētiā non habent.

De

De motu instantaneo, subito, & successivo.

CAP. II.

NOtandū verō est, quòd quidā sunt motus instantanei, qui in momento tēporis vel in non tēpore perficiuntur, vt aëris illuminatio, quæ tota simul vno instanti cōpletur, secundū omnes aëris partes. Hocq; ideo, quia lumen in aëre cōtrarium nullū habet, sed tantū sunt in eo tenebræ. priuatio luminis, quæ nullā faciūt resistantiā soli illuminanti, atq; hic motus, nullas habet successiōis partes. Alius est motus subitus, qui in instanti nō cōpletur, tamen in imperceptibili fit tēpore. Vt cū calefaciens, primū caloris gradū in subiectū inducit, in instanti hoc facere non potest, ob resistantiam aliqualem contrarij: tamē in imperceptibili tēpore & indeterminato hoc facit ita vt illius tēporis nō possit adēquatū assignari momentum, initias aut finiens. Successiuus verō motus & sensibilis est, quādo aperta est in motu successio, ita vt mōstrari possit, quæ parēs formæ qua tēporis parte sit per motū introducta aut expulsa. Quēadmodū est in motu calefactiōis aut frigefactiōis: quoniā calor totus, aut frigus totū, nō in instāti neq; subito sed cū tēporis successiōe in subiectū introducitur, ita vt secundū successiōem, vna pars prius, altera posterius in subiecto habeatur. Et de huiusmodi motu plerunq; intelligimus, cum de motu loquimur rerū naturalium. Res quippe naturales non multū mouēt, neq; mouētur instantaneæ, partim ob defectū virtutis actiue, partim ob cōtrariōrum resistantiā, vel mobilis in dispositionem. Subitus verō motus, plerunq; perficitur successiue, & in illū finitur: Aqua enim licet incipiat subito calefieri secundū primū caloris gradū, quantū tamen ad totā caloris formam, successiue debet calefieri.

De differentia rerum successiuarum, à rebus permanentibus.

CAP. III.

PRO pleniori autē motus intelligētia aduertendū est. quo pacto distinguantur ab inuicē res permanentes & successiue. Illa nanq; permanentia sunt, quæ omnes suas partes simul habent, aut habere nata sunt, ita vt nulla opus sit eis successione. Alioqui & qualitates sensibiles plerunq; successione secundū partes suas absoluūtur, sed nō hoc requirit earū naturalis conditio, verū ex motus

*Quid motus instantaneus**Quid motus subitus**Quid successiuus motus**Quæ res sint permanentes*

natura contingit eis sic per accidens successiue fieri. Quæ-
admodum(exēpli gratia)calor, res permanens est, quia
tamen si ratione motus per quem habet acquiri, successi-
ue fiat atque in subiectum introducatur, tamen quantum
ex suæ naturæ conditione, nulla opus habet successione.
Potest enim partes suas omnes simul habere, neq; in vlllo
fluxu consistit. Illæ autē res sunt propriè dicendæ successi-
uæ, quæ ex naturali cōditione partes suas habent in suc-
cessionem, ita vt simul eas habere non possint. Cuiusmodi
sunt motus & tempus. Partiū enim motus vel tēporis ad-
ueniens altera alterā abigit: & hac abeunte, succedit ite-
rū alia tertia, quod in horarū fluxibus apertissimum est.
Porro quod in permanentibus rebus positio, hoc in succe-
dentibus est successio. Sicut enim ligni partes positionē
certam habent adinuicē, vt hæc nō possit esse simul secū-
dum locū cū illa, sed separatim hæc pars hīc est, illa illic,
istā istic, ita similiter quando prima hora est, nō est secūda:
quando secunda, non est prima neq; tertia, sed successio-
ne continuantur adinuicē, quia nunc est prima, post eam
subsequitur secunda, post quā euelligiō succedit tertia.
Vnde patet, sicut certa positione quantitates permanentes
sunt continuæ, ita tempus, huiusmodi successione esse
continuum. Diuiditur enim quantitas continua in perma-
nentem & successiuā. Permanentibus sunt, linea, superficies
& corpus. Tempus autē, quātitas continua est successiuā.

Motum non esse quantitatem, neq; vlllo stringi predicamento.

C A P. I I I I.

Q Vanquam autem motus succedentes habere partes
secundum successionem intelligatur, non tamē ad
quantitatis prædicamentum debet stringi, cum nihil ab
ipso denominetur quantum, sed (sicut facile potuit aduer-
ti ex dictis) à tempore quod motum sequitur, vt post di-
cetur. Vagatur enim motus ad omnia prædicamēta qua-
si reductus, iuxta eius termini ad quem est diuersitatem.
Nam generatio & corruptio, ad substantiam: augmenta-
tio & diminutio, ad quātitatem: alteratio, ad qualitatem:
loci mutatio, ad vbi, siue esse in loco, reducuntur. Et quā-
quam ita per omnia secundum reductionem motus va-
gatur, nullo tamen prædicamentali ordine constringi-
tur neque concluditur.

Quo

*Quid res
successiuæ.*

*Motus vaga-
tur per o-
mnia præ-
dicamenta.*

Quomodo motus aliquis etiam in partes extensionis diuidatur.

C A P. V.

PRæter motus diuisionē, qua diuiditur in partes succedentes, quæ copulantur per indiuisibile motus, correspondens instanti præsentī, quod solet vocari mutatum esse, est etiā quandoq; diuisibilis in partes extensionis. Sicut enim totum cælum habet totum motum quo mouetur, ita cuilibet parti cæli responderet aliqua pars illius totius motus. Non omnem tamen motū necesse est sic diuisibilem esse. Quādoq; enim totum mouetur, & nulli parti motus conuenit: veluti cum terminus ipsius motus indiuisibiliter sic est in toto, vt in nulla tamen subiecti parte, vel secundum se, vel secundum partem inueniatur. Vnde constat hanc diuisibilitatem competere motui per accidens, ratione termini ad quem est motus secundum eius extensionem. Cæterum, nullus motus partes vllas habet, aut habere potest secundū intentionem, cum non contingat plures partes eiusdem motus esse simul in eadē parte subiecti. Vel enim sibi inuicem succedunt, vel secundum extensionem in diuersis subiecti partibus existunt.

Arist. 6. lib. Physicorū.

Motus nō potest intendi.

De quinq; ad motum requisitis, & duplicibus mutationibus.

C A P. VI.

ADuertendum autem, ad motum necessariò quinque requiri: nempe, Mouens, mobile, terminum à quo, terminum ad quem, & tempus.

Tractat hæc Arist. 5. lib. Physicorū.

Absque his enim non fit motus, & sunt hæc in singulis motibus perquirēda. vt in alteratione à vitiis ad virtutes, est mouens & operans Deus, atq; suo exercitio liberū hominis arbitriū, ipse homo, est motū: terminus à quo receditur, vitium est: terminus ad quē acceditur, virtus est: tēpus, est visitationis dominicæ hora, siue aliud quodcunq; aduersitatis aut prosperitatis tempus, in quo se quis à vitiis auertit ad virtutē. Terminus quippe à quo, intelligitur id quod per motum abiicitur: quod aliquādo est pura negatio vel priuatio formæ quæ per motū acquiritur, aliquādo forma cōtraria. Vnde claret, quasdam mutationes esse de contrario in contrariū, vt ex calido fit frigidū, ex albo nigrū. Itē ex hēretica opinione mala, fit alteratio ad

Quid terminus à quo.

contra

contrariam opinionem: ex carnali amore, conuersio ad amorē spiritualem: à vitio, ad virtutē, vt à gula ad sobrietatē: ex denso, rarum: ex leui graue. Sub quibus comprehendimus motus qui sunt de medio in alterū extremū, vel e contrario: vt ex rubeo in album aut nigrū, aut e contrario. Et eiusmodi motus propriè vocantur motus, eò quòd sunt (secundū Aristotelem) de subiecto in subiectū: id est, de affirmatione ad affirmationem, vel de forma in formā: sūntq; hi motus difficiliores. Quædam sunt mutationes à priuatione tantum, vel negatione, ad oppositū habitū: vt ex non homine generatur homo, ex non igne ignis, ex indocto & rudi fit doctus, ex infideli priuatiuē, fidelis. quādo nimirū is, qui de dogmatibus fidei catholice neq; rectam, neq; peruersam habet opinionem, in fide docentis opera eruditur, vt rectè quæadmodum oportet de eis sentiat: ex tenebroso lucidum, atq; ita in similibus. Quas mutationes faciliores esse constat. Et (iuxta Aristotelis sententiā) motus propriè non sunt, sed mutationes tantū: quia sunt de non subiecto in subiectum: id est, de priuatione vel negatione (quæ per non subiecta intelligit) ad affirmationē: aut è contrario de subiecto ad nō subiectum, id est, de affirmatione ad negationem vel priuationem. Huiusmodi autem sunt generatio, quæ est à non esse ad esse: & corruptio, quæ est ab esse ad non esse.

De termino ad quem, & à quo, & quomodo secundum eos motus distinguantur vel non distinguantur. CAP. VII.

Quid terminus ad quē.

Terminus verò ad quē, illud dicitur ad quod mobile siue id quod mouetur tendit, siue sit affirmatio, siue negatio: vt terminus ad quem, generationis est forma rei quæ acquiritur per generationem, & esse rei quæ acquiritur per generationem, siue esse rei generatę. Ad hoc enim tendit generatio, vt forma substācialis insit in materia, & res substācialiter existat. Terminus corruptionis ad quē, est priuatio formæ præexistentis, & non esse rei præexistentis. Quippè ad hoc tendit corruptio, vt materia priuetur forma quæ interat, & res quæ præerat, suū esse perdat. Terminus augmētationis ad quem, est maior quantitas: Diminutionis, minor quantitas. Alterationis verò terminus, est qualitas secundū quā res alteratur loci mutationis: ipsū vbi, siue (vt crassius dicamus) locus secundum quem

quem res variatur. Est autē terminus ad quē, dignior & principalior consideratione motuum, termino à quo: quoniā & ab ipso motuū denominatio sumitur: vt altera-
Terminus ad quē, est dignior termino à quo. Vnde distinctio generica motus.
 tio, ad albedinē dealbatio, ad nigredinē denigratio vocatur. Quòdque amplius est, etiā distinctio generica atque specifica ex ipso accipitur. Secundum enim terminos ad quos sunt, distinguuntur (vt suprà declaratū est) generatio, corruptio, augmentatio, diminutio, alteratio, atque loci mutatio. Itē generationes viuētiū & inanimatorū distinguuntur genere propter formas diuersorū generū. Generationes hominum & brutorū distinguuntur specie, ob formas ad quas sunt specie differentes. Generationes diuersorum hominū, numero distinguuntur, ob formarū ad quas sunt numeralē tantū distinctiōnē. Ita similiter in aliis motuū generibus est dicendū. Non solū tamen ex diuersitate termini ad quē, motus distinguuntur: sed accipitur etiā distinctio motuū ex medio, quo ad terminū ad quē, necessariò debet perueniri, ob concatenationem cū termino ad quē. Motus enim rectus & circularis genere differunt, propter diuersum modū spatij quod pertrāsitur: itē motus rectus & motus curuus ad eundē locū. Itē doctrinatio eiusdē cōclusionis, iā per demonstratiōnē, iam per verisimile, tantum argumentū, ob mediij diuersitatē variatur. Neque profectò minus apparet hæc distinctio ipsius motus per se esse, quæ sic ex medio vel ratione aut modo aut conditione motus sumitur, quā ea etiā ipsa quæ ex termino ad quē sumitur. Ex termino autē à quo, constat nunquā variari specie motus. Eiusdē enim speciei est dealbatio quæ est à nigredine ad albedinē, cū ea quæ est à rubedine: & eiusdē speciei generatio ignis quæ est ex stipula, & qui ex ligno. Diuersitatem autē numeralē facit quodlibet illorū supra positorū. Qui enim motus vel aliud mouens, vel terminū à quo, vel ad quē aliū, vel aliud tēpus, vel aliud mobile habet, numero sunt indubiè diuersi. Facilius enim est numerū variare in rebus, quā speciē. Quāto enim minor est distinctio, tātò acquiritur facilius. quēadmodū cōtrario, maior distinctio (nēpe generica vel specifica) est difficilior.

An motus distinguatur à suo termino ad quē est. CAP. VI II.

Non est verò dubitandum vlla ratione, quia motus à termino suo ad quē, alius sit, ac distinguatur, vt minimū

Terminus à quo, speciem motus non variat.

nimū secundum rationem: cum motus rationē habeat rei successiua, sitq; motus omnis quatenus motus, res successiua, non autē terminus ad quem: cū sit secundū suū esse res permanens, etiā si successiue fiat atq; producat in subiecto. Verū de reali distinctione quaestio solet agitari, an motus res aliqua diuersa sit, & realiter secundū suū esse differēs à termino ad quē est: quibusdā realem distinctionē ponētibus, quibusdā negantibus, & ratione tantū distingui asserentibus. Iuxta quorū sententiam dicendum est, quod substantialis ipsa forma quae in generatione acquiritur in generato, vt à mouente in motum producta, quatenus per eam ens potentia, actu sit, sit ipsa generatio, forma verò quae deperditur, sit ipsa corruptio: & maior continuo acquisita quantitas, augmentatio: minor, diminutio. Frustra enim (vt ipsi aiunt) rerum pluralitas absq; necessitate ponitur. Neq; tamē admittunt, in eisdē praedicamentis ponendos esse motus, in quibus termini ponuntur, tamenli secundum rem sunt idem: quoniam diuersa ratio praedicamentorum ordines etiam variat.

De motu in comparatione ad actionem, & passionem: & de vocabulis motum significantibus. CAP. IX.

Similis quoq; de motu & actione & passione quaestio fieri solet, num realis sit pouēda distinctio inter actionem, passionem, & motum, an secundum rem coincidere dicenda sint, sola variātia ratione. Et huic quoq; quaestioni contrariae adhibentur responsiones, alteris priorē, alteris posteriorē sententiā approbātibus. Sunt enim qui motū dicunt nō nisi secundū rationē differre ab actione, & passione. Verū in his atq; similibus, vbi de reali distinctione mouetur quaestio, nō multū est anxie perquirendum, cū vtraq; pars suā plerunq; habeat probabilitatē, & suis rationibus ambae sententiae plerunq; muniātur. Neq; ad verū Philosophiae finē (qui est Deū in creaturis cognoscere, agnītūmq; collaudare) huiusmodi perplexae & steriles quaestiones multū admōdū videntur habere momenti. Illud autē aduertendū est, quod motus nō est in mouente, tamenli efficiatur à mouente: sed est in ipso mobili, sicut & terminus ad quem, in mobili tantū est, non in mouente. Neq; fingi debet vnus motus in mouente quo moueat, & alius in mobili quo ipsum moueatur. Sed quēadmodū

Nota attēde.

Motus est in mobili tantū.

modum (iuxta Aristotelem) eadem est via à Thebis ad Athenas, & ab Athenis ad Thebas: sic motus vnus est quo agens mouet extrinsecè, & intrinsecè mouetur mobile. Est enim motus, mediū quo ddā, & veluti quædā via inter actionē & passionē. Vbi rursum notandū, ratione huius coniunctionis distinguendas esse iuxta significationē omnes voces quæ motus significant: vtpote exēpli gratia, generare, corrūpere, generari, corrumpi, calefacere, calefieri, generatio, corruptio, calefactio, dealbatio, doctrinatio, atq; id genus alia, motū vel actionem aut passionem significare solita. Si enim motus significant, non collocātur sub actione vel passione. Si verò actiones & passionēs cū motu coëxistentes significāt, sub actione aut passione constituentur. Est enim generatio, corruptio, augmentatio, diminutio, dealbatio, doctrinatio quædam actiua, id est, actio: quædam passiua, id est, passio quædā neutra, id est, motus ipse, qui neq; actio, neq; passio est, sed inter vtrunq; mediat. Vocabula autē illa quæ motus significāt aut actiones, passionēsve immanentes animæ (cuiusmodi sunt intellectio, visio, volitio, auditio, ac similia) præter supradictas tres acceptiones, accipiunt etiam quartā. Est enim visio actiua, qua obiectū agit in sensum: est visio passiua, qua sensus ab obiecto patitur: est visio motus, id est, alteratio ipsa visus: & est visio quarta, quædā neutra-qualitas (vt dici solet) tertix speciei qualitatis, quæ motus visionis solet assignari terminis, solētq; ad distinctionē, actus videndi seu visio neutra nominari. De his verò latius pertractare, non arbitror præsentis esse negotij.

De motus continuitate, & quid ad eam requiratur. C A P. X.

His verò præmissis, cōsequenti ordine de quibusdam motui accidētibus est determinandū. Et primū quidem de motus ipsius continuitate, ad sciendū, quis motus continuus sit, aut non continuus. Est ergo aduertendum, quod ad motum continuū requiruntur, continua formæ acquisitio, vel deperditio, mobile continuū, & temporis continuatio, ita vt nulla sit in motu tēporis interruptio: quod si horū aliquod defuerit, nō potest esse motus continuus. Non autē requiritur mouentis continuitas, quia succedentibus absq; interruptione temporis diuerlis mouentibus eiusdē rationis, continuus effectus producitur.

Neque

Arist. 3. Physicorum.

Triples significatio motionis motus designatiui.

Quadruplex significatio.

Tractatur ista ab Arist. 8. lib. Physi.

Neq; item requiritur continuitas termini à quo, quoniā continuo motu prius à calore, pòst à tempore, ad frigus mouetur mobile. Mediū quoq; non oportet esse continuum. Vnus enim motus secundū locū est, qui per contigua tantū fit. Non tamen sufficiunt consequēter se habētia. Est enim differentia inter cōtinua, contigua, & consequenter se habentia. Vnde continua sunt, quorū vltima sunt vnum: ita vt quod est finis vnus, sit alterius verū initium. Contigua sunt, quorum vltima non sunt quidem vnum, sunt tamen simul. Simul autem sunt, quæ se inuicē tangunt: vt duæ lineæ diuisæ, quæ se inuicem tangunt in finientibus punctis, sunt contiguæ & non continuæ. Similiter duo ligna diuisa, se inuicem in extremitatibus proximè tangentia, contigua sunt, non continua. Continua verò sunt, duæ partes integrales vnus lineæ, adinuicem proximæ, & vnus totius integralis ligni duæ medietates sibi inuicē proximæ. Consequenter verò se habēt, quorū vltima non sunt vnum, neq; etiam simul: inter quæ tamen nullum medium est aliud eiusdem rationis. Vt duæ domus inter quas est spatium intermediū, nulla tamen alia domus, cōsequenter se habent: quas tamen manifestū est neq; continuas esse, neq; contiguas. Continuæ autem domus essent, si vnum haberent eundemq; parietem, qui huius esset finis & illius principium. Contiguæ verò, si diuersos quidem parietes, tamen se inuicem contingentes.

De motus tarditate, velocitate, atq; frequentia, deq; causa tarditatis aut velocitatis in motibus.

CAP. XI.

Motus tardus & velox.

Tardus motus est, quo maiori tēpore minus acquiritur vel deperditur: vt tardè calefit aqua, si magno tempore parum caloris acquirat: tardè augmentatur siue crescit arbor, si in prolixo tempore parum acquirat maioris quantitatis: tardè discit discipulus, si in multo tempore, scientiæ atq; doctrinæ paulum assequitur. Velox motus est, qui minori tempore multum acquirit aut perdit: quemadmodum in aqua breui tempore vehementer calefacta, & in discipulo industrio ac diligenti breui tempore multam scientiam assecuto. Vbi diligenter attendenda est differentia, quæ est inter motum velocem, & motum frequentem. Frequentia enim, interruptionem & discontinuitatem significat motus: longè verò aliud, velocitas,

Vnde tarditas in motu.

locitas. Procedit autē hęc tarditas in motu, aliquando ex defectu virtutis mouētis. Ignis enim modicus, nequit velociter calefacere: & doctor piger atq; ineptus, nequit discipulos cito ad doctrinā adducere. Nonnunquā verò, ex resistantia cōtrarij. Nequit enim etiā magnus & validus ignis, hominē multū frigidū cito calefacere, neq; preceptor industrius & diligēs, hebetē & obtusum pigrūmq; discipulū, cito in sciētia erudire, aut petulantē cito moribus probis instituere. Aliquādo, ex resistantia mediij. Lapis enim licet grauis, nō potest cito per aquam moueri, sicut per aērē: nec pluuia potest velociter descēdere, ob resistantiam aēris. In voluntariis autem, præter causas supradictas, voluntas etiam sua libertate causa esse potest tarditatis aut velocitatis motus. Homo enim nullum habens impedimentum velociter vel tarde mouendi siue agendi quippiam, potest tamen pro sua voluntate vel tarde vel velociter agere. Et primū mouens, quod est super omnia mouentia Deus in secula benedictus, cum neque virtute deficiat, neque vlla resistantia aut inconuenientia impediri possit, quādam tamē velocius, quādam tardius mouet, pro suo beneplacito, cui sine resistantia atq; contradictione obediunt vniuersa.

De vniformitate & difformitate motus. CAP. XII.

Atreuditur autem etiam vniformitas vel difformitas in motu, secundū considerationem partiū ipsius mobilis. Illud mobile quod iuxta omnes partes suas æqualiter atq; similiter secundū velocitatem aut tarditatem mouetur, vt totus homo æquē velociter in omni- bus mēbris calefactus, moueri dicitur vniformiter. Illud verò quod non secundū omnes partes æqualiter, sed secundū diuersas partes diuersimode mouetur, secundū aliam velocius, secundū aliam tardius, vt homo citius in manibus quā in pedibus calefactus, aut in eisdem membris nō æqualiter calefactus, difformiter moueri dicitur. Prouenit autē hęc difformitas in motu, aliquādo ex parte virtutis ipsius agētis, quæ tam vicina non est vni parti sicuti alteri. Aliquando ex parte mobilis, quia nimirū vna pars est magis indispōita ad suscepiōē actiuitatis, quā alia. Notādū autem est, quōd secundū locū difformiter mouetur omne corpus circulariter motum, etiam cœlestes orbes.

Moueri vniformiter & difformiter.

Semper enim velocius mouentur partes supremæ, quàm quæ sunt circa centrū aut mediū: quoniā illæ longius distantes magnū spatium pertranseunt, cum istæ proximiores in equali tempore, minimam circulationē absoluant. Id quod in rota figuli manifestè demonstrari potest: vbi partes quæ axi, proximæ sunt prorsus æquali tēpore suam minimā circulationē cōplent, quo partes extremæ à medio longissimè distantes, suum illum multo maiorem absolunt ambitum. Ita quæ non æqualiter secundum omnes partes accipiunt incrementum, difformiter augeri dicuntur. Et modo quodam etiam illi qui non secundum corpus & animam æqualiter proficiunt (vtpote qui corpore crescunt: & animæ profectum nullum in virtutibus aut moribus accipiunt) dici possunt difformiter proficere atque augescere. quanquā non est postremus iste sermo proprius, dō quod ex partibus integrantibus mobilis, non essentialibus propriè fieri debeat consideratio vniformitatis aut difformitatis.

De motu regulari & irregulari. CAP. XIII.

Quis motus
regularis &
irregularis.

Aristo. 8. li.
Physic.

IN super poni solet in motu regularitas & irregularitas, quæ nō attendūtur secundū partes mobilis, sed magis secundū tempus in quo fit motus. Si enim mobile toto tempore moueatur similiter siue æqualiter, secundum velocitatē & tarditatem in principio, medio, & fine, dicitur motus regularis. Vnde cælū regulariter, licet difformiter, mouetur. Sic qui nunc velox est in disciplinarū aut virtutū profectu, cras tardior, irregulariter proficit, quoniā nō similiter cōtinuat. Procedit autē hæc irregularitas potissimū ex virtute mouēte, quæ augetur vel minuitur. Quod enim mouetur naturaliter, in ipso motus sui initio tardius, in medio velocius, in fine velocissimè mouetur, propter cōtinuū aduenientē impetū, qui formā substantialē adiuuat in mouendo, atq; etiā ob loci naturalis approximationē. Quēadmodū enim vnaquæq; res ad suū locū naturalē desiderat, vbiq; extra ipsum fuerit posita, ita quo fuerit ei vicinior, magis naturaliter desiderat, atq; ad ipsum fertur, tēditq; vehementius. In iis autē quæ mouētur violētē ab extrinseco, motus in principio præceps est & velocior, sed cōtinuū fit remissior virtute impressā cōtinuū debilitata. In motibus verò qui secundū

scu

sensum sunt, aut etiā nōnunquā secūdū rationē, vt in motu progressiuo & similibus, principiū est quidē vtcunque velox, mediū velocius, finis tardior atq; deficiens. Quod ex parte instrumentorū est, quæ in principio nondū sunt satis disposita ad expeditē motum peragendū, sed per cōtinuā exercitationem rectius disponuntur: quemadmodū de vocis prolatione euidenter docet experientia. Tandē tamē, propter debilitatē si diutius perduret cōtinuus motus, instrumenta motus flaccescunt, & veluti deficiūt: quē admodū in vocalibus instrumētis experimur post longā locutionē, siue cātationē prolixiorē: inq; cruribus, & nervis, post diuturnā ambulationē. Notandū verō est, quod primū agens ac mouens, tametsi totam cōlorum machinā difformiter admodū moueat, faciēs sphaeras difformibus atq; diuersis motibus, aliā quidē citius, aliā velocius suū cursum absoluerē, mouet tamen eam ab initio vsque ad finē, motu regularissimo & ordinatissimo, eandē semper in motu regulā seruans atq; custodiens. Neq; enim ab initio seculi, citius aliquando aut tardius primū mobile motum est, aut mouebitur vnquā, quā nunc moueatur: neq; item aliorū orbiū quisquā, siue motus proprios, siue raptus ipsius motū consideremus. Et est id quidē suprà *Attestē nota.* modū admirabile, in tanta difformitatē motuū corporū cōlestiū, perpetuō regularitatē huiusmodi seruārī posse, eiusq; palām attestatur gloriā, qui in ea sapientia secūdum quam cōdidit vniuersa, regit etiam, mouet, atq; gubernat, qui est in secula benedictus. Amen.

De motu naturali & violento, & quomodo in singulis motuum generibus hac inueniantur. C A P. XIII.

MOTUū insuper quidā sunt rebus naturales, quidam *Quid natu*
violēti. Est autē motus ille rei naturalis, qui est se *talū motus*
cundū naturā rei, & ei est conueniens: vt igni, moueri sursum, & rarefieri, nisi fortē cōdensari ipsum amplius quā cōuenit cōtingat. Hi enim motus cōueniunt naturæ vel formæ ignis. Motus violentus vel cōtra naturā est, qui *Quis violē*
rei secūdū suā naturā nō conuenit, neq; est secūdū *tu.* naturam rei, sed ab extrinseco mouente imprimitur, forma cōtranitente. Vt motus ignis deorsum, & eius condensatio vel compressio: motus lapidis sursum, aut aquæ siue terræ nimia rarefactio. Repugnat siquidē naturæ

ignis, & formæ eius, motus deorsum & nimia condensatio: quemadmodum aquæ & terræ, motus sursum aut nimia rarefactio, atq; ita in cæteris. Vbi notandum est, materiam sicut est ad omnem formam indeterminata, ita & ad omnes accidentales dispositiones esse indifferentem, si in sua generalitate cōsideretur. Verum quatenus per formam limitatum esse participat, illa ei etiā dicuntur secundum naturam, quæ ipsi conueniunt sub forma quā habet. Et illa dicuntur ei esse contra naturam, etiam ex parte materiæ, quæ ipsam à suo esse quod habet participatum nata sunt repellere. Notandū verò, in omnibus motuū generibus inueniri motus aliquos naturales, alios violētos. Generationes enim quædam naturales sunt, vt florum in æstate, & corruptiones eorum in hyeme. Quædam violētæ, vt generationes florum vel foliorum in hyeme, ab aliquo accidente: & corruptiones subitæ florū in æstate ante defectum naturalem, ob vehēmentem æstum solis, aut aliud quodlibet accidēs malum superueniēs. Ita sunt partus tempestiui, & partus abortiui. Ita quædā naturaliter fit augmentatio, quædā violenter: vt augmentatio subita vel nimia pueri: vel tritici intempestiua augmentatio, ob abundantiam pluuiæ. Ita in diminutione viriū, ita & in alterationibus dicendum. Imo quædā sanatio est naturalis quædā violenta: vt quæ sūt ab aliquo extrinseco, per violentiam ratione cuiuslibet accidentis. Quanquā enim sanitas semper sit naturæ cōueniēs, tamē motus per quem ipsa introducitur, esse violentus, quādo nō per media naturæ conuenientia, sed magis per accidens introducitur, cum violentia agentis forma contranitente. Itē & sanatio quæ fit in diebus criticis, naturalis est: quæ verò dies criticos præuenit aut subsequitur, innaturalis, vt ait Aristoteles.

Quomodo adinucem debeant motus vel comparari, vel non comparari.

CAP. XV.

*Tractat,
hæc Arist. 7.
li. Physicor.*

NON est autē quilibet motus cuilibet motui comparabilis, secundum suprà determinatas proprietates vel accidentia. Motus enim rectus & circularis, secundū velocitatem, vel tarditatem non debent comparari. Vt enim in genere quolibet recta sit comparatio, oportet eam fieri secundum speciem specialissimā. Non enim dicitur vnū alio magis coloratū, aut quale, sed magis calidū vel ma-

gis

gis album. Oportet item, vt fiat comparatio in aliquo, quod vtriq; comparatorū vniuocē & secundū eandem rationem conueniat. Non enim dicitur homo magis sapiēs quā brutum, neq; brutum melius senriens, quā lapis, cum in vtrāq; cōparatione, ea quæ comparantur, nō conueniant in eo in quo sit cōparatio. Neq; rursū medicina magis sana dicitur, aut minus, quā homo: neq; potio ipsa magis quā vrina aut homo. Quāuis enim quodlibet horū sanū dicitur, nēpe homo, potio, & vrina, sit tamē hoc ratione atq; cōsideratione diuersa: homo enim sanus dicitur, vt habēs in se sanitatē: vrina, vt significatiua sanitatis: potio, vt effectiua eiusdē. Vt ergo omnino recta sit cōparatio, sumēdi sunt duo motus eiusdem speciei, eiusdēmq; rationis, qui secundū aliquod prædictorum accidētium cōparētur. Quēadmodū (exēpli gratia) hic motus rectus illo recto est velocior aut tardior, regularior aut irregularior, vniformior aut difformior: & hic circularis, illo: hęc alteratio, illa: hic motus localis, illo. atq; ita in ceteris.

De motuum contrarietate.

CAP. XVI.

MOTUS ex terminis contrariis, non sunt necessariō Arist. 5. Phyl. contrarij, vt patet de motu qui est ab albedine ad sicorum.. rubedinem, & de nigredine ad eandē rubedinem, qui sunt Qui motus elusdem speciei specialissimæ. Qui autem sunt ad terminos contrarios, sunt contrarij, etiam si nō sint ex cōtrariis contrarij. terminis. Ab eodē enim medio termino motus sursum & deorsum, sunt contrarij. Et dealbatio quæ est à rubedine, contrariatur denigrationi, quæ ab eadē tendit rubedine. Illi tamen motus sunt maxime cōtrarij, qui sunt à cōtrariis terminis ad contrarios terminos. vt qui est ab albedine ad nigredinē, illi qui est à nigredine ad albedinē, maxime est contrarius: & magis quā ille qui à media tantū est qualitate. Sumitur etiā contrarietas motuum accidentaliter, secundū naturale & violentum: ita vt generatio naturalis dicatur cōtraria simili generationi in specie violentæ. Sed hæc nō est specifica & essentialis contrarietas, cū naturale esse & violentū non varient speciē motus, neque etiam cætera suprā posita accidentia. Opponitur præterea motus etiam quieti, sumendo quietem semper motui oppositam. Vt motus à loco aliquo opponitur quieti in loco illo, non autem motus ad locum aliquem contraria-

Arist. circa finem. 5. lib. Phys.

tur quieti in eodem loco, quemadmodum habet Aristoteles v. lib. Physicorum. Non est tamē hęc oppositio cōtra-
Quid quies. riorum, sed priuatiuē oppositorū. Quies enim nihil aliud est, quā priuatio motus, atq; ab eo cessatio, in subiecto apto nato. Quemadmodum autem suprà motus quidam dicti sunt naturales, aliqui violenti, sic & de quiete possumus distinguere. Lapis enim, in suo loco naturali quiescit quiete naturali: extra verò eum, quiescit violenter.

De ijs quæ mouentur, quomodo quædam per se, quædam per acci-
dens moueantur.

C. A. P. XVII.

SVperest nūc, posteaquā de motus natura & proprietatibus diximus, de mouentibus etiā & motis determinationem subiungere. Ac primū quidem est aduertēdum, quemadmodum inter ea quæ mouentur, quædā tantum secundum partē mouentur, vt cū solam manū agitamus: quædam verò secūdum ipsum totum, vt cum corpus vniuersum agitur, siue saltu, siue ambulatione, siue alio
Arist. 7. Phy quolibet modo. Rursus, quædā per se mouētur, vt totus
sicorū & 3. ipse homo ambulās de loco in locum: quædam verò per accidens mouentur, alterius gratia, nimirū quæ in eo sunt quod per se mouetur. Idq; rursus dupliciter, vel sicut partes in toto, vt manus per accidens ad totius corporis motum: & qui naui vehūtur, gratia nauis cui insunt pariter mouētur, sed per accidēs: vel sicut accidētia quæ in rebus sunt quæ mouentur, maximē corporalia, quæ per accidēs moueri dicuntur ad motum sui subiecti: quemadmodum
Dictum Ari ex Aristotele vulgò adduci solet. Motis nobis mouen-
sto. 1. libro tur omnia quæ in nobis sunt. Complectitur autem Ari-
Topico. stoteles hęc vnica hac diuisione, quinto Physicorum,

Eorum quæ mutantur, aliud per accidens mutatur, aliud ex eo quia aliquid huius mutatur, aliud ex eo quia ipsum primo mouetur.

Cuius sensus ex præcedentibus & subsequētib; satis patet. Primæ partis exempla sunt, dum musicus dicitur ambulare, sanare, &c. Est siquidem motus deambulationis musicæ extraneus & per accidens, quemadmodum & reliqui. Secundæ exēplum est, dum homo dicitur sanari, quia oculus, manus, pes, aut caput sanatur. motus enim toti homini attribuitur, qui tantum parti conuenit. Ter-
 tiæ

tiæ exemplum est, vt homo ambulat, ægrotus sanatur, dum ratione totius corporis pristinæ valetudini restituitur. hinc & similis diuisio mouentis ab Aristotele colligitur, hæc videlicet,

Aliud per accidens mouet, aliud parte, aliud per se primo.

Quæ ex præcedente facile parent cum exemplis, si ea quæ rei mobili seu motæ attributa sunt mouenti applicentur. Similis quoque diuisio ab Aristotele de termino à quo motus procedit, & ad quem tendit, datur.

Terminorum à quo & ad quem, alius est per accidens, alius ratione partis, alius per se primo.

Vt si quis simul ambulet & sanetur, loco à quo recedit, aut ad quem tendit, impertinens & per accidens est motus ad sanitatem. similiter sanatio febris, pars est, si conferatur ad sanitatem in genere: respectu verò sanitatis febris oppositæ, habet terminum per se primo. Ad hunc enim terminum per se primo, totus motus tendit, quæ est sanatio à febre.

Quomodo aliter partes integrantes in toto moueantur quàm accidentia in subiectis. CAP. XVIII.

IN hoc tamē partes ab accidentibus sunt diuersæ, quòd corporis partes, totius motus aliquam partem in se habent, cuius cōparatione quodāmodo per se mouētur, sicut per accidens mouentur cōparatione ad motū totius. Quemadmodum enim totus motus in toto corpore est, sic pars motus in partibus sunt corporis totius: quemadmodū de aliis corporalibus accidentibus est manifestū. Accidentia verò nihil in se motus habent, sed extrinsecè prorsus ad motum subiecti moueri dicuntur. Proinde, quæ secundo hoc modo per accidens mouētur, magis per accidens & magis improprie moueri dicuntur, quàm quæ modo priori. Nā quæ priori modo per accidens moueri dicuntur, simul etiā per se secundū aliū motū moueri possunt: quemadmodū is qui in naui ambulat, ratione ambulationis quam à naui non habet, per se mouetur: ratione verò vectationis, per accidens. Sic cum inter ambulandū quis agit manum, cāmque in sublime tollit, manus illa quatenus ambulatione vñā cum toto corpore de loco fertur

*Aristot. 4.
Physicorum
in materia
de loco.*

in locū, per accidēs mouetur: secundū verò illū agitatio-
nis motum, per se rectè moueri dicuntur. Nunquam verò
id in accidentibus vsu venire potest, quæ per se moueri nō
possunt, sed per accidens & extrinsece tantum.

Quomodo rerum essentia nullo modo dicenda sint moueri, neq;

Deum inexistens omnibus.

C A P. X I X.

Essentiæ autē rerū quæ mouentur, nullo modo moue-
ri dicendæ sunt. neq; etiam spiritualia accidentia, quæ
creaturæ rationali secundū rationem insunt. Vnde cum
homo mouetur secundū corpus totum, anima tamen ob
hoc moueri non dicitur, neq; ipsa eius humanitas, neque
vllus interior animæ actus. Ex quo patet, tametsi in o-
mnibus rebus Deus existat, nulla tamen ratione debere
illū dici moueri ad motum rerū quibus inest. Cū rebus
ipse insit, non per modū accidentis, neq; per modū partis
integrantis, imò, neq; per modū partis essentialis (cū ipse
nullius sit pars compositi, neq; esse possit) sed inest omni-
bus per suam essentiam, ineffabili modo, præsentiamq; &
potentiā quasi dator essentiæ & existentie rerū, eiusq; cu-
stos & sustentator, in omnibus mouentibus & motis ipse
existens atq; inhabitans, prorsus immutabilis.

Regula generalis proijs, quæ mota Physico mouentur.

C A P. X X.

*Hanc con-
clusionē po-
nit & de-
monstrat
Aristot. ini-
tio 7. libri
Physicor.*

DE rebus autē naturalibus quæ per se mouentur physico
& naturali motu, dari solet hæc generalis regula.
Omne quod mouetur, ab alio necesse est moueri. Quod
vt veritatem habeat, intelligendū est, vel de mouente ex-
trinseco, vt in iis quæ mouentur violenter: vel de princi-
pio motus intrinseco, quod est forma substantialis rei.
Agens enim naturale, nō potest seipsum primo mouere,
id est, totaliter & secundū vtramq; partem essentialē: ne-
que item primo, id est, secundū vtramq; essentialē partē
moueri: sed altera semper est per se mouens & agens, for-
ma: altera per se mota atq; patiens, nempe materia. Dictū
est autē signanter de iis quæ mouentur motu physico, &
de mouentibus rebus naturalibus: quoniā anima quæ res
naturalis non est, seipsam primo mouere potest, quia se-
ipsam in actu facit, & ad intellectiōē atq; volitiōē per
se mouet. neq; hic opus est diuersitate moti atq; mouētis,
sed eadem anima & mouet seipsam, & à se ipsa mouetur.

De

De mouentibus subordinatis & non subordinatis.

CAP. XXI.

Quoties verò ad aliquod mobile plura cōtingit cōcurrere simul mouētia, talis inter ea debet esse subordinatio, quòd mouens proximū mobili mouet in virtute mouētis prioris quòd à re mota est elongatius, vt cū lapis mouetur à baculo, & hic à manu, & manus à corde, baculus est mouēs proximū moto, & ideo est min^o principale in illo motu: & cor est ibi primū in mouendo & principalius, quāuis remotius. Vnde pater deū (eò quòd sit primus in omni motu, in cuius virtute mouēt alia omnia secundaria mouētia) esse principalissimū in mouēdo, eūq; omnis motus in his inferioribus causam primariā atq; præcipuā assignari debere, quantūuis secundaria alia agentia ad eundē effectū videātur cōcurrere. Notandū verò huiusmodi subordinationē mouentiū esse duplicē. Quādā essentialē, vbi scilicet agēs proximū nō potest nisi per virtutē pariter mouētis prioris suū motū efficere, vt homo pater nō potest sine cœlestiū & Dei cōcursu filiū generare. ideo hæc sunt essentialiter subordinata: homo pater, cœlestia corpora, deus. In his autē sic essentialiter subordinatis. non potest processus esse in infinitū: alioqui, motus naturales essent indeterminati. Quod enim ab infinitis pēderet, nō haberet determinatā causalitatē. Sequeretur quoque positio infiniti actū secundū multitudinē, cū necesse sit causas sic essentialiter subordinatas simul existere.

Quadā verò mouētia, sunt subordinata accidētaliter: vt pater, auus, attauus, tritauus, &c. quādo scilicet mouēs immediatū nō requirit coexistentiā vel cōcursum mouētis prioris mediati, vt efficiat vel moueat: quēadmodū pater, vt filiū generet, nihil opus habet neq; coexistentia neq; cōcursu aui patris sui, neq; attauī, neq; tritauī. Sunt tamē hæc mouētia quodāmodo subordinata, quatenus mouēs vltimū (id est, pater generās) virtutē accepit à suo patre, atq; hic rursus à priore, illeq; iterū à suo patre, atq; ita cōsequēter pcedēdo. Verū in his mouētibus, nihil phiberet ponere infinitū, vt si mūdus poneretur fuisse æternus, & ab æterno hoīes aliquos fuisse, hoc modo infinita essent rerū naturaliū cause, & mouētia infinita. Ex his enim neq; tollitur rebus determinata causalitas, eò quòd mouētiū

*Quis ordo
debeat esse
pluribus mo-
uentibus cō-
currentibus.*

*Probat hanc
cōclusionem
Aristot. 7.
Physico.*

huiusmodi nō requiritur coëxistētia, neq; infinitū actu sequitur, sed successione tātū: qđ nō est incōueniēs admittere.

De multiplici proportionē & comparationē mouentis ad mobile.

CAP. XXII.

Quoniam autem mouere aliud, perfectionē habet: moueri autē secundū suam rationem, habet imperfectionē: constat mouens, quatenus huiusmodi, esse moto dignius, & mouens mobili supraponi secundū relationem. Vt autē mouens moueat mobile, oportet ipsum fortius esse mobili, & quasi dominium habere supra resistantiam mobilis. Iuxta igitur proportionē virtutis mouētis supra mobilis resistantiā vel indispositionē cōtingit mobile velocius, tardius, vel vniuniformius, vel difformius, vel regularius moueri vel nō moueri. Nō enim fit actio, nisi à proportionē maioris inæqualitatis. A' proportionē autē minoris inæqualitatis nō fit actio, quēadmodum vulgata habet Philosophorū sententia. Cuius dicti est hic intellectus: Agens nō posse agere in passum, nisi virtute superet ipsius resistantiā, & potētia sit inæquale secundum excessum. Id verò quod est minoris virtutis & potētiae nō posse agere in id quod est maioris virtutis, & maioris resistantiæ. Ignis enim si sit virtute potētior ad calefaciendū, quā ad resistēdū aqua, tūc ager ignis, & patietur aqua. Si e contrario dominetur aqua, patietur ignis, & iuxta ampliorē resistantiā passus plus aut minus mouebit agēs. Ex quibus solēt deduci septē proportionū regulæ ab Aristotele positæ in VII. Physicorū lib. quas hic quoq; subnectimus.

Ponuntur VII. regulæ, quæ vocantur regulæ proportionum.

CAP. XXIII.

PRIMA REGVL A.

Si aliquod mouēs moueat aliquod mobile, aliquanto tempore, & aliquanto spatio, eadem virtus mouens mouebit mobilis medietatem, per duplum spatium, in æquali tempore.

Qualis enim est proportio totius virtutis motiue ad totā resistantiā mobilis, nō æqualis est totius virtutis illius motiue ad medietatē resistantiæ mobilis, sed dupla est proportio. Vnde cū (iuxta principiū suprapositū) secundum proportionem maioris aut superantis inæqualitatis fiat actio,

Maxima
philosophi-
ca.

Ponuntur hæ
regulæ ab
Arist. in si-
ne 7. Physi.

actio, sequitur, eandem virtutē mouentem, mobilis illius medietatem duplo velocius mouere: quod facit, quando in æquali tempore per duplum spatium ipsam mouet.

SECUNDA REGVLA.

Si aliquod mouens moueat aliquod mobile, aliquanto tempore, & aliquanto spatio, idē mouens mouebit mobilis medietatem per idē spatium, in medio tempore.

Ratio est eadem quæ suprà posita est propter proportionem virtutis actiuz, quæ dupla est respectu medietatis ipsius mobilis.

TERTIA REGVLA.

Si potentia aliqua mouens moueat aliquod mobile, aliquanto tempore, & aliquanto spatio, eadem potentia mouebit idem mobile per mediū spatium, in medio tempore.

QVARTA REGVLA.

Si aliquod mouens moueat aliquod mobile, aliquanto tēpore & aliquanto spatio, media virtus mouens mouebit medium mobile per idē spatium, in æquali tempore.

Harū duarum regularū eadem est ratio: quoniā videlicet, qualis est proportio mouentis ad mobile, in cōparatione ad totū tēpus & ad totū spatiū, talis est mouēis ad mobile in cōparatione ad mediū tempus pariter & medietatem spatij: & qualis est proportio totius mouētis ad totū mobile, æqualis & eadē est medietatis ad medietatem, in cōparatione ad idem tempus & idem spatium.

QVINTA REGVLA.

Si aliqua virtus mouēs mouet aliquod mobile, aliquanto tempore, & aliquanto spatio, nō est necesse eandem mouere duplum mobile per medium spatium in eodem tempore, aut per idem spatium in duplo tempore.

SEXTA REGVLA.

Si aliqua virtus mouens moueat aliquod mobile,
aliq

aliquanto tempore, & aliquanto spatio, nō est
necessē medietatem virtutis mouere idē mobi-
le per medium spatium, in æquali tempore, vel
per idem spatium, in duplo tempore.

Harum duarum regularū ratio est, quia à proportio-
ne minoris inæqualitatis, non fit actio. Non est autem
necessē, ipsum mouens habere dominium, & superiorita-
tem, & inæqualitatem vincentem ac superantem, super
duplum mobile. Neque medietatem virtutis mouentis
necessē est maiorem inæqualitatem & superioritatem ha-
bere, supra ipsum totum mobile.

SEPTIMA REGVLÆ.

Si plures virtutes motiue moueāt aliqua mobilia,
aliquanto tempore, & aliquanto spatio, virtus
ex illis virtutibus motiuis collecta, mouebit
mobile ex illis collectum per idem spatium, &
æquali tempore.

Ratio autem est, similitudo proportionis.

Prædictis adiunguntur alie duæ regulæ. CAP. XXIIII.

His autem regulis ab Aristotele sic positis superaddi
possent aliæ duæ, octaua & nona. Octaua regula, Si
aliquod mouens moueat aliquod mobile, aliquanto tem-
pore, & aliquanto spatio, duplum mouēs mouebit duplū
mobile, per idem spatium in æquali tempore: aut per du-
plum spatium, in duplo tempore. Nona regula, Si aliquod
mouens mouet aliquod mobile, aliquanto tempore, & ali-
quanto spatio, duplum mouēs mouebit idem mobile, per
duplum spatiū in æquali tēpore, aut per idem spatium in
dimidio tempore. Harum duarum regularū rationes, fa-
cilè patent ex prædictis. Et notandum quòd hæ suprapo-
sitæ regulæ, tametsi peculiariter de mouentibus & mobi-
libus secundum locū datæ videātur, possunt tamē simili-
ter aptari etiā ad alias species motus, ad augmentationē,
diminutionem, & alterationē quemadmodum docet Ari-
stoteles, in hunc modum, Si augmentans, diminuēs, aut
alterans, augmentat aliquid aut minuit, aut alterat ali-
quanto tempore, aliquanta quantitate, aut qualitate, idē
augmentat, minuit, aut alterat, dimidium, dupla quārita-
te,

re, aut qualitate in eodem tempore, aut dimidia dimidio tempore, atq; ita per singulas regulas discurrendo.

Quid per mouens & mobile intelligatur in proposito.

C A P. X X V.

Aduertendum autem est, cum in his regulis de mouente & moto duplo vel æquali loquimur, non velle nos sermonem facere de quantitate molis. Sic enim non est necesse, si homo certæ quantitatis aliquid possit, idcirco alium mole & quantitate duplo maiorem duplum posse: cum frequenter soleat in exiguo corpore virtus regnare maior. Sed de virtute sermo debet accipi ita, vt per medium mouens intelligatur virtus ipsa, atque potentia mouentis: per mobile, virtus resistendi: per medium mouens, medietas virtutis motiua: per medium mobile, medietas resistentiæ ipsius mobilis: per duplum mobile, dupla resistentia: per duplum mouens, dupla virtus motiua.

Exemplo monstratur in igne, omnium regularum suprapositarum veritas.

C A P. X X V I.

Volumus autem in igne alterante atque calefaciente aquam, per singulas regulas quod dictum est exemplo declarare. Ponatur ergo virtus alteratiua siue calefactiua ignis octo graduum: & resistentia mobilis, scilicet aquæ in sex tantum gradibus. Iuxta primam regulam, si virtus motiua vt octo ipsius ignis, alteret aquam habentem resistentiam vt sex, tempore horæ vnus, ad calorem duorum graduum: ergo eadem virtus motiua ignis, medium mobile, id est, aquam habentem mediam resistentiam, scilicet trium graduum, alterabit ad duplam caliditatem, videlicet quatuor graduum, in æquali tempore. Et iuxta secundam regulam eadem virtus motiua ignis, dimidium mobile, aquam dimidiæ resistentiæ, alterabit ad eandem caliditatem, in dimidio tempore. Et iuxta tertiam regulam, eadem virtus motiua alterabit eandem aquam ad dimidiam caliditatem, in dimidio tempore. Et iuxta quartam, media virtus motiua ignis (quæ est vt quatuor) alterabit aquam dimidiæ resistentiæ, vt tria, ad eandem caliditatem duorum graduum in æquali tempore. Et secundum quintam regulam, non est necesse, si virtus mouens ignis vt quatuor, aquam habentem resi-

sten

stentiam vt tria, alteret ad caliditatē quatuor, vt ob hoc eadem virtus motiua aquam duplam resistantiam habentem vt sex, alteret ad mediam caliditatem in æquali tempore, aut ad eandem caliditatem quatuor, in duplo tempore. Neq; iuxta sextam, necesse est, vt media virtus actiua vt duo, alteret aquam eandem resistantiam vt tria habentem, ad dimidiam caliditatem in æquali tempore, aut ad eandem caliditatem in duplo tempore. Deniq; iuxta septimam regulam, si tres ignes (quorum quilibet est sex graduum) sigillatim calefaciat aquam resistantiam habentem vt quatuor, ad caliditatem trium graduū in certo tempore, necesse est ignes illos tres simul iunctos, aquā illam ex tribus collectam alterare ad eandem caliditatē, in æquali tempore. Iuxta octauam quoque & nonam regulas, si ignis virtutis actiue trium graduum, aquam resistantiam habentem duorum certo tempore alteret ad caliditatem gradus vnus, necesse est ergo vt virtus motiua sex graduum aquam habentem resistantiam vt quatuor, alteret ad calitatem æqualem, æquali tempore, vel caliditatem duplam duplo tempore: & ignis ille vt sex, duplæ virtutis, aquam dimidiæ resistantiæ, id est, vnus gradus alterabit ad duplam caliditatem, id est, duorum graduum, in æquali tempore, aut ad caliditatem eandem vnus gradus, in dimidio tempore. Similiter praticari potest & in aliis motibus. Nobis vno exemplo rem monstrasse sufficiat.

Mouens secundum proportionem, ad mobile mouere debet, & queri admodum Deus in mouendo potētissimus est atque liberrimus.

C A P. .X.XVII.

EX his ergo omnibus manifestum euadit, quemadmodum semper mouens moueat, secundum proportionem virtutis motiue ad resistantiam eius quod mouetur. Pater etiam quancūq; in mobili est aliqua resistantia, quæ ipsum mouens impediat aut detineat, non posse moueri tale mobile à suo mouente in instanti. Vbi verò virtus actiua nullam patitur à mobili resistantiam, potest suum effectum in instanti efficere, quemadmodum est in illuminatione Solis. Omnipotens ergo Deus, cuius infinitæ virtuti nihil potest contrahenire, cui nulla prorsus creatura potest resistere, cuius virtus in infinitū superat omnem

omnem creatam resistētiam, quæcunq; vult potest in instanti mouere, sicuti vult, & quocunq; libuerit genere motus, siue generare, siue corrumpere, siue alterare, siue augmentare, siue diminuerē, siue secundum locum mouere. Neq; ante Deum differentia est in multo vel breui tēpore, in omnibus quæcunq; voluerit. Cui insuper, quoniam nulla illi resistētia est in mouendo, nullus etiam labor fatigationem, laborem, aut molestiam adducit omnia mouenti. Non mouet tamen omnia, neque agit in instanti, neq; subitò: quoniam in mouēdo est liberrimus, in arbitrio & potestate habens sic vel sic mouere. Ipse vero à nullo moueri potest, qui prius aliquod mouens non habet. Imò neque ipse se potest mouere, qui nihil potest quod antè non habuit acquirere, neq; perdere quicquam quod antè habuisset. Huic itaq; & primo, & summo, & generalissimo, ac proinde efficacissimo mouēti, soli Deo sit laus, honor, gloria, & benedictio, ab omni mutabili creatura in æterna secula. Amen.

LIBRI III. FINIS.

PSALMVS LAVDIS ET CONFES-

sionis, omnipotenti, vniuersali ac primo rerum omnium motori immobili.

Domine, quis similis erit tibi? ne tacete labia, confessionem & laudem ne continete super eo.

Super calorum altitudinem residet in arcē celsitudinis atq; fortitudinis sue: ab æterno triumphat in ea gloriosus ab initio.

Priusquam cælum formaretur & orbis, tu eras ante omnia: in te ipso perfectus & beatissimus in plenitudine tua.

Tu semper immutabilis mouēs omnia, generas, corrumpis, augmentas, ac minuis, alteras, & rotas, mouēsq; omnia.

Tu verò ingenerabilis es, & incorruptibilis: augmentari nesciens aut minui.

Neque alterari tu potes, qui non variaris accidentarijs rebus: apud quem nulla est transmutatio, neq; vicissitudinaria obumbratio.

Loco non moueris qui implet omnia: neq; vt hominum, sunt itinera gressuum tuorum.

Incommutato loco accedis & recedis quò & vnde volueris: non est hoc datum creaturæ filiorum hominum.

Præuales omnibus in fortitudine tua super excelsa : proq̃ tuo placito rotas agitasq̃ omnia.

Nō est neq; moles , neque virtus in omni creatura quæ obſtaculum præbere queat actioni tuæ : super immensa enim virtute absque proportionē excedis vniuerſa.

Homines & iumenta tu perducis ad augmenta congrua : arbores quoque, & ligna, plantas, & omnia viuētia super terram.

Suis quæque ſtaturis tu perficis ea iuxta conditionem generis ſui: meſuram tu tenes omnium deſcriptam in officina gloriæ tuæ.

Iſpe autem augmentum neſcis, neque immutationem pateris: nihil accreſcit neque decreſcit in æternum pleniffima plenitudinē tuæ.

Qui pro tuo placito omnia facis altera, nequis ipſe alter fieri: potētia, ſapiētia, & omnis tua perfectio nō immutabitur in ſeculū ſeculi.

Magne Deus, princeps regum terræ, dominator omnium in virtute tua: quis te agnoſcet aut collaudabit pro dignitate ſic glorioſè immutabilem?

Ecce qui ſeruiunt tibi, aſtantes perpetuò conſpectui tuo : non ſunt ſtabiles omnimodis.

Corporea vero creatura vniuerſa, mille eſt rationibus vix momēto ſtabilis : mutationibus ac volutationibus in eis perturbantur omnia.

Sol & Luna curſu ſuo regulari volutata ſemper ſcīn inſtabilitate te permanent miro modo ſtabilia.

Quæ vero his ſubiecta eſſe voluīti, cum ſeipſis quoque ſunt in ſuis motionibus prorsus irregularia.

Tu vero Deus in eadem ſemper tua ſtabilitate fixus permanens: cunctis mutabilibus præſides, ipſe immutabilis.

A te vero cum omnis exeat motus, doneq; moveri omnibus : in te nullus tamen valet ingredi.

Immutabilis, potentiſſime Deus, dominator omnium : tibi omnis tua ſactura canit gloriā.

Mirabilis tu & verè miranda opera tua: obſtupeſcet in eis anima mea, cum intenderit in illis aciem mentis ſuæ.

Exultabit cor meum Domine, in cunctis operibus magnificentiæ tuæ: lingua quoque mea laudem meditabitur gloriæ tuæ.

Benedictus Deus dominus vniuerſa creatura : ita fiat, ita fiat, Deus potentiſſime.

Gloria patri, & filio, & ſpiritui ſancto.

Sicut erat in principio, & nunc, & ſemper, & in ſecula ſeculorum. Amen.

IN LIBRVM IIII.

CONSIDERATIONIS PHYSI-

CAE, DE INFINITO, LÓCO,

VACVO, ET TEMPORE,

PRAEFATIO.



T clarificetur in agnitis creaturarū suarum cōditionibus dominus deus noster, qui solus essentia sua infinitus, cōlumq; & terrā & omnia sua immēsitare implēs, neq; loco tamē capitur, neq; tēpore: atq; *Hier. 23.* vt patēter clareat quāto interuallo omnē naturaliū rerū ordinē post se creator ipse relinquat (quæ vniuersa loco & tēpore, angustis nimīū mēsuris secūdum eius dispositionē sunt coarctata atq; cōstricta) in aīo est nobis, post motus vtcūq; descriptā naturā, etiā illud deo donante explicare, quomodo in rebus finitū vel infinitū aut inueniatur, aut ab eis excludatur: post quē, loci, & oppositi vacui erit cōsideratio. Extremā sibi partē, tēpus occupabit. Sunt enim & hęc ad plenā rerū naturaliū cōsiderationē non minus quā motus, vt tractētur, necessaria.

Quomodo possit infinitum multipliciter intelligi, & specialiter de infinito atque finito, secundum essentiam CAP. I.

Primū quidē illud est aduertendū, dupliciter dici & cōsiderari infinitū atq; finitum: nempe vel secundum essentiā, vel secundū quantitatem. Ac rursū, secundū essentiam infinitum intelligi potest, vel secundū rationem materiæ, vel secundū rationem formæ. Est enim materia ex se & per se suo modo infinita, quatenus ex sua natura nullam habet formā intrinsecam, per quam finiatur, efficiaturq; ens in actu. Ex parte verò formæ sub qua est, finita est, quatenus per illam eius indifferētia stringitur, ac veluti terminatur. Formæ quoq; materiales, consideratione quadā ad materiā, infinite ex se dici possunt. Et quodammodo omnis forma creata ex se infinita est, quatenus nō est ex se ad aliquā particulārē ac singularē materiā determinata. Nō tamē simpliciter forma est infinita dicēda, sicut simpliciter est materia infinita: quoniā formæ etiā

Infinitū secundū essentiam.

*Deus forma
infinita.*

separata habent essentiam finitam, per esse particulare & distinctum: ac proinde simpliciter finita dici debent, non autem infinita, nisi secundum quid, aliquo modo scilicet, & consideratione prædicta ad materiã. Vnica est forma separata, actus scilicet simplicissimus, omnipotens atque æterna diuina substantia, in qua nulla est determinatio essentia per aliquod esse particulare adueniens: sed est Deus essentia sua infinitus & indeterminatus, plena omnino, perfecta, illimitata, infinita, & interminata essentia. Cætera verò omnia & materialia & spiritualia, sunt sua essentia finita, & particulari aliquo esse cōtracta, limitata atque terminata. Illæ tamen formæ quæ in materia sunt, magis sunt finitæ illis quæ sunt à materia separata.

*Differentia inter infinitum secundum rationem materiae, &
secundum rationem formæ.* CAP. II.

Notanda verò est solerter ac diligenter inter duplicē hāc infinitatē diuersitas: quoniā prior quæ secundū materiam est, ea nimirū quæ in ordine ad formā in recipiendo eam consideratur, ab imperfectione est. Materia enim perficitur, eo ipso quo finitur. Infinitas verò quæ attēditur ac sumitur secundū formā perfectionis est. Formæ enim separata & per materiam infinita, siue nō finitæ ac limitata, sunt perfectiores corporalibus formis, quæ per materiã certam sunt finita, terminata, & limitata. Vnde sicut summa dei perfectio est, quòd sit forma sua essentia infinita: ita summa est materia imperfectio, quòd ex se sit ad suscipiendū infinita, nullā in se formam qua finiatur habens intrinsecā. Illic enim, id est, in dei infinitate, plenitudo totius esse significatur: hīc verò, id est, in infinitate materiae, egestas omnis esse exprimitur.

*De infinito secundum quantitatem duplicem, deque infinito
actu & potentia.* CAP. III.

*Infinitum
quantitate.*

Consideratur autem alio modo infinitum secundum quantitatem, aut cōtinuam, id est, secundū longitudinem, latitudinē, profunditatem: quæ solent dimensiones rerū nominari. Et quandoq; quidem secundū harum dimensionū aliquam tantum cōsideratur infinitum, nimirum vel longitudine sola, vel latitudine sola: quādoq; verò secundum omnes has tres dimensiones simul sumptas, atq; id propriissimè & plenissimè infinitum dicitur.

Aur

Aut secundū quantitatem discretam sumitur infinitū, id est, secundū numerum & multitudinem. Iterum infinitum aliquod potentia intelligitur, aliud actu. Potētia infinitum intelligimus, quando continua appositione vel diuisione secundū proportionales partes, non peruenitur ad vltimā appositionem, aut vltimam diuisionem. Verbi gratia, Numerus est appositione & potētia infinitus, quia quantūlibet sit magnus, semper vnus vnitatis adiunctione potest fieri maior. Quodlibet item corpus continuū, infinitum est diuisione atq; potentia: quia diuidendo nūquam peruenitur ad vltimam diuisionem. Omne siquidē continuū, diuisibile est in semper diuisibilia: cum ex indiuisibilibus partibus nō possit totū aliquod cōponi, neque conflare diuisibile. Nec enim potest diuisibile, ex indiuisibilibus vt suis partibus componi. Indiuisibile enim additum indiuisibili, non facit ipsum maius. Sumenda est autē hęc diuisio infinita, secundū partes proportionales. Si enim linea diuidatur in tres tantum, aut etiam in mille partes eiusdem alicuius certæ quantitatis, nō euadet in infinitum ista diuisio, quę secundum certā alicuius quantitatis partes sumitur. In diuidendo verò secundum partes proportionales, nunquam erit dabilis vltima quantūlibet paruæ lineæ diuisio. Tunc autē dicitur fieri diuisio secundum partes proportionales, quando sicut totum lignū in duas partes diuiditur, ita pars rursus in suas partes, & iterum illarum partium pars aliqua in suas partes, & sic in infinitum: quomodo procedendo, nunquam perueniretur ad vltimam diuisionem.

Ponitur definitio infiniti actu.

CAP. IIII.

CAeterum, actu infinitum ab Aristotele definitur hoc pacto,

Infinitum id est, cuius semper aliquid extrā ratione quantitatis accipi potest.

Hoc est, cuius quātitas tota nō capi nec assignari potest, sed quantūcunq; capias vel assignes de ipsius quantitate, adhuc semper vltā manet, nec tota potest quantitas assignari. Illud enim corpus esset actu infinitū magnitudine, cuius quātitas sumpta secundū partes certæ quantitatis, non est pertransibilis: sed quocunque partes sumantur,

Aristo. pulchre hęc omnia de infinito tractat 3. lib.

Physic.

Hanc cōclusionem pulchre demonstrat Arist. in principio 6. lib. Physic.

Hanc definitionem ponit Arist. 3. lib. Physicorū.

restat semper adhuc infinita sumenda quantitas. Ab infinito enim quantumlibet dematur, semper manet infinitum, Vnde infinito nihil est maius, sicut indiuisibili nihil minus. Et quæadmodum indiuisibile nulla adiectione potest fieri maius, sic infinitum nulla ablatione fieri potest minus, Idque intelligendo de infinito ex omni parte, id est, secundum omnem dimensionem. Alioqui constat maius esse infinitum quod secundum corpulentiam esset infinitum, quam quod sola longitudine vel latitudine esset infinitum. Proportionabiliter intelligi debet, secundum numerum infinitum. Infinitum autem successione, non est proprie infinitum in actu, sed magis in potentia: ut tempus infinitum, vel motus infinitus. Non enim contingit infinitas partes simul accipere, sed tantum unam actu, ceteras potentia. Vnde relinquitur, infinitum actu dupliciter dici: magnitudine videlicet & numero.

Quomodo infinitum definiri possit, esse autem actu non possit.

C A P. V.

Quanquam verò definitum est ab Aristotele actu infinitum, nemo tamen existimet cōsequi, tale aliquod corpus esse in rerū natura, aut tale aliquod requirat sibi demonstrari, ut cernat oculis. Sunt enim definitiones quædam, quibus non tam quid res aliqua sit, quam quid nomen significet, explicatur: quæadmodum cum in consequentibus definiemus, vacuum non rem aliquam qualis sit definiemus, sed nominis tantum significationem explicantes. Non posse autem dari corpus aliquod actu infinitum, multiplex ratio probat. Omne enim corpus physicum, habet naturam finitam: formam quidem per materiam, & materiam finitam per formam. Formam autem determinatam, consequuntur accidentia determinata. Quare & finita sua quantitas cui libet rei est, & naturali formæ disconueniens esset quantitas infinita. Item omni corpori cōuenit secundum locum motus. Huiusmodi autem corpus si ponatur, quod actu sit infinitum, neque recto motu, neque circulariter agitari posset. Non quidem motu recto, quoniam omne quod mouetur motu recto, oportet locum habere extra se, quem non impleat, ad quem per motum tendit ut acquirat. Quod verò actu infinitum esset, non haberet vllum extra se locum. Occuparet enim omnia, & non posset infinitum loco

con

*Definitio
quid nominis.*

*Conclusionem
hanc probat
Arist. 3. lib.
Physic.*

concludi, ad quem vel in quo moueretur. Neque iterum motu circulari moueri poterit, quoniā in tali motu oportet partes variari loco, ita vt vbi nūc sit hæc pars, debeat venire pars alia subsequens: quod fieri non posset in infinita partium multitudine. Inter enim quaslibet partes deberet esse infinita distantia, protrahendo à centro illius corporis lineas duas. Illæ enim absque dubiō in infinitam distantiam euāderent. Infinita enim distantia pertransiri non potest. Præterea, species quantitatis sumuntur secundum numerum: vt bicubitum, tricubitum, & cætera. Nulla autem species numeri potest esse infinita:

Non posse esse multitudine infinitum.

CAP. VI.

Porro infinitū esse actū secundā multitudinē, itidem est impossibile. Impossibile est enim, esse speciē numeri infinitam. Omnes enim & finitæ sunt, & per vnitatem adiectam semper augeri possunt. Infinitū autem nō potest fieri maius. Quanquam igitur potētia sint infinitæ species numeri, nullā tāmē earū est infinita. Sic enim infinita essent in certo aliquo & determinato numero, quod aperta videtur includere contradictionē. Imō neq; infinitæ sunt numeri species actū, sed solū potētia: sicut etiā infinitæ sunt species figurarū secundū potentiam, nulla tamen earū est infinita: id quod eis procedit à numero, quoniam species figurarum sumuntur secundum species numerorū: vt triangulare, quadrangulare, quinquangulare, & c. Cæterum de successione infinito, non videtur naturæ repugnans vt esse possit. Nam si semper fuisset motus, & esset semper futurus, esset motus hoc modo, id est, successione infinitus, & tempus infinitum: verū huiusmodi successione infinitum, non est infinitum nisi potentia.

Inchoatur determinatio loci, & octo modi præmittuntur inexistendi.

CAP. VII.

Post hæc verò de loco subnectamus determinationē. *Aristoteles tractat ista*
 Nam variè admodū antiqui philosophati sunt de natura & cōditione loci, quibusdam dicentibus materiā esse *de loco 4.*
 locum, aliis formam rei esse eius locum, vel materiæ aliis *Physica*
 ponentibus corpus quoddam infinitū quod in se omnia susciperet, non cedēdo aduenientibus aliis, quod penetratiue susciperet omnia absq; cessione vel suarum partium diuisione, in quo putabant omnia moueri, ipsum verò non

moueri. Hęc verò sigillatim nō intendimus refellere, sed simpliciter tantū rei veritatē de loco & eius natura manifestare. Ac primum quidē prēmittendū erit, quot modis aliud esse dicatur in alio. Ponit autē Aristoteles modos inexistēdi, octo numero. Primo enim pars integrans, est in toto. Secundo, totū in cunctis partibus cōsistit, ex quibus est compositum. Tertio, species in genere cōtinetur: quoniā genus capit & ambit intra se omnes suas species. Quarto genus vt essentia est in specie. Sic etiā definitio est in definita specie. Quinto forma in materia, & accidēs in subiecto. Inter quæ tamē est distinctio, quoniā accidēs cū subiecto nihil vnū cōponit, sed forma cū materia rem naturalē atq; singularē substantiā componit. Sexto, effectus in causa, vt calor secūdū virtutē est in sole. Septimo, rex in regno, idē; per potētīā & autoritatē, vel p̄ maiestatem prēsentię suę. Octauo, aliquid est in loco. Et hic modus est, quē (cēteris omisissis) latius necesse habemus p̄tractare.

De duplici superficie, concava & conuexa, & vtra locus dicatur.

C A P. V I I I.

Quid locus.

ESt autē locus, extremū corporis talis quo aliud cōtinetur: ipsa (inquam) superficies extrema corporis cōtinentis, proxima superficiēi exteriori corporis cōtinenti. Et solet vocari superficies concava. Vt interior superficies cœli Lunæ, & cōcaua, quæ immediatē cōtinet ignē, est ignis locus: & cōcaua superficies aëris, est locus aquæ. Conuexa autē superficies, nō est locus: quoniā secundum ipsam corpus nō continet, sed potius secūdū ipsam cōtinetur. Duplex est autē superficies, altera cōcaua, mediāte qua corpus ipsum alia cōtinet in se localiter, & est superficies interior. Altera cōuexa, qua corpus continetur ab alio: & ipsa exterior quæ à circūdāte alio corpore circūdatur. Prior est locus, nō secūda. Secūdū priorē corpora localiter cōtinent: secūdū alterā potius continentur. Ex quibus patet, locū non esse neq; partem cōpositi, neq; accidens, neq; aliquid omnino locati, sed est locātis vel cōtinentis accidēs vltimū, terminus, & extremū. Non omne tamen extremū, sed illud quod est coniunctū locato, & mediante quo locatum continetur à locante. Est autē locans, id quod secundum locum continet aliud: & locatum, id quod secundum locum ab alio continetur.

Defi

Superficies duplex.

Definitio loci, & definitionis declaratio.

CAP. IX.

Locus, est finis cōtinentis immobilis, primus. *Definitio loci ex Arist.*
 Quæ solet hisce quoque verbis eundem sensum habentibus assignari,

Locus est extremum continentis corporis, immobile primum.

Quarum definitionum hic est sensus, Locus est superficies cōtineatua, corporis cōtinentis locatū, proxima locato & adæquata, per se immobilis, vnde & de loco proprio dari constat tantum, siquidem is propriè locus dicitur. Vbi extremum vel finis excludit à definitione omnem superficiem præter ultimam. Infinitæ siquidem in corpore locante sunt superficies inter conuexam & concavam mediæ, quarum tamen nulla est propriè locus, sed sola cōcaua vltima. Quod verò adiicitur, corporis cōtinentis, prohibet ne superficies exterior vel conuexa primi cœli dicatur eius locus. Primū, id est, immediatū excludit substantialem partem extremam ipsius corporis, simul accipiēdo superficiem concavam. Huiusmodi enim pars extrema locantis corporis, tametsi aliquando locus dicatur vulgari consuetudine, quemadmodū pera locus dicitur pecuniæ eius quæ inest, propriè tamē nō dicitur locus: cū locus sit accidens & superficies. Excluditur autē huiusmodi pars corporis à definitione loci (vt dicere cœperamus) quia nō est prima, id est, immediata secundum se locato, ita vt simul sit cum superficie vltima & conuexa corporis cōtinentis. Semper enim locus qui est superficies concava cōtinentis, est simul cum superficie conuexa corporis immediate contenti: quæadmodū superficies concava cœli Martis, & conuexa cœli Solis: rursumque superficies concava cœli Solis, & conuexa cœli Veneris: atq; ita in aliis. Particula primum, quoq; dici potest idem quod suo locato vni, adæquatum, & ita soli proprio loco cōuenit. Ex quibus patet materiam nō esse locum formæ, cū materia superficies nulla sit: imò verò formam nullum locum habere, nisi per accidens, cum per se quantitatem superficiei (secundum quā res in loco continetur) non habeat. Foris enim substantiales quàm accidentales, non sunt in loco nisi per accidens, ratione subiecti vel compositi cui insunt.

De loco proprio & communi, & loci proprietatibus. CAP. X.

Locus pro-
prius & co-
munis.

Dividitur autem locus, in proprium, & communem. Locus proprius alicui locato dicitur, quādo cuilibet parti loci respōdet aliquid ipsius locati.

Vt locus igni proprius, est extremum cœli lunaris: & vnicuique rei, locus eius adæquatus, proprius est.

Locus cōmunis est, quādo aliquę partes loci sunt, quibus ipsius certi locati nulla pars earū respōdet.

Vt tota superficies templi, est locus communis singulorum hominum: & concavum lunæ omnium mixtorum est locus communis. In comparatione tamen ad superficiem extremam aëris totius, quo impletur continentia templi, dicitur locus proprius & adæquatus similiter & cōcavum lunæ, in comparatione ad superficiem ignis immediate adhærentis, dicitur locus proprius ipsius ignis. Ad maiorem notitiam loci, eiusdēque naturæ, ponit Aristoteles proprietates quasdā: quæ illi veluti per se notæ convenire conceduntur, quæ sunt numero quatuor.

Prima est, Locus continet id cuius, & nihil est ipsius rei.

Quorum verborum hic est sensus: Locus continet locatum, & nihil est ipsi rei locatæ, intrinsicè inhærens neque vt pars neque vt accidens.

Secunda est, Primus locus, neq; minor est, neque maior.

Id est, locus proprius est æqualis suo locato, quantum ad superficiem conuexam ipsius corporis loco contenti.

Tertia est, Locus non relinquitur ab vnoquoque & separabilis est.

Id est, locus nūquam omni locato priuatur, ita vt sine corpore contento maneat: & est à locato suo separabilis, ita vt successiue alia & alia corpora contineat.

Quarta est, Omnis locus differentias has habet, suprà inquā ac infrà, & corporū vnumquodque, proprios ad locos suapte natura fertur, sursum aut deorsum pergendo: & in eisdem manet.

Id

Id est, omnis locus est sursum aut deorsum: & omnia corpora generabilia & corruptibilia (cœli enim non mouentur nisi circulariter) ad suum proprium locum naturalem sursum aut deorsum moueri nata sunt, & in eisdem quiescere, & conseruari.

De loco naturali & violento.

CAP. XI.

Locus autem naturalis dicitur alicui, qui à natura rei est determinatus & assignatus, in quo bene est ei, & conseruari natus est, ad quem proinde naturali desiderio semper sollicitat, ita vt quoties extra eum esse cōtingat, violentè quiescat. Sic igni locus naturalis est, sub cœli immediato concauo: aëri, sub igne: aquæ, sub aëre: terræ, sub aqua. Naturali enim dispositione atque ordinatione, id quod est omnium leuissimum, summum sibi vendicat locum: quemadmodum id quod est grauissimum, locum requirit omniū infimum. Mixtis verò corporibus, locus est naturalis, secundū cōditionē eius elementi quod dominatur in eorum cōplexionibus. Locus autē violentus est, in quo rei nō est bene, & à quo dum potest, recedere nititur.

Locus naturalis & violentus.

Quare res suum appetant locum naturalem, & quæ sit huius desiderij causa.

CAP. XII.

Volentes autem quænam causa sit motus huius rerū naturalium ad sua naturalia loca perquirere, de terra quæstionem proponimus, ob quid siue cuius cōmodi aut vtilitatis grātia, extra locum naturalem posita, deorsum festinet, & non impedita semper cadat. Et quidē si de partibus terræ loquimur, satis constat, illis esse melius in totius terræ globo, quàm in aëre aut sub luna. Verū respicientes totū globū terræ, quærimus, in quo malè erit totius terræ, si ponitur intelligatur in aëre, non super neq; intra aquas. An ab aquis aliquid suscipit terra quo melius seruetur? Quod est igitur hoc desiderij, vt desideret tota terra aërē relinquere, & ad aquas pergere, cū nihil videatur aqua illi donare vnde seruetur, præ aëre in quo ipsum suspensum imaginamur? Hanc autē quæstionem (omissis diuersis diuerforū sententiis, quas super hac re sunt cōmentati) ita nos dissoluendam putamus, dicētes totū vniuersum ab optimo ordinatissimōq; conditore fuisse conditū sub certo numero, pōdere, & mēsurā, in quo omnia creata quasi vestigiū in se ferūt benedictæ summæq; trinitatis

Questio de naturali desiderio rerū naturalium ad sua loca naturalia.

Gene. 2. atq; in his sicut creata sunt, ita in eisdē cōseruari atq; gubernari. Quoniam igitur dixit igni, vt sub luna acciperet primum locum: aëri secūdum dedit, tertium aquæ, quartum terræ: quoniā dixit piscibus vt in aquis locum sumerent, volatilia iussit eleuari altius in aëre: metallis quoniā terræ viscera deputauit, oleū super aquam posuit: ex hoc dei mādato formæ rerum (quæ operatrices sæpius dictæ sunt omnium operationum rebus conuenientiū) incessanti conatu ad hoc tendūt, vt illic res sint, vbi à deo creatore suo locum acceperunt: nō tam ratione sui cōmodi, quàm ratione diuini præcepti aut constituti perficiendi. Sicut enim voluntarius homo voluntariē mouet se ad dei implendū mandatū: ita res naturales à suis formis per deum aguntur naturaliter, ad implendam sanctissimam ipsius voluntatem. Omnia siquidem ingenuo conatu seruiunt & obediunt ei. Ipse præceptum eis ponit, & illa non prætereunt. Ascendentes enim montes & descendētes in loca præstituta campi, terminum quem præposuit deus non transgrediuntur, neque conuertuntur operire terram cuius etiam verbo congregatæ sunt, velut in vtre aquæ maris, positæ in thesauris abyssi. Igitur non est arbitrandum res naturales locum quærere naturalem ob sua commoda, tanquam à locatē corpore quippiam recipiant, sed ob dei potissimum benedictam voluntatem adimplendam, illic sibi melius esse existimant, vbi deus ea magis vult locari. Quia in re vtinam naturalia agentia sequantur creaturæ rationales, vt ea semper magis exoptēt, quæ sui creatoris voluntati magis sunt placita.

Quomodo secundū quantitātē res naturales locum occupent, & de impossibilitate penetrationis dimensionum. CAP. XIII.

AD loci autē perfectam considerationem exigitur, vt de occupatione quoq; & repletia aliquid dicamus: quoniam loco conuenit, occupari atq; repleri. Est ergo attendendū, quōd sicut color rebus natura datur, vt per ipsum res existant coloratæ, vnde consequitur, vt sint etiam visibiles: ita data est rebus quantitas, vt secundum ipsam sint res quantæ primum, ex quo deinde consequitur diuisibilitas. Sicut enim quæq; res quanta est, sic est diuisibilis: nempe si per se quanta, per se erit diuisibilis: si per se accidens, ratione cōextensionis, per accidens erit diui

diuisibilis tantum:& quod longitudinevel latitudine quā-
tum, sic solum est diuisibile. Super hæc tamen superficies
rebus conueniunt, vt contineant inuicē & contineantur:
corporea quoq; quātitas vel corpulentia, vt res secū-
dam eam occupare possint atq; replere. Nam & lineæ simul in
se inuicē esse possunt & superficies. Quippe superficies cō-
caua continentis corporis, & superficies conuexa cōtenti
semper sunt simul in inuicē. Sola corpulentia sic suum si-
bi locū occupat, vt aliam corpulentiam simul eodē in lo-
co nequaquam admittat. Atq; hoc videlicet est occupare,
sic implere locum, vt simul ab alia corpulētia impleri nō
possit, nisi dum illo. cedente aliud adueniat. Hoc autem
si contingeret, nepe duas corpulentias simul eundē locum
adæquatē replere, penetrationem diceremus fieri dimen-
sionum, dimensionū (inquam) corporearū, quam sic ab-
horret natura, & damnant Philosophi, æquē cōstanter at-
que vacui positionem. In vtroq; enim horum peccatum
in naturā admittit, qui vel vacui vacuitatem, vel penetra-
tionem dimensionū corporearum quomodocunq; con-
stituit. Vtrunq; siquidem extremum falsum est, & secun-
dum naturam impossibile. Media autem veritas est, omnē
locū ab aliqua corpulētia occupari, vt nihil sit vacuum:&
eadē cedente vel expulsa succedere aliam, vt non habeat.
tur corporearum penetratio dimensionū. Cæterum, de di-
mensionibus longitudinis & latitudinis, vt iam diximus,
nullum est inconueniens, eas simul esse, aut se penetrare.

*Penetratio
dimensionū et
vacui æquē
sunt impos-
sibilia.*

*Quomodo in loco esse intelligantur, quæ quantitatem non
habent.*

C A P. X I I I I.

Quomodo igitur in loco, sunt, quæ tactui patent, cla-
rum omnibus. Ea verò quæ nō sunt quanta, quomo-
do in loco, esse possint, aut debeāt, intellectu videtur dif-
ficilius: præcipuē quòd dixerimus in hoc datam esse re-
bus quantitātē, vt locum occupent, & cōtineantur à loco.
Qua in re est aduertendū, tribus modis aliqua esse in lo-
co. Primo quidē, vt circumscribente, ad eū modū quo cœ-
lū inferius est in superficie cōcaua superioris cœli, & quæ
libet res corporalis à suo loco circumscribitur, quia eius vna
pars huic parti, altera alteri responderet. Secundo definiti-
uē, quando res loco non circumscribitur, ita vt diuersæ
partes locati diuersis partibus loci respondeant, secundū
tamē

*Tribus mo-
dis res sunt
in loco.*

tamen certum quendam terminū in eo includitur, vt non sit extra ipsum. Sic anima rationalis est definitiue in corpore, & angeli in loco. Vno tamen gradu superant Angeli animā rationalem : quoniā animā non longiorē habet locū, quā sit ipsius corporis quantitas. Angelus verò longiorē & ampliorē, quā etiam corpus quod interdū assumit. Tertiū autem modo longē diuerso à prioribus, Deus est in loco, non utiq; circumscriptus iuxta partium dimensionem correspondentiū. Non definitus etiā neq; certis conclusus limitibus, sed superexcedenter : quia cū omnem locū repleat, non tamen suo loco coangustatur, sed in infinitum pertranūt immensus. In primo gradu sunt primum omnia corpora, & deinde omnia accidētia corporalia, quæ sunt materiæ coextensa : imo & formæ substantiales omnes, præter rationalem animā, quæ sola non coextenditur materiæ. Sicut autē dicitur anima rationalis esse in corpore, quia ipsum viuificat (ita vt in a-refacto membro non sit vt in loco, quod non viuificat) sic dicuntur substantiæ spirituales non quantitate corporea esse in loco, sed magis secundum virtutem & potestatem. Quousque enim earum virtus funditur & efficacia, eate-nus locus eis est assignandus. Et quæ sic sunt in loco, potius continere quā contineri sunt dicenda. Illa autem quæ primo modo, contineri simpliciter loco, non ipsum continere dicuntur. Atq; hinc est, quod Deus omnipotēs cum in omnibus existat, nullo tamē continetur, sed magis ipse continet omnia omnibus inexisterens : vt verum sit & indubitatum quod per prophetam dicitur, Cælum & terram ego impleo, dicit Dominus omnipotens.

De occupatione & replētia, & de varijs replēdi modis. C A P. x v.

OMne autē quod occupat, occupando replet. At non contrā fit versio. Multa enim felicissimē replent, quæ nō occupant. Spiritualia enim & non quanta replent sua loca, sed non occupant : quoniā alia nō excludūt, nec ipsa quidē corpora. Replere enim occupādo, imperfectissimus est replēdi modus. Quæ res vt clarius intelligatur, ponendi sunt aliquot replentiū modi. Primus est corporum, quæ corpulēta sunt, & locū quem replent, simul ab alio non permittunt repleri. Et hæc quia occupādo quodāmodo impediunt pleniorē replentiā, dum alia non

admit-

admittunt, idcirco imperfectè replent. Secundus est gradus eorū quæ per se quanta nō sunt, sed per accidens sunt coextensa quantitati. Ut formæ corporales, & accidentia cætera corporalia. Horū cum sint plurima simul, constat ipsa felicius quàm priora replere, quoniam se mutuo nō impediunt, nec obstat alterum alteri. Tertius modus est, quo anima rationalis replet materiā vel corpus proprium, dū in ipso est. Quæ profectò excellentius replet aliis formis, quoniā singulas corporis partes tota replet. Cæteræ verò, habēt partes suas partibus corporis respondētes. Quartus gradus est animæ separatæ & spiritualium substantiarum, quæ postquam excedunt animam in corpore, eò quòd sit quodammodo quanta, quanvis non coextensa corpori. Nam finitur eius vis & replentia, quantitate corporis in quo hospitatur. Non sic est dum separata per se existit, neq; in spiritibus, qui nullos terminos secum deferunt. Quoniam tamen horum replentia alicubi finem capit, nimirum ubi desinit præsentia virtutis eorum, ideo nō optimè replent. Supremus gradus est eius quod replet absque termino, & proprio, & alieno, cuius virtus non potest vsquam aliquando finem capere, cuius tota virtus similiter toti præsto est loco, & singulis partibus: quod proinde summè replet, & omnia replet intimè, atq; penitissimè, ut nihil non contineat in sese, imò verò ut ipsum semper contineat & cōcludat in se omnia, & à nullo cōcludatur. Ipsum est vnicū ens, summum primum bonum, Deus verus & vnus, cui est honor soli & omnis gloria nunc, in æternum & vltra. Amen.

De vacuo & eius descriptione.

CAP. XVI.

Post loci autem considerationē congruo ordine subiungi debet vacui determinatio. Est enim vacuū loco oppositum, & oppositorū semper rectè iuxta ponitur determinatio. Vacuū ergo antiqui variis modis assignabāt. Quidam arbitrati sunt, extra cælū esse quoddā infinitum vacuū. Alij dixerūt vacuū corporibus immersum, propter augmentationem seruandā & diminutionē. Prima, rudis est opinio. Secunda, in iis quæ de generatione conscribemus (si sic erit volūtas domini) refelletur. Secundū autē veritatē, omnino nullū debet poni vacuum. Proinde definitionē non habet, qua rei natura explicaretur.

Tota hæc materia vacui ab Aristotele tractatur diligenter 4. libro Physicorum. Definitio vacui.

rum. Quod enim neq; est, neq; esse potest, definiri nequit, tali utique definitione, quæ rei explicaret naturam. Ceterū, nominis definitione vel interpretatione, sic definitur, Vacuum est locus si corpore careat.

Id est, vacuum dicitur superficies concaua, nullū corpus continens aut in se concludens. Vt si concauo Lunæ permanente, Deus destruat omnem substantiā elementorum, ad nihilū redigendo, esset concauum Lunæ vacuum: & pera siue aliud quodlibet continens, si nō impleret eius continentiam aër neque aliud quippiam, sed intelligatur prorsus nihil in illa superficie contineri, esset locus eiusmodi vacuus. In præcedente autem definitione, cum vacuum dicitur locus corpore priuatus, aduertendum est, locum nō accipi propriè. Nam sic falsum esset vacuum esse locum, cum sit vacui & loci propriè accepti repugnantia: sed locus pro superficie ipsa qualibet concaua accipitur, qui potens est per suam continentiam locare aliquid, etiam si actu nullum habeat locatum. Quomodo enim locum intelligimus superficiem continentem: ita vacuum, superficiem continere potentem, id est, concauam, sed nihil actu continentem, intelligimus.

Vacuum iuxta naturam non posse existere, pluribus probatur experientijs.

C A P. XVII.

Q Vanquam autem vulgato sermone, loca vel vasa dicere soleant homines vacua, in quibus tantum aër inest aut ventus, nullum tamen secundum veritatē potest in natura vacuum inueniri. Nullus est enim quātuilibet paruus locus, qui corpore careat contento. Atq; ad hoc vniuersæ creaturæ naturaliter laborant, etiam cum suæ propriæ naturæ quodam dispendio, atq; velut nocumento, vt nullo modo permittant vacuum fieri: facientes, & quæ contra naturam propriā videntur sponte sua, & quæ secundū naturā sunt propriā, dimittentes. Nā ad impediendū vacuū, leuia deorsum mouentur. Vt dum foditur puteus profundissimus, etiā vsq; ad terræ mediū, sequitur aër, vt impediat vacui positionē. Aquam insuper cōtingit, prædicta ratione, sursum ascēdere, & deorsum nihil impeditā non descendere, à fluxu cessare, omni etiam remoto obstaculo. Ad probandū autē quòd natura abhorreat po-

sitio

sitionē vacui, plura adduci possunt experimenta. Primum enim, aqua in vase non congelabitur, etiā in frigidissimo loco, si sit ita obstructum, vt nullus omnino posset aër ingredi: quòd si cogatur congelari, vas dirumpetur. Si enim fieret congelatio, & nullus ingrederetur aër, oporteret esse vacuū: quoniā in congelatione constringitur aqua, & aliquid loci prioris necesse est ipsam relinquere, quem oportet suppleri per aduentū aëris. Loquimur autē de vase pleno aqua. Nā vbi aliquid aëris est, poterit aër propter vacui impeditionē subtilior effici atq; rarefcere, vt modica fiat aquæ cōgelatio sine nocumento vitri. Rursum, sume clepsydram qua irrigatur hortus, si supraponas pollicē illi foramini quod in summo est, nō egredietur aqua, nisi fortē modicissimē per maiora subtus foramina, vt simul possit aliquid aëris introire. Iterū sume vas plenissimū vino, aqua, oleo, obstructum penitus desuper, non fluit liquor etiā patefacto transitu, nisi desuper aëri aditus itidē præbeatur. Præterea, in fontibus id ipsum perspicuū est, in quibus cōtinuo fluxu aqua sursum agitur, ne vacuū aliquibi in canalibus relinquatur: quod ad oculū clarissimē patet, si duo stramina perpendiculariter cōiungantur. Sic enim plerunq; & supra domorū fastigia scandit aqua, ne vacui hiatū aëris attractu, nō subsequēte aqua, contingat euenire. Quæ etiā patēt in attractu vini per stramineū culmū, absq; quo nec duplo fortiore tractu quicquā consequeretur. Postremo follis vndiq; conclusus nō poterit lateribus distendi, quantūvis labores illū efficere, nisi disruptatur, vt habeat aër ingressum. Igitur certissimum est experientiis, vacuū naturaliter non posse existere: quoniā sic vniuersa rerū natura abhorret à vacuo, atq; præcauet, vt grauias sursum, leuias deorsum moueantur: vt non sit vsquam vel minimus hiatus, aut discontinuitas vniuersi.

Quod motus isti qui contra naturam videntur, sint secundum naturam.

C A P. XVIII.

IN quo cōtuendus est ordo vniuersę creaturę pulcherrimus, & mira atq; benignissima Dei circa creaturarū impulsus dispensatio. Deus siquidem optimus naturę institutor, & prouidissimus director, sicuti rebus singulis instinctus donauit particulares, quibus singula creata suas perfectiones peculiariter sibi conuenientibus moribus quarum,

Experientia quibus monstratur, non posse vacuū existere.

quærunr, atque congruis operationibus operantur: ita vnum dedit omnibus desiderium, vt super omnia totius vniuersi quærant perfectionem, idq; (si opuserit) etiam suo detrimento, ob quam naturalem inclinationem aperte videmus & aërem naturaliter descendere, & aquam sursum scandere, eamq; nullo impedimento detentâ, tamen permanere sursum. Quæ omnia à formis rerum naturalibus, secundum illam generalem inclinationem fieri naturaliter creduntur. Quamquam enim motus ille grauium sursum, & leuium deorsum repugnet materiæ & formæ rerum, secundum suas particulares inclinationes quas habent, conueniens tamen est naturæ & formæ, propter vacui impeditiōem, secundum generalē, quam habent ad perfectionem totius vniuersi inclinationem. Vnde si ab his motibus detinerentur, grauium deorsum violenter permanerent, & leuia sursum. Generalis quippe inclinatio & vniuersalis, non immerito præponderat particulari inclinationi. Quem conatum si homo velit intueri, non suam quæret voluntatem supremæ vnquam, imò nec superiori vlli voluntati anteponere: fietque vt facile dicat (iuxta saluatoris exēplum) Non mea voluntas, sed, tua fiat: non quod ego volo, nec quod mihi bonum videtur, ac placitum, sed quod tu ordinator & legislator domine Deus noster decreueris, id super omnia volo ego quoque habere placitum & gratum.

*Nota attē-
te.*

*Luce 22.
Matth. 26.*

De tempore, & eius definitione. CAP. XIX.

Absoluta nunc motus, infiniti, loci, atque vacui determinatione: superest postremo loco, vt de tēpore suo ordine pertractemus, eiusque naturam quantum poterimus explicemus. Tempus itaque definit Aristoteles hoc modo,

*Definitio
Aristote. in
temporis.*

Tempus est numerus motus per ipsum prius posteriorisue.

Quibus verbis signatur tempus esse quantitatem continuam, & mensuram, qua motus numeratur, id est, mensuratur secundum partes successionis. Mensuramus enim motus durationem, dum dicimus cum tot horis, vel annis, vel mēsi bus, vel seculis durasse. Nam motus quantus, per se non est, neque continuus, nisi ratione temporis.

Quan

Quamquā autem motus duplices habeat partes, scilicet secundū extensionem mobilis, & secundū successione: solæ tamen illæ quæ sumuntur secundū prius & posterius, mensurantur tēpore, nō illæ quæ secundū extensionem subiectā accipiuntur. Nam hæ potius secundū extensionē permanentis quantitatis mensurantur. Atq; ideo dicitur tēpus numerare vel mensurare motum, secundū partes nō quolibet, sed eas quæ sumuntur secundū prius atq; posterius: hoc est, secundū successione, non secundū extensionē. Et notandū, cum dicitur ab Aristotele, tempus esse numerum: nō debere numerum accipi pro quātitate discreta propria significatione (tēpus enim est continua quātitas) sed pro numero numerato. Quemadmodū cū numerantur duodecim tribus Israël, secundū duodecim Patriarchas, ipsi duodecim Patriarchæ sunt quidem numerus, id est, numerus numeratus, numeratus (inquā) vero numero, qui est quantitas discreta. Numerus enim sunt, quatenus secundū eos numerātur duodecim tribus ab ipsis progenitē, dicēdo, tribus Iuda, tribus Leui, tribus Isachar, & ita deinceps. Sed numeratus numerus sunt: quia numero verē & ppriē dicto (id est, duodenario) numerātur.

Quomodo vnum est tempus, quo, mensurantur omnia temporalia.

C A P. X X.

QUod autem dicitur, tempus mensurare motum secundū partes successione, primariō respicit motum primi mobilis: cuius solius est mensura intrinseca, & adæquata mensurato. Omnes verò reliqui motus, in tēpore fiunt, & tēpore mensurātur, vt mensura extrinseca & excedente. Vnū siquidem est tēpus, quo mensurātur omnia temporalia extrinsece, per applicationem eius scilicet ad motum, vel rem temporalem. Quemadmodū (declarationis gratia) quantitas quæ in vlna est, solam ipsam vlnā intrinsece mensurat: omnia verò reliqua, per applicationem mensurat extrinsece. Ita tempus (quod consequitur motum primi mobilis, & summi & regularissimi, & vniuersalissimi) est mensura intrinseca illius motus, quoniā in ipso est, & ipsi motui æquatur: ita vt principium temporis simul fuerit cum principio motus, & finis vnus sit futurus cum fine alterius. & duratio atque continuatio motus cū temporis continuatione atq; duratione. Cate-

*Sententia
Arist. in
fine 4. li. Phy
sicorum.*

ra verò omnia mensurantur per applicationem ad hunc primū motum, non quidem realem, sed per hoc quod anima applicat motus inferiores ad illum primum motum.

An essentialē sit hoc tempori: quod mensura est primi mobilis.

CAP.

XXI.

NOtandū verò, non esse hoc tēpori essentialē, ut huius sit primi mobilis quod nunc est primum mobile, si enim deus faceret aliud cœlū mobile vniuersalius atq; mensurā generaliore, aut aliud mobile prius isto cœlo quod nunc est primum mobile, iam tempus nō esset amplius in hoc cœlo quod nunc est primum mobile, sed numerus illius alterius primi motus esset tempus: & cuius ante erat tempus mensura intrinseca, iam fieret mensura extrinseca. Tempus enim vocamus mensuram primam & vniuersalissimam, & accipimus secundum motum primū & vniuersalissimū. Vnumquodq; enim mensuratur, primo sui generis. Ex quo vltius consequi videtur si nūllum aliud esset mobile nisi rota figuli, iam mensuram motus illius fore tempus, ita verè sicut nunc tempus dicitur esse primi cœli moti. Esset enim (illa facta hypothēsi) primi motus numerus, quo oportet omnia mensurari.

Item quod ante motum cœli fuit tempus, in mutatione angelicarum cogitationum & volitionū, prout secundum prius & posterius sumuntur: non secundum eas quæ simul erant, in diuersis, vel in eodem. Concluditur præterea, quòd quemlibet motum cōsequitur aliqua mensura temporis, & quantitas successiua eiusdem generis, cuius est tempus nunc primi cœli moti. Quæ tamen omnia non dicuntur tempora. Neq; enim nisi vnum dicimus tempus: propterea quòd tempus significat mensuram talem, quæ sit vniuersalis & generalis omnium motuum. Similiter quoque de æternis dicendum erit.

De triplici mensura, tempore, æternitate, & aternitate, & de earum differentia.

CAP. XXII.

Æternitas.

TRiplicem verò inuenimus (partim naturali eruditione, partim diuina illuminatione) durationis mensuram. Illud enim esse quod transmutationi nō subiacet, neq; etiā transmutationē patitur secū (cuiusmodi est solū esse Dei) est æternū, imò ipsa æternitas. Illud verò esse quod est intransmutabile secundū se, compatiens tamen

trans

transmutationē aliquā, siue secundum locum, vt cœlestia corpora, siue secundum affectiones, vt angelicæ substantiæ, est æuiternum, id est, mensuratur æuo: quod est mensura deficiens ab æternitate, quia non est mensurati penitus immutabilis, sicut æternitas: excedens verò & superās nobilitate temporis mensuram, quoniam mensurat rem secundū id in quo est intransmutabilis: tempus verò mēsurat rem secundum id in quo est mutabilis. Vnde cœli & spiritus secundū suum esse sunt æuiterni, & esse eorū mēsuratur æuo, temporaliter tamē cœli mouentur, & angeli temporaliter temporalia intelligunt. Et quia tam vicinū est æuum æternitati, ideo æuiterna dicūtur quodammodo (hoc est participatione) æterna, quantum ad ea secundum quæ sunt intransmutabilia. Vnde dicuntur cœli stare in æternū, & angeli secundū cognitionē diuini verbi, in qua sunt cōfirmati, dicuntur viuere æternaliter, & spirituū dānatio atq; ignis dicuntur æterna. Solus tamen Deus, per se ac propriē dici debet æternus. Cætera autē, participatione solū æterna sunt, propriēq; æuiterna nuncupanda. Insuper attendenda est in tribus his mensuris etiā ista distinctio, & quidē vt præcipua: quoniā tēpus nō totū simul est: sed est in cōtinua partiū successione. Aeuiteritas verò & æternitas, totæ simul sunt, nesciētes successione. In hoc tamen æuiternitatem superat æternitas, quod nec successione aliquam compatitur secum, cum æuiternitas pariter successione permittat. Atq; hæc sanē est mensurarū distinctio atq; separatio. Mensurata verò sic ab inuicem distinguuntur, quoniam temporalia principium habent & finem in tempore. Aeternum autē, nec principii nec finem sui potest habere. Aeuiteritū autem, alterū habere potest, vt cœli & angeli, principii habent, finē autē nō habebunt. Quare si poneretur motus fuisse ab æterno, totus quidem motus non esset temporalis, sed quælibet circulatio assignata esset temporalis. Porro de æternitate constat nō nili vnicam esse, & ab ipso Deo nō distinguimēsuram: sicut nec ipsum esse diuinum quod æternitas mensurat, à Deo distinguitur. Aeuum tamen distinguitur ab æuiterno, quoniam esse creaturæ omnis, ab ipso ente distinguitur: quod de tempore in ordine ad rem temporalem etiam apertius est atque manifestius,

Quemadmodū autem diximus, tempus esse numerum primi motus, & mobilis primi mensurā intrinsecā: ita verisimiliter dici potest, vnicū esse æuum quod primū æuiternū mensurat intrinsece, scilicet primiū angelū: cætera verò extrinsece, quæcunque præter ipsum æuiterna sunt.

Successionem, impedire durationem, quomodo occupatio impedit repletionem. CAP. XXIII.

Occupatio, impedit repletionem.

EX dictis liquet, successionem quæ in tempore est, & nō in aliis mensuris, sic impedire durationē rei, sicut occupatio quātitatis, declarata est impedire repletionem. Nā corpus, locum aliquē occupando impedit quo minus ab alio simul repleatur, sicq; impedit repletiā, corporeæ quantitatī annexa occupatio. Vnde & illa quæ lōgius recedūt ab occupatione, magis & perfectius replēt iis quæ magis sunt occupationi subdita. Lumē enim maxime replet, quoniā replendo nō impedit id quod replet, quo minus ab alio pariter repleatur. Faciamus enim (declarationis gratia) duos esse soles ex aduerso sibi oppositos, alterū in oriente, alterū in occidēte: & alterū quidem (vt sit distinctio) luminis aurei, alterum luminis argentei æquē splendidi: nihil dubiū, quin vtriusq; solis lumen totum sit repleturus aërem. Vnde illa quæ longius recedunt ab occupatione, vt spirituales substantiæ, quæ nec extensionē quidē admittunt, adhuc melius replēt. Vnde possunt angeli totos illos orbes cœlestes quos mouent, replere, iuxta virtutem à domino eis datā. Et Deus qui longissimè recedit ab occupatione, maxime ac felicissimè replet, iuxta illud propheticū: Cœlum & terrā ego impleo, dicit dominus. Ad eundem sanē modū, illa in quibus plus est successionis, minorē habēt durationē: quæ verò amplius recedunt à successionē, vt omnia æuiterna, magis durant temporalibus. Id verò quod in infinitū omnem successio nē effugit atq; excludit, in infinitū super omnia durable est, totū suum esse simul habēs, & totam durationem suā in æternitate præsentem tenens ac possidens, eodē modo sicut temporalia suum instans præsens habent. Vnde fit, vt Deo nihil nisi esse conueniat. Fuisse autem & fore, nō in illo sunt, quanquam balbuties nostra (quæ æternitatē nequit attingere) sic de Deo vt de temporalibus subinde loqui solet, quod & alibi contingit, vbicunq; de illo magnū

Successio impedit durationem.

gnum quippiā loqui volumus. Quia enim de Deo prout volumus, propter infirmitatem loqui nō possumus, eiusmodi sermonibus nos est necesse de Deo loquentes vti, quos ex nostris rebus inuenire possumus. Nihil enim cōdignum illius magnificentiæ valemus exprimere: qui est super omniā, & ante omnia inuisibilis, ineffabilis, in suā æternitate intransmutabili semper benedictus. Amen.

De temporis proprietatibus.

CAP. XXIIII.

Quemadmodū loco prius sunt quædam proprietates attributæ, ita tempori quinq; subiiciuntur eius naturæ declaratiuæ: quarum prima est hæc,

Tempus quodammodo datur minimum, & quodammodo non datur.

Id est, tempora vt subiacent numero, & numerantur, datur, minima, sicut numerus minimus, vt duo tempora: non enim est numerus binario minor secundum partes successiuas nō datur minimum tempus, quantūuis enim paruo tempore dato, secundum partes proportionales (de quo prius dictum est) in infinitum est diuisibile, quemadmodū & linea quæuis. Secunda proprietates est,

Tempus dicitur multum ac paucum, longum & breue: velox autem aut tardum non dicitur.

Tempus enim vt numeratur, est paucum aut multum, vt vnū tempus, duo, tria, quatuor, quinq; tempora, & ita deinceps: vt verò quantitas continua est, longum est aut breue, idq; secundū successus partes, sicut quantitas continua permanens (qualia sunt linea, superficies, corpus) secundum extēsas partes. Quòd verò nec velox, nec tardum sit, probat Aristot. quia nec numerus vllus, nec vlla quantitas continua talis dicitur. Sequitur tertia proprietates, hæc scilicet,

Est etiam idem tempus simul vbique.

Id est, idem tempus vniuersale, numero mensurat omnia quæ tempore mensurabilia sunt vbicunque locorū fuerint, ita vt non sit singulis suum tempus attribuendū. Quid sit tempus vniuersale, & quomodo sit mensura, prius dictum est. Sequitur quarta,

Vt motus idem ac vnus iterum atq; iterū esse potest, sic & tempus idem vnūque esse potest.

Hoc est, sicut semper redit motus idem nomine cum præterito ipsius cœli, ita redit tempus idem nomine cum præterito. exempli gratia, sicut cœlum nunc mouetur ex oriente in occidentem, eodem modo vt heri, ita & nunc dies est vt heri, quia nūc mouetur sol à primo puncto Cancri, vt anno præcedente, nunc quoque ver est vt anno præterito. Similiter dicendum est de æstate, autumno, hyeme, anno, &c. Sequitur quinta proprietas, hæc,

Non solum tempore motum, sed etiam tempus motu metimur.

Hoc est, vti duratio motus mensuratur tempore, ita & tēpus motus duratione mensuratur atq; cognoscitur. exēpli causa, colligimus motū cœlitam diu durasse aut tantam cœli partem circunvolutam esse, quia vna hora transit, aut dies vnus, aut mensis, aut annus. Et ediuerso cognoscimus nos, vna, duabus, aut tribus horis studuisse, quia cœlum huc vel illuc vsq; volutum seu motum est, aut ipse sol. Sic de mense, hebdomada, anno, & quouis tēpore dicendum est. Atque ita huic libro finem imponimus, nostro more Psalmo in ipsum creatorem tendentes.

FINIT LIBER QVARTVS.

PSALMVS INFINITO, INCIRCVN-
scripto, æterno, & intransmutabili domino.

DEUS quis similis assignabitur tibi: aut quis stabit contra te: vt conferatur tibi?

Veniat, vt stet contra tuam gloriosam magnitudinem, veniat è cœlo, aut desuper cœlum, de terra ascendat, aut de profundis maris.

Tu solus infinitus, incircumscriptus, indefinitus crederis: & confessionis labijs affirmaris.

Omne quod creasti Deus, finitū pariter: stringens proprias, quibusque rebus essentias, atque operationum virtutes.

Multa quidem & magna fecisti potentissime Deus mirabilia tua: sed nihil infinitum essentia, aut virtute simile tibi.

Et quanquam benignissimus es creator omnium, ætamen creaturarum tuarum nullam tibi parem constituisi.

Neque verò est hoc de tua impotentia, insipientia aut malitia domine Deus: qui es sapientissimus, optimus, & suauissimus.

Omnia

Omnia quaecunque voluit Deus noster, fecit in cælo & in terra & in maris nouissimis.

Gloriam tamen suam sibi seruauit: nec alteri totam eandem tradere aut uolet aliquando, aut poterit.

O quàm es dilectus domine: & quàm amabilis, plenitudo vnuerse bonitatis.

Si sic pulchra sunt nobis atque suauia, quæ finita sunt, si sic nos parua miramur:

Tu qui es super omnia infinita pulchritudo, infinita gloria atq; suauitas, o quàm es super omnia mirabilis, & super cuncta desiderabilis.

Spatiosi sunt cælorum orbes, & ampli in omni dimensione sua: & quasi infinita nobis stellarum multitudo estimatur.

Tu uero mensuras altitudinem cæli: stellarum multitudinem tu numeras.

Singulis tu nomina vocas: singulis singulas dispensasti virtutes ab initio.

Stant hæc omnia & quæ sub ipsis sunt: legem quam tu descripsisti eis conseruantia, in sollicitudine sempiterna.

Tu autem nullo conclusus loco, nec orientis initium, nec occidentis terminum admittens in infinitum pertransis immensor.

Omnem imples locum, omnibus initimus, omnibus presentissimus, omnibus penitissimus.

Sic neque à tempore initium ut esses sumpsisti: nec finem tibi imponet temporis finis.

Super omne tempus æternitas tua, æterne Deus: omne tempus includens, sicut includitur punctulum in cæli magnitudine.

Tibi præteritum omne & futurum, præsens coram est absque ullo fluxu: sicuti nobis adsunt sola præsentia.

Nil tibi præteritum in obliuionem ueniet, fluxu durationis tuæ: neque futurum aliquid est ante te absconditum.

Quæ præterita sunt atq; futura, simul omnia nuda sunt & aperta oculis tuis qui cõtueris abyssos, & intima terræ viscera illuminas.

Ergo domine Deus, quis alius sic aptus atque conueniens, qui accipiat iudicium super filios hominum, aut spirituales nequitias.

Letentur gentes, exultent pauperes, in Deo saluatore suo adueniente in iudicium, pro mansuetis terra.

Non iuxta erroneam uisionem oculorum arguet: neque iuxta aurium fallacem auditum iudicabit iudicia.

Testis est ipse omnium quæ facta sunt ab initio, quoniã in cõtulis præsens omnia nouit, omnia conspicit, omnia memoria firmissima tenet.

Timeate gentes Deum excelsum: & in magna humilitate semper seruite illi.

Gloria patri, & filio, & spiritui sancto.

Sicut erat in principio, & nunc, & semper, & in secula seculorum, Amen.

FINIT PSALMVS.

IN LIB. V. CONSIDERATIONIS PHYSICAE DE
GENERATIONE ET CORRUPTIONE RERVM NATURALIVM PRÆFATIO.

*



DOMINVS Deus omnipotēs, pater filius, & spiritus sanctus, vt multitudinē ac plenitudinē suā maiestatis filiis hominū demonstraret, horum visibiliū quædā fecit nulli obnoxia corruptioni, itēq; generationis nescientia propagationē. Huiusmodi sunt cœlestia corpora & astra: quæ perpetuò stabilia per sese, generatione non multiplicantur, neq; post ritatem relinquunt. Alia verò corruptioni subiecit, quæ proinde si perpetuari debeant, opus habent generatione: vt quæ in se perdurare nō possunt sempiterna, multiplicatione atq; propagatione speciē suam vt minimū conseruet. Et est sanē opus hoc Dei attentē considerantibus admirabile, cū continua sit indiuiduorum corruptio, & fuerit ab initio, nō defecisse tamen vsq; modo ex his speciebus aliquā, quæ ad totius vniuersi sunt complementū ab optimo cōditore destinata: neq; in posterū aliquādo defecturam, vsq; dū ipse iubeat, cuius verbo primū instituta sunt omnia. Rursum, inter hæc quædā simplicia elementa creauit, quædā verò, imò plurima, ex his cōmiscuit. Quæ omnia si sobriè fuerint cognita, quo ordine, quibūsvē fiāt rationibus, credo nō parū diuinæ magnificentiæ gloriā ex eis manifestandam. Volumus ergo sequentis libri processu, de harum rerum generationibus & corruptionibus latius aliquātulum ad omnipotētis gloriā pertractare.

Quo

Quomodo generatio & corruptio ab aliis motus speciebus distinguantur.

C A P. I.

Primū quidem indubitatum est, generationē & corruptionē motus esse species. Vnde ad earū plenius cognoscendā naturā, expediens fuerit ante omnia, duas has species ab aliis quę ex æquo sub motu locantur, distinguere: augmentatione dico, diminutione, alteratione, ac locali mutatione. Itaq; (omissis variis veterum sententiis) sic breuiter species motus veniūt separādę. Quoniā generatio est, quę nullo subiecto sensibili (hoc est, nulla cōpleta substantia) eodē permanente antē & post, rem secundum formam substantialem nouam constituit. Vt cū ex aqua fit aēr, & ex ligno ignis, nulla completa res eadem manet antē & post, sed per generationē noua res & noua acquiritur substantia, scilicet aēr & ignis. Dicitur autē substantiam completā nullā permanere eandem, ob materiā, quę eadem penitus manet antē & post: verū ipsa non est completa substantia, sed substantia tantū potētia est, & incompleta, substantiæq; pars altera, magis quā ipsa substantia. Alteratio autē propriē dicta, subiecto sensibili (quod est substantia cōpleta) eodē permanēte antē & post, rem tantū secundū qualitates variat & alterat. Nam ante & post calefactionē, idē homo permanet secundū substantiā sed de frigore transit in calorē. Augmentatio verō & diminutio differunt à prædictis: primū quidē ex termino ad quem sunt: quoniā hæc ad quantitātē, illæ verō ad substantiam tendunt, aut qualitātē. Secūdo etiā differunt ex modo trāsmutationis. In generatione enim & corruptione non manet eadem substantia antē & post. In augmentatione verō & diminutione, salua eadē substantia, sola variatur quantitas. In alteratione res eadem substantialiter manens, locum non necessariō mutat. In augmentatione autem & diminutione, substantia eadem manens nunc maiorem, nunc minorē necessariō occupat locum. De quibus omnibus sic generaliter prælibatis, per ordinem erit dicendū latius, singula particularius tractando. Colligitur ex verbis Aristot. hæc generationis definitio,

Differentia generationis ab alteratione ex Arist. lib. I. de generatione.

Generatio est cū totū mutatur, nec sensibile quicquam vt subiectū idem permanet. Vel hæc,

Generatio est mutatio huius totius, in hoc totū nullo sensibili subiecto permanente eodem.

Hoc est, generatio substācialis est motus, quo median-
te ex vna substantia generatur alia, ita vt nulla substātia
quæ prius erat, in ipso generato maneat, vt patuit in hoc
eodem capite. Alteratio secundum Aristot. sic definitur,

Alteratio est, quando sensibile subiectum perma-
nens, in suis mutatur affectibus, qui aut con-
trarij, aut inter contrarios medij sunt.

Hoc est, alteratio propriè dicta, est motus, quo mediāte
substātia acquirit aut perdit qualitates tertiæ speciei, ipsa
substātia integra permanēte. Dicit autē Aristot. in v. 1. 1. Phy-
sicorum, alterationē solū esse inter qualitates sensibiles.

De augmentatione & diminutione propriè dictis. CAP. I I.

*Tractantur
ista & que
sequuntur
apud Arist.
i. libro de ge-
nerat.*

Augmentatio larga significatione solet accipi, vt signi-
ficet etiā eam quæ fit per appositionē solam alterius
corporis, vel per subingressum intra partes alterius, etiā
si id quod aduenit, non conuertatur in substantiam eius
cui additur. Sic dicitur aqua augeri per terræ commixtio-
nem, & lana per aëris intra partes ingressum. Aliquando
autem magis proprie dicitur augmentatio, quando id
quod apponitur est eiusdē speciei, vel sit eiusdem speciei
cum eo cui apponitur. Vt multum vini, per modicæ aquæ
appositionem augetur: & ignis adiectione lignorum: hæc
tamen non sunt proprie augmentations, de quibus hîc lo-
qui intendimus. Nam secundum physicam consideratio-
nē nostro proposito cōuenientē, proprie augmentatio &
diminutio in solis viuētibus inuenitur, quæ alimento vtū-
tur: & quod sic augetur, secundū omnes partes suas simi-
liter augetur: & quod minuitur, secundū partes suas simi-
liter minuitur. Quare homo præciso pede, non dicitur di-
minutus aut decreuisse hoc modo, sed potius mutilatus.

Que sit augmentationis causa, & eius in nutritione differentia.

CAP. I I I.

Est autē anima vegetatiua in vegetantibus huius aug-
mentationis vel diminutionis principiū, vtēs pro instru-
mēto calore naturali: qui in principio tantæ est virtutis,
vt possit non solū alimētū in substātiā vertere eius quod
nutri

nutritur vel alitur: & intertenere in priori quantitate, sed etiā potens est vt singulas partes vniformiter augmētet, maiorē quantitātē inducendo. Qui tandē calor debilitatus, & quāsi lōgo labore fatigatus atq; cōfractus, satagit intertenere priorē quātitātē ne decidat. Postremo & ipse decrescēs, nequit vltra substantiæ suam quantitātē intertenere: & tunc substantia decrescit eius defectu. Nutrire tamē non desinit, & alimentū vertere in substantiā, donec (ob nimīā impuritatem & nimis diutinā commissionē cū materia adueniente) calor huius virtus opprimitur, & naturę virtus deficit, quando necesse est ipsam substantiā deficere. Omne siquidē viuens, quoad viuit, nutrirī oportet: augeri nō item neq; minui. Et iuxta huius calor atq; virtutis nutritiue qualitātē, res vel multū, vel diu, vel parū augetur, vel minuitur. Patet ergo ex prædictis, alimentū adueniente fieri augmentationē, sicut & nutritionem. Differentia tamen est inter augmentationē & nutritionem, quoniā nutritio est quædā partialis generatio, nempe conuersio nutrimenti in substantiā nutriti, atq; mutatio secundū formam substantialem. Augmentatio autem est, sola maioris quantitatis acquisitio. Atq; hoc ipsum voluit Aristoteles, cū diceret, ex eodem fieri generationem, nutritionē, & augmētationem. Caro enim vt est caro, nutrit: quatenus verò est quanta, auget. Substantia enim carnis, est nutritionis materia: sed quantitas, augmētationis. Quatenus verò materia, nutrimenti aduenientis formam priorem perdit, & formā substantialem secundū speciem nutriti nouam acquirit, partialis quædam est generatio.

Quemadmodū fiat augmentatio atq; diminutio. CAP. II II.

VAna igitur parent eorū somnia, qui ex aliquo separato putāt fieri augmētationē, aut ex incorporeo. Nā illud si indiuisibile fuerit & nō quantū, non facit aliquid maius suo aduētū. Cum indiuisibile additū indiuisibili, siue etiā diuisibili, non faciat maius illud cui accedit. Neq; etiā per solam extensionem aut rarefactionē fieri dicēda est. Alioqui nullus videtur vsus, aut, vt minimū nulla necessitas, adhibendi alimenti: quod tamen in hoc indubiē sumitur, vt quod calor actione deperditur, nutrimenti adhibitione restauretur. Fit igitur augmentatio (vt antē dictum est) ex alimento quanto adueniēte: quod est quidē

Disclū Arist.

quidem ante nutritionem, illi quod ex ipso nutritur, & augetur dissimile: sed vegetans anima caloris ministerio assimilat illud sibi, ut fiat ex eo nutritio, & augmentatio. Sic enim fit nutritio & augmentatio ex cibo, actu quidem contrario, ut fiat actio: & potentia simili, ut fiat conuersio in nutriti substantiam. Contrariorum enim proprium est, ad inuicem agere & pati. Nec agit simile in sibi simile. Vnde fit, ut quod augetur, ex primum dissimili, & postmodum assimilato, augeatur & nutriatur.

Soluitur dubitatio, de modo augmentationis, atque diminutionis. CAP. V.

VErum de ipso hoc augmentationis, ac diminutionis modo, dubitet forsitan aliquis, quonam pacto fieri possit hæc augmentatio atque diminutio, ut non admittatur neque vacui positio neque dimensionum penetratio: quorum utrumque est naturæ prorsus repugnans, & omnino impossibile. Nam si augmentatio (ut modò diximus) fiat per aduentum alicuius quanti, quod intra partes eius quod augetur suscipitur, in pleno recipiatur, an in vacuo? Et si quidem in pleno dicatur recipi, quomodo non est ibi dimensionum penetratio? Si verò in vacuo dicas, admitti videtur positio vacui. Similiter & de diminutione quæstio formari potest, dum aufertur quantum de partibus eius quod minuitur: partes illæ decedentes, an plenum relinquant, an vacuum? Si plenum, quomodo non ergo priusquam abscederēt, erat dimensionum penetratio? si verò vacuum relinquant, quomodo non admittitur vacui positio? Huic verò dubitationi facilè satis respondebimus, dicentes, alimentum adueniens in pleno suscipi: pleno utique, non per aliud cum quo simul penetratiuè susciperetur, sed pleno ipso alimento quod suscipitur. In diminutione autem, partes quæ resoluuntur, è pleno decedunt: ex pleno utique, non alio corpore, ut sic dimensionum prius fuisse dicamus penetrationē, sed ipso quod subtrahitur. Atque hoc pacto, neque vacui positionē, neque dimensionum penetrationē requirit prædicto modo posita augmentatio vel diminutio. Est autem similis hæc quæstio qualis fieri solet de motu locali: quo dum corpus de loco in locum fertur, quæri similiter potest, dū locum deserit, an plenum relinquat, an vacuum: & dum

in

Quæstio.

Solutio.

in locum intrat, an in plenum, an in vacuum suscipiatur. Sed ex dictis facilis est solutio etiam huius quæstionis.

Et quemadmodum cum in locum corpus ingreditur, partes aëris suscipientis, ad ingressum corporis ab inuicem elongantur, & veluti sciinduntur, rursumque egrediente corpore simul concluduntur, ne remaneat vacuum: ita in proposito, dum partes alimenti adueniunt, dicendum videtur, quod partes corporis, cui aduenit alimentum, ab inuicem (licet imperceptibili modo) distendantur, ut id quod aduenit intra se suscipiant. In diminutione autem dum resoluntur partes aliquæ, ex quæ circumiacent, mox se concludunt, & velut conuiscantur. Cuius rei veritatem probant, infantum iuuenumque; magis inflata, senum verò & decrepitorum contracta, & velut conuiscata corpora.

Quid sit dicendum augeri.

C A P. VI.

Aristot.

Illud autem dicitur augeri, quod idem manet ante & post augmentationem: non id quod post augmentationem habetur. Cibus enim adueniens, ut quātus auget. Illud verò quod ante erat, & post manet. per adiectionem partium aduenientium augetur, nō hoc totum quod post augmentationem factam habebitur, cum huic toti nulla facta sit quantitatis additio. Augetur enim, cui adiicitur maior quantitas. Cibus verò quantus, & partes cibi aduenientes corpori quod augetur, dicuntur augere: sicut in alteratione subiectum cui aduenit qualitas, dicitur alterari, & qualitas ipsa subiecto adueniens alterare: Ipsum verò aggregatum ex subiecto & qualitate, neque alterare dicitur, neque alterari.

Ponuntur proprietates augmentationis, & diminutionis.

C A P. VII.

EX prædictis verò colliguntur sequentes hæ proprietates, seu conditiones augmentationis.

*Conditiones
augmentatio
nis ex Arist.*

Prima est, Quod augetur, augetur adueniente aliquo corporeo: & quod minuitur, minuitur aliquo subtracto corporeo. Secunda, Quod augetur, manet idem ante & post augmentationem. Tertia, Eius quod augetur vel minuitur, quælibet pars augetur vel minuitur. Quarta, Augmentatio,

tatio, & diminutio fiunt absque positione vacui. Quinta, Augmentatio, & diminutio fiunt absq; penetratione dimensionum. Sexta est, Augmentatio partim fit per additionem dissimilis, & per additionem similis.

In quarum proprietatum recta intelligētia, tota vis est augmentationis, & diminutionis collocata. Illud tamen aduertendum est, quod in tertia proprietate dicitur, id quod augetur secundum omnes suas partes augeri, intelligi debere non de omnibus partibus, etiam minimis, & imperceptibilibus, sed de partibus notabilis alicuius quantitatis. Quemadmodum dum infans totus augmentum sumit, videmus omnia membra perceptibilia, à capite ad ungues vsque, proportionabiliter augeri, nisi forte in aliqua vsquam parte praua sit dispositio, particularem membri illius augmentationem impediens. Hac enim ratione fieri poterit, vt nō æqualis fiat partiū augmentatio. Vnde fieri nonnunquā videmus, vt manus habeant aliqui nō æqualis longitudinis, aut pedibus inæqualibus claudicent (etiam qui à natiuitate æqualia crura acceperant) eò quòd in corporis augmentatione pars altera prauè disposita non potuerit cum membris cæteris iustam accipere augmentationem.

De quatuor modis se tangentium.

CAP. VIII.

Ex Ari. plures modi tangendi.

QVoniam autem generatio & corruptio non fiunt sine actione, & passione: agens verò & patiens vt agant & patiantur se debent tangere, idcirco de his quoque nobis erit dicendum. Tangentium autem plures sunt modi. Vnus, eorum qui habent diuersas magnitudines, & diuersis locis sitas, quarum vltima simul sunt, sed non agunt, neq; patiuntur, neutrum ab alio. Et secundum hunc modum tangunt se cœlestia corpora, nec in se inuicem agentia, nec ab inuicem patiētia. Verum proposito modus iste non cōuenit: cum generationi atq; corruptioni nihil conducat. Alius modus est eorum, quæ habent diuersas magnitudines contiguas, & agit quidem alterum in alterum, sed non est actio mutua passi in agens. Atq; hoc modo se tangunt, cœlum Lunæ, & orbis ignis. Agit enim & influit cœlū

cælum Lunæ in sphæram ignis: sed non econtrario, cum non sint cœlestia corpora vilius impressiois ab his inferioribus susceptiua. Tertius modus est, eorum quæ habent diuersas magnitudines contiguas, inter quæ etiam mutua est actio: vt ignis, & aer. Estq; hic modus omnium propriissimus, & maximè Physicus, generationi quoque, corruptioni, & alterationi accommodatissimus. Quartus modus est, quâdo agens & passum vel nō habent magnitudines, vel non coniunctas seu contiguas, virtus tamen agentis in passum transit. Sic Sol agit & tãgit virtuali cōtactu hæc infima in quæ agit: & corpus tangit animam: & molestia seu tristitia dicitur tangere hominem. Et hic modus sufficit ad actionem, tamen rarius sit in huiusmodi mutua actio, Quod igitur dici solet, Omne agēs in agendo reparitur: nō habet veritatem, nisi in iis quæ tertio modo (contactu scilicet Physico) mutua actione, & contrarietate agunt & patiuntur adinuicem. Et est aduertendum, quod illa quæ in materia communicant, adinuicem agunt & patiuntur, id est, quæ materiam habent similiter susceptiuam actionis, vel impressiois ab agente, hæc nata sunt ab inuicem pati. Quippè materia est passionis principium, sicut forma actionis. Illa verò quæ materiam vel omnino non habent, vt spirituales substantiæ, vel non habent susceptiuam impressiois extrinsecarū, vt sunt cœlestia corpora respectu inferiorum, in his non inuenitur mutua actio & passio. Formæ enim cœlestium corporum, vt pote perfectissimæ in agendo, suam materiam in qua insunt sic perficiunt, solidissimiq; qualitibus stabiliunt, vt alienarum impressiois nō sit vllō pacto susceptiua. Alienarum dicimus, hoc est, inferiorum. Nam verissimile est, cælum supremū & immobile influere in omnes inferiores cœlorum orbes.

Quomodo agens aliquo modo simile debet esse passio, & aliquo modo dissimile. CAP. IX.

Illud autē quod ad actionē est aduertendū, omnino simile non posse agere in sibi omnino simile. Aqua enim calida, nō potest agere aliquid in lapidē penitus eiusdem caloris: sed si sit minus calidus quàm aqua, calefiet adhuc ab ea: sin magis, tepesiet ab ea donec assimilet caliditati ei⁹. Rursum omnino dissimile nō potest agere in omnino

*Pulchrè hæc
omnia Art.*

sibi

sibi dissimile : quemadmodum in cœlestia hæc inferiora propter omnimodam dissimilitudinem agere nequeunt. Idcirco homo in brutum, docēdo non potest agere, quia brutum non est, nec in potentia simile homini, secundum disciplinam atque scientiam. Ad agendum enim & patiendum hanc oportet inter agens & patiens esse similitudinem, ut tale sit patiens in potentia, quale est agens in actu. Omne enim agens in agendo assimilatur sibi passum, ut tale fiat ipsum patiens, quale actu est ipsum quod agit. Idq; vel formaliter, vel secundum virtutem. Sol enim calefaciendo non sibi calefactum in caloris forma assimilatur, quam non habet: sed assimilatur sibi calefactum, ipsi imprimendo id cuius virtutem effectiuam in se habet. Quāquam enim Sol in se formaliter calorem non habeat, id est, accidentariam illam qualitatem quæ dicitur calor (cum sit vna primarum qualitarum, quarum cœlestia nullo pacto sunt susceptibilia) est tamen calidus secundum virtutem, quatenus in se virtutem habet & efficaciam producendi in inferioribus calorem, quomodo etiā aromaticæ species multæ secundum virtutem tantum calidæ nominantur.

De quatuor elementis, & actione eorum adinuicem.

C A P. X.

Restat nunc, ut de mutua actione elementorum specialius disseramus. Pro cuius intelligentia primum est aduertendum, quædam esse corporalia simplicia, quædam verò ex simplicibus commixta, de quibus dicetur posterius. Nunc autem de simplicibus primum dicendum.

E
re
ge

Corpus sim
plex.

Sunt autem corpora simplicia, quæ non componuntur ex aliis prioribus, aut simplicioribus corporibus, quanquam habent materiam, & formam, partes ipsa constituentes.

Horum sunt quædam ingenerabilia & incorruptibilia, eò quòd qualitarum actiuarum nō sint susceptiua, ut cœlestia corpora. Alia sunt generatione, & corruptione, & alteratione transmutabilia. Hæc sunt nimirum quatuor elementa, quæ cum ex nullis simplicioribus componantur, ex ipsis tamen componuntur omnia cætera, quæ in his inferioribus mundi partibus gignuntur, idq; per
mutuā

mutuam actionem & passionem eorū adinuicem. Principium autem huius actionis & passionis est à quatuor qualitatibus tangibilibus, à quibus est omnis actio corporalis: quæ proinde qualitates primæ solent nominari.

Quæ sunt calor, frigus, humiditas, & siccitas.

Sunt autem aliæ tangibiles qualitates, quæ actiuæ non sunt grossum subtile, durum molle, lubricum aridum: hæ enim sunt secundæ qualitates, tangibiles quidem, sed per se non actiuæ, quanquam ad actionem aut passionē possint esse bonæ dispositiones. Secundæ autem qualitates rectè hæ dicuntur: quia ad primas illas quatuor possunt reduci: ut subtile ad humidum, & grossum ad siccum. Idē; propterea, quod sicut humidum est bene repletium, ita etiam subtile: & sicut siccum minus, ita & grossum. Similiter de lubrico & arido dici potest.

De quatuor combinationibus primarum qualitatum, & distinctione elementorum. CAP. XI.

EX his igitur qualitatibus, omnis procedit actionis, omnisq; generationis & corruptionis initium. Sunt enim ad inuicem contrariæ hæ qualitates, & continua pugna res in interitū cogunt atq; deducunt, nouaq; generari faciūt. Et iuxta combinationes, quatuor innuuntur elementa. Caliditas siquidē & siccitas, igni: humiditas & calor, aëri: aquæ, frigidū & humidū: terrę denique, siccū & frigidum cōueniunt. Reliquas verò duas cōbinationes (scilicet calidum & frigidū, humidum & siccum) quoniā impossibile sunt, ob contrarietatem, constat non cōstituere aliud à prædictis elementum. Ex vna autē sola qualitate, nō sumitur aliquod elementū. Vnūquodq; enim elementū, duas habet qualitatum harum primarū & actiuarū, atq; earundem alteram in excellentia, alteram in mediocritate temperatam. Quippe ignis, summe calidus est & tēperate siccus, terra summe sicca & temperate frigida, aqua summe frigida & temperate humida, aër summe humidus & tēperate calidus: quanquā id sensus nō ita indicat, neq; experitur. Propter enim influxus certos cœlestium corporū, & propter aptam habitationem animalium, sicut est aqua nō suo naturali loco relicta in quo erat ab initio cōdita, ita & aër nō est in sua naturali dispositione relictus. Non

*Respondene
istā libro 2.
Arist. de ge-
ner.*

enim cōueniret in tāta humiditate hoīs respirationi, propter quē claret facta esse & elemēta, & mixta omnia. Attamē pręter rationē, etiā experiētia fluxus aëris satis testatur, quod diximus de humiditatis in aëre præcellētia (quātū ad naturā eius attinet) verū esse & indubitatū: quoniā multo se facilius aër diffundit & spargit, quā aqua, & magis repletur: quæ duo humiditati posterius appropriari dicemus. Relinquitur ergo, nō nisi quatuor esse elemēta.

De elemētis symbolizantibus, & nō symbolizantibus. CAP. XII.

INter hæc elementa, quædam adinuicem communicant in altera qualitatū: vt ignis, & aër in calore quē habet ignis summe, & aër moderate ignis & terra, in sicco: aër & aqua, in humido: aqua & terra, in frigido. Et hæc elementa vocantur Græca appellatione symbolizantia, id est, communicantia, seu ad inuicē conuenientia. Quædam secundum vtranque qualitatū contrariantur: vt ignis & aqua, aër, & terra. Igai enim calor & siccitas: aqua frigidum, & humidum conueniant. Iterum aëri, calidum & humidum: terræ, frigidum & siccum appropriata sunt: hæc sunt quæ non symbolizant, id est, in nulla qualitate communicant siue conueniunt. De his autem quæ symbolizant, dicit Aristoteles, faciliorem esse transitum ab vno in alterum, quā in non symbolizantibus. Vt facilius est ex igne aërē fieri, quā aquam. Solo enim humido superante fit aër. Cita etiam & facilis est generatio aquæ ex aëre, cū solo frigido superante calidum gignatur aqua. In altera enim qualitate erat conuenientia. At verò vt ex igne fiat aqua, oportet & calidum vinci à frigido, & siccum ab humido. In vtraque enim qualitate est contrarietas.

De proportionē qualitatū primarum & elementorum adinuicem. CAP. XIII.

EX his quatuor qualitatibus sunt duæ maximè actiue, caliditas, atque frigiditas: propter quod, ignis & aqua (in quibus hæc qualitates dominantur) elementa sunt præ cæteris magis actiua. In virtute autem resistendi, minus etiā cæteris (siccitate dico & humiditate) valēt. Vnde aër & terra, maiore habent resistendi virtutē, quā ignis & aqua. Quomodo enim hæc in agendo atq; pugnando præcellunt, sic illa in resistēdo. Et est profecto admirabile

rabilis hæc harmonia, à naturæ cōditore Deo ordinatissimè disposita, vt quæ magis sunt actiua, minus resistent, citiusq; patiantur: quæ verò minus agunt, magis resistent, neq; ita facillè patiantur. Alioqui subito oporteret totum vniuersum ab ignis sphaera absorberi, si sic inferiora haberet cætera elemēta in resistēdo, quæadmodū in agendo ea superat & excellit. Sed & illud operæ precium fuerit in hac elementorū differētia cōsiderare, quod superius semper excedit quātitate, proximū sibi inferius elemētū, proportionē de culpa ita vt infimi elemēti à supremo secūdū magnitudinē distātia sit, secūdū proportionē millecuplā. Ignis enim sphaera, quæ sub lunæ cōcauo à Philosophis ponitur immediata, millies maior est globo terre. Nā ex vno pugillo terræ, decē sūt pugilli aquæ, ex vno verò pugillo aquæ, decē aëris: ex vno autē pugillo aëris, decē ignis. Ex vno ergo terræ pugillo, cōstat per multiplicationē arithmeticam, fieri mille pugillos ignis centum aëris, decem aquæ: tamen si non plus materiæ habeat tantus ignis sub millecupla quantitate, quā tantilla terra sub simpla quantitate. Horum simplicium corporum seu elementorum conditiones ponit sex Aristot. Prima est,

Vnumquodque elementum inuenitur non simplex, sed mixtum, & licet sit quale simplex, non tamen est illi idem.

Cuius causa ex prius dictis patet, non enim hominis naturæ elementum omnino simplex cōuenit, cui omnia tamen sunt creata. Secunda est,

Ignis est summe calidus, vt glacies sūme frigida, atq; ob id ex hisce sic sumptus nil generari pōt.

Ratio est, quia generatio mixti non fit, nisi contrariis qualitatibus primis ad concordiam quandam & contentperamentum redactis. Tertia est,

Duorum elementorum locus est sursum, & duorum deorsum.

Aër enim & ignis sursum sunt, aqua verò & terra deorsum. Quarta,

Duo elementa extrema, sunt simpliciora mediis elementis.

Quinta est,

Vti ignis iuxta vtranque qualitatem aquæ aduersatur, ita & aër terræ.

Istud qualitatum primarum combinatione patet. Sequitur sexta,

Elementorum vnumquodq; habet tantum vnā primā qualitatem in summo, & alterā citra summum.

Ignis in summo habet calorem, & citra summū siccitatem, aër humiditatem in summo, & citra, caliditatem: aqua frigiditatem in summo, & humiditatem minus, terra siccitatem excellenter, frigus verò minimè excellenter.

De mixtis corporibus & mixtione. CAP. XIII.

EX his quatuor simplicibus elementis, diuersæ cōsurgunt rerū species, iuxta varias horum simplicium elementorum ad inuicem cōmixtiones. Quicquid enim inter corpora, nō est vel cœlum, vel elementum, est ex elementis mixtum. De mixtione igitur & his quæ miscentur, id est, mixtilibus & quæ per mixtionem generantur (quæ mixta vocari solent) erit dicendum, si plena debeat haberi generationum cognitio.

Mixtio itaq; est, mixtibiliū alteratorum & contemperatorum vnio.

Hæc de mixtione tractat Arist. 2. li. de gener.

Quando enim elementa (quæ mixtibilia dicimus) alterata & cōtemperata, ad mediocritatem & certā proportionē mutua actione & passione redacta, cōcurrunt simul ad vnus alicuius corporis cōpositionem, mixtio fieri dicitur, proprie accepto vocabulo. Nō ignoramus tamen aliquando vocabulū mixtionis improprie accipi, vt dicantur commisceri aliqua, quorū tamē vtrūq; suam speciem seruat, vt aër commiscetur terræ, vel lauæ, vel aqua panis, quando intra partes eius subintrat per poros. Aliquanto etiā magis proprie dicitur aqua viuo misceri, quādo aqua infunditur vino, & vertitur vinum in aquæ speciem. Neq; tamen hæc proprie mixtio est dicenda. Siquidē in mixtione, necesse est mixtibilia esse æqualis virtutis, vt redigantur ad cōtemperamentum mediū, nec debet vnū mixtibilium penitus dominari. Si enim in hominis mixtione totaliter ignis dominaretur, iam oporteret alia elementa in ignem

ignem verti. Agens enim habens dominiū supra passum, sibi ipsum assimilat: sicq; nihil aliud quā ignis esset totus homo. Ad hęc oportet in mixtione, quamlibet partē ipsius mixti esse mixtam: quemadmodū in augmētatione diximus, quamlibet partē eius quod augetur debere augeri. Ex quibus satis est manifestū, non esse propriē dictā mixtionē, cū aqua vino sic miscetur, vt in eius speciem atque naturam transeat: cum hīc mixtibilia neq; simplicia sint, neque virtutis æqualis, neque oporteat partem quamlibet vini cōmixti cum aqua mixtam esse, sed partes tantum vicinas, quibus infunditur.

Quomodo in corporibus mixtis remaneant vel non remaneant simplicia & qualitates eorum. CAP. XV.

GRandis verō est inter philosophos atq; medicos super hac re altercatio, num in mixtis corporibus elementa secundū suas formas permaneant, an alio aliquo modo: quibusdā dicentibus, ea formaliter manere, sed tamen per formā totius cohiberi, ne separaretur vnūquodq; in suum locū. Qui sibi experiētiā assunt, ex eo quod admoto igne ad ligna, quēdā ligni pars redditur igni, quēdā aēri: egreditur etiam humor quidā atq; aqueus vapor, licet ob ignis voracitatem id nō semper percipiatur: terræ quoq; cineres relinquuntur. Vnde secundū faciē apparet, cōiuncta ibi & colligata fuisse (nō secundū virtutem solam, sed etiā secundū formam) elementa. Actionem verō mutuā dicūt impediri à forma totius cōpositi, & quoniam ad mediocritatē sunt redacta. Atq; ex hac radice posuerūt Empedocles & Anaxagoras, omnia esse in omnibus, & per cōgregationē & segregationē omnia generari atq; corrumpi. Hinc quoq; illorū manarunt sententiæ, qui principia rerū litem & amicitia assignarūt: de quibus nō est nunc dicendū per singula. Illi enim abierūt viam vniuersę carnis, & nos euestigio eos subsequimur. Si eos quiete Deus optimus dignatus est sempiterna (Quis enim uocauit cōsilia eius, aut quis conspexit in libro signato iudicia eorum prāter agnū qui occisus est?) Si, inquam, piissimus Deus, eorū iussit vel corpora, vel mentes quiescere, nos illos nō impugnemus, nec sit nobis gloria cū eorum vmbri digladiari. Quod enim ad sententias antiquorum istorū attinet, verisimile est, obscurioribus verbis eos, nō-

Pium iudicium de veterum Philosophorum sententijs.

sup. 8.

nulla indicare subinde voluisse, quæ si à nobis rectè intel-
 ligerentur, forsitan nō penitus nobis viderentur impro-
 banda, quæ tamen nunc prima facie, dum non intelligun-
 tur, velut absurda ridentur, ac velut philosophis indigna
 abiiciuntur. Nos verò quæ veritati consentanea noui-
 mus, & sacratissime nostræ fidei non dissona, absque illo-
 rum vel inuidia vel iniuria, diligenter commemoremus.
 Ergo (vt illuc reuertamur vnde digressi sumus) qui sic po-
 nunt elemēta in mixtis remanere, etiam in suis formis, o-
 mnia violēta faciūt: ignis enim violēter in loco humano-
 rū corporū detinetur. At verò deus naturæ, dulcis opifex
 est: & sicut attingēs à fine vsq; ad finē fortiter, ita cuncta
 disponēs suauiter. Alii proinde melius posuerūt, nō qui-
 dē formas elementorū sed tantū eorū qualitates in mi-
 xtis remanere, ad inuicē temperatas: dicētes, ob contēpe-
 rationē qualitarum mutua actione & passione factam nō
 extingui subito corpora. Vbi tamen aliquā eorū cōtigerit
 deficere, vel excedere extra debitā proportionē, necessa-
 rio iam rē corrūpi. Id quod experientia testatur, super ex-
 crescente in homine siue calore, vt in pestiferis & febrici-
 tantibus: frigido, vt in senibus: humido, vt in hydropicis:
 sicco, vt in pthificis. In quibus omnibus fieri oportebit
 morbos varios atq; etiā corruptionē, nisi statim per for-
 mā substantialē prospiciatur, vt restituantur in suā pro-
 portionē naturalē qualitates illæ actiue. Ponit autē hæc
 sententiā, etiā cōtrarias qualitates in eodē subiecto & se-
 cūdū eandē partē subiecti, sed cōtemperatas ad inuicem.
 Quæ sanē opinio nō est penitus improbāda, imò doctorū
 orthodoxorū sententiis satis videtur consentanea. Dicit
 enim beatus Gregorius, quatuor elemētis, tanquam qua-
 tuor baiulis, hominē deportari ad sepulchrū. Alii ponūt,
 neq; formas, neq; qualitates elementorū in mixtis rema-
 nere, sed tantū vnā qualitātē, quæ ex illarū proportionē,
 & ad inuicē contēperatione efficitur, per virtutē seminis,
 vel alterius quomodolibet agētis & generātis, cū cōcursu
 causarū superiorū. Quemadmodū verò qui prioris sentē-
 tiæ sunt, certā illā qualitātū primarū proportionē, vocāt
 cōplexionē, vel cōpositionē: ita posterior hæc sententiā,
 qualitātē istam vnicā ex contēperatione qualitātū effe-
 ctā, cōplexionē vocat. Et quidē inter duas has opinio-
 nes

nes atq; sententias non tanta est distantia, quanta prima facie videtur. Hanc enim vnā qualitatem (vtcūq; se res habeat) constat, virtute illam qualitatum complexionem & proportionem, vel temperatā cōpositionem in se continere. Quapropter superfluum fuerit, hac de re sollicitius aut pertinacius digladiari. Similis ferè quæstio est, qualis de aqua tepida feruidè solet moueri, & ardentè disputari cum sit alioqui frigidior quàm vt pro ea feruentius debeat contendere. His ergo supersedentes, ad alia trāseamus.

An ad cuiuslibet mixti generationem, quatuor debeant elementa conuenire.

CAP. XVI

Verisimile est, ad cuiuslibet mixti cōpositionē quod *Ad quodlibet mixtum* libet elementum cōcurrere, & quamlibet dictarum *bet mixtum* quatuor qualitatum aliquo modo in quolibet eorum in- *ru. 4. cōcurrunt elementa* ueniri. Neq; hoc solum secūdum diuersas mixtorum partes est accipiendum, sed etiam secūdum singulas partes. Nam mixtum secūdum omnes sui partes tales oportet esse. Quāquā enim in diuersis partibus diuersa percipiuntur dominari elementa: vt in cholera ignis dominatur, in phlegmate aqua, in sanguine aër, in melancholia terra: non est tamen arbitrandum, solum illud elementum in vnoquoque membro reperiri, quod in eo dominatur. Inuenitur enim in cholera aliquid aëris, aquæ, & terræ: in melancholia, aliquid ignis, aëris, & aquæ atq; ita in cæteris proportionabiliter, dicendum. Et vniuersaliter, quamuis in quolibet mixto corpore sint omnia elementa & omnes dicta ratione qualitates actiue, semper tamen eorum aliquod excellentius dominatur. In quibusdam quidē ignis, vt in superioribus exhalationibus, & in flamma, & in hominibus cholericis: quorū idcirco capilli sursum tendunt. In quibusdam aër, vt in sanguineis, & volatilibus, quæ proinde aërē sibi vendicant. In piscibus autem & phlegmaticis, aqua: quare & aquis huiusmodi delectantur, & crines habent plerunque leniter demissos. In aliis terræ vt melancholicis, & leporibus, cæterisque terrestribus animalibus quæ proinde terram natura quærent, & qui sic sunt homines, terram plerunque despiciunt, ponderosos crines ad terram delectos habentes. Plerunque etiā plura elementa in eodē sic videntur dominari, vt vix discerni possit vtrum vtri præualeat. Difficile enim fuerit

vniuersaliter iudicare, quod eorū in quolibet dominetur.

*Monstratur exemplo, in mixtis quodammodo esse quatuor
elementa.*

CAP. XVII.

Quod si cui videatur non verum esse quod supra diximus, in mixto simul quatuor elementa concurrere, videat ille lignum in aquas iniectum: quod experiētia docet ac monstrat, non statim subsidere, etiam si magni sit ponderis, sed supernatare: quod indubie ab ignis atque aëris est leuitate, quæ virtualiter in ligno includitur, donec tandem contingat consumi, aut deuinci tēporis lapsu vim aëris atq; ignis, per aquæ fortem actionem quo facto subsidere poterit lignum. Eadem quoq; ratione ligna putrida, quæ igni & sunt & fiunt viciniora, & aëri propinquiora (quemadmodū ipsa frequentia & magnitudo pororum indicat) difficilius intra aquam seruantur aut immerguntur. Has autē porositates indicare ignis dominiū & inualescentiā, probat Aethna mōs igneus, qui locus putrescens trāsmittit multa porositate plenos. Hac eadem de causa naturalem sibi locū oleū supra aquam accipit quoniam oleum, aërem magis dominantem habet. Aqua autem nostra, qua vtimur, multū etiā terræ habet admixtū.

Quod elementa, quibus vtimur, pura elementa non sunt

CAP. XVIII.

*Aristo. sententia lib. 2.
de generat.*

Non est autem existimandum hanc terram quā inhabitamus, quæq; herbas & fructus generat ac nutrit, purum terræ elementū esse: sed neq; hic aër in quo viuimus & respiramus, purū est elementū, sed potius ventus est quidam, & commixtus atq; impurus aër: neque aquam omnino elementarem, aut ignem habemus, terreum tamen aliquid, aqueum, aëreum igneum habemus. Terram, aquam, aërem, ignem verè non habemus. Siquidem ignis, aër, aqua & terra, quæ nobis in vsu sunt, verius elementaria corpora, quàm elementa dixerimus. Monstrat hoc ratio, tamen si abhorreat sensus. Elementa enim in sua dispositione naturali, nullam harū passionum in sensu efficiunt, quas hæc elementaria efficiunt. Aqua enim si in sua esset puritate, sapida non esset. Neq; aër ille vt supra ostēdimus, esset respirationi aptus. Neq; terra, nutrire quippiā, aut aqua potare posset. Nos enim mixta corpora simplicibus nutriri non possumus. Cuius etiam signū dant agricol

colæ, qui irrigâtes hortos, terrâ aquæ miscēt, & simū rem
 utiq; (vt sic loquar) mixtissimam, terræ iniiciunt, vt plan-
 tæ nutriantur, & multo melius inebriat & fœcundat ter-
 ram aqua pluuiæ, vtpote magis impura, quàm fonta-
 lis, quæ aliquanto est purior. Ipsi quoq; coqui & qui lau-
 titias parât cupediarij, sint nobis testimonio, qui ex diuer-
 sissimis commixtionibus, & maxime à natura abhorren-
 tibus, sapidissimas conficiunt lautitias. Præterea terra pu-
 rum elementum, est grauissimum omnium etiam mixto-
 rum. Hæc autem terra nostra quâ inhabitamus, multo est
 plumbo aut viuo argêto leuior, & ignea ista flamma quæ
 pinguedine olei, aut ceræ, aut picis sustentari habet, aut li-
 gnorum atq; similiū subministratiōe, multo aëre circun-
 stante est crassior atque densior, viscoso aut crasso fumo
 commixta. Elementaribus ergo corporibus non elemen-
 tis utimur. Idq; consultissimè sic disposuit prouidissimus
 humanarum rerum gubernator. Nihil enim profuisset
 creaturas valde bonas creare (plantas, animalia, cæteraq;
 corpora mixta loquor) si nō simul & vbi, & quomodo, &
 à quibus cōseruari possent, eadem prouidentia disposuisset.
 Mira ergo dispensatione, in elongatioribus elemento-
 rum partibus pura reliquit elemēta, vbi nullus est mixto-
 rum locus, vtpote circa cētrum terræ, & in supremo sphe-
 re ignis, sicuti attestatur Aristoteles naturę philosophus.
 At verò superficies & exteriores elementarium globo-
 rum partes, sic voluit esse commixtas, vt mixtis locum
 præberent cōmodū, pro sua cuiq; natura & vegetantibus
 vbi pascerentur sua fœcunditate non deesset. A quo enim
 condita sunt omnia bona, & bona valde, ab eodem expe-
 ctant vt escam sumant oportuno tempore. Quare & post
 completum cœlorum cursum, vbi cessauerint in mundo
 viuere & pasci, tam homines, quàm cætera viuētia, no-
 uissimo terminato examine, igne cunctis consummaris
 mixtionibus, omnia suo loco & statu elementa reductu-
 rus creditur omnipotens & optimus Deus, ita demum
 cum suis beatissimis exercitibus regnaturus in æternum
 & vltra. Inter quos speramus & nos modo pauperes ali-
 quando computari, quando plenæ erunt laudibus fauces
 nostræ, quæ nunc vndiquaque mendicatis canticis mise-
 re torpent, etiam dum maxime, vt videntur, laudant.

Gene. I.
 Psal. 103.

Mouentur circa prædicta aliquot quæstiones, & primū, an possibila sit aliquid simpliciter generari aut corrūpi. CAP. XI.

*Quæstio
prima.*

Aiorē declarationem, quæstiones aliquot circa prædicta proponētur, ex quarum solutionibus, plenior haberi poterit quorundam antedictorū cognitio, & intelligentia facilior. Sit ergo hæc prima quæstio. An fieri potest vt aliquid simpliciter generetur, aut simpliciter corrumpatur. Nam si aliquid simpliciter generaretur, deberet ex non ente simpliciter generari, cū generatio sit à non esse ad esse progressio. Ex non ente verò simpliciter, siue ex nihilo nihil potest fieri aut generari. quemadmodū habet principium physicū. Similiter quoq; de corruptione potest ratio fieri, quoniam si corrumpereetur aliquid simpliciter, deberet in nō ens simpliciter corrumpi siue in nihilum, cum corruptio sit processio ab esse ad non esse. Hoc autem, nempe in nihilū corrūpi, æquē videtur physicis absurdum, atq; ex nihilo aliquid generari, eò quòd æquē sit creaturæ virtus impotens, ad creandū, atq; ad annihilandū. Videtur ergo iuxta hanc ratiocinationē, nihil simpliciter generari aut corrūpi posse, secundum naturā. Pro huius autem quæstionis expeditione sciendū est, quibusdam antiquorum philosophorū tam validā & efficacē visam fuisse suprapositam ratiocinationē, vt ea permoti asseruerint, nihil simpliciter generari aut corrumpi, sed omnia alterationibus solis posuerint variari: quas alterationes vocabant generationes secundum quid, propterea quòd accidentia & qualitates secundū quæ fiunt hæ alterationes, non simpliciter forme, sed forme secundū quid (id est, forme accidentariæ) nominentur, & potius entia secundum quid, quàm entia simpliciter: eò quòd ipsa nō per se substantiam habeant, sed per ipsa, tantū ea quæ subsistunt talia, aut talia denominantur. Admittebant ergo multa passim generari & corrumpi secundū quid: verū simpliciter aliquid generari aut corrūpi negabant. Hæc autem antiquorum sententia certā habet fallitatem, & omnino fateri oportet multa quotidie simpliciter generari, atq; simpliciter corrūpi. Est enim generatio simpliciter dicta, forme substantialis in materia acquisitio, quēadmodū corruptio, forme alicuius substantialis ex materia est deperditio: ge-

nera

*Solutio ad
quæstionem
ex sententia
Aristot. I. de
gene.*

neratio verò secundū quid, & corruptio secundum quid, formæ accidentalis in subiecto sunt acquisitio & deperditio. Vnde cū res naturales non solū secundū acquisitionem, & deperditionē mutantur formarū accidentaliū, verumetiam substantialium: manifestū est nō solū generationem & corruptionē secundum quid, verumetiam simpliciter, esse secundum naturā possibilem. Imò vniuersaliter, quodcumq; forma aliqua substantialis in materia qualibet de nouo acquiritur, compositum illud ex materia informata & forma informante simpliciter dicitur generari: & è cōtrario, quotiescūq; forma substantialis ex materia aliqua deperditur siue expellitur, compositum ipsum simpliciter dicitur corrumpi. Quemadmodū (exēpli gratia) simpliciter generatur ignis, & corrumpitur lignum, cū forma substantialis ligni per virtutem applicati ignis ex materia expellitur atq; deperditur, & forma substantialis ignis in eandē introducitur. Qua in re differentia tamen notanda est, inter generationem simpliciter & alterationē, quæ etiam generatio secundum quid nominari potest. In alteratione siquidem alterari dicitur ipsum subiectum, quod de qualitate transit in qualitatem, non ipsum totū ex subiecto & forma aggregatū: in generatione autē & corruptione, nō ita generari aut corrumpi dicitur subiectū generationis, aut corruptionis, quod est ipsa materia per formā informatā, sed totū ipsum compositū, quod ex forma & materia informatā cōstituitur. Quemadmodū nō ipsa hominis materia, quæ antè & post, manet eadē, generari dicitur aut corrumpi, sed totus ipse, homo ex anima cōstans & corpore, generari simpliciter, aut corrūpi simpliciter dicitur, cū sua formā in materia acquiritur, aut ex ea pellitur. Ad obiectionē verò suprà positā facile satis adhibetur responsio, si illud prius replicauerimus, quod in tractatu primo tetigimus, de cōditione atq; natura materiæ, quemadmodū ipsa nō ens simpliciter dici debeat ac nūcupari. Quia enim materia per se ad omnē formā indifferens, omnino simplex, nullā habet in se formam ex qua cōponatur, quæ ve ipsam faciat, esse in actu, sitq; ex se nihil nisi mera potentia: hinc fit, vt ex se non nisi ens in potentia possit nūcupari, non autem ens in actu, quod solū est ens simpliciter. Ens enim

Solutio obiectionis.

in potentia, nō est nisi ens secundum quid. Quod autem in actu est per formam aliquam substantialem, quæ pars est sui, id simpliciter eis dici meretur ac debet. Cum ergo ita proponit obiectio, Si generaretur aliquid simpliciter, generaretur ex non ente simpliciter, admittenda est illata hæc conclusio. Non enim est inconueniens, ex non ente simpliciter aliquid fieri seu generari. Ex materia siquidē fiunt ac generantur res naturales omnes, quæ non est ens simpliciter, sed tantum potentia. Quod autē philosophicum dicit principium, ex nō ente nihil fieri aut generari: intelligendum est non de simpliciter non ente, sed de omnino nō ente, id est, quod neq; actu est, neq; potentia: quemadmodum in primo libro tradidimus manifestius.

Quæstio secunda.

C A P. XX.

Cum calidi & frigidi, humidi & sicci sint officia cōtra tria: quanā ratione dicta sunt hæc pariter in mixtione debere cōcurrere? Vt clarius dissoluatur quæstio, præmoneri oportet quæ sint harū qualitātū proprię differentię, quę ve propria sint diuersa earū officia. Ad calidum enim spectat, separare partes heterogenias, id est, dissimiles & diuersorum generum ab inuicem. Ex virtute enim ignis est, quod in homine ossa à carne, caro à neruis, cor ab epate, & cæterę partes diuersarū rationū ab inuicē separātur: id quod & in ligni adustione euadit manifestum, vbi cinis, vapor, fumus, & flāma, abinuiçē caloris virtute separantur. Idē patet quando igne purgātur metalli & separantur partes diuersorū metallorū quæ erant cōmixtæ. Sunt enim rerū duplices partes, quædā sunt eiusdem rationis, vel speciei, vel dispositionis: quæadmodū (exempli gratia) partes diuersæ carnis, partes ossis, partes neruorum, partes aquæ omnes sunt eiusdem rationis. Hæ partes homogeniæ (id est, eiusdē rationis, speciei, vel generis) Græco vocabulo solēt nūcupari. Aliæ sunt quę sunt diuersarū rationū vel dispositionū, vt caro & os. Itē cortex & medulla in plantis, folia & radices. Et hæ partes heterogeniæ, id est diuersarum rationū, specierū, aut diuersorum generū nominātur. Nilil tamē nunc specialius perquiremus, an in carne sit aliqua forma substantialis alia à forma ossis, præter rationalem animam: an forte sola differant diuersa dispositione, secundum accidentarias qualitates.

Est

*Sunt hæc
apud Arist.
lib. 2. de ge-
ne. & 4. lib.
Meteororū.*

Est ergo (vti iam ostendimus) calidi officium, heterogenia in mixto ab inuicem separare, homogenias autē partes simul coniungere. Vtrunq; enim facere calidū, probat experiētia in igne metalla purgante. Frigidi autem est etiam pates heterogenias ad inuicem conglutinare, & conseruare: vt ossa cum neruis & carne, & eandem vicissim cum ossibus & neruis inuicē compaginare: quemadmodū ad oculū videmus in frigore, multa pariter in glacie conglutinari. Humidū verò bene est terminabile vel formabile, secundū omnem formam quā conuenit rei habere, & agēs vult imprimere, facilēq; suscipit impressionem ab agente, & est bene terminabile termino alieno. Nam propter fluxum (cuius causa est humidū) cōtentum facilē se accomodat lateribus continentis: sed malē terminatur termino proprio, propter fluxum consequētem.

Cæterū, fluiditati huic medetur siccum, quod termino alieno agrē se accommodat, nec nisi violēter compactum lateribus continētis se patitur aptari, propterea quòd fluxum ignoret. Suo tamen proprio termino siccū est bene terminabile, tenens atq; custodiēs figurā, & superficiem suam. Harū autem rerum experiētiā docent nos figuli, qui volentes materiā luti pro suo libito tractare, & figuras quaslibet inducere, vñ ac molle faciunt lutū, & humidum asciscunt. Volentes verò iam inductū terminū & figuram seruare pulso humido, igne exiccant, vel soli exponūt: vt quod humidi beneficio facilē est impressum, sicci beneficio stabiliter seruetur. Quibus præmonitis, dicimus ad quæstionē, agens vel generans, egere calido, ad distribuendū singulis partibus sibi cōuenientia, id est, ad segregandū heterogenia, ne cōmisceantur in homine os & caro, caro & nerui: in arbore cortex & medulla, foliū & fructus, atq; ita in cæteris: Frigido, vt homogenia continuētur, & heterogenia cōglutinētur: Humido, vt figura & quantitas, & superficies conuenientes inducātur, secundū exigentiā mixti quod generatur: Siccō, vt bene seruetur res in sua figura & termino. Ex harum autem commixtione qualitātū, quas primas vocant Phisici, secundum certam proportionem, & iuxta diuersarū qualitātū diuersam dominationem, procedunt qualitates aliæ prius enumeratæ, etiā tāgibiles, & omnes aliæ sensibiles:

*Solutio
quæstionū.*

vt sunt, color, & lux horū inferiorum (lux enim cœlorū, non est ex primis qualitatibus) sapores omnes, odores, atque soni. Non enim daret somnū percussus aër purus.

Questio tertia.

C A P. XXI.

SI oportet semper vno corrupto aliud generari, & vno genito aliud corrumpi. Solutio. Materia nequit esse nuda omni forma, quemadmodū primo libro ostēdimus. Atq; hac de causa, nō potest agēs vllū hoc efficere, vt forma vna de materia auferatur atq; pellatur, nisi adducat aliā quam in materiam imprimat; neq; aliter materiæ natura fieri patitur. Rursum, quia plures formæ vltimæ nō possunt simul inesse eidem materiæ, oportet etiā vt agēs nouam formā substantialem adducens aliam pellat priorem, sicq; ex consequenti compositū prius & substantiam priorem corrumpat. Atq; hinc fit, vt semper ad vnius generationē comitetur alterius corruptio: & ecōtrario, corruptionem vnius, alterius generatio. Constat tamen non esse ob hoc necessariū, vt quoties homo quispiam nascitur, alius intereat eiusdem speciei, id est, alius homo. Satis est, aliā aliquā substantiā periisse, cuius scilicet materiam nunc habet genitus homo: sicut genito igne, oportet non aliū ignem corrumpi, sed aliam tantū substantiam ex qua generatur. Cum enim materia sit finita, & non possit quicquam materiæ creari virtute naturæ: non est existimandū, crescentibus arboribus & in altum expansis brachiis, hanc omnem materiā similiter gigni vel creari, sed oportet eandem materiā aliunde sumi. Nisi enim eadem materia sic per varias transiret formas, oporteret esse infinitam materiā: cum in infinitum pergant generationes.

Questio quarta.

C A P. XXII.

VNde procedat generationum & corruptionū diuersitas, vt hæc magis hoc tēpore aut producantur aut intereant. Solutio. Si cœli omnes immobiles starēt, vt post iudiciū futurū credimus, nulla haberetur generatio, nulla corruptio: seruarentur tantum res in suo esse, & in stabilitate sua permanerent quod sunt. Motus igitur cœlorum, sunt causa generationis, & corruptionis in his inferioribus. Et quidē motus primi cœli mobilis, qui semper in viginti quatuor horis absoluitur, causa videtur sufficiens eius trāsmutationis, quæ fit secundū diem & noctē.

Ceterum

*Generatio
vnius alte-
rius est cor-
ruptio. Ari-
stot. I. de ge-
nerat.*

*Arist. 2. lib.
de generat.*

Cæterum eius transmutationis quæ fit secundû diuerfas anni partes, iam producendo, iam corrumpendo, causa est motus proprius solis ab Occidente in Orientem, per circulum zodiacum: quem motû cõplet vnus anni spatio. Eius enim aduëtu omnia germinant, & senes iuuenescunt: eius autem discessu labuntur, & occidunt & veterascunt omnia. Vnde cum tempus aduentus, & tempus discessus sit æquale, vtrunq; secundum sex signa: sequitur, etiam tempora generationis, & corruptionis æqualia esse.

Quæstio quinta.

CAP. XXIII.

Vnde est quod quædam sic faciliè generâtur, & quod est inter quædã tam facilis transitus, aut tam facilis transmutatio: vt nubes in pluuiam, & pluuiæ iterû in nubem. In aliis verò est difficilis nimis, & longa generatio, & corruptio, & inter alia difficillima transmutatio. Solutio. Quædam sunt corpora imperfectiora, modicã dispositionem, vel proportionem qualitaturn sufficientem sibi reputantia, quæ faciliè generantur, vt vapor ex aqua faciliè generatur, quoniam nihil requirit sibi præter modicam impressam leuitatem. In aliis verò, vt perfectioribus, oportet multo tempore perficiẽas quas rerum subsistentia requirit perfectiuas qualitates, & naturales vires, dispositionesq; necessarias, ac natiuas complexiones: quæ cû frequenter multæ sint, ac varix, neq; ita faciliè aut ita mox effectibiles, cõsequitur, longiorẽ tẽporis tractum ad talium generationẽ requiri. Id quod Baptista Mâtuanus inter poëtas Christianos faciliè princeps, pulchrè admodû testatus est his versibus, Omne quod excellẽs opus, & sublime futurum est, Difficiles ortus haber, incrementa que tarda. Inter quæ autem non multa est distantia, & quorû dispositiones necessariæ non multum differunt alterius ab altero, vt inter pluuiam & imbrem, aquam atq; vaporem, in his faciliorem quoq; oportet esse transitum.

Quæstio sexta.

CAP. XXIIII.

SI idẽ possit semel corruptû reuerti? Solutio. Eadẽ secundum speciem (etiam si totaliter species deleatur, vt esse in vermibus putredine natis videtur) quotidie redire conspiciamus, sed numero idem, natura potens non est reducere, sed tantum secundum speciem, vt testatur & Aristoteles. Forma enim semel expulsa, si corruptibilis sit, penitus

*Baptista
Mantuanus
de beata vir
gine in libr.
Parthen.*

penitus corrumpitur & iam quasi annihilata reuocari nō potest. Si verò sit incorruptibilis, cuiusmodi est sola anima rationalis, hanc certè natura vt creare non potuit, neq; dare, neq; de potētia materię educere: ita nec poterit post expulsionē siue emigrationē reducere. Quis enim reducat aut reuocet spiritus corporeis defunctos officiis, qui iam olim emigrantes è suis tabernaculis vias abierunt occultas, locaq; incolunt nobis prorsus incognita, vbicunq; domino visum id fuerit? Quis rex sic potēs, quis ita sapiens Philosophus? Quis ita fuit eximius naturæ perspectoꝝ aut descriptor, qui potuerit vel charorum suorum, vel suam etiā ipsius animā reuocare, semel Dei nutu de suo tabernaculo eductā? Cuius, quæso, vel peritissimi medici ad hoc deuenire potuit experientia? Nō est qui hoc faciat, non est qui valeat, non est (inquam) vsque ad vnum. Imò verò vnum noīmus, Christum Iesum, Dei patris vnigenitum filium, qui viā vitæ, & reditum ex mortuis primus ipse inuenit, eamq; (vt in Psalmo scribitur) nobis manifestauit in se credentibus: vt quemadmodum ipse posita anima, cum placuisset reassumpsit eādem, inq; corpus reduxit: sic & nostræ aliquando animæ post longam emigrationem in sua redeant corpora, cū eo pariter in æternitate plenitudine cœlestis gaudij fruturæ. Verū non secundum naturā est hæc virtus, neq; sub eius limitibus hæc potestas stringitur: sed naturam omnē excedit & superat, secundum virtutem diuinitatis inhabitantis in eo, quæ illi cum patre & Spiritu sancto est communis, in perpetuis æternitatibus. Cui soli sit psalmus perpetuus, laus, & iubilatio sempiterna ab omni creatura angelica, & humana, nunc, in æternum, & vltra. Amen.

FINIT LIBER QVINTVS.

PSALMVSVS CONFSSIONIS IESV
principi pacis pro assumptis in carne miseriis, ad
dignam gratiarum actionem.

Dic impassibile cœlum, tu quid es? narrate elementa quid sitis,
aut quæ vestra substantia?

• Vos verò homines commixta atq; mendicantim congregata corpora,
generationem vestram explicare nobis.

Quid sitis, vnde decissi, ex quibus compacti: in quæ tandem putatis reuertimini?

Memento

Memento domine Deus, quod de limo terra fecisti nos: & compegisti in nobis quaternas inimicitias irreconciliabiles.

Has tu princeps pacis, miro connectis fœdere: donec terminatis indocijs prorumpant in exitum, donec dissoluantur quæ tu continebas.

Hæc omnium nostrum aqua fors; hæc nostra miseranda conditio, omnes nos quasi aquam dilabi, & in terram volentes nolentes defluere.

Ab elementaribus pendere nos corporibus: quos tu angelicis penè coequasti spiritibus.

Quid verò nos ipsos flemus eiulantes? nōne tuam magis sortem, Iesu bone, commiserari ac deplorare nos oportuit?

Verbum patri patri coæternum de terra non eras, neque de terra sumebas tibi cibum, ut viueres.

Neque fontium aquis potabaris, in aëre non respirabas, igni usum nesciebas, nec tu, neque pater æternus.

Propter me verò accessisti ad me: quod ego sum, tu factus es verbum caro.

Verbum dico coangustatum, & abbreviatum nimis, similem in te elementarem litem suscipiens mecum.

Et mortis legem voluntariè in te ipsum suscepisti, ex ea in nihilum uti computresceres, si non à dextris tibi assistisset saluator, omnipotens genitor tuus.

Iudeorum fera crudelitas accessit ad miseriam pauperis. non sunt passi suam periodum decurrere atque peragere vitam corporis tui.

In medio robore ac flore corporis tui, Iesu piissime, iniqui inuasērūt animam tuam, tollere eam tibi.

In lignum subuectum, viribus defectum, animam expirare fecerūt te, o vita beatissima.

Et de ligno depositum, communi tradiderunt omnium matri: tanquam mortuum à corde, visceribus terra.

Tu verò vnicus inter mortuos liber: non potuisti quia noluisti, videre corruptionem.

Nec putrefactum est tabernaculum anime tue, à fortitudine diuinitatis tue, quæ inhabitare non desinebat in eo.

Euge & latere quicumque diligis dominum: quoniam mortuus à morte surrexit.

Occisus est agnus, & reuixit: proiectus in terram, & surrexit.

Pro corruptibili seminato in terra corporis grano, immortale recuperauit atque glorificatum.

O felix commutatio dextera excelsi: pro mortali deposito, glorificatum recepit agnus Dei.

Quare tacemus, ô homines quæ ad nos hinc portio deducta est immortalitatis nostræ: vitæ æternæ quam reparauit & repromisit nobis.

Ibitis, ibitis corpora, ibitis dicimus in mortem: & computrescietis aelementari inimicitia, quæ compacta est & habitat in vobis.

Sed nunquid obliuiscetur misereri Deus? aut relinquetur in stercore vita nostra?

Suscitans suscitabis nos domine, in momento, in iclu oculi: in nouissima tuba.

Et surgemus incorrupti, & nos immutabimur: quoscunq; hoc munere donaueris.

Et fiet nobis à te, ô largissime princeps, beata retributio, felix commutatio, cum sederis in solio gloria tua, quæ est sempiterna.

Benedictio, claritas, & sapientia, & gratiarum actio, honor, virtus, & fortitudo Deo nostro in secula.

Et qui occisus est agnus, dignus est his omnibus: quoniam resurgens à morte vitam inuenit, à progenie in progeniem omnibus quærentibus eum in humilitate.

Gloria patri, & filio, & spiritui sancto.

Sicut erat in principio, & nunc, & semper, & in secula seculorum.

Amen.

FINIT PSALMVS.

IN LIBRVM VI.

DE MIXTORVM IM-

PERFECTORVM GE-

NERATIONIBVS

PRÆFATIO.

* *

Psal. 48.



IDI T Psalmista, cum in spiritu psalleret Deo ex omni creatura, mirū in reb⁹ ordinē: q̄ essent quædā ingenerabilia prorsus & incorruptibilia certas leges sibi descriptas iuiolabiliter obseruātia, quas nō pretergrediantur in secula seculorū: ex quibus sunt nimirū cœlestes spiritus. atq; virtutes, sol, luna, stellæ, atq; cœlorū orbes. Sub quibus prospexit quædam nullā habētia determinatā legē sue generationis, sed verbo Dei stare tantū: vt dū ille iusserit, & quādo iusserit, gignā

gnantur & corumpantur. Si enim dixerit altissimus, statim ignis de cœlo, aut pluuia, aut grādo, aut ros, aut pruinā, aut fulgur, aut tonitru descendet: & cū placuerit illi, statim cessabunt. Nullam enim habent legē determinatā, vt perpetuo existere debeant. Sunt sub his viuientia omnia, quæ licet secundū indiuidua non habeant determinatam subsistentiā; constat tamen ea secundum speciei generationem perpetuam habere stabilitatem. Quæ ob hoc mixta perfectiora dicuntur, eò quòd habent generationem & subsistentiam magis determinatam prioribus, quæ faciliè subito aut gignuntur, aut totaliter pereunt, atq; ob hoc mixta imperfectiora nuncupantur, de quibus modo præsentem instituiamus tractatum.

De tribus aëris regionibus, earumque dispositionibus

diuersis.

CAP. I.

QVoniā autem imperfectiora illa mixta corpora in aëris regione penè omnia vidētur generari, idcirco de ipsius aëris dispositione atq; diuisione primū dicendū. Aër itaq; vniuersus, in tres regiones, seu partes diuersimode qualificatas distinguitur: nempe supremā, infimā, & mediam regionē. Prima & suprema quoniā igni est proxima & cōtigua, circulariter cū ipso igne, ad motum primi mobilis & aliorū cœlorum rapitur. Estq; perpetuò calida, tum propter vicinitatem cū igne, tum propter hunc violentum raptum & motū, qui per se ad calorem faciendū est sufficiens. In hac autē parte nubes haud quaquam generari possunt, neque reperiri, neq; conseruari, tum ob nimiam ipsius à terra & mari (vnde nubiū eleuari debet materia) distantiam, & nimiam altitudinē ad quam nubes nequeunt pertingere, detentæ & remoratae in media regione aëris: tum propter calorē & motum circularem, qui impedit nubiū congregationē. Leuantur tamen ad eam exhalationes calidæ & siccae, quæ ob caloris & leuitatis copiā, facilius quàm nubes densiores, aut vapores earum materia possunt ascendere, & minus detineri: quæ exhalationes, in aëris hac summa regiōe varias faciūt apparētiās, vt statim dicetur distinctius. Infima autē regio terræ vicina, ob reflexionē radiorum solis à terra reuerberatorū, vehemētius incalefcit: tum etiā propter vapores & exhalationes (quæ calidę sunt naturæ) à terra & aqua eleuata.

*Istas tres
aëris regio-
nes distin-
guit Aristō.
I. lib. Meteo-
rorum.*

Tertia aëris regio, ea est portio, quæ inter summam & infimam interiacet media. Hanc vehementer constat frigidam esse, ex iis effectibus quos in ea percipimus generari. Ad eam enim non pertingit illa dicta radiorum solariū reflexio. Neque eius ad ignem tanta est vicinitas, neque circulari ipsa rapitur motu. Quæ in semetipsa existens frigida, quia & à sphaera ignis distat, ut ab ipso calor ei non veniat, & reflexi à terra solis radii ad ipsam usque non pertingunt, sicque inter duo calida velut media constituta, inter supremam dico & infimam regionem, suum hac ratione frigus vehementius intendens, valde in frigidatur, condensatur, inspissatur, ea actione quam naturales per antiperistasis vocant, id est, per contrarii circumpositionem.

Quid actio per antiperistasis, & quomodo per talem actionem media aëris regio sit multum frigida. CAP. II.

QUæ res ut cum sequentibus impressionibus clarius conspiciatur, præmissum atque præcognitum oportuit, quæ sit huius actionis quam diximus, virtus atque natura. Cum igitur contingit contrarium à suo contrario ita circumdari atque concludi, ut virtus actionis eius non possit foras exire, ob fortem contrarietatem undequeque impedientem, tunc necesse est reflexam hanc virtutem in eo à quo emittitur receptam duplicari atque fortificari. Huius est experientia, quoniam hyeme hominum interiora multo calent amplius, coquuntur facilius, & consumuntur ardentius, quam æstate media, quando ab interioribus egressus calor non reuerberatur à circumstante aëre. At hyeme, à vehementer frigidum aëre circumstante reuerberatus duplicatur in intimis. Id ipsum patet in lignis, & facibus, & candelis. Multo enim est horum flamma viuacior hyeme, quam æstate. Eadem hæc ratio est, quare qui frigidiora loca habitant, ampliori cibo sint, & maiori egeant nutrimento, iis qui in calidioribus, cum tamē calidiores ex cutis nigredine existimari possent. Sic (ut ad propositam rem reuertamur) cum media regio aëris frigida, includatur inter summam & infimam calidas regiones, ipsa se fortificat: & tunc magis, quando contraria sunt fortiora. Nam in æstatis medio, cum ista inferior pars aëris sit propter directam radiorum solariū reflexionem calidissima, media portio aëris e contrario efficitur frigidissima. Hyeme verò, quando non est multa contrarietas, min

minus est frigida. Hæ autē portiones aëris, nō habent ter-
minos omnino determinatos, sicut nec elementa. Nā per
motum cælestium corporum adductis cōiunctionibus fri-
gidis vel aqueis, elemētum aquæ crescit, & aër minuitur.
Adductis verò coniunctionibus quæ pro aëris faciunt ge-
neratione, vt calidis & humidis, minuitur aquæ sphaera, &
crescit aëris portio. Hyeme enim, aquæ plus quàm æstāte
abundant, & æstāte plus quàm hyeme crescit aëris termi-
nus. Ita contingit, regiōne mediā vno tēpore esse maio-
rē, vt in hyeme, vere, & autumno, quā æstāte, quādo dire-
cta & fortissima solariū radiōrū reflexio etiā illud ad in-
fimam partem trahit, quod aliis anni partibus, cum non
ita calor præualet, ad mediam pertinet, Hæc antiperista-
sis duobus potest modis fieri, quippe per partium contra-
ctionem & maiorem compactionē. Et per qualitatis acti-
uæ à fortiori circūseptæ incrementū, reflexiē speciebus.

De ijs quæ in suprema aeris regione generantur. CAP. III.

Per influxus verò astrorum, & per colorem solis eleuā *Quid vapor
et exhalatio;*
tur à terra & ab aqueis locis (vt ex mari, fluminibus,
paludibus) subtiles & tenues quidam fumi, qui si multum
subtiles fuerint, vehementer calidi & sicci, dicuntur ex-
halationes. Si verò den siores, calidi temperate & humidī,
vapores dicuntur. Exhalationes autem hæ cum sint leuio-
res, facile infimam & mediam regionem penetrantes, ad
supremam perueniunt: vbi cum aëre circūactæ in quo
sunt, & hoc motu vehemēter calefactæ ac propter ignis
vicinitatē inflāmatæ iuxta materiæ diuersas dispositio-
nes vel vniformiter vel difformiter succenscē, miras exhi-
bent species, nūc draconū, nunc caprarum, nunc lancea-
rum, nunc candelarum, vel facum ardentium. Sunt enim
plerunque exhalationes viscosæ, & facile propter siccita-
tem inflammabiles, quarū partes sæpe contingit secūdam
opacitatem vel densitatem difformem nō simul succē-
di, aut simul etiā succensas nō similiter ardere atq; lucere
vt cū pars anterior, crassior & dērior nō ita velo citer suc-
cēditur, aut nō ita plenē quā posterior quæ est rarior. Atq;
iuxta hanc dissimilitudinē, diuersas contingit rerū appa-
rētias videri, quorū cōplures Aristoteles primo Meteoro-
rum libro enumerat. Sæpe autē conspiciūtur tanquam vo-
litancia sydera, quæ nō sunt æstimanda ē firmamēto pro-

iecta ad nos cadere: sed fiūt hæc, dū exhalatio inflammata sursum quæres moueri, à nube deorsum pellitur, sicut cum pila reuerberatur, à corpore cui obicitur. In summa etiā regione cōtingit videri hiatus absq; inflammatione, quādo nō incenditur exhalatio, propter defectum viscositatis, & illuminata in partibus extrinsecis propter earū raritatem, medio autem ob sui opacitatem nō illuminato, velut profunditatem intermediā videre nos existimamus: quæ si magna fuerit, vorago: si nō ita magna, hiatus nominatur. Sic autem vorago nobis aut hiatus apparet, quomodo pictorum ars eadē volens effingere, circūiecto lucido colore atq; aëreo p circuitū, in medio colorē crasum atq; obscurū intermiscet, vt sic vel puteus vel hiatus aliquis appareat, dū in medio claritatis sese monstrat obscuritas: atq; huiusmodi impresiones phāasmata dicuntur. apparēt enim quod nō sunt. Ex dictis igitur facilē est harū descriptiōes colligere, quippe vt stipulæ ardētes sint exhalatio (quā calidā & siccā diximus) mota ad supremā aëris regionē, & ibidē ignis vicinitate incensa, habēs figurā stipularū ardentū. Torris, est exhalatio ad aëris supremam regionē euecta, atq; in sola lōgitudine, siue latitudine ardens. Capra saltans est exhalatio in suprema aëris regione incensa, paulatim & carptim ab vna parte, ad alterā flāma discurrente, quōd si exhalatio talis veluti scintillas quasdā spuat, scintillæ dicūtur. Stella errans est exhalatio in suprema aëris regione, secundū longitudinē & latitudinē multas habens partes exiguas, diffusas & incensas, etiā quo ad crassitiem. Sic lancea volans, eiusmodi est exhalatio, lanceæ imaginē referens. Ignis perpendicularis exhalatio est perpendicularē figurā exhibens. Ignis factuus seu candela ardens, est exhalatio ad infimam aëris regionem eleuata, & ibi per antiperistatim incensa, quæ dum quærit ascendere sursum, à frigore mediæ regionis depellitur, & apparet quasi saltans, loca decliuiora quærens, vnde & ad aquas ducit sequentem.

De generatione comete.

C A P.

I I I I.

Arist. I. lib.
Mete.

Apparent autem interdū in stellarum modū cometæ. Est autē cometa non congregatio multarū stellarū, neque de natura cœlesti, neq; quo ad corpus, neq; quo ad caudam, sed tota est de natura elementari. Generatur autem

autem hoc modo, cum enim virtute solis & aliorum astro-
 rū eleuatur multa nimis materia, calida & sicca, grossa &
 pinguis, benēq; inflammabilis, ab his terrestribus vsq; ad
 summam aëris regionē, vbi circumgyrata ad motū aëris
 inflāmatur æqualiter, & aduenientibus cōtinuo exhalationibus multū diūq; nutritur, generatur cometa. Cuius
 materia si sit in medio grossior, & in circumstantibus par-
 tibus rarior, videtur tanquā crinitus, & vocatur stella co-
 mata. Si partes hę lōgius deorsum protēdātur, dicitur cau-
 data. Si verò partes subtiliores fuerint inferius demissę,
 dicitur stella barbata. Fit autē cometa potissimū autum-
 nali tempore, quoniā tunc & calor est materiā sufficiens
 eleuare, & caloris tēperies facile permittit absque dispo-
 sitione materiam bene conglobari & conuiscari: quod in
 æstate non sic permittitur, quando etiā nō sic facile gros-
 sa exhalatio (propter solis ardorē dissipantem, & medię
 regionis summā frigiditatē) valet ad summam regionem
 transcendere. Verno autē tēpore, non est plerunq; calor
 tantam materiam sufficiens eleuare. Hyeme verò & fri-
 gus & humidum repugnāt. Est autem cometa signum cō-
 motionum, bellorum, litium, traditionum, hac potissimū
 de causa, quia tēpore generationis cometę dominatur cę-
 lor, qui corpora animosq; hominū ad huiusmodi accēdit.
 Peculiariter verò principibus dicitur portēdere mortem;
 quoniā aër qui tūc crassior est & viscosior ex materia co-
 metę, principibus delicatis & tenerioribus solet facilius
 nocere, quā rudibus agricolis. Spirāt præterea magna vi
 venti, ob ariditatem nimiam: exhalationes siquidem mi-
 nus viscosas, atq; ideo non inflammabiles, in ventos abire
 docet Aristoteles. Vnde & narrat nocte apparente comē-
 ta, interdiu ingenti quantitate lapidem vento sublatum,
 eecidisse. Nicomacho quoque Athenis imperante, come-
 ta apparēte, magna ventorum vis circa Corinthum de-
 baccatha est. Generatur autem aliquando in septentrio-
 ne, aliquando in austro, nonnunquam ab occasu æquino-
 ctiali. mouetur autem ad motum Aristor. exhalationeni
 attrahentis, aut iuxta motū supremę regionis ab oriente
 videlicet in occidentē. Seneca tamen asserit nonnunquam
 ferri ex septētrione in occidentē per meridiē & ex septen-
 trione in oriētem. Quod & se vidisse asseuerat, cuius cau-

sam materiam assignat ipsam qua nutritur, ipsam siquidem flamma incendendo sequitur, vt est in stuppa videre.

De galaxia, siue via lactea.

CAP. V.

Poëtæ mētiuntur, currum solis à Phaëthonte nouitio ductore male deductum, combustisse aliquā partē cœli, quam hac de re albam asserebant. Sed vt cætera fere poëtarum omnia, etiā hoc commentum est, & fabula vana. Iuxta veritatem autem sentiendum est, aliquam esse partē cœli, in qua multorū astrorum lumē receptum, per refractionem facit albi coloris apparētiam: & hæc est galaxia, siue via lactea: quæ tamen non semper apparet propter nubili aëris interstitiū. Aristoteli tamē visum est, galaxiam videri propter receptionē luminis, in exhalatione calida & sicca & rara. Verūm nihil prohibet sic viam lacteam à nobis demonstrari. Cæterum galaxia, Græca vox est, à nomine gala, quod lac significat, vnde galaxia dicitur, quasi lactea via, id est, alba, cuius coloris est lac.

De ijs que in media & infima aëris partibus generantur, pluuia, grandine, niue pruina & nebula.

CAP. IV.

Que sequitur tractat Arist. 2. lib. Mete.

Pluuia.

Cum verò eleuatur à corporibus aqueis, per virtutem caloris solis & aliorum astrorum, vapor qui est calidus & humidus, tanti caloris, vt sufficiat moueri vsq; ad mediam regionem aëris, vbi in nubem condensetur, ratione frigoris, quod ex sua natura condensat, hoc pacto varia fit imperfectorum mixtorum generatio. Si enim nubes illa in aquam resoluatur, incipiatq; guttatim decidere, generatur pluuia: cuius guttæ si paræ fuerint quantitatis, imber dicitur: si magnæ & rariores, labrocera. Si verò etiam mediocres, pluuia simpliciter vocabitur: tametsi hoc ipsum nomen secundum generalem acceptionem etiam imbri & labrocera nonnunquam accommodetur. Quod autem dictum est pluuiam in media aëris regione ex nube generari, accipiendum est vt in plurimum, nonnunquā enim & infima fit (licet in suprema nunquam ob nimium æstum vaporem congelari prohibentem) docet enim experientia pluuiam maximis guttis decidentem, non nisi ex infima regione descendere, nam quo ex altiori loco per aërem descendit, eo partes minutiores sūt, vt in aqua ex eleuato aliquo loco effusa videre non fuerit admodum difficile. Pluuia rotunda est, quod ea figura ad

ra ad resistendū apta est, aëri, per quem transit. Pluuia quoque salsa est nonnunquam, cōq; vapores nōnunquam nimium terrestres leuantur, qui non cōcocti aquam salſam generant, aut veluti exustā, vt de salsedine maris dicitur. Descendunt quoq; ranæ cū pluuiā, imo (iuxta Albertum) vituli: nec mirum vsq; adeò hoc videri debet: cū huiusmodi terrestribus vaporibus sursum leuatis virtute adsint quatuor elemēta, ad cuiuslibet misti generationē requisita, & corpora cōlestia agentia, cum primæ causæ cōcursu ad hęc sufficientia. Primū pluuiæ signū, sydus volans. Secundū, rubedo matutina. Tertiū, querela ranarū. Quartū, acrior morsus publicū. Quintū, quando sol solito citius mane apparet. Si verò nubes in media regione postquā fuerit versa in aquam congeletur à superueniente immodico frigore, & sic descēdat, grandinē habemus: quæ tantæ nonnūquā quantitatis reperitur, vt lapides magni ponderis in ea inueniantur conclusi. Quos nō est exstimandum generari in mediā aëris regione, sed nimio calore cū vapore simul sursum tractos fuisse. Cuius rei argumentū videri potest, quòd lapides eiusmodi in grandineis globis repertos, cōpertū sit plerunq; igneæ naturæ esse, & velut virtute ignē continentes: vnde fit, vt propter inhabitantem igneā naturā, facilius sequatur solis per calorem trahentis impressiōē. Grando rotunda est ferè figura, quia est pluuiā cōgelata, & aliquando ingentis magnitudinis: quod fit quia ilico pluuiā cōgelatur, antequā in minutas guttas dispergatur. Ratio de pluuiā dicta est, quòd nonnunquam animalis speciem referat: causa assignatur, dominium alicuius astri, tale animal producere nati: in vere & autumno potissimum cadit. Non solet autem grādo fieri hyemis tēpore, quia tunc mediā aëris regio non est multū frigida: neq; rursus ita frequēter mediā æstate, propter calorem nimium, qui tam crassum vaporem non facile permittit sursum scandere. Videtur enim grādo plus materiæ exigere, quā pluuiā, & frigus multo magis. In vere autē & in autumno solet frequentius accidere. Tunc enim & calor est sufficiens eleuandæ materiæ & non immodicus, vt dissipet cā: est etiam humiditas copiosior maxime in autumno, quo vapores generētur facilius & copiosius. Nihilominus tamē etiā æstate mediā cō-

- tingit generari impetuosam grandinem, cum contigerit
Nix. materiam sufficientem sursum eleuatam esse. Nix verò fit, quando nubes autem congelatur quam in aquam sit versa: quare & nix compacta, difficilius dissoluitur à sole, quam glacies. At si eleuatur vapor modicus & subtilis, non habens sufficientem calorem, ut possit ad mediam regionem tendere, tunc in infima regione per frigus nocturnum ros generatur, quando nubes vertitur in aquam: qui fit maxime verno tempore, quando minor est calor, & frigus nocturnum sufficiens ad conuertendum modicum & subtilem vaporem in aquam. Si verò vapor subtilis prius congeletur, quam in aquam vertitur, habemus pruina. Fit autem pruina tempore duriori, flante Borea potissimum: Ros contrà, flante Austro. Quod si iuxta terram pendeat sterilis vapor, id est, non satis humidus ut ex eo possit aqua generari, neque satis calidus ut possit sursum eleuari, dicitur nebula vel caligo: quæ solis virtute dissipata præsignat serenitatem dici. Testimoniū enim dat, quod non sufficiat pro reliquis impressionibus vapor eleuatus. Ros autem ut natura calorificus, rorilètes segetes collectas putrefacit, calor enim omnis externus putrefactiuus est. Ombus quoque lethalem ventris fluxum generat, ob humorem multum viscosum, nec satis excoctum: unde pastores non prius oves educunt, quam sol suis radiis rorem summis graminibus herbisque hærentem, deuorauerit. Pruina plerumque foetet, ob terrestre admistum, & frigore impediēte, non consumptum quare & aqua, ex pruina dissoluta, insaluberrima est, & maxime noxia. Pruina descendens serenitatis diei indicium est: sursum verò vecta, oppositi præuincia est.

De fontium & fluiorum generatione. CAP. VII.

DE fontibus autem & fluiis non est credendum generari ipsos ex concauitatibus, in quibus aquæ collectæ per pluuiam hyemis tempore reseruarentur, vel fluentes fluios facerent vel fontes. Sic enim non esset constans neque stabilis cursus fontium & fluiorum, sed aliquando possent deficere euacuato illo receptaculo. Igitur hoc pacto intelligenda est eorum vera generatio. Aer enim qui in poris terræ includitur sequi ipsum (cum maxime sit natura fluidus ac subtilis) terræ per poros immiscet, per nimium frigus (quod in terra abundat) condensatur facile

*Generatio
fontium &
fluiorum ex
Aristot. sententia.*

lime in aquæ guttulas, quæ paulatim in vnum locum descendentes, fonti principium præbent aut flumini. Huius signum est, quia iuxta montes & ex montibus conspiciuntur egredi fontes & flumina: & sicut ex magnis montibus magna flumina, & quasi maria quædam, ita ex parvis montibus modici fontes egrediuntur, & modici velut riuuli. Non autem in locis planis videntur generari. Cuius est causa, quoniam cum sit mons à terra eleuatus, potest ex omni parte aer facillime ingredi: & insuper dubium non est montes habere poros & concauitates maiores, quanto sunt soli viciniore & magis expositi, quam terra in locis planis, intra quam non sic potest aer sese immittere neque immiscere. Quod si quis incredulus neget tantum aquæ posse congregari, ut tanti fluuij inde generentur, videat quæ admodum humiditatis tempore circiter domorum vitra, aer in aquæ guttulas versus in vnum confluens, sæpe magnam aquam circum vitra fundat, ita ut etiam in terrâ defluat copiosius. Attendat rursus, quomodo hyemis tempore, ex vapore adhærente vnguibus, ratione frigoris, generatur statim aqua. Attendat nimiam fluxibilitatem aeris, & terræ frigus valde condensatum: & his omnibus consideratis, desinat esse incredulus, factus fidelis. Si quis obiciat, prius dictum est aerem decuplo aquam excedere, & ob id cauernas terræ & montium tantæ quantitatis aeris capaces non esse, illi respondetur, tantum aerem non contineri simul, sed vno corrupto, alterum mox succedere necessario, ne vacui illi recessus maneant, quod natura maxime abhorret. Adhæc in montibus multos cauos recessus esse. Magnificet igitur hac in re diuinam magnificentiam, quæ sicut pro terræ fecunditate, pluuias, imbres, grandines, niues, rorem donat aque pruinam: ita de subtus facit scaturire aquas nostris vñibus familiaribus aptas, ut his indeficienter recreati, non deficiamus coram eo (qui nos sic abunde semper consolatur) in vlla gratiarum actione.

De maris salsedine, eiusque fluxu & refluxu. CAP. VIII.

Maris salsedo generatur, ex permixtione exhalationis Arist. in fine
 nū adustarū: quæ permixtæ cū vaporibus, copiose 2. lib. Mete.
 in mare patentissimū incidentes ipsum faciunt amarum
 & salsum. Calidum enim adustum, humido permixtum,
 facit saporem amarum: quod patet in lixiuio & vrina.

Aquæ

Aquæ tamen pluuiiales, quæ ex mari euaporantur, non sunt amaræ: quoniã eleuantur vapores puriores, & alterantur per virtutẽ cœlestiũ. Item fluminã, si quæ fluunt ex mari immediatè, per meatus terræ transeuntia, colantur vt perdant suã amaritudinẽ, & accipiant dulcedinem deputatã. Huius etiam signũ est, quòd aquæ maris quę in cereum vas vndequaquẽ conclusum per poros ingrediuntur, dulces fiunt: quoniam illa terrestreitãs crassior, foris manet. Dicunt tamẽ quidam, mare ab initio amarũ fuisse creatum: quæ sententia priori penitus nõ repugnat: sed constat pariter, vt & secundũ naturalẽ cõditionem amaritudinẽ habeat suæ falsedinis, & nihilominus idem efficiat amplius causa quam diximus. De fluxu autẽ, & refluxu maris si causa requiratur, ex Luna eã oportet assignari, quæ dominatur humidis. Luna enim ascẽdente supra horizontem in quò est mare, ab Orientis puncto, vsq; ad punctũ meridiẽ, fluit mare. A puncto autẽ meridiẽ ad occasum declinãte, refluit. Iterum ea ab Occidẽte ad angulũ noctis pergente, fluit: ab angulo noctis, ad Orientẽ, refluit. Quòd autẽ fluxus nunquam eadem hora incipiat, sed quotidiẽ paulò minus vnã hora serius, Lunæ motui quo ab Occidẽte versus Orientẽ tendit, est adscribendũ. inde enim est, quòd serius quotidie exoriat: conficit siquidẽ proprio motu quotidie tredecim gradus cũ vndecim minutis: & gradus quindecim, horam efficiũt. Quòd autem maria aliquãdo fortius fluant & refluant, quàm alio tempore, est ex vicinitate Lunæ ad maria. Quando enim Luna directè respicit mare, existens supra horizontem, multo fortius mouet, quàm quando existens sub horizonte, per reflexionem virtutis tantũ operatur eundem effectum. Virtus siquidem tantum reflexa, est minor, & directã debilior. Eodem etiã modo, aliquando mare crescit, aliquãdo decrescit: nunc cõdensatur, nunc rarefit. In nouilunio siquidẽ, vtriusq; & Solis, & Lunæ lumen impeditur, ne valeat aërem subtilem seruare: quare ingrossatus, in aquam magis tum vertitur: propter quod mare in nouilunio substantialiter crescit. In plenilunio etiam vtriusq; lumen non prohibitum rarefacit aquas maris, & crescunt per rarefactionem, non per substantiam: quæ & homines in se faciliẽ, si aduertant, experiri poterunt.

De ventis & eorum generationibus, atq; diuersitatibus.

CAP. IX.

Venti generantur per Solis virtutē, euaporata à terra exhalatione calida & sicca, quæ quærens sursum ascendere, & à frigido obuiante repulsa, secundū diuersos occursum, & repulsus, diuersimodē circa terrā agitatur, & mouetur lateraliter. Qui etiā à regionibus ex quibus flutū conspiciuntur habere, nomina accipiunt, & naturarū suarum conditionē diuersam. Ex regione nanq; Orientalis, flat ventus Orientalis; qui est iuxta conditionem suæ regionis calidus & siccus, conueniens cū cholera, æstate, iuuetute, & igne, in qualitatibus naturalibus. Regio Occidentalis cū suis ventis est humida, & frigida conueniēs cum phlegmate, hyeme, senectute, & aqua. Regio Septentrionalis, quæ à septē stellis quæ triones nominatæ sunt à poëtis, hoc sumpsit vocabulū, habet vētos frigidos & siccōs. Qua in re cōuenit cum melancholia, autumno, ætate decrepita, & vltima senectute, atq; cū terra. Ex parte meridionali, australes flant vēti, calidi & humidi, similes sanguini, veri, æri, & adolescentiæ. Vocātur autē hi quatuor venti principales, Subsolanus, Zephyrus, Boreas, & Austro, qui & alios habēt sibi collaterales hinc & inde: quos non laboramus nunc curiosius distinguere, vt & nautis sua relinquamus, quibus nos antecellant. Hos roget, quisquis ea volet cognoscere exactius, atq; distinctius dignoscere. Generātur autem venti ex sicca exhalatione, sicut pluuia ex humida euaporatione; & à sole generantur: qui etiam eos dissipat maiore exortus ardore, resoluēs in ærem atq; dissipans. Nonnunquam autem cum vaporibus humidis cōmixti simul, & eis coniuncti, pluuiam faciūt. In terram quoque possunt resolui, sicut vapor in aquam: verū id & difficilius est, & rarius. Seneca quoque dicit ventum esse ærem motum: asserit & æri quandam spirandi atque seipsum mouendi vim esse innatam, nimirum, cum putandum non sit, ærem præ ceteris elementis inertem ab ipso omnium conditore esse relictum.

De terramotu.

CAP. X.

Quādo autē cōtingit intra viscera terræ plurimas generari exhalationes, in cōcauitatibus ipsi per virtutē Solis atq; astrorū ex materia ipsius terræ, & humiditatis

tatis terræ immersæ, si egredi nequeant, ob nimis compactam terram, & nimiam ventorum grossitiem, necesse est terræ fieri motum in aliqua parte. Qui si in latum fiat, tremor dicitur: vbi verò eleuatio sit collis in altum, dicitur pulsio. Et hoc terræmotu contingit ciuitates opprimi, & montes generari, & etiam subrui. Neque est mirandum, tantam habere vim exhalationem inclusam intra terram, quoniam videmus ex modicis spiritibus in hominibus exitum quærentibus, magnos subinde tremores fieri. Auditur autem aliquando sonus multo ante terræmotum, ex concussione exhalationis ad latera terræ genitus. Cæterum durationem habet iuxta exhalationis magnitudinem, & firmam solidamque terræ compactionem. Signa aliquot futuri terræmotus sunt. Primum, si mare nullo vento spirante subito intumescat. Secundum, si aues solo pauidæ infideant. Tertium, si aquæ in imo puteo turbulentæ sunt.

De tonitruo & fulmine.

CAP. XI.

Quid fulmen, & tonitruum.

Flt quandoque, vt pariter eleuetur vapor calidus, & humidus, atque exhalatio calida & sicca, pariterque ascendant in mediâ aëris regionem: vbi quando contingit calidam & siccam exhalationem nube ex dicto vapore genita velut pelle circundari, propter antiperistasis contrariorū, vehementius exhalatio ipsa incalescit, & exitum hinc inde petens, nubem cōcutit: quam cum à parte inferiori, quæ debilior est, frangit, egreditur fulmen, hoc est, exhalatio inflammata, vel ante egressum per nimiam caloris vim, vel in ipsa cōcussione (sicut ex concussione lapidum naturæ igneæ, exoriuntur scintillæ) quæ ad terras propulsa, propter suam subtilitatem, corpora rara & peruia absque nocumēto citius pertrāsiens, in interiora solet magis densa, magisque resistentia plerumque desæuire, ipsa cōfringēdo vel adurendo. Nam intacta veste, hominem consumit, & carnibus illæsis sæpe ossa adurit, gladium quoque frangit, vaginam nil lædens. Et licet secundum tempus prius se nobis corruscatio, per lumen manifestet, constat tamen prius tonitruum esse, & fulminis coruscationem ex nobili cōcussione (quæ tonitruum dicitur) generari. Idque hac de causa, quoniam sicut intellectus omnem sensum præiungit, ita visus cæteris sensibus spiritalior anteuertit auditum. Cui rei argumēto sunt, qui ligna cædunt in syluis, quos

vide

Nota de fulmine.

Visus antipat auditum.

videmus securim iam in altum eleuasse ad denuò ferien-
dū, priusquā ad aures nostras primi ictus son⁹ deuenerit.

Quemadmodū verò in terra, ex coniunctione vaporis
cū exhalatione generātur lapides, ceterāq; mineralia: ita
cōtingit in superioribus quoq;, lapidē generari ex inclu-
sione diutina exhalationis, & eius cōiunctione cum nube
quę est frigida & aquosa: qui cū fulmine deiectus, cuneus
fulminis vocatur. Patet ergo quemadmodū & ventorū &
terrāmōtus, & tonitruī atq; fulgurationis eadem penē
sit materia, ipsa videlicet exhalatio. Super terram enim
agitata, facit ventum: in terra, terrāmōtum: in nube au-
tem tonitruum. Aduersus fulmē remedia sunt, loca sub-
terranea: non enim profundius quinque pedibus terram
intrat. Secundum est, pellis vituli marini, ex quibus ob id
imperatorum tentoria fieri solent. Tertium est, laurea
corona, nam laurus fulmine non læditur.

De halone, siue corona.

CAP. XII.

PER refractionem autem luminis in nubibus aquosis,
contingit diuersas fieri apparētias. Cum enim nubes
vniformis, & in omnibus partibus æquam raritatem, aut
densitatē habens directē sub Sole, Luna, aut astro inuēta
fuerit, incidit in eā ab obiecto lucido astro luminosus ra-
dius, & nubis occurso refringitur. Prohibetur enim dire-
ctē vlterius procedere, propter nubis vniformem dēsitā-
tem: atq; ita per extremitates nubis vbiq; diffunditur. Et
per hanc refractionē apparet sub astro magnus circulus,
lumine collustratus, in modum lucidæ coronæ, qui halon
dicitur. Fit autem & sub Sole, & sub Luna, & sub Plane-
tis aliis. Sæpius tamen circa Lunā, quā circa Solē. Nam
Sol feruido suo calore, materiā nubis disgregat, neq; diu
eā sub se consistere permittit. Luna autē non tantā habet
vim dispergēdi materiā, quantam Sol: & ideo facilius po-
test apparere sub ea halon. Eadē ratione & circa astra sæ-
pius apparet, quā circa Solē. Verūm id fit cū nubes debi-
lis est, & sterilis, vt nec ventū valeat nec pluuiā parere. In
nubibus enim aquosis & spissioribus, nō videretur astrū
ita suū lumen posse spargere, propter virtutis debilitatē.

De generatione Iridis.

CAP. XIII.

IRIS autem sic generatur, in nube aquosa & vt in imbrē
soluatur parata, ē regiōe opposita Soli aut Lunę refri-
guntur

*Arist. 4. lib.
Mete.*

*Halon sub
Sole, Luna,
& astrū.*

Iris tricolor.

guntur radij luminosi Solis aut Lunæ, eiûsq; imaginē ob-
scurē, & imperfectē exprimunt, propter nimiam distantiam,
& interiectionē vaporū inter Solē & nubē. Et inde appa-
ret in ea nube arcualis figurę Iris, tribus distincta & ador-
nata coloribus, videlicet puniceo, viridi & purpureo.
Quæ colorum distinctio inde sumitur, quia radius lumi-
nosus quāto longius protēditur, tanto debiliior fit, & mi-
nus habet luminosæ claritatis, & magis ad obscuritatem
atq; nigredinem tendit: propter quod, radius fortior ille
qui prius puniceum habebat colorem, debiliior factus cō-
uertitur in viridē. Color enim viridis magis ad nigredinē
tendit, & obscuritatem, quā puniceus. Ac rursus, idem
radius factus debiliior, tandē cōuertitur in purpureū, qui
amplius quā viridis ad obscuritatē accedit. Differūt au-
tem Iris & halon: quia Iris sit ex opposito Solis aut sui a-
stri, halon autē directē semper sub astro. Iris etiā propter
nimiam distantiam à Sole apparet nigrior: halon autē, albior
& fulgidior, propter breuiorē & fortiorē radij refractionē,
ratione vicinitatis ipsius ad astrū. Rursus nō tāta du-
rationis est halon sub Sole, quāta Iris ex opposito Solis.
Quia enim ille Soli est propinquior, idcirco citius dissi-
patur & disgregatur ab eo. Hæc autē longius distat. Vn-
de non ita citō dispergitur, diutiûsq; valet cōsistere. Præ-
terea halon semper integer circulus apparet, & verē est.
Iris autē nunquā nobis apparet integer circulus aut por-
tio maior semicirculo: sed vel semicirculus, vna extremi-
tate vnā nostri horizontis partē tāgens, & altera opposi-
tā: aut est portio minor semicirculo. Notandū autē quod
nōnunquā videre cōtingit simul duas Irides, aut interdū
(licet rarius) etiā plures. Duæ autē Irides cū simul appa-
rent, eosdē quidē colores habēt, sed situ diuerso: ita vt al-
tera habeat puniceū, viridē & purpureū, altera autē con-
trario ordine, purpureū, viridē, & puniceū. Et illa quæ ap-
paret debiliior, imago est alterius fortioris. Quando autē
tres apparere cōtingit, tertia vsq; adeo debilis est, vt vix vi-
deri queat. Nā tertia cū apparet, debet illa fieri ex refra-
ctione radorū secūda, qui valde sunt debilis virtutis. Et
habet tertia debilissima semper colores similes primæ, &
fortissimæ, puniceū scilicet, viridē & purpureū. Neq; em̃
cōtingit plures duabus simul apparere aut fieri in colorū
positio

*Quomodo
simul plures
Irides vide-
ri cōtingit.*

positione differentes, sed tertia semper primæ est similis.

Sed & hoc notandū est, quod quāto sol supra nostrū horizon tē magis eleuatur, tanto minor apparet Iris. Atq; ob hoc in meridie, Iris fit quā minima. In ortu verò vel occasu, maxima quæ fieri potest, conspicitur. Eadē quoq; ratione, in medio æstatis circa solstitiū æstiuale, quādo prolixiores sunt dies, in meridie nō potest omnino apparere. Post verò æquinoctiū autumnale, quando sunt dies breuiore, potest per omnes horas diei sese manifestare.

De Parahelijs.

CAP. XIII.

CAeterū parahelii generantur ad hunc modum. Cum enim nubes bene densa & continua, regularis & vniformis, sita fuerit nō sub sole, neq; ex opposito, sed ad latus eius propinqua, vt vertatur in pluuiam, nondum tamē versa, in illa sol per suorū radiorum refractionē suā exprimit, formatq; imaginē, sicut suā imaginē effingit sol in ære polito & bene terfo. Hæc autem imago solis ad eius latus cōsistens, dicitur parahelius, à para, quod Græcis iuxta significat, & helios, quod solē: vt dicatur parahelius, quasi iuxta solē. Dictū est autem nubem illā debere esse densam, vt melius refractionem faciat cōtinuam. vt integriorem solis suscipiat imaginem: regularem quoq; & omnino vt magis vniformem veriorē & perfectiorem exprimat imaginem propinquam etiam verti in pluuiam, vt commodius in ea representetur solis imago, sicut in aqua pellucida, attamen nondum conuersam: quia si conuersa iam esset, partibus discontinuatis nō esset apta solis imaginem suscipere neque exprimere.

Parahelius
quid.

Differentia parahelij ab halone & Iride.

CAP. XV.

Differt autem parahelius ab halone, & Iride. primum quidem ex situ loci: quia neq; sub sole sit, vt halon: neq; ex opposito, vt Iris. Nam illic quidem sol materiam suā virtute dispergeret, hic verò propter nimiam distantiam refractione esset nimium debilis, quæ non sufficeret ad imaginem solis effingendam. Sed medio modo ad latus constituitur parahelius, vt sol nubis materiam nimia propinquitate dissoluere nequeat, & copiosius ad nubem radij peruenire possint, quæ sufficientem faciant refractionem, ad solis imaginem efformandam. Quemadmodum autem ad latus solis in nube eiusmodi, qualis suprā

descripta est, exprimit sol suā imaginē, ita potest facere & luna (quāquā cætera astra, ad perfectā talē imaginē & similitudinē omnimodā efformandā nō videantur sufficere) propter quod sub parahelio etiā imago lunæ comprehendī debet. Contingit autē non solū vnum parahelium, verū etiam plures simul apparere. Testatur enim Plinius, tres simul lunas Gn. Domitio & L. Annio cōsulibus, apparuisse. Non quōd secundū veritatem tres lunæ fuerint, sed quia vna vera & duę imagines. Propter similitudinem enim cōmune habent nomē, quemadmodū homines imaginem ipsius, cuius imago est nomine solemus designare. Et, in tēpore natiuitatis saluatoris nostri Dei, ferūtur tres simul apparuisse soles, id est, sol vnus verus cum duobus paraheliis: qui tandē in vnū coēntes & cōuenientes significabant (vt rectē credimus) sanctissimæ trinitatis in vnitatem mysteriū, quod iam per Christi ortū erat palā in toto orbe faciendū, quodq; is qui mundo tum nascebatur sol iustitię, inhabitātē in se haberet plenitudinē totius diuinitatis. Et quōd cū Christo homine & pater & spiritus sanctus vna essent substātia, & vnus Deus, vna lux, vnū lumē increatū & æternū, quod est benedictum in secula. Amē.

Hæc sunt mirabilia magna admirāda atq; stupēda, quæ solis & astrorū virtute atq; efficiētia siue in cælo sursum, siue in terra introrsum, siue super terrā deorsum fieri quotidie cōspicimus: quædā quidē frequentius, alia rarius, iuxta quod naturæ cursus expostulat, & iuxta quod autor naturæ Deus voluerit atq; mādauerit. Omnia enim hæc nempe ignis, grādo, nix, glacies, spiritus turbinis ac tēpestatis, cæteraq; quæ suprā tractata fuere, faciunt verbum eius, eiusq; iussū obedienter perficiunt ad laudem gloriæ eius, qui in sublimibus inhabitans, etiā infima possidet, regit ac moderatur, secundū beneplacitū voluntatis suæ, qui in trinitate perfecte vnus, & in vnitatem perfecte trinus viuit & regnat in secula seculorum. Amen.

FINIT LIBER SEXTVS.

PSALMVS ADMIRATIONIS
mirabili domino.

Multa iam diximus, & explicasse videmur nobis plurima: quæ erant occulta naturæ opera forsitan nonnulla patefecimus.

Ter

Terrores ignium qui in supernis apparent explanauimus: hiatus quoque, foveas, & puteorum voragines.

Pluuias, grandinem, niuem, rorem, pruinam, caliginem, hæc omnia descripsimus.

Fontium veteris & fluuiorum origines scrutati sumus: maris sal-
sedinem, fluxum atque refluxum considerauimus.

Ventorum qui terram perflant ortum distinximus: motus quoque & tremores in visceribus terre.

Tonitruum & fulgurum quibus terrentur homines, exposuimus
ortum: halonem & parahelium & irides signauimus in nubibus de-
super.

Hæc omnia tractauimus, & explicasse nonnulla videbimur: tu
enim Deus reuelasti nobis opera tua.

Veruntamen quæ adhuc occulta sunt nobis, plurima sunt: & par-
ua nimis est portio eorum quæ nouimus, si conferatur ad ea quæ seruân-
tur occultata à nobis.

Quæ cognoscimus sunt pauca nimis, & ea ipsa quæ fortè cogno-
uimus, sunt heu nimium tenuiter à nobis cognita.

Nimum tenuis est & obscura scientia nostra, neque est vel vñ
ex cunctis operibus altissimi, quod sit pro dignitate sua nobis cogni-
tum.

Mitto cetera, fontem considero qui scaturit de visceribus terre,
quem per umbilicum suum resudando ebullit ipsa, iactu perpetuo.

Quis pro dignitate spectaculum istud vel modicum contemplari
poterit: quis expendere sufficiet ortum aquarum tantarum, & fluxum
perpetuum?

Surge diluculo, accede ad fontem, qui est in planitie ista, persæta
iuxta illum, neque abscedat vsque ad meridiem.

Et cum aduenerit meridies, non te auocet ventris cupiditas à con-
sideratione tua: perseuera astans tuo spectaculo, vsque in vespertam
& noctem profundam.

Habe intentos semper oculos ad aquam quæ ebullit de ore ipsius,
attende ad dulcem sonitum, quem aquarum supra petras casus con-
tinuum inmittit in aures tuas.

Dic mihi ubi sic persisteris, si vlla vnquam hora defuit tibi spe-
taculum tuum: num vel breuissima morula defecit, um passus sis aque
ebullientis?

Aquam quæ deprompta erat, non videbas redire iterum in ven-
trem fontis, vnde egressus fuerat, in riuulos atque fluuiolos deriuari
conspiciebas per alueolos, super faciem terra.

Mihi autem nimis

Vniuersam aquam istam si tibi placuisset colligere, accepisses certe vasorum plurimum plenam amplitudinem, in non multo tempore.

Et quidem parum id forsitan, si diei tantum vnius spatio perduraret fluxus eiusmodi: nunc verò cursus est & impetus effluxionis perpetuus, & indeficiens in plurima secula.

Si collectæ starent aquæ quæ effluerunt è fonticulo isto minimo, ab initio ortus eius conspiceretur utique veluti flumen magnū aquarum copia inundantium.

Fontes enim hi, ecce steterunt in diebus patrum nostrorū ante secula plurima, ante annorum centenarios plurimos, ut scaturiebant, ita ebulliunt & hodie.

Vnde verò tantam tu dicis o spectator aquarum copiam? & ubi continebantur, priusquam exirent per os fonticuli?

Quod est penu in quo seruatur tanta multitudo aquarum, ut nō deficiat fluxus ex eo in tanta tempora?

In montibus affirmabis principium earum: aërem assignabis mihi in materiam?

Vnde verò virtus earum tanta in visceribus terra, ut ista sic perpetua fiat & indeficiens aquarum generatio?

Dic mihi qui habes intelligentiam & scientiam, si alium habes quàm Deum autorem horum mirabilium?

Magis, magne Deus, contemplor, & contemplari non sufficio: in consideratione mea hebescit acies cordis mei.

Si voluero plenam eloqui veritatem super ijs quæ præconsiderata sunt: dicam tibi in confessione laudis, quoniam tu autor es omnium simul horum mirabilium.

De tua fecunditate scaturiunt fontes aquarum, in te sunt venæ fontium, qui vena es aquarum viuentium.

Sed & cetera omnia quæcunq; miratur homo, & nō sufficit, abs te vno procedunt: confiteor hoc tibi, ad laudem & gloriam tuam.

Multa diximus, & pauca omnino sunt atque exilia: nō enim prædignitate explicare sufficimus maiestatem operum tuorum, quæ sunt mirabilia.

Confitebor tibi domine, & psallam donec suero: magnus enim tu es, & nimis nimium laudabilis.

Gloria patri, & filio, & spiritui sancto.

Sicut erat in principio, & nunc & semper, & in secula seculorum. Amen.

IN LIBRVM VII.

CONSIDERATIONIS PHY-
SICAE DE COELO ET

M V N D O

P R A E F A T I O.



O STEA Q V A M in libris superioribus de rerum naturalium principiis & causis, deq; motu & aliis quibusdā rerū naturalium accidētibus, nepe infinito ac finito, loco, vacuo, & tēpore, de rerū quoq; naturalium generatiōibus, & corruptionibus, deq; meteorologicis impressiōibus determinauimus, restat vt de totius vniuersi dispositiōe & partiū situ, deq; cœlestibus illis orbib⁹ (quę sunt omnium corporū secundū corporis rationē nobilissimā) specialius aliqua dicamus: de numero videlicet ordine, dispositiōe, virtute, deq; motib⁹ eorundē, & in hęc inferiora influxibus. Peculiariter verò de duobus illis luminaribus quę Deus præ cæteris insigniter in tēporū distinctiōe & rerū vicissitudinē in cœlis cōstituit, ad hominū vtilitatē (Solem dico & Lunā) deque horū peculiaribus motibus, quomodo dies, annos atque menses nobis distinguāt, generationes adducant atq; corruptiones, quomodo nobis plenilunia & nouilunia ab eis contingant. Vnde eclipses siue solares siue lunares, vnde solstitia atq; æquinoctia, & inuiolabilis iste procedat tēporū ordo. Vehementer enim ista sobrie cognita ad Dei gloriā profuerint cōtemplantibus, & ad ea quę de generationibus & corruptionibus dicta sunt, nō parū præstabunt adiumenti. Primū itaq; totius mundialis machine dispositiōem & situm figuraliter describemus, ac deinde ad cœlestiū cōsiderationem transibimus: præmissis interim aliquot diuisionibus, & definitionibus, hisce atq; horum cognitione nonnihil lucis adferentibus.

Quædā diuisiones & definitiones sequētibus necessarie. C A P. I.

E Orum quę natura sunt, alia sunt corpora magnitudinēsve, alia corpora ac magnitudinem habent, alia principia habentium sunt.

Quæ verba hunc habēt sensum, eorum quæ in rerū natura existunt, quædā sunt quātitates corporeæ, aut lineæ, aut superficies: alia sunt corpora prædicamētī substantiæ, quæ in se vti accidētia habēt huiusmodi quantitates: alia sunt principia substantiæ corporeæ, quippe materia & forma. Ad huius diuisionis notitiam subduntur definitiones continui, & specierum ipsius, quarum est hæc continui.

Continuum est, quod in diuisibilia semper diuisibile est.

Id est, quantitas continua permanens est quantitas, quæ potest secari in partes proportionales, ita vt nunquā sit peruenire ad partem in alias non diuisibilem, nec inconueniens est sic processum esse in infinitum, cū hoc solum potentia & non actu sit. De parte proportionali quid sit, prius ex dictum. Dictum quoq; est prius quantitatem continuam ex indiuisibilibus nō componi, cuius oppositum sequeretur, si ad partem indiuisibilem deueniretur. Pater hinc excludi tempus & numerum, continuum autem cum in tres diuidatur species, rectè singularum definitiones subduntur, quarum est corporis hæc,

Corpus est, quod est diuisibile omni ex parte.

Id est, corporea quantitas, est quantitas longa, lata & profunda, seu quæ mensuratur longitudine, latitudine, profunditate seu crassitie, quæ tres dimensiones sunt.

Linea est magnitudo quæ ad vnum est diuisibilis.

Id est, linea est quantitas continua permanens, vniua dimensione, scilicet longitudine, potens secari.

Superficies est ea quæ ad duo est diuisibilis.

Hoc est superficies est, quantitas continua permanens quæ duabus dimensionibus tātū (scilicet longitudine & latitudine) est diuisibilis. Hisce itaque definitis, commodum de motu locali corpori quanto attributo, non nihil dicendum videtur, qui diuiditur sic,

Motuū localiū seu (vt dicit Aristot.) lationū, alius est rectus alius curuus, alius ex hisce mixtus.

Cuius membra, ex subiectis eorundem descriptionibus, euadent manifesta.

Motus rectus est, quo sursum itur atque deorsum.

Id

Id est, motus elementorum naturalis, ad locum videlicet naturalem, rectus est, qui per lineam quæ diameter mundi est, fit, siue sursum, siue deorsum fit.

Motus sursum dicitur, quo è medio pergitur.

Id est motus rectus sursum dicitur, quo è centro terræ tenditur per rectam lineam.

Motus deorsum dicitur, quo ad mediū profici-scitur.

Id est, quo ad centrū terræ per rectam tenditur lineam. Motus circularis est, qui circa medium fit,

Hoc est, motus circularis est, qui fit circa centrum terræ secundum partes æqualiter distantes à centro. Atque horum motuum, soli rectus & circulares simplices dicuntur, eo quòd per lineam simplicem fiunt, videlicet rectam & circularem. Describitur autem linea simplex sic,

Linea simplex est, quæ in omnibus sui partibus v-niformis est, secundū rectitudinē aut curuitatē.

Quales sunt linea recta, & circularis. Atqui hæc quæ de motu dicta sunt, ipsis simplicibus corporibus esse tantum applicanda (iuxta Aristotelis sententiam) non vsquequaque fuerit difficile aduertere, quibus præcipue huiusmodi motus competunt. Colligitur tamen ex dictis admodum facile, quis motus rectus, quis curuus, quis sursum, quisve deorsum, atque ita deinceps iuxta vulgi accipiendi modum.

Motus mistus est, qui fit secundū magnitudinem, partim rectam, & partim curuam.

Vt motus per arcum & neruum, sic motus venti obliquus, imo propemodū cuiuslibet misti motus. Quoniam corporum quædam graua, quædā leuia, quædam neutra sunt, pretium operæ videtur, horū definitiones subiicere. Est igitur leue, id quod aptum est è medio ferri.

Id est, quod è centro terræ, aptum est sursum moueri, vt aër, ignis.

Graue est id quod aptum est ad medium ferri.

Hoc est, quod ad centrū terræ tendit ex naturali motu & proprio, vt aqua & terra. Porro hic animaduertendum est, quædam simpliciter leuia esse, vt ignis: simpliciter le-

uia aut graua, vt terra: alia tantum respectu alterius, vt aqua si conferatur terræ, leuis est, & non simpliciter: & aër collatus igni, grauis, non tamē simpliciter. Vnde & c. Leuissimum dicitur, id quod super omnia collocatur, quæ sursum pergunt.

Qualis est solis ignis.

Grauiissimum est id quod sub his omnibus collocatur, quæ deorsum feruntur.

Vt sola terra. hinc infertur cœlestes orbes, neq; graues, neque leues esse: non enim aut sursum aut deorsum ferri apti sunt, sed solum circulariter, qui motus perfectissimus est, vt & ipsa circularis figura. Quod autem dicitur leuissimum poni super omnia, & c. intelligendum est inter elementa, ne cœlo ipsi competere putetur.

De totius vniuersi dispositione, & ordine omnium quæ sunt in eo.

C A P. I I.

VNiuerſitas mundi, atque mundus vniuerſus, simplicibus constat atque mixtis corporibus.

Simplicia corpora sunt, quæ motus secundum naturam principium habent.

Id est, quibus motus simplex secundum naturam propriam non ab aliis participatam competit. Huiusmodi sunt quatuor elementa.

Composita sunt quæ mouentur ad nutum simplicis dominantis.

Qualia sunt omnia mista corpora. Simplicium sunt quædam quæ nullā suscipiunt primarū qualitātū, nec proinde secundarū, quæ ex primarum certa proportionē confurgunt. Hæc sunt cœlestia corpora, quæ nec graua nec leuia sunt (alioqui enim sursum mouerentur aut deorsum) sed naturaliter mouētur motu circulari, qui motus cum sit perfectissimus omnium, sicut & circulus est figura perfectissima, & maxime vniformis, cōuenit corpori perfectissimo sphaericā figurā haberi. Alia sunt simplicia corpora, quæ qualitates primas sibi habēt determinatas. Ipsa sunt elementa quatuor, ignis, aër, aqua terra. Inter quæ propter repugnantiam qualitātū actiuarū, cū sit pugna atq; inimicitia perpetua, ob proportionem tamē actiue virtu-

ris in superiori, & reflētix in inferioribus, haud dubie ordinatissimā, nullū horū cōtigit ab initio deficere. Horū, ignis vt summe leuis, rarissimus atq; purissimus, sursum habitat, suam cōuexā superficiē habens simul cum concava superficie orbis lunæ. Post ignē sequitur aër, tribus partibus siue regionibus (vt in præcedente libro fuit declaratū) distinctus. Aëri proxima est aqua, quæ in principio quidē creationis rerum sic terrā ambiebat per circuitum, & respōdebat iuxta suam superficiē cōuexā superficiē cōcavæ aëris, quomodo nūc ignis ambit aërem, & superficiē cōcavæ cœli lunaris secūdū suā cōuexā superficiē adæquatē respondet. Verūm propter habitationē hominum, ex Genesi patet, omnipotentis iussu aquam congregatā esse in locū vnū, vt appareret arida, hoc est, terra, fieretq; apta habitationi hominū, & fructificationi gignēdorum ex ea. Mixta verò corpora, in locis elementorum suam habent mansionē. Vnūquodq; iuxta suæ naturæ cōstitutionem: quædā quidē in aëre, quædam in aqua, alia in terris. Possunt autem mixta corpora vniuersa quinque gradibus summatim complecti. In primo gradu & infimo sunt mixta imperfecta, id est, impressiones meteorologicæ, de quibus iam in præcedenti libro determinauimus. In secundo gradu sunt lapides & mineralia quæ in terris gignuntur, & ob longiorem durationem merentur altiori gradu à prædictis reponi. Atq; hæc omnia sunt inanimata. Tertius gradus habet omnes plantas, arbores, & herbas, & quæcunque vitam habent vegetatiuam, id est, quæ nutriuntur, augentur, & generant sibi simile. Quartus, continet omnia animalia bruta. In quinto autem & perfectissimo gradu est species humana, ad quam vt finem ordinantur cæteri omnes gradus inferiores. In cuius iudicium sexto demum die, omnibus dispositis & perfectis, nouissime Deus creauit hominem.

Gene. 1.

Quinq; gradus mixtorū corporū.

Gene. 1.

De elemento ignis specialis determinatio. CAP. III.

Quanquam autem de elemētis in libro quinto tractatum est, quantū ad rationē elementi & qualitates elementares pertinet, hoc tamen loco aliqua sunt specialiter dicēda quæ alias ipsorū condiciones respiciunt, vtputa de modo existendi, de perfectione, de situ locali, & huiusmodi, quæ huic loco magis cōpetunt. Et primū quidē

de ignis elemento, quomodo & ubi existat, & quā ob causam nō videatur, est dicēdū. De hoc enim elemēto quidā addubitant, nonnulli plane negāt, sensui magis quā rationi credētes, ob hoc scilicet quōd oculis ipsum non videāt, credere rationi recusantes. Putant enim elemētū tātū (uimirū decupla proportione aëris sphaērā excedēs) nō posse penitus latere oculorū corporaliū aspectū, ita vt nec serenissimis noctibus videri possit, quādo neq; à nubium obiectarū dēsitare, neq; à solis lumine, vllū videtur impedimentū. Verū isti ex luce candelarū, carbonū, & facum, quæ apud nos sunt, seipsos paralogizant atq; decipiunt, somniantes vel carbonariū, vel lignariū aliquē ignem esse debere eum quē elementarem dicimus. Qua in re manifestat ratio crassissimē illos iudicare, non attendentes maximam dissimilitudinē quæ est inter ignē materialem (qui nobis in vsu est, ad illuminādas tenebras, aliāq; necessaria peragenda) & illum elementarem, qui ad totius vniuersi decorem, cælo proximus, locū quartū possidet. Ignis enim quo vtimur, non ignis est (vt in libro de generatione & corruptione diximus) sed igneū aliquid. Non enim corpus simplex est, sed mixtū: lōgissimēq; abest ab illa raritate quæ igni cōpetit elementari. Est enim ignis iste nostri vsus, admodū cōpactus, spissus, & plane opacus in se ipso, minimeq; transparens. Quod vel ex hoc facile patere potest, quoniā candela candelæ appositā vmbra facit, quod certe nō faceret, si ignis candelæ corpus perspicuum esset siue transparens. Docet itē experientia, quōd directē trās ipsum ignē nostri vsus, nihil videre possumus, quōdque visum impediāt ne suū percipiat obiectū. At verò ignis elementaris, in sua natura & in sua sphaera decuplo rarior est, quā sit aër etiam purus & nullo vëto cōmixtus. Et si vllum elementū purum est (Aristotele teste) creditur esse ignis: vt pote cælo proximum, vbi difficilius est fieri vllam cōmixtionem. Vnde si aër decuplo densior, non potest terminare visum nostrum, sed est transparēs & perspicuus, quāto magis nō poterit terminare visum, ignis decuplo rarior, sed erit trāsparētior & magis perspicuus aëre in proportione decupla? Quōd autem visum nostrum nō terminet aër, manifestū est sensus experientia. Nam nisi motu & flatu vëti illū experirētur rudes homines (qui
bus

*Ignis elemē
taris maxi-
ma raritas.*

bus tamen æquè sunt sensus vt dōctioribus) planè negatur essent aërem, assererentq; vacuum esse vsq; ad cœlos. Sed experientiis solis, iisq; certissimis, & manifestissimis, de aëris existentia certificantur. De igne verò, quoniā nimium est à nobis elongatus, nō possunt sic haberi experientia: propter quod, ad credendū eius existentia quidā inueniuntur tardiores. Ratione tamen efficaci est demonstrabile, talē qualem iam diximus ignis sphaeram esse regioni cœlesti contiguā. Præterea, nullū corpus diaphanū, id est, perspicuū, vel transparēs, per se terminat visum. propter suā transparentia, sed solū corpus opacum & non transparens visum terminat & penetrare non paritur. Quapropter si ignis in sua sphaera talis esset, qualis apud nos, essetq; visibilis & visus nostri terminatiuus, vt corpus opacum, necesse foret omnes stellas firmamenti, & planetas, ipsum quoq; Solē perpetuo nobis eclipsari, nec possent à nobis vnquam videri. Cum enim per circuitum vndiq; ambiat ignis totā aëris sphaerā, ex omni parte lumen cœleste impediretur à luce ignis. Totū ergo decorē cœli talis ignis nobis absconderet, & penitus auferret. Quapropter voluit illū Deus disponēs omnia suauiter, in maxima raritate (vticuius naturæ cōueniebat) cōstituerē. Quēd si quis interroget: ignis ille elementaris tātus, vnde habet nutrimentū? Videtur enim totus aër tāto nutriendo igni nō sufficere. Attamen debere ignē nutriri cōtinuo aliquo cōbustibili, videtur mōstrare experiētia. Dicendū est, ignē quidē in aliena materia nō posse subsistere, neq; teneri, nisi cōtinuò nutriatur adiecto cōbustibili. In sua autē sphaera in materia propria, nō eget vllius cōbustibilis nutritione, vt in naturali loco suo seruetur, nihilo certē magis quā aër, aqua vel terra vllō indigēt nutrimento. Hæc propter simplicium quorūdam sensualem dubitationē de ignis elemēto dicta voluimus, ne ob sensus nostri angustia diuinæ maiestatis amplitudini aut magnificentiæ operū derogemus. Tā amplā enim & ex præcipuis mūdialis machinæ partib; vnā abnegare creaturā, ac per hoc pulcherrimū illū ordinē & proportionē ordinatissimā, quæ in quatuor elemētis cōsideratur, ppter sensus crassitiē destruere, quid aliud est, quā ob nostrā angustia diuinæ potētiæ, & sapiētiæ amplitudinē cōstringere?

*Obiectio.**Solutio.**Attende.*

De

De situ elementi aquæ, & terræ discoopertione. CAP. IIII.

DE aquarū etiam situ non inutiliter mouetur difficultas, ex eo quod iam antè primo capitulo dictū est, & ad oculum manifestè cernimus, terram non esse ex omni parte aquis circumdatam, sed secūdum partes aliquas esse discoopertā aquis. Tale autem aliquid in nullo omnino aliarum sphaerarum accidere videmus. Nam aër ex omni parte ambit aquā, & ignis ex omni parte aërem, ac deinde in cœlestibus orbibus quilibet superior ex omni parte ambit inferiorem. Vnde apparet, hunc aquæ situm quem nunc habet, non esse prorsus illi naturalem, sed iuxta situm naturalem debere ipsum ambire & circumdare ex omni parte sphaeram terræ. Quærimus ergo ad cognitionem operis Dei, an sola diuina virtute absq; cooperatione naturæ ista terræ discoopertio, & aquarum separatio facta sit, an simul vlla naturalis virtus ad hanc re concurrerit. Et si sola diuina virtute id factū dicamus in principio, die tertio distinctionis rerum, an vsque nunc eodem modo, Deus miraculosè sua sola virtute eam ita contineat. De hac re quorundā Astronomorum sententia est, terram sua siccitate obistere humori aquæ, sicq; eam velut fugare atq; à se repellere per suam actiuitatē, in aliquot partibus, quantum pro mixtorum cōseruatione, & specialiter viuentiū atq; hominū vita conseruanda est necessarium. Cur autem terra ab vna parte plus quàm ab alia aquam pellat, causam assignant ex adiutorio cœlestis corporis. Dicunt enim in parte Septentrionali, iuxta polum nostrum esse stellas quasdam de natura Saturni, frigidas, & siccas, quarum assiduus impressioibus atq; efficacibus influentiis ipsa terra vehementer adiuta, fortificata, & corroborata in sua siccitate, possit sese discooperire, & aquas propulsare. In cuius signum adducunt, quòd terra à parte Septentrionali semper manet detecta. Afferunt insuper etiam si per miraculum Deus die tertio non congregasset aquas, quòd temporis tamen successu naturaliter hoc ipsum effectum fuisset per virtutes naturales prædictas; impossibile tamen fuisset sic citò, & subito id fieri aliter quàm virtute Dei: quoniam agentia naturalia nihil agunt in instanti, sed successiue, in operationibus naturalibus. Alij dicunt, etiā si nō fuisset virtus prædicta

dicta sufficiens causa, ad efficiendum in principio terræ denudationem & discoopertionem, sufficere tamen eam posse, ad sic terram in sua discoopertione conseruadam. Minoris enim virtutis est, quippiā in statu aliquo conseruare, quā primo in eum perducere: quemadmodū medicinæ ars in vita hominem seruat, quæ tamen vitam minime donare potest non habenti. Verū cū prædicta sint omnino incerta (quis enim definire nobis poterit an virtus aliqua talis sit in terra, vel in cœlestibus constellationibus ad eā rem sufficiens) præstat vt eo quod certissimū est contenti simus, hoc autem est, quod ex infallibili doctrina sanctæ scripturæ didicimus, nempe diuina virtute terram esse discoopertam, verbo & iussione omnipotentis Dei, dicentis (vt primo capite Geneseos scribitur) Congregentur aquæ quæ sub cælo sunt in locum vnum, & appareat arida. Cuius verbi sanè potentissimi efficacia, credimus vsque nunc permanisse aquam in eo situ & loco quem tunc accepit, & in quo nunc cernitur: ita scilicet vt terram non quomodo ab initio ex omni parte circundet, sed ex magna parte nudam velut circumlambat. Et licet forsitan veritatem habeat, quædam astra sua virtute ad hoc cooperari (Deus enim per causas secundas multa conseruat, quæ per seipsum fecit ab initio) quia tamen sancta scriptura de hac re loquens, non nisi Deo totū tribuit, idcirco neq; nos adicere quicquam volumus. Nam præter iam supradictam Genesios autoritatē, ita in prouerbiis clamat Sapientia, Quando circundabat mari terminum suum, quando legē ponebat aquis ne transirēt fines suos, ego aderā cum eo cuncta cōponens. Et Prouerborum x x x. cap. vir cū quo loquutus est Deus interrogat, dicens: Quis conclusit aquas quasi in vestimēto? Et manifestum est quòd pro responsione subauditur, Dei potentia. Similiter Iob x x v i i i. de Deo dicitur, Qui fecit ventis pondus, & aquas appendit in mēsurā. Quando ponebat pluuiis legem, & viam procellis sonātib. Iterum Psalm. x x x i i. Congregauis sicut in vtre aquas maris, ponens in thesauris abyssos. Et quomodo de montibus alicubi loquitur Psalmista dicens: Terminum posuisti eis quem non transgredientur, neque conuertentur operire terram: sic nihil dubium est, quin & de aquis nos loqui

Certior sententia.

Genes. 1.

Prouerb. 8.

Prouer. 30.

Iob 28.

Psalm. 32.

Psalm. 103.

opor

oporteat. His ergo modis cum scriptura totum hoc miraculum Deo ascribat, nobis videtur superuacaneum aliam causam querere. Si autem roges, Num ergo continuo miraculum facit Deus, dum ita terram continet denudatam? Audi. Semel loquutus est Deus verbum virtutis, & sermonem potentem protulit in die tertio, nec opus est, ut loquatur iterum. Voluit enim ut effectum haberet sua illa iussio, donec super terram esset mixtorum habitatio: quod est usque in consummationem seculi. Miraculo quidem hæc terræ denudatio primum facta est. iam sic manet terra absque nouo miraculo, & se aqua ubi semel posita est continet, absque nouo miraculo. Non enim inobedientes sunt creaturæ naturales ut homo: cui necesse est sæpius eadem vel præcipere, vel prohibere, propter inobediētiam promptitudinē. Si iterum roges, num violenter aqua continetur & cohibetur in vnum locum, ut non terram circumdet, posteaquam à situ & statu primo naturali priuatur? Audi iterum: Si quidem sola naturæ virtute per vim terræ, aut operationem Astrorum id factum esset, violentia utique dicenda foret. At verò cum verbo & iussione omnipotentis Dei (qui totius naturæ autor, rector, & gubernator est) constet omnia hæc peracta, quomodo dicere poterimus, aquam in suo situ ex hoc ullam pati violentiam, quanuis iam non ut ab initio terram circuncingat? Quomodo enim violentum & vilius creaturæ naturæ poterit esse contrarium, quod ex voluntate est, & iussione Domini naturæ, dulciter gubernantis, & disponentis omnia suauiter? Quomodo in familia bene ordinata & subiecta violentum esse poterit aliquid eorum quæ paterfamilias sua voluntate disposuit? Non ergo nunc violenter cohibetur aqua ne circundet terram, sed suauiter & dulciter sese continet Dei imperio obsequens, usque dum in consummatione seculi (mixtis omnibus consummatis) eiusdem verbi iussione suum locum recipiat.

De terre immobilitate & minima quantitate. C A P. V.

Omnium autem infirma est terra, quæ medium mundi obtinens, quasi totius mundialis sphaeræ centrū, penitus immobilis perpetua firmitate consistit: circa quā ut centrum immobile voluuntur amplissimi illi cælorum orbes, simul & alia elementa superiora continuo motu mouen

*Nota firmio
vñ rerū na-
turalium
quàm homi-
nis obediē-
tiam.*

Sapient. 8.

moventur, ignis, scilicet, aër & aqua. Soli enim terræ conuenit prorsus secundum locum immobilem consistere, ut secundum se totam nunquam moueri possit, neque motu circulari, neque motu recto. Est enim quasi mundi centrum, ab altissimo Deo posita in medio totius mundialis machinæ. Vnde sicut in corpore sphærico quod circulariter mouetur, cunctæ ipsius partes mouentur circulariter, solo ipso centro (circa quod aliæ partes voluntur) immoto permanente: ita & de terra intelligendum est, quod sola in medio mundi stat immobilis. Quemadmodum per Sapiētem dicitur, Generatio præterit, generatio aduenit, terra autem in æternum stat. Quod si quis obiiciat, fieri non posse, ut terra quæ tantæ quantitatis moles nobis videtur, centrum esse dicatur, cum cætrum habeat rationem puncti, sitque indiuisibilis punctus corporis alicuius sphærici, ipsa autem terræ substantia nequaquam sit indiuisibilis, neque punctualis, sed in plura miliarum millia sit diuisibilis. Huic obiectioni respondetur dicendo, quod terra tamen si nobis pusillis, & pusilla semper cõtemplantibus magnæ admodum quantitatis esse videatur, si tamen eam conferamus ad totius mundialis machinæ, & cælestium orbium magnitudinem, non posse aliter quam punctum censerī, atque æstimari, non quidem quod realiter punctus sit indiuisibilis, sed quia per comparationē (propter immensum quantitatis superexcessum) non aliud quam punctus videbitur, adeo quod si totus globus terre fingatur in firmamento positus lucere sicut stellæ quæ nunc sunt in firmamento, penitus non posset videri, præ nimia sua paruitate, sicut & multæ aliæ stellæ ob suā paruitatem nunquam apparēt. Nam (ut tradūt expertissimi, probatissimiq; Astronomi) minimæ stellæ visu notabiles quæ in firmamento consistunt, quantitate sunt maiores tota terra decies & octies: quæ tamen minimæ sunt inter eas quas visu notare possumus, atque distinguere. Ad quod plenius mente intelligendum (quandoquidem sensui videtur irrationabile) aduertendū est, iuxta Ptolemæi Alphragani, aliorumq; expertissimorum Astronomorum auctoritatem, stellas firmamenti in sex magnitudinum differentias distinguī. Sunt enim primæ magnitudinis numero xv. quarum quælibet maior est tota terra centies, &

Terra centrum mundi.

Nota magnitudinem stellarum firmamenti.

septies.

septies. Sunt aliæ secundæ magnitudinis, numero x l v. quarum quælibet maior est terra nonagies. In tertia magnitudine sunt ducentæ & octo, maiores terra septuagies & bis. Quartæ magnitudinis stellæ sunt ducentæ sexaginta quatuor, maiores terra quinquagesies quater. In quinta magnitudine sunt ducentæ decem & septem, quarum quælibet maior est terra trigiesies quinquies. Sextæ autem magnitudinis sunt stellæ ducentæ quadraginta nouem, & quælibet earum est maior terra decies, & octies. Et istæ sunt minimè visibiles, quæ ab Astrologis sunt notatæ: de quibus dicit Alphraganus, quod minima stellarum visu notabilium, maior est tota terra. Sunt verò præter has aliæ, non in determinato numero, visu non distinguibiles, quarum numerum solus Deus cognouit: iuxta quod in

Psal. 146. Psalmis dicitur, Qui numerat multitudinem stellarum, & omnibus eis nomina vocat. Et ad Abraham voce domini

Genes. 15. dicitur, Aspice cælum, & numera stellæ, si potes. Ex quibus manifestissimè patet, quod rectè dictum sit totam terram in comparatione ad firmamentum nihil esse aliud quàm punctum quoddam & centrum. Quanto magis ergo si ad cælum illud supremum, quod empyreum nominatur, quantitate & mole (vt ex sequentibus patebit) longè maius conferatur? Adiuro te lector quisquis es Christiano pectore, etiam, atq; etiā perpendas ex his quæ dicta sunt, quàm sit miseranda sors eorum hominum, qui propter angustissima huius terræ prædia illam cœlestem perdunt amplitudinem. Iterum, quàm vanè, & sine causa sese effecerunt, qui in terrenis gloriantur possessionibus. Rursum, quàm miseri sunt, & nimium malè sibi consulentes, qui pro terra aut iis quæ in terra sunt possessionibus ad inuicem contendunt, mutuo se fraudant, ac decipiunt, non raro etiam peierantes, omni æquitatis ratione postposita: ita scilicet punctalem terræ angustiam immensæ cœlorum amplitudini præelicientes. Nam etiam si terram totam quis obtineat (id tamen quod nulli adhuc hominum potuit contingere) quid ille aliud quàm punctum rapuit? quid ille aliud quàm punctum manibus tenet? in centro dominatur, in atomo tenet imperium. Illi ergo qui pro terræ minima portiuncula, utpote pro agello, pro angusto prædiolo, pro domuncula siue casula contendunt,

dunt, sũntve solliciti, quid aliud moliantur, quid agunt, quid quærunt, nisi de puncto (si id rectè potest intelligi) punctum tollere? O' vanas hominũ curas, O' pectora cæca. Disce ò miser, infelix attende, pro quàm minima recula, quàm maximum perdas thesaurũ: & pro angusto fornicarum nidulo, quàm amplissimum abiicias palatium: terrenam sortem dum cœlesti præligis.

Vnde terra habeat suam immobilitatem, atque firmitatem.

C A P. VI.

QUòd si quis roget, vnde hoc habeat terra, vt immobilis in medio iaceat: cū & sphæricam habeat figurã, quæ admodũ in se mobilis est, & fundamentũ nullũ videatur habere stabilitatis, cū in aquis cernamus eam velut natãre, quæ minimè sunt stabiles, sed fluunt perpetuo?

Ad hãc rẽ nõ aliã possumus assignare causam cõuenientiõrẽ illa quam suprà de terræ denudatiõẽ diximus, quòd scilicet verbo & iussione dei suã hanc habeat stabilitatẽ.

Quemadmodũ enim aquarũ in vnũ collectionem suprà ostendimus in scriptura soli deo ascribi, sic & ista terræ cõfirmatio in plerisq; scripturarũ locis inuenitur deo soli attributa. Vnde illuminatissimus ille Psalmographus canit, Qui fundasti terrã super stabilitatẽ suã: nõ inclinabitur in seculũ seculi. Rursum, Initio tu domine terrã fundasti. Et iterũ, Qui firmavit terrã super aquas. Et ex persona domini in alio Psalmo, Ego cõfirmaui colũnas terræ: hoc est, sic eã stabiliui, & cõfirmaui in sua firmitate, ac si columnis subiectis fecissem immobilẽ. Idem est quod in Prouerbiis dicit Sapiencia, Quãdo appendebat fundamenta terræ, & cætera. Item, Dominus sapiencia fundauit terram. Et in libro Iob, Qui appendit terram super nihilũ. Ac rursum ex persona domini, Quando ponebã fundamenta terræ. Nec dubiũ, quin sicut verbo domini cœli firmati sunt, ita sit & terra verbo domini fundata.

Psal. 103.

Psal. 101.

Psal. 135.

Psal. 75.

Pron. 8.

Pron. 3.

Iob. 26.

Iob. 38.

Psal. 33.

De terra rotunditate, & montium eleuatione in terra.

C A P. VII.

ESt autẽ terra rotunda ac figuræ sphæricæ, quẽadmodũ & phisici & astronomi suis demõstrationibus, & rationibus probãt. Quod tamẽ si perfectã debeat habere veritatẽ, intelligendũ videtur secundũ suam naturalem cõditionem, nõ secundũ eum situm in quo nunc est, pro-

*Quare deus
in terra mō-
tes, & val-
les cōstituit*

pter hominū vtilitatem. Cōgruebat namq; viuentiū vti-
litati, & præcipuè hominis (propter quē omnia facta sunt)
quasdā terræ partes esse sublimiores, alias verò depressio-
res & humiliores. Sic enim propter diuersas cōplexiones
diuersarū partiū terræ, diuersitates mineralium, & terræ
nascentiū, atq; animalium nobis conferuntur. Nā in huius-
modi quidem locis optima sunt pascua, in eiusmodi vina
optima maturescūt. In aliis verò frumēta pinguis, & ple-
na, in aliis fructus optimi nascuntur. In aliis aut locis ge-
nerātur mineralia, alibi specierū aromaticarū multa co-
pia, alibi ligna preciosa & salutare herbe, bestiarūq; mira-
biles gignūtur. In aliis locis, alię generantur diuersitates
rerū quā plurimæ. Sic igitur in qualibet terræ plaga, se-
cundū quod per montes, & vales, variè disposita est, va-
ria vegetatiua atq; animalia progignūtur. Et quedā qui-
dē in vallibus felicius nascūtur, quæ nō ita feliciter aut
omnino nō in montibus progignerentur, vbi nimius esset
caloris ardor: è contrario, alia in montibus felicissimè gi-
gnuntur, quæ minimè in vallibus, propter solis defectum
aut aliā quālibet causam. Voluit ergo optimus ille, & per-
fectissimus naturæ artifex creator & gubernator, tēporū
atq; regionum vicissitudines alternare, vt omni ex parte
sufficiēs esset hominū prouisio, abundātiissimāq; illi præ-
beret diuersorū bonorū copiā, eorū quæ humanis vtilibus
poterāt deseruire, vt illi quē tam magnifice cōdidit, mu-
nificētissimè etiā in cūctis faceret esse prouisum: pariterq;
vt ex tot rerū optimarū diuersitatibus, ipsius infinitā sa-
pientiā amplius demiraremur, quā in vniformi opere nō
ita perfectè neq; ita plenè potuissēmus cōspicere. Itaq;
propter istā terræ inæqualitatē, manifestū est, terrā secū-
dū eum statū in quo nunc est, nō esse omnino rotundā, si
punctualiter loquāmur. Verū tamen si crasso modo loqui
volumus, clarū est, quod montiū ista eleuatio, & valliū de-
pressio nihil obstat, quo minus rotūda terra dicatur. Nā
eleuationes eiusmodi atq; depressiōes, cōparatione facta
ad totā terrā, quasi nullius sunt æstimationis, & insensibi-
les. Vnde si quis in aëre plurimū eleuatus esset, videretq;
terrā ex alto, penitus rotundā eam iudicaret, nec impedi-
ret eius iudiciū mōtiū eleuatio, qui in cōparatione ad to-
tum terræ globū quasi nihil sunt. Nā terra secundū totū
suūm

*Terra ma-
gnitudo.*

suū ambitū (auctoritate Ambrosij, Macrobij, Theodosij, & Aristænis, Philosophorū) definitur cōtinuere stadia ducēta milia, & quinquaginta milia, & duo milia, hoc est miliarū Romanorū vnū, & triginta milia, & quingenta: quauquā à præcedētibz differt Ptolemæus, qui terræ ambitū cōtinere dicit tantū centum milia, & octoginta milia stadio
 251000.
 180000.
 rum. Vtraq; autē quantitas secundū superficiem sumpta, profecto magna est valde, vt merito montiū quorūcūq; eleuatio quasi pro nihilo veniat computanda. In cōsummatione autem seculi, vbi desierit terra ministerium præbere mortalibus, verisimile est, eam ad perfectam æqualitatem redigendam, quando etiā (vt suprà diximus) creditur aquis iterum cooperienda, vti fuerat ab initio.

Vnde ordo in elementorum situ. CAP. VIII.

Quare autē ignis hunc locū habeat: vt proximus sit cælo lunari, & quamobrē secundū post hunc locū habeat aër, deinde aqua & cur infima sit terra, nō difficulter rationē reddet, qui sapientiā primarij cōditoris attēderit. Nihil enim dubiū est, quin præcipua sit causa, illius voluntas, qui ea sic condidit, & in suis qualitatibus secundū maiorem & minorē nobilitatē disposuit. Deus enim infinita sua sapientia & bonitate, qua elemēta formauit, suisq; perfectionibus & qualitatibus perfecit atq; distinxit, cognouit pariter & quis locus vnicuiq; eorū secundū meritū perfectioris naturæ debeat. Eiusdē siquidē est, rebus iuxta perfectionis suæ meritū, & naturæ cōgruitatem locū dare, cuius est res in essentia constituere, & suis perfectionibus absolueret: quēadmodū imperator qui diuersos status nobiliū instituit, simul etiam locū eisdē iuxta suā dignitatē designat. Possumus tamē ex elemētorū qualitatibus intelligere, & cognoscere, quòd conuenienter & sapiēter ita sint elemēta disposita, quomodo disposita creduntur atq; videntur: quoniā decens est, vt elemētum quod cælesti naturæ propinquius, & secundū naturę nobilitatem vicinius est, locū quoq; propinquiorem accipiat: quēadmodū in aula regia, is qui dignitate regi proximus est, meretur quoque proximiorē illi locū accipere. Vnde cū ignis, raritate, diaphaneitate, siue perspicuitate, subtilitate, celeritate (quæ etiā in cælestibus reperiuntur) cætera omnia excellat: post hunc autē proximus sit aër,

Nota.

deinde aqua: merito quidē obtinebit ille locū primū, iste secundū, hęc tertium. Terra verò vt penitus opaca, crassa, compacta, minimeq; transparens, grauissima, & immobilis, ac proinde à regione cœlesti quàm maximè distans, merito longissimo interuallo à cœlesti regione dirimatur. Verūm hæc de elementis & eorū situ dictu sufficiant. Nunc ad cœlestem regionem contemplandam elementari perambulata, alacri animo transeamus.

De differentia naturæ & regionis cœlestis ab elementari.

C A P. I X.

Primū quidē figuraliter describere nos conuenit, quo modo hæc æthereæ siue cœlestis regio, à priori discrepet, & quāobrem nō in vnā possint regionē cōpingi. Omnino enim magna quædā distinctio sit necesse est, inter has duas regiones, vt nō in vnā valeant cōputari: quādoquidē elemēta, tamen si ab inuicē admodū diuersa, imo prorsus cōtraria, in vnā tamen regionē deputantur. Attendēda est ergo cœlestis naturæ ab elementari multiplex differentia. Nā elemēta qualitates habēt adinuicē cōtrarias, quarū ratione adinuicem contrariantur, & pugnat adinuicē, suntq; inuicē naturæ sese corrūpere, & frequenter corrumpunt in suis partibus, vbi alterū alteri præualere cōtingit. Vniuersa quoq; mixta corpora ingrediuntur ad cōpositionē, ac suis his qualitatibus ad interitum cūcta quæ ex ipsis cōponuntur perducunt, nec omnino eorū aliquid finunt esse perpetuū. Natura autē cœlestis, ab huiusmodi qualitatibus prorsus immunis est, nullā habens qualitatem eiusmodi, secundū quā adinuicē cœlestia possint agere, & pati, neq; adinuicē pugnant, neq; vllius augmentationis aut diminutiōis sunt susceptiua, nec generationis, vel corruptionis, neq; in se, neq; in suis partibus. Ab omni siquidē motu quo aliquid abiicitur à re, itē & ab omni motu ad formā substantiāle, est absoluta, immunis, & libera substantia cœlorū. Habet autē cœlestis natura sensibilem qualitatem vnā longe nobilissimā, videlicet, lucē mediāte qua agit in inferiora. Quæ cū nullā habeat qualitatem contrariā, nullius rei in ipsa actione suscipere potest detrimētū. Sed nec ipsa re vllā ad corruptionē deducit, quoniā nullā in rebus habet qualitatem cōtrariam: quin potius his omnibus inferioribus esse, vitā, virtutē, & durationē instillat, quem

Aristo. 2. de celo.

Lux nobilis qualitas.

quemadmodū manifesta nos docet experientia. Solis & cœlorū atq; astrorū luce cuncta in terris produci, & melius habere, nullā verò ex eius actione fieri corruptionē. Vnde pater lucē esse multo meliorē qualitātē, quā sint illæ quas habet elemētari natura, nimirū vnus nō absq; alterius violēta corruptione generatiuæ. Neq; cœlestis natura vllius mixti cōpositionem ingreditur, vt ex ipsius natura vllum mixtū participet, sed tantū suæ virtutis efficacia absens in mixtis operatur. Nō enim potest cœlestis natura formā aliā suscipere: quemadmodū libro primo in tractatu de materia rerū naturalium latius declarauimus.

Differunt insuper, & in motu. Nā omnia elemēta motu recto secundū naturā, nata sunt moueri, ignis videlicet & aēr sursum, terra autē & aqua deorsum, & cito finitur eorū motus naturalis. Nā mox vbi locū naturalē attingūt, quiescūt. Cælum autē motu recto moueri nō potest, neq; sursum neq; deorsum, neq; motu latet ali dextrorsum vel sinistrorsum, sed tantū motu circulati: quo etiā continuò & indeficienter mouetur, neq; vnquā à motu cessat, propter cōtinuas rerū generationes & corruptiones saluandas, mouebiturque, donec perstabit huius seculi status is qui nunc est, ad hominis ministerium. Propter hanc autē tantam tamq; euidentissimam & maximam diuersitatem inter naturam elementarem & cœlestem. Philosophi cælum nominant quintam essentiam, hoc ipso significātes, non de natura quatuor elementorū esse cælum, sed substantia ab elementis omnibus differre, tametsi antiquorum quidam olim existimauerint cælum esse de natura aëris, astra verò de natura ignis. Quorum errorē, naturales Philosophi, qui illos subsequuti sunt, rationibus certiora edocti manifestissime confutauerunt, vt nemo iam sit qui huiusmodi positioni præbeat assensum.

Cælū quintam essentiam dixerunt.

Vnde habeant cœlestia corpora motum circularem, & an naturaliter moueantur.

C A P. X.

DE causa verò efficiente motus cœlorū quæstio est, an ab aliquo principio intrinseco moueantur circulariter, quòd sit pars eorū, vtpote à forma sua substantiali, an potius ab extrinseco aliquo mouente, quod sua virtute cœleste corpus cōtingens, ipsum secundū circulū voluat.

Ad hanc quæstionē verisimilior respōsio est, motū circum-

Heb. 1.

larem orbiū cœlestiū effectiue causari ab intelligētis, vel mentibus beatīs, quas Philosophi dixerunt orbiū motores, diuinos, optima vita fruētes, nec tēpore senectā aut aliā quamlibet inueterationē suscipientes. Hos autē angelos nos appellamus, quos si (Paulo docēte) cognouimus administratorios spiritus esse, inq; ministeriū mitti filiorū Dei generis humani, nihil profecto mirum videbitur, ū & horū ministerio volui dicamus cœlestes orbes ad vtilitatem filiorum hominū. Quod si ita credimus habere (vt Aristoteles sensit, nec refutant orthodoxi) profecto multam gratiā & venerationē beatīs illis mētibus debeamus, cōsequens est, quorū ministerio vitā hanc ducimus, & alimēta capimus: & cuncta quæ secundū corpus sunt, abundanter possidemus. Maximē autem primæ illi beatissime mēti, motoribus istis præsidēti, vni primo, ac summo enti, Deo super benedicto, gratias agamus necesse est: qui tam magnificos ministros nobis secundū animam tantū, verū etiam secundū vilissimam nostri partē (id est secundū corpus hoc corruptibile) assignauit. Aduertēdū insuper est, quod hi motus licet ab eiusmodi motoribus extrinsecis fiant, nō tamē sunt cōtra naturā cœlorū, neq; ob mouens extrinsecum, dici possunt violenter moueri. Nulla enim in cœlestibus esse potest violentia, sed suauissimē ibi cuncta geri necesse est, vbi nulla potest esse corruptio, quoniā nullū violentum (vt Aristoteles autor est) potest esse perpetuū. Neq; enim vllō modo forma cœlestis huic motui cōtranitur, sed suauissimē se subdit intelligētiarū mouentium actioni, neq; ad quietem conatur, donec omnipotentis Dei iussu post seculi cōsummationem, tūbeatur stare tota cœlestis machina, posteaquam humanū genus super terram, vltra vitam non deget, neq; item aliquod aliorū mixtorum. Tunc enim superfluous foret motus cœlestium corporum, cum ad hoc potissimū moueātur, vt nobis suo motu ministrent, quemadmodū sanctus Dei Moyses, populum suum à cœlestium corporum cultura dehortans, ea asserit creata in ministerium omnibus gentibus quæ sub cœlo sunt.

Deut. 4.

Cœlestia corpora an dici debeant animata. CAP. XI.

Dubitatum est autē ab antiquis de cœlestibus corporibus: vtrum animata sint, an inanimata. Fuerunt qui
ani

animata ea esse senserunt, putantes ipsorum motum ab anima effectiue procedere. Sed veritas cōtrarium habet, esse videlicet corpora inanimata, neq; vegetatiuam, neq; sensitiuam, neq; rationalem virtutem habētia. Nam & si moueantur ab agētibus intellectualibus, & liberis, id est ab intelligentiis motricibus, non tamen hinc consequitur quòd corpora sint animata. Siquidem motrices illæ intelligentiæ non sic coniunguntur cœlestibus orbibus, quomodo anima cōiūgitur corpori, per formale vnionem & substantialem informationem. Repugnat enim hoc angelicæ intellectuali naturæ, cum materia rem vnā componere. Est enim hæc inter animam rationalem & intelligentiam siue angelicam naturam differētia, quòd anima corpori est vnibilis, & cum eo rem vnā nata componere: quamuis etiam separatim possit subsistere: natura autem angelica nequaquā materiæ aut corpori est vnibilis, sed solū per se nata est subsistere. Coniungitur autem intelligentia motrix orbi moto, ipsumq; tangit secundum virtutem tantum, vt propter hoc nequaquā dici debeant cœlestia corpora animata, nihilo certe magis quā nauis dici possit animata, eò quòd in se habeat rectorem nautam.

*Differēt autem
gelus et ani
ma hominis.*

De diuisione regionis cœlestis secundum suos orbes. CAP XII.

SVperest nūc videre, an quomodo elementaris regio in plures partes diuersas ab inuicē secta est, ita & hæc cœlestis sit in plura corpora diuidenda, an forte non plura corpora, sed vnicū debeat corpus censerī. Et primū quidē illud experientia certissima mōstrat, satisq; quātū ad hāc partē inter philosophos naturales & diuinos Theologos cōuenit, debere fieri diuisionē cœlestis regionis in plures orbes. Verū in numero nō oēs conueniūt. Fuerūt enim naturales philosophi priores, qui tātū octo sphæras putabāt cœlestē machinā cōtinere, septē videlicet orbes planetarū & sphæram stellarū fixarū: atq; hi sphæram octauam putabant esse primum mobile, id est, primum orbem mobilē. Verū qui post hos tempore subsequuti sunt, experientia simul & ratione conuicti, cœlum vnum compulsi sunt superaddere: eò quòd sphæram octauam duobus motibus comperissent moueri, ex motu stellarū fixarum quę sunt in ea. Præter enim motum ab oriente in occidentem (de quo post dicitur) ex stellis fixis experientia certa edocti,

*Prima opinio de numero
re celorum.*

Secunda opinio.

*Nonnō cœli
ratione in-
uentum.
Tertia, &
probabilior
opinio.*

*Motus trepi-
dationis.*

concluserunt ipsum etiam ab occidente ad orientem tendere motu alio. Ex quo firma ratione recte concluserunt nō posse hoc esse mobile primū, quod per se duobus motibus deprehēderetur moueri, sed debere alterū esse prius à quo motū vnū per cōmunicationē acciperet, vt esset alter sibi proprius. Itaq; hi nonā sphærā adiciētes, in nouē orbes diuiserunt cœlestem regionē, ipsamq; sphærā nonā, primum mobile esse dixerunt, octauā vero, secundum. Huius sententiæ fuerūt astrouomi celebres, Ptolemæus, Thebitius & Alphraganus. Post hos verò perseuerante in fortunatis ingeniis studio inquisitionis, & ad priorū experiētiam posterorū accedente industria simul atque diligentia compertum est experiētia pariter, & ratione vltra nonam sphærā præter prædictas nouē aliā esse ponendam. Considerauerunt enim in firmamēto motū alium (quem trepidationis nomiuant, vel accessus & recessus) præter duos prædictos. Vnde cum nec duos motus diuersos à seipso habere posset, neq; simul duos ab alio superiori (alio qui & ille haberet duos sibi proprios, quod primo mobili nequaquā conuenit, cū vnico debeat simplicissimo motu moueri) ratiocinatione collegerunt debere supra firmamentum duas esse alias mobiles sphæras, à quibus per participationem vi raptus duos motus acciperet, tertium verò haberet sibi proprium. Itaque hi decimam sphæram vocant primum mobile, nonam autem vocant mobile secundum. Huius sententiæ complures fuerunt ex recentioribus & insignibus astronomis, Alphonsus rex Hispaniæ, Ioannes Lignerius, Georgius Purbachius, Ioannes regij mōtis & alij plures prædictorum sententiam insequentes & approbātes. Et hætenus quidem quæ ratio dare potuit & hominis ingenium inquirere, audiuius. Superest verò, vt quod potissimum est, & fides docuit, nō taceamus.

De cælo empyreo, & de cælo crystallino siue aqueo ac primo mobili.

CAP. XIII.

PRæter autē prædictas sphæras motu locali mobiles, Fides catholica & diuini Theologi docent, alius superius esse omnis motus localis expers, perpetuò quiescens ab omni motu locali, quod ab initio creatū est plenū inextimabilibus millibus intelligentiarū & spirituum beatorum, qui simul cum illo & in illo creati sunt tãquam in loco

loco sibi deputato, quemadmodum mixta corpora suis quæq; locis in his inferioribus solēt generari, vti in aquis pisces, in aëre aues, super terram animalia cætera & plantæ, intra terram mineralia, & huiusmodi. Hoc cælum mole immensum, & inæstimabili luce, ac supra humanā mentem diuina claritate fulgidum (propter quod & empyreū nominatur, id est igneū, non quidem à proprietate & natura ignis, sed à splendore nimio & gloriosissimo fulgore) sedes est destinata ante constitutionem mundi, & velut aula regalis solij præordinata ab initio, omnibus qui regnaturi sunt in conspectu dei & agni. Cuius lucem licet sic clarissimam & limpidissimam, nequeunt corporales nostri oculi conspicere, quemadmodum non est potens noctua cernere lumen solis. Neq; lumen vllum extra se, beatissima & iucundissima lux ista diffundit. Non enim sunt alij cælorum orbis, tam præclarissimæ lucis & diuini fulgoris capaces, multominus elementa aut cætera corporalia. Attamen de actione huius cæli dubitant nonnulli, quibusdam dicentibus, quod nullam omnino habeat actionem in inferiores sphæras, aut alia subiecta, nec esse propter rerum naturalium dispositionem aut gubernationem conditum, sed tantum in gaudium & præmium beatorum. Indecens hi arbitrantur vt tam gloriosissima dei mansio creaturis adhuc corruptibilibus deseruiat: nec putat ipsam pertinere ad ordinem mundi corporalis. Alij verò partē affirmatiuam præligunt, dicentes ipsum sua solidissima quiete, & quietissimavirtute, stabilitatē, permanentiā & fixationē rebus inferioribus infundere. Res enim inferiores, propter aliorū cælorū citissimos motus (vt ipsi aiunt) continuo defluerent, nisi huius primi cæli quiete, aliquo modo in suo esse seruariētur stabiles. Nos verò quia certum nihil de hoc habere possumus, eò quod fide certū est, contēti de præparato nobis tā amplissimo, tam supremo, tamq; iucundissimo habitaculo inæstimabili gaudio gestientes, totis potius affectibus ad illud suspirare, ad illud tēdere studeamus, quā multis inutilibus disceptationibus aut cogitationibus inanibus de eo multa disseramus. Pluris enim esse debet nobis Christianis hominibus huius vnius cæli ex fide simplex notitia, quā cæterorum omnium & cunctorū quæ in eis sunt astrorū ac

Cælum em-
pyreum.

motuum exactissima comprehensio. Ad huius cœli nimis desiderabilem ornatum atq; pulchritudinem sæpe nos cōuenit, donec peregrinamur in hoc corpore, deuotis affectibus suspirare, & quasi violenter nostræ mentis oculos infirmos atq; tenebrosos cōuertere: in quo beata fructu luce angeli conciuues nostri, pariter & eorum spiritus: qui in domino hinc discedētes priores illuc sunt ingressi. Nos quoque iuxta manum dei super nos bonam eodem peruenire post paululum confidimus, ipsius gratia adiuti qui nobis antequam nati essemus tam gloriosum ab initio præparauit æternæ mansionis habitaculum.

Sunt igitur cœli vndecim hoc ordine siti, cœlum empyreū, primum mobile, cœlum crySTALLINUM, firmamentum, cœlum Saturni, Iouis, Martis, Solis, Veneris, Mercurij, & Lunæ.

Post hoc igitur primū & nobilissimū corpus sequitur decimū cœlū, primū mobile: quod motu supra quàm cogitari potest velocissimo, lege perpetua, quotidie ab oriente in occidentē per meridiē, viginti quatuor horarū tēpore decurrēs, velocissimo hoc raptu suo omnes inferiores cœlos secū rapit, eodēmq; tēporis spatio perfectā circulationem cōplere facit. Nec præter huuc motū aliū aliquē habet. Sub hoc cælo est nonū, quod nūc aqueum, nūc crySTALLINUM à sanctis & diuinis Theologis nominatur, non quidem à proprietate vel natura aquæ, quasi illic veræ aquæ sint elemētares, sed ab omnimoda diaphaneitate siue perspicuitate, eò quòd nullā omnino habeat stellā. For sitā & ob hoc quòd sit in modū aque, siue crySTALLI effectu frigidissimū & frigiditatis maximē effectiuū, quæ est aque qualitas prædominās. In cuius confirmationē facit, quod quidā supra firmamentū veras aquas ponendas senserunt ad motus & caloris illius tēperamentū atq; refrigerationē: ne videlicet ex nimia talis motus velocitate, ignis generaretur qui omnia hæc inferiora cōsumeret. Quæ sententia licet non admodum probabilis videatur, in hoc tamen nobiscū facit, quòd aquas istas (qualescūq; tādē sint) ad contēperationē nimij caloris supra firmamentū positas dicit. Quod & nos secundū verisimilitudinem asserimus: non sic quidem vt à cœlis prohibeatur calor, quasi cœlesti

Cælū nonū.

lestibus corporibus sit exustionis periculum (quæ incorruptibilia sunt, & caliditatis non susceptiua, etiã si mille admouerentur ignes) sed propter nimium calorem cæterorũ Astrorũ, atq; etiã eius qui ex nimia velocitate motus oriri posset in regione elementari, in his inferioribus contemperandũ. Aiunt enim quidã huius cœli tantã esse frigiditatem, vt his inferioribus prorsus esset intolerabilis, si non Solis & aliorũ astrorũ calore tẽperaretur. Hæ sunt aquæ, de quibus in scriptura sacra frequẽs est mētio, nominatim in principio Geneseos, dicēte Domino, Fiat firmamētũ in medio aquarũ, & diuidat aquas ab aquis, & subditur, Factum est firmamētũ in medio aquarũ, & diuisit aquas quę erāt supra firmamentũ ab aquis quę erāt sub firmamēto. Itē in libro Psalmorũ, Laudate eum cœli cœlorũ, & aquæ quæ super cœlos sunt, laudent eum cœli cœlorũ, & aquæ Danielis, ad laudē Dei omnē creaturã exhortantes pueri Hebræi canūt, dicētes: Benedicite aquæ omnes quæ super cœlos sunt domino. Hæc autē sphæra cœli crySTALLINI siue aq̄ci, secundũ opinionē Ptolemæi, atq; Alphragani ponentium vnã tantum sphæram naturalem supra firmamentum, primum mobile diceretur. Veritas tamen magis credibile facit, eam esse secundum mobile.

Genes. 1.

Psalm. 148.

Dan. 3.

De firmamento & orbibus Planetarum. CAP. XIII.

Hic autē cœlo aqueo, contiguum est cœlum ordine octauũ: quod à stellis miræ magnitudinis, & multitudinis stellatũ appropriato nomine dicitur: in scriptura autē firmamentũ vocatur, vel propterea q̄ verbo Dñi in diuisionē positũ sit aquarũ superiorũ ab aquis inferioribus. Vel q̄ in eo innumerabilis est stellarũ multitudo firmata. Sũt enim in hac sphæra omnes stellæ fixæ: de quibus dicemus posterius. Hanc verò sphæram octauã sequũtur.

Septem sphære, septem planetarum, hoc ordine, Sphæra Saturni, Sphæra Iouis, Sphæra Martis, Sphæra Solis, Sphæra Veneris, Sphæra Mercurij, vltima Lunæ.

Orbes septē Planetarũ.

Istarũ autē sphærarum, superior quælibet ambit & orbiculariter circūdat inferiorem: suntq; aliæ aliis maiores secundum quod plus vel minus accedunt firmamento, vel ab eo recedunt. Vnde sphæra Lunæ omnium infima,

◉ mai

omnibus etiam minor est: cōtrā, sphaera Saturni omnium est maxima utpote firmamento proxima & cōtigua. Quā in re considerari facile potest inestimabilis mūdialis machinæ magnitudo. Nam quēadmodū diximus in elementari regione superiorē sphæram excedere inferiorem proportionē decupla, ita etiā in hac regione, continuato semper augmēto, superior longe quātitate superexcedit inferiorem proximā: vnde necesse est multo maximam & immensissimam esse molem illā vltimā empyrei cœli, & magnitudine incomprehensibilem. Insuper velocissimus ille motus decimi cœli, huic empyreo proximi, quo in viginti quatuor horarū spatio tantum percurrit, imo peruolat, imo plusquam peruolat circulū, merito debet considerātibz nobis eius magnitudinem stupori esse, & miraculum multo maximum. Sciendum autē est, firmamenti nomine interdum signari totam aggregationem octo sphærarum septē videlicet planetarum & stellarū fixarū. Debere tamen poni hanc sphærarum diuisionem: & non posse in vnum corpus censerī, manifestissimis experientiis & rationibus certissimis ab Astronomis probatur.

De duplici motu orbium cœlestium, qui sunt post primum mobile.

C A P. X V.

OMnes cœlestes sphære quæ primum mobile sequuntur, duplici motu mouētur. Priore quidem alieno, id est, ex raptu primi mobilis, quod (ut suprà diximus) velocissimo suo motu in viginti quatuor horarū spatio sese citissime circunuoluens, & totū suum cursum complens, omnes orbes intra se contentos secum circunuoluit, ut in eodem spatio tēporis totum suum cursum infallibili lege perficiant, id quod in sole manifestissima experientia ad oculum conspiciamus, qui hoc motu raptus diem nobis à die distinguit. Singulæ enim eius reuolutiones secundum motum istum primi mobilis factæ, singulos nobis dies efficiunt: Et quidem si totum accipiamus tempus reuolutionis, id est, tam illud quod supra nostrum hemisphærium, quā illud quod supra alterū oppositū voluitur, dies naturalis dicitur, constātq; viginti quatuor horis. Verūm si accipiamus tempus tantū illud quo supra nostrum hemisphæriū apparet & mouetur, dies dicitur artificialis. Et hi dies, nō æqualis sunt lōgitudinis. Nam hyeme bre

Quid dies naturalis.

Quid artificialis dies.

breuiiores sunt dies, & æstate longiores, iuxta quod supra nostrū hemisphæriū Sol magis eleuatur. Fit autē motus iste primi mobilis super duobus polis mundi directē sibi in cælo oppositis, quorū alter arcticus nominatur, semper nobis adparens; alter antarcticus, nunquā, sed nostris antipodibus perpetuō est præsens, quibus econtrario noster polus arcticus semper abest. A polo enim arctico qui in summo cæli ponitur, vsq; ad polū antarcticū qui directē ex parte altera est oppositus, linea recta per medium mundi ducta intelligitur, quā axem mundi appellant, eō quod circa ipsum fiat motus iste primi mobilis, & cum eo omniū sphærarū cælestiū, quemadmodum rota voluitur circa axem. Fit autē motus iste ab Oriente, per Meridiē, in Occidentē, atq; ita deinde per Septentrionem redit ad Orientē. Præter hunc verō motum primi mobilis, inferiores sphæræ omnes sibi propriū habēt, quo mouentur contranitēdo ab Occidente, per Meridiē, in Orientē, atq; hinc redeunt per Septentrionem, in Occidentem. Hic autē motus non circa eundē axem mundi fit, nec super iisdem polis, sed super duobus polis aliis, distantibus à prædictis per viginti tres gradus, & triginta tria minuta, aut secundum alios vnū & quinquaginta. A quorum polorū vno ad alterum, intelligitur transire per medium mundi linea rectissima, quæ dicitur axis huius motus, & nominatur axis zodiaci, quemadmodum prior dicitur axis mundi.

*Duo poli
mundi.*

*Quid axis
mundi.*

*Motui ra-
ptus motus
aduersus.*

*Quomodo intelligi debent in cælis motus oppositi, & motus
raptus.*

CAP. XVI.

Posset autē ex iam dictis secū aliquis hæsitare, quonā pacto possint esse motus oppositi in cælestibus, cum motui circulari (vt ait Aristoteles) nullus sit motus contrarius. Rursum quomodo fieri possit, vt rapiat primum mobile alias sphæras, cum in cælestibus nulla possit esse violētia. Vt enim nō est ibi contrarietas, ita nec violētia admitti potest. Ad hanc autem obiectionē remouendā, necesse est sanē intelligere quæ prius dicta sunt. Nō enim motus isti propriē oppositi sunt adinuicē quāsi contrarij (Contraria enim in eodē simul esse nō possunt) sed quia diuerso modo fiunt, vnus videlicet ab Oriēte, in Occidentē, alius ab Occidente in Orientē, quanuis non per eundē circulum, aliquo modo vidētur oppositi. Insuper quod

de

de raptu dicitur, debet absq; violentia intelligi: quemadmodum cum inferiores sphæras dicimus cōtraniti, absque resistantia aut rebellione accipimus. Nulla enim in cœlestibus est cōtrarietas, nulla fatigatio, nulla violentia, nulla mobilium resistantia. Non enim aliud sibi vult, quod dicimus inferiores orbes rapi, quàm quod simul ad motum primi mobilis per accidens moueantur, quemadmodum nauta mouetur vectus à naui, & aqua ad motum vasis in quo cōtinetur: vt sic ratione cōtinentiæ, inferiores simul cum superiore moueantur. Et quod de contranitiētia inferiorum dicitur, nihil aliud sibi vult, quàm eas diuerso motu proprio moueri, ab alia parte ad partem oppositam.

Quanto tempore vnusquisq; cœlestium orbium suum propriū motum compleat, & obiter de anno bissextili. CAP. XVII.

OMnes igitur sphære cœlestes huic motui primi mobilis (vt iam dictū est) contranitiuntur, secundū circum obliquum (qui & zodiacus dicitur) cursum suū peragentes. Verū illud notandū est, quod quāto propinquiores sunt primo mobili secundū sitū, tanto suum motum propriū tardius perficiunt: quanto autē distantiores, tanto citius suos cursus absoluunt. Vnde cœlum crystallinū omnium tardissime moueri necesse est, cōtrā verò Lunæ orbis circūgyratur omnium velocissime. Quod vt fiat euidētius, volumus; iuxta Astronomorum traditionem, singularum sphærarū motibus suum tempus subicere. Dicunt autem nonā sphæram cursum suū propriū perficere in quadraginta nouem millibus annorū, & in ducētis annis gradum vnum zodiaci cum dimidio percurrere. Atq; hanc sphæram dicunt hoc suo motu rapere secum octauā sphæram, & omnes auges planetarū præter quā Lunę, de quibus tamē nihil nūc particularius dicemus. Octaua autē sphæra proprio suo motu (scilicet trepidationis; vel accessus, & recessus) in septē millibus annorū circulum parū describit, pertransitq; gradum vnū zodiaci: quandoq; quidem in centū annis, quandoq; in sexaginta, quandoq; verò in alio interuallo. Saturni sphæra, reuolutionē integrā annorū ferē triginta spatio perficit: Iouis in duodecim: Martis, ferē in duobus: Sol reuolutionē integram facit in trecētis sexaginta quinque diebus, & ferē sex horis. Venus & Mercurius, ferē similiter. Nouissima autem

Luna,

*Cœlum crystallinum
49000.*

Luna, in viginti septē diebus & octo horis suum circulum complet. Vbi illud obiter sese offert declarandū, quid sit quòd quartus quilibet annus vno die abūdat, vt videlicet quartus quisq; annus iuxta nostrā computationem habeat dies trecētos, sexaginta sex, qui & bissextilis nuncupatur. Cū enim sex horæ quater sumptæ diem faciant naturalem, hoc est, viginti quatuor horarū, idcirco quolibet quadriennio ad dies consuetos 365. (quibus constat annus communis) adiicitur prædictæ computationi dies vnus, vt seruetur temporū ordo, & festiuitatū vniformitas. Qui annus vno die (secundū huiusmodi cōputationē ex trium præcedentium senariis & suo residuo sex horarum conflato) abundans bissextilis nuncupatur: eò quòd contineat 366. dies: vbi bis senarius ponitur, à quo numero senario bis ita replicato, bissextilem eū appellauerūt.

De natura & conditionibus Astrorum. CAP. XVIII.

DE natura autē Astrorū, dubitatum fuit ab antiquis, fueruntq; super hac re diuersæ diuersorū sententiæ. Quidā enim antiquorum dixerūt, ea esse corpora animata, propter alimentū suo motu terrā perambulātia, vt scilicet humidū aqueū ad se velut in potum, & siccū terrestre in cibū attraherēt, quēadmodū videmus progressiuo motu animalia quæ apud nos sunt moueri ad quærendū alimenta, cibū atq; potū. Sed hoc figmentum planè poëticum est, neq; quicquā habet verisimilitudinis. Alij verò, de quorū numero fuit Empedocles, astra dixerūt esse de natura ignis, orbis autē cælorum de natura aquæ. Sed neq; hic veritatem assequutus est, vt ex præcedētibus manifestè patet. Quæ autē veritatē tenēt, asserunt astra esse eiusdem naturæ & speciei cū suis orbibus, in quibus mouentur, neque à reliquis partibus suorum orbium essentialitè differre, sed tantum secundum accidentia.

Est enim astrum (vt ait Aristoteles) densior pars
sui orbis.

Arist. I. Meteor.

Sicut enim in ligno cōtingit aliquā partē esse admodū densam & cōpactā præ reliquis partibus, quā nodū vocamus, est tamen eiusdē naturæ cum altis: sic & in orbibus cælestibus astra partes sunt densiores, atq; cōpactiores reliquis, eiusdem autē sunt naturæ & speciei. Sunt enim
cæli

cœli corpora homogenia, quorū singulæ partes & cū toto & cum se inuicē eiisdē sunt naturæ, licet secundū accidentia possint differre. Ex hac verò densitate consequitur & alia differētia accidentalis, qua differūt astra à partibus reliquis suorū orbium. Nā ex hac sua densitate, cōpactione, & vt ita dicam, opacitate habent, vt possint radios solares ad se emissos reflectere, sicque effusum ad se solare lumē refundere: quod aliæ partes, vt pote rariores & nimiū perspicuæ nō possunt, quoniā ob raritatē penetrantur à lumine, nec est refusio accepti luminis. Idcirco enim ipsi cœli quantū ad omnes partes, in se quidē luminosi sunt. Lumine eorū substantiā penetrāte, nō sunt tamen nisi ratione astrorū lucidi, sic vt lumē possint de sese refundere. Alioqui neq; nox, neq; tenebræ haberēt locū, tāto corpore lumen suū perpetuò spargente. Aequē enim per diē atq; per noctē Sol orbēs cœlestes illuminat, neq; potest interpositio terræ (quæ nō nisi punctulus est cœlo cōparata) eorū illuminationē impedire. Ex quibus patet, quòd nomen astri siue stellæ duo includit, nēpè partem cœli dēsiorem, & lucem solarem ab ea repercussam.

Differentia inter planetas, & stellas fixas. CAP. XIX.

INter has autē stellas, quædā dicūtur fixæ, quædā erraticæ, quas Græco vocabulo planetas vocant. Siquidem plane Græcis sonat errorē. Vnde planetes, quod significat vagū siue erroneū. Fixæ dicuntur omnes quæ sunt in octaua sphaera, id est, in firmamēto: Idq; ob hoc, quòd semper videātur adinuicē seruare eundē situm, & æquali distantia ab inuicē distare. Et hæ in numero sunt indeterminato, qui soli est Deo creatori cognitus, iuxta illud Psalmistæ, Qui numerat multitudinē stellarū, & omnibus eis nomina vocat. Planetæ autē siue erraticæ stellæ tantum septē sunt, quæ ob hoc dicuntur erraticæ, quòd non semper eundē ad inuicē conspiciantur habere situm, neq; æquali distātia ab inuicem distare: sed nūc quidē ad inuicem appropinquant, nunc verò ab inuicem elongantur: nunc hæc illam antecedit, nunc subsequitur, nunc in eleuatione est ad illā, nūc in depressione, secundum quod suorū orbū varia celeritate vel tarditate variē feruntur. Dinoſcūtur autē stellæ fixæ à planetis ex sciintillatione. Omnes em̄ stellæ fixæ sciintillare nobis vidētur, quod
alij

alij quidē propter longinquā nimis distantiā, & vīsus nostri debilitatē euenire putauerunt, alij propter motum cœli cōtinuū angulos irradiationis variantem, sed verior ratio ex perspectiua petēda foret. Soli autē planetę nō scintillant, nisi fortē Saturnus interdū, quē dicunt flante Borea nō nihil scintillare. Illud autem certū est, scintillationem talem nihil esse in ipso astro scintillante, sed tantum secundum prospectū & apparentiam euenire.

Soli Planete non scintillant.

De ordine septem planetarum ad inuicem. CAP. XX

Septem autē planetarū hic est ordo. Luna infima, deinde Mercurius, succedit Venus, proximus Sol, supra hūc Mars, proximus Iupiter supremus omniū Saturnus. Hūc autē planetarū ordinem sic probant, quoniā astrum illud per cuius interiectionem cōtingit alterum occultari, necesse est esse inferius eo quod occultatur. Vnde cum per obiectionē siue interpositionem Lunę experientia nobis apertissimē mōstret Mercuriū abscondi, cum inter nostrū aspectū & astrū ipsum media sese obiecerit, consequitur necessario Lunā esse Mercurio inferiorē. Ita & de omnibus aliis planetis, quantū ad Lunā, demonstrari potest. Nā planetas omnes abscondit & occultat, propter quod omniū infima comprobatur. Sic de Mercurio probat experientia, quōd Venere sit inferior: & de Marte, quōd subit Ioui: de Ioue quoq;, quōd superiorē habeat Saturnū: Itē quōd omnes stellę fixę omnibus his planetis sunt superiores, quia à quolibet planetarum possunt abscondi, ipsę verò nullum planetarū occultare possunt. De Sole tamē talis experientia nulla est, quōd abscondatur, nisi à Luna: propter quā rationem quidam existimauerūt Solem esse proximum Lunę in secundo orbe cœlesti. Quod tamen rationibus aliis manifeste probatur non habere veritatē, sed Solem esse in loco quarto.

Ordo planetarum probatur.

De planetarum distinctione. CAP. XXI.

Ad cognoscendū autem hos planetas, quidā diuersorū colorū similitudinē illis tribuunt: quāquā iuxta veritatē colores non habeant, sed tantū iuxta lucis varię sese mōstrantis similitudinem, varias colorū apparentias participant. Vnde Saturnū dicūt esse coloris plūbei, Iouē stānei, Martē chalibei, Solē aurei, Venerē electri, Mercuriū argēti viui, Lunā verò argentei, atq; horū singuli pro-

*Saturni
qualitas.*

ductiui dicuntur, quorum colorem referunt. A signant quoque varias horum planetarum virtutes & differentias. Saturnus enim frigidus & siccus, planeta masculinus, malus siue maleuolus atque nociuus. Quod sicut & in aliis sequentibus, secundum effectum debet intelligi. Ipso dominante si fetus nascitur, aut moritur, aut debilitatus misere uiuit. Propter quod, pueros dicunt octauo mense de matris utero prodeuntes, vel non superuiuere, vel secundum corpus miseros uiuere, cum tamen septimo mense & nono si prodeant, feliciter uiuant. Dicunt enim Saturnum in mense octauo dominari foetui, qui mortis est autor. Iouem uero in mense nono, qui est principium & largitor uitae. Ob hanc uero pessimam nocendi & mortificandi conditionem, depingi solet Saturnus falcem manu tenens, quasi uiuentia, quantum in se est, dementes qualitate noxia, id est, mortificans. Iupiter proximus, eius malitiam colibet, & conditiones malas temperat. Est enim ipse in qualitatibus optime temperatus, calidus scilicet & humidus, id est caliditate & humiditate efficiens. Vnde patet, ipsum complexionis aereae siue sanguineae in hominibus esse effectiuum. Est enim sanguis calidus & humidus. Vnde propter suam naturalem bonitatem, principium uitae meretur vocari. Quam ob causam depingitur sceptrum manu tenens, quasi uitae imperator atque largitor. Quanquam autem ex se clarus est, & in modum lactis candidus; attamen cum ascenderit in circulum gelidi illius & siccus Saturni, pallorem quandam contrahit, quo modo nonnunquam etiam insigniter bonus aliquam suae virtutis maculam cernitur ex mali hominis commercio contrahere. Ipsum tamen suae claritatis faciens participem, ex sese omnino pallidum, utcumque facit clarum: ut quemadmodum effectus malitiae sua bonitate temperat, ita & coloris obscuritatem sua claritate laxificet, quomodo etiam pessimos videmus interdum ex bonorum consortio, ut minimum speciem aliquam virtutis induere, ut sic manifesta sit in naturalibus similitudo, cum iis quae cernuntur in moralibus. Mars calidus est & siccus, & idcirco noxius: non aequae tamen atque Saturnus, qui neutram habet qualitatem uitae conducentem, & frigidus existens, & siccus. Hic uero Mars licet siccitatem habeat uitae inimicam, habet tamen caliditatem non inutilem, operaturque complexionem cholericam, id est calidam & siccam, ut Saturnus melan-

*Mars qua
litas.*

cho

choliā id est siccā & frigidā. Iupiter verò inter prædictos duos medius, duas qualitates optimas, caliditatē & humiditatē temperatas, possidet. Attende autē, obsecro te lector, mirā dei in operibus cunctis sapientiā. Vides primū quemadmodū omniū planetarū maximē noxiū & inimicus vitæ summus vel primus, longissimē sit à viuentiū regione ablegatus & à terris (vbi viuentiū locus est) elōgatissimus. Quomodo enim viuētia (tū terrę proximus esset ille aduersissimus eorū hostis) aduersus tātā crudelitatis impetū sese tuerentur? quomodo nō ante debitā periodū cōpellerentur acutissima illius falce ante tēpus occūbere? Nunc verò dei prouidissima sapiētia lōge proscriptus est, vt nō quantū ipsius cupit natura, propter intermedios meliores planetas, gelidus ille falcatus nocere possit. Martē verò, quanquā noxiū, tamen minus noxiū, propius ad terras eadē prouidissima sapiētia, & sapiētissima prouidētia permisit accedere. In horū autem duorum medio Iouē quomodo sapiētissimē collocauit? videlicet totū bonū inter malos duos, vt vtriusq; sua bonitate vinceret malitiā. Vide quomodo omnia numero, pondere, & mensura deus sapiētissimus prouidissima cōsideratione disposuit. Quòd ergo Saturnus primū & summū locū obtinet, non ex naturæ præstantis bonitate, neq; cōditionis dignitate procedit, sed tanquā hostis lōge proscriptus ob malitiam potius arcetur à viuentibus, etiq; loco nouissimo cōstitutus. Rursū cōsidera, quòd eū qui magis noxiū est, nēpe Saturnū à superiori parte Iupiter habet: eum verò qui minus, ab inferiori. Superioris enim virtus, ne transeat, subiecti inferioris obstaculo facilius videtur prohiberi, quā inferioris possit virtus desuper emissā virtute cōtineri. Nā loco superior planeta, nō potest suum influxum in terras mittere, nisi transeat per orbem intermedij.

De Venere, Mercurio & Luna. CAP. XXII.

Venus est planeta fœmineus, Martis malitiā & ignitū feruorē sua fœminea qualitate tēperās: quomodo virilis ira, muliebri solet benignitate placari. Semper comitatur Solē: sed cū præcedit, dicitur lucifer: quādo verò sequitur, hesperus siue vesper appellatur. Estq; nuncius Solis vel aduenientis, dum lucifer est: vel abeuntis, dū hesperus: Vnde illud apud Vergiliū, *Ite domum saturæ, venit* Vergilius.

hesperus, ite capella. Habet quasi colorē candentē & refulgentē electo similem, estq; lux eius prae luce omnium astrorū limpidissima atq; gratissima, & oculorū aspectui placidissima. Vnde factū est vt primus ille angelorū (qui ceteris omnibus sublimitate & gloria cōditionis praeeminēbat) Lucifer vocaretur, eō quod fulgore, atq; claritate ceteros spiritus praeccelleret, quomodo lucifer suae lucis refulgentia & limpiditate, cetera antecellit sydera. Vnde

Esa. 14. apud Esaiam sub figura regis Babylonis de illo dicitur, Quomodo cecidisti de caelo lucifer, qui mane oriebaris?

2. Pet. 2. Et Beatus Petrus Euangelicā doctrinā omnibus aliis doctrinis praeeminēte, appellat luciferū, dicēs de sermone prophetico, Cui benefacitis attendentes, tanquā lucernae lucētī in loco caliginoso, donec dies illucescat, & lucifer

Mercurius. oriatur in cordibus vestris. Post Venerē, est Mercurius, per se quidē nec bonus nec malus, sed per suā naturā inclinatur ad planetā cui cōiungitur. Non enim aliorū malitiā temperat: sed est cū bonis bonus, & cū malis malus. Raro à nobis cernitur propter vicinitatē ad Solem. Semper enim cū Sole graditur, nunquā ab eo plus triginta gradibus distans. Hunc Mercuriū dicunt eloquentiae & ingenij, id est, boni sensus effectorē: vt quibus hic dominetur, facundi sint sermone & bonis sensibus, ac bene ingeniati. Et quidē, si cū Saturno aut Marte iunctus fuerit, facundiā prauam, & astutiam malam, ad nocendū, ad concitandum rixas, discordias, tumultus, schismata, hæreses, dicunt significare. Eiusmodi homines prae omnibus seculis prioribus, nostra hęc etas plurimos habet, quibus cū summa adsit facundia & sensus clarissima perspicacitas, nihil tamē hisce dotibus aliud agūt quā vt nihil relinquāt integrum, sed vniuersa perturbēt, erroribusq; adimpleant orbē. Si verō Ioui iūgatur, bonā facundiā & ingenij salutare significare dicūt, ad veritatis defensionē & virtutis promotionē accommoda. Cuiusmodi ingenia hac nostra replete nimis rara merito deploramus. Infima omniū Luna, frigida & humida est, operaturq; cōplexionē phlegmaticā, id est, humidā & frigidā. Super aquas & omnia humida dominiū habet. Vnde secūdū variū accessum, & recessum causat fluxū & refluxū maris, itēq; aquarū augmentatōnē vel diminutionē, quēadmodū libro priore dictum fuit,

fuit. Experientia quoque monstrat, in plenilunio crescere medullas, & cerebrū ac huiusmodi humida, quēadmodū in nouilunio ista decrescūt & diminuūtur. Illuminatur diuersimode, & nūc plena, nūc partim obscura, nūc crescēs, nūc decrescēs apparet nostro aspectui, ac iuxta diuersitates istas diuersimode corpora hominū & inferiora cuncta disponit. Eius lumē terris singulariter deseruit tā in il luminādo, quā in agēdo, eō quod terris sit proxima: neque vilius aliorū syderū tā efficax & manifesta est in his inferiorib⁹ operatio, id quod in egrotantib⁹ manifestissime cernimus. Minimo spatio suā circulationē absoluit: suo motu mēsiū distinctionē facit. Et cū quātitate sit minor ceteris planetis, maior tamē ob vicinitatē apparet hominibus. In scripturis nonnunquā bonā habet significationē, veluti in Canticis Canticorū. Quæ est ista quæ progreditur quasi au rora cōsurgēs, pulchra vt luna, &c. Et in Psalmis, Thronus: eius sicut sol in cōspectu meo, & sicut luna perfectā ineter nū. In malū verò Sapiens ab ea trahit cōparationē, cū ait, Stultum vt lunā mutari. Et in Apocalypsi, Mulier illa glorio sa sole amicta lunam visa est habere sub pedibus. Per quod significari dicunt sacri Theologi, omnem mutabilitatem seculi huius & transeuntii in eo. Secūdū lucis enim pleniorē ad terras infusionem, bonā, habet cōparationē: secūdum instabilitatē autē & variationē, accipit malam.

Cant. 6.

Psalm. 88.

Ecclesi. 27.

Apoca. 12.

De solis nimia praeclētia super ceteros planetas. CAP. XXXII.

INter hos verò sex iā dictos planetas mediū locū Sol ob tinet, qui solus per sese lucidus cū à nullo lucē accipiat, ipse astris omnibus lumē præbet. Omnes enim stellas erraticas in suis orbibus, & fixas in firmamento, luce illuminat (singulisque lumē illud in quo cernūtur donat, hoc ipso patēter in se dei patris luminum gerēs similitudinē. Ipse enim admirādi fulgoris atque efficacissimæ virtutis de sua natura existēs: solus de se lucē habens, sui luminis atque ardoris vim, sparsis flagrantibus radiis circūquaque diffundit, cœlestia & terrestria cūcta illuminās, atque efficacissime in eis operās. Omnia siquidē astra (vt autor est Aristoteles, & veritas confirmat) à sole suū lumē accipiūt, & per lumen quod à sole accipiūt, suos operātur effectus. Visum est tamē quibusdā præter hoc solis lumē, debere ea habere lucē aliquā propriā, quæ causa esset vt lumē à sole procedēs

Solis praeclētia.

Omnium stellarum lumē à sole esse.

in hoc quàm in illo planeta, aliter operaretur. Non est tamen id necessariũ, ob hoc scilicet propriã lucẽ aliquã ponere. Sufficit enim ad hãc diuersitatẽ operationis, ipsa subiecti varia dispositio. Vnde lux Solis (iuxta doctrinã Astro nomorũ) in Saturno infrigidat, Marte calefacit, & ita in cæteris: quẽadmodũ iuxta diuersam naturã astrorũ idem Solis lumẽ diuersas colorũ apparentias facit, vt suprà declarauimus. Omnino itaque probabilior videtur illorũ sentẽtia, qui vniciũ ponũt luminis fontẽ, à quo lux omnis deriuetur, ipsum videlicet Solem, qui in planetarũ medio ordinatissimẽ cõsistit, tanquam rex in medio regni sui, in medio gradiẽs suorũ principũ atq; magnatũ, qui sunt proximi ipsum hincinde circũdantes planetæ, sub se habens Lunã, Mercuriũ, Venerẽ: supra severò Martẽ, Iouem, atq; Saturnũ proximos autẽ habet, hinc quidẽ igneũ & bellicosum Martẽ, ardentibus radiis flagrantẽ, illinc verò placidã & amœnã Venerẽ, sua limpidissima ac placidissima luce suauiter resplendentẽ: illũ velut potentẽ & animosum armigerũ, hãc vt suauem cõiugẽ. Quod tamẽ ne gẽtili opinione excipiat, præmonemus, vt ne arbitretur quis iuxta signmẽta poẽtica, in cœlestibus vera nos ponere coniugia, cõcubitusq; & generationes proliũ. Sunt enim figmenta ista vanissima, neq; veritatis quicquã possidẽtia. Secundũ tamẽ similitudinẽ quandã, Venerẽ dicimus Solis esse coniugẽ. Est enim cõiugis officiũ, suo viro indiuidua societate adherere, neq; ab eo sese plus iusto elongare. Ita Venus semper Solẽ comitatur, siue oriatur siue occidat, indiuidua societate comitẽ illi se adiungẽs, estq; ipsa tota fœminca, & placida lucis resplẽdẽtia blãdissima, fœminarũ qualitatũ effectiua, vt ille totus est masculus, aureo superabundãti fulgore virili maiestate resplẽdẽs, & viriliũ qualitatũ maximẽ effectiuus. Vnde quẽadmodũ Solis calor magnos & fortes animos facit atq; constantes, sic Venus molliores, faciles, & pios, ac minus stabiles, cuiusmodi in fœminis plerũq; cõspicimus. Itẽ vt Sol vitalẽ calorẽ præbet, sic Venus vitalẽ humorẽ videtur suo cõcursu adferre: sicq; vitã pariter efficiũt, vt simul vir & mulier ad prolis generationẽ cõcurrunt. Post hos autẽ planetas (qui Soli velut propinquiore, sunt principes) infinita circũdantur multitudine astrorũ firmamẽti, quibus tanquã militũ innu

*Quorundã
opinio.*

*Venus est
Solis quasi
proconinge.*

innumerabilium è longinquo subsequentiũ exercitibus
vndequaq; circũdatus atq; circumstipatus incedit, iũ ma-
gnificentissima gloria, singulis propriũ suũ lumẽ ex diui-
tiis thesauri sui velut in militiæ stipendiũ persoluẽs. Ob
quã nimiã excellentiã, veteres Poẽtę Solẽ di rerũ esse pa-
trẽ deorũ, hominũmq; . Quod ideo dictũ videri potest quo-
niã in omniũ generatione ipsius actionẽ necesse est cõcur-
rere, vt causam vniuersalẽ, sine qua effectus nullus possit
generari. Ipse præterea omnibus astris perpetuò lumẽ cõ-
municãs, simul & cũ hoc agẽdi in hæc inferiora virtutẽ,
hoc modo nõ inmerito omnia dicitur in astris omnibus
operari, dũ quod illa agũt ab isto accipiunt, vt agant. Est
autẽ causa admodũ rationalis ex parte nature, cur licet
præcellẽtissimus Sol existat, tamẽ neq; supremo neq; infi-
mo loco debuerit collocari. Cũ enim Sol principiũ sit atq;
fons luminis & caloris vitalis, à quo & cætera astra lumẽ
recipiũt, & viuẽtia omnia vitã, si esset Sol terrẽ proximus,
nimio calore eã exureret, nec posset ipsa ferre eius ardo-
rẽ, sicq; viuentiũ consumeret vitã, forsan etiã suprema a-
stra non ita cõmodẽ posset illuminare. Si verò ecõtrario,
Sol locũ haberet supremũ, illic, vbi agit Saturnus, terra ca-
lore sufficiente destitueretur, nec possent viuentia com-
modẽ in vita cõseruari, & astra inferiora nõ sufficienter
potuissent à tam distante sole illuminari. Propter quod sa-
pientissimus nature institutor, & cõseruator Deus, Solẽ
voluit in medio esse collocatũ, in tali gradu vt à superio-
ribus, atq; inferioribus mediocriter distaret, sicq; terrẽ ne
que nimiũ vicinus esset, neq; nimiũ elongatus. Illud quo-
que de solis proprietatibus nõ est prætereundũ, quòd si-
cut Mars calidus existit, ita similiter & Sol. Multa tamen
inter eos est differentia, quoniã solis calor tẽperatus est
efficacissimus & viuificatiuus, omniũmq; viuentium per-
fectiuius, quemadmodũ ipsa monstrat experientia, eius ca-
lore cuncta viuificari, & perfici, fructũsq; & omnia ipsius
maximo calore maturescere, & ad perfectum peruenire.
Martis autem calor est consumptiuus. Est enim Sol effe-
ctiuus caloris, cuiusmodi est calor cordis: qui est vita-
lis, & corpori vitam donans atque custodiens. Mars ve-
ro effectiuus est caloris, cuiusmodi est calor cholerae:
quæ vbi dominari potest, consumit & depascit omnia

*Aristoteles
2. lib. Physica*

*Calor Solis
differt à ca-
lore Martis*

quæadmodū patet in febricitantibus. Manifesta quoq; in effectu harū caliditatū apparet diuersitas, quoniā illi in quibus Sol secundū bonū aspectū dominatur, cordis sunt temperatē calidi, & animo vere magno, vere fortes, & magnanimi. In quibus autē Mars dominatur, corda habent intemperate calida, & animo sunt feroci potius quā vere magno: dicūtūq; audaces magis quā magnanimi. Excessus nāq; caloris excessum facit audaciæ & temeritatis nimium & immoderate sanguinē inflāmādo. Similis penē differētia inter Venerē & Lunā posset assignari: quoniā Venus humiditatis est effectiua, quale est humidum radicale, quod est vitale & conseruationi animalis æque vt vitalis calor necessarium. Luna verò, magis humidi phlegmatici, quod vbi abundauerit, infirmitates varias gignit.

De sole in sacris literis quā honorifica fiat mētio CAP. XXXIII.

- O**B hanc quoq; Solis excellētiā, in literis sacris honorificētissimā vbiq; audimus fieri eius mētionē, vt quoties insigne aliquid, & quasi super omnia excellentissimū efferre velint, Solis decori cōferāt. Vnde Matthæus Euāgelista, trāsfigurationis gloriā describēs, quū fulgorē vultus Christi gloriosissimū vellet ostēdere, nō inueniēs quicquam in rebus humanis altius: Trāsfiguratus est, inquit, ante discipulos, & resplenduit facies eius, sicut Sol. Sic & Ioannes in Apocalypsi, vultum filij hominis ait se vidisse quasi Solē lucētē in virtute sua. Vnde & in Cāticis sponsam Ecclesiam cū admiratores dixissent pulchram vt Luna, augere cupientes laudem, adiecerunt, electā eam esse vt Solem. Rursus verò oculos domini ait quidam sapiens multo esse lucidiores supra Solē. Idem quoque mulieris bonæ speciem in ornamentum domus, comparat. Soli orienti mundo in altissimis dei. Iterūq; hominē sapientem & sensatum, manere ait vt Solē, dū stultus vt Luna mutatur. Ipse quoque dominus Iesus saluator hominū, de iustorū gloria loquens, Iusti, inquit, fulgebūt sicut Sol in regno patris eorū. Ex quibus comparationibus manifestum est, Solis claritate nihil posse in mundo reperiri pulchrius. Hinc per Sapientē dicitur, Quid lucidius Sole? Et iterum, Sol illuminans per omnia respexit, & gloria domini plenū est opus eius. Sol in aspectu annūcians, in exitu, vas admirabile, opus excelsi. In meridiano exurit terram

ram, & in conspectu ardoris eius quis poterit sustinere? fornacem custodiens in operibus ardoris. Tripliciter Sol exurens montes, radios igneos exsufflans, & refulgens radiis suis obæreat oculos. Magnus dominus qui fecit illū, & in sermonibus eius festinauit iter. Diuinus quoq; ille Psalmographus, Solis istam magnificentiam & gloriam apertissime cecinit, aptissimēque, per singulas proprietates pinxit, Psalmo 18. vbi pro eo quod cōmunis Græcorū atq; Latinorū lectio habet, In sole posuit tabernaculum suum: iuxta veritatem Hebraicam (sacro Hieronymo interprete) sic legimus. Soli posuit tabernaculū in eis (nempe cœlis) & ipse tanquā sponsus procedēs de thalamo. Exultauit, vt gigas (siue vt fortis) ad currēdā viā, à summo cœlo egressio eius, & occurfus eius vsq; ad summū eius. In quibus verbis dū (iuxta quod in Hebræo legitur) Soli dicit positū in cœlis tabernaculū, significat ipsum in medio planetarū quasi in medio cœli locum possidere. Eundem verò sponsum appellans, significat decorē & formosam pulchritudinē splendoris eius, in qua exoritur mūdo, cū maxima gratia & gaudio atq; exultatione cunctorum viuentium: quēadmodū omni gloria & decore adornari solet spōsus in die solēnitatis suæ. Procedit autē spōsus iste de thalamo, quando ab occasu surgit, & in oriēte mundo oriri incipit. Vt gigas fortis exultat ad currēdam viā quādo magna alacritate quasi gigas fortissimus intra 24. horarum spatium totū mūdū percurrit per omnia respiciens, omnia quoq; illustrans & viuificans. A' summo cœlo est egressio eius, quia ab oriēte oritur: & occurfus siue reuersio eius vsq; ad summū cœli est, quādo rursus in orientē reuertitur. Vel etiā à meridie, quando in maxima eleuatione est, & quasi in summo cœlo tendit ad occasum iterūmq; suo ordine ad meridiē reuertitur. Nec est qui se abscondat à calore Solis, quoniā circumiēs terram, perlustrat omnia, nihilq; relinquit quod non lumine cōtingat, virtutisq; efficacia immutet. Quē omnia diuinus Psalter, penitissime consideratis conditionibus Solis admodū iucundis similitudinibus expressit. Hinc & doctissimus ille idiota sacer Frācisus, Solē cæterarū creaturarū dominū doctissime nominauit illiteratus, eūdemq; præ cæteris omnibus patenter in se Dei gestare similitudinē sapiētissi-

Psal. 18.

*Franciscus
quomodo so-
lem magni-
ficabat.*

me cecinit indoctus, in suo cātico quod Deo ex creaturis patria lingua decātavit, atq; à Solis præcellentia specialiter cātici Solis nominavit. Ipse, inquit, Sol multo ardore ebullies siue feruescens diffundit circunquaq; radios miranda splendoris irradiatione, mirā tui gerēs, ò altissimè, similitudinē. Qui insuper discipulos docuit, oriente Sole debere omne creaturā magnas agere gratias Deo, ob tātū iubaris gloriosum splendorem orbi redditū, cuius virtute cuncta lætificātur atq; viuificātur in terris, cuius accessu lætificātur omnia, & quasi iuuenescūt, atq; vigorē resumūt, horridæ tenebræ fugiūt, grauis sopor è mēbris pellitur, ægris dolor lenitur, & valetudo melior languētibus redditur, noctiū tēpestates sedantur & cohibētur, dissipāturq; nubes & nebulae ante faciem aduentus eius, illusiones quoq; noctiū, & demones amici tenebrarum effugiūt. Quomodo ecōtrario Solis abscessū, hæc omnia incōmoda reuertūtur, quasi absente eo quē metuerunt. Deniq; tam in scripturis quàm in aliis sanctorū patrum scriptis, & in Ecclesiastico vsu: æternū patris sapiētiā Iesum Christū dominū nostrū frequētissime Soli cōparatū inuenimus. Vnde & illud Psalmi quod prius secūdū literā de Sole corporali interpretati sumus, sancti Theologi piissime & verissime secūdū mysticā intelligentiā ad Christum dominū accōmodant, quam intelligentiā in Elucidatione libri Psalmorum circa locū iam adductū plenius (Deo donāte) explicabimus, Hinc & per aliū Prophetā dicitur, Vobis timētibus nomē meum orietur Sol iustitiæ quod est sapientia vera. Et in libro sapientiæ, Damnati impij queruntur sibi non luxisse Solem iustitiæ & lumen intelligentiæ. Rursum alio in loco, ex persona Dei dicitur, Solē nube tegā, quod recte sic intelligi potest: Diuinitatē humanitate vestiam, & occultabo. Sunt insuper alia in scripturis inspersa plurima, quæ secūdū mysticā intelligentiam accōmodatissime Soli æterno possent applicari. nos tamē finē facimus theologandi, ne nimia prolixitate cuiquā efficiamur onerosi, atque ad naturalia contemplanda reuertimur.

De circulo v: moribus, & primū de Aequinoctiali. CAP. XXV.

AD cognoscendam autē melius in particulari planetarum motum, præcipuè verò Solis & Lunæ, describendi sunt iuxta Astronomorū doctrinā circuli aliquot, secū

Malac. 4.
Sap. 5.

Ezec. 32.

secundum quos eorum motus facilius poterit cognosci. Ad hoc enim circuli isti signantur, & secundum imaginationem monstrantur in cælo, ut ex eorum designatione facilius possit motus illorum explicari. Describunt autem duplices circulos, maiores videlicet & minores.

Maiores circulos vocant, qui totam sphaeram in duas partes æquales diuidunt.

Minores autem, qui diuidunt quidem sphaeram, non tamen in partes æquales, sed vna pars diuisionis maior est altera.

Sunt autem circuli maiores, numero sex, nempe æquinoctialis, zodiacus, colurus, æquinoctiorum, colurus solstiorum, circulus meridianus, & horizon. De quibus nunc per ordinem est dicendum. Et primum de æquinoctiali.

Est itaque æquinoctialis circulus quidam diuidens totam sphaeram in duas partes æquales, æque distans secundum omnes suas partes ab utroque polo mundi.

Est autem polus Græcū vocabulū significans verticē vel summitatē rei. Vnde polos mundi vocamus vertices mundi, duo scilicet posita extrema & summa in cælo sibi directe ex opposito respondētia, ita quod si protraheretur linea rectissima ab altero ad alterū oppositū, illa directe transiret per cētrū & mediū punctū totius mundi, habere tque duos istos polos pro terminis suis. Est itaque æquinoctialis circulus, qui totam mundi sphaeram in sui medio in partes æquales diuidens, secundum omnes suas partes equaliter distat ab utroque polo mundi. Quācumque enim in hoc circulo partē aliquā signaueris, inuenire non poteris ullam quæ vni polo sit quā alteri propinquior, estque huius circuli cētrū idē cum centro mundi, & pertransit axis mundi cētrū æquinoctialis. Appellatur autem circulus iste variis nominibus. Primum quidem æquinoctialis dicitur, eo quod Sol cum directe sub ipso inuenitur, æquinoctiū facit. Est autem æquinoctiū, quando nox diei est æqualis: quod nunquam contingit, nisi quando Sol sub hoc circulo directe moueri inuenitur: quod bis contingit singulis annis: semel videlicet in vere in principio Arietis: & semel in Autumno, in principio Libræ. Ob eandem causam etiam dicitur Aequator, videlicet diei & noctis. Dicitur quo

Aequator.

Cingulū primi mobilis. quoq; cingulū primi mobilis: quoniam sicut homo in medio corporis cingulo se cingit (ita ut si in supremo capitis intelligatur punctus, inuenietur cingulū ipsum secundum omnē sui partem æqualiter secundum modum aliquem ab eo distare) ita tota sphaera primi mobilis intelligitur velut cingulo isto circumdata & circumcincta. Et quemadmodum quando homo cingulo circumcingitur, ipsum medium cinguli quodā modo idem censetur cum medio humani corporis: ita circulus iste æquinoctialis totius sphaeræ & mundi medium habet pro suo centro, & medio. De duobus autē polis iam suprà diximus: quod is qui semper nobis apparet, arcticus dicitur: is verò qui nunquam nobis, sed semper antipodibus se ostendit, nominatur antarcticus, eò quod arctico opponitur.

De circulo zodiaco, & signis eius.

CAP. XXVI.

Post hūc verò est circulus zodiacus, qui & ipse sphaeræ diuidit in duas partes æquales, sed secundū obliquū, ita ut prædictū æquinoctiale obliquè pertranseat, secundum vnā partem declinans ad Septentrionē à polo arctico, secundū alteram verò ab antarctico ad meridiē. Intersecat autē zodiacus iste æquinoctiale, vicissimq; intersectatur ab eodē, in duas partes æquales, ita ut amborū idem sit centrū. Illud tamē est notandū, quod inter omnes circulos, zodiacus iste solus habet latitudinē. Nam ceteros omnes imaginamur sine latitudine, hic autē habet latitudinem. Intelligitur enim directissimè per ipsius medium pertransire linea quædā ipsum secundum latitudinem diuidens in duas partes æquales, ex vtraq; parte sex gradus relinquēs. Siquidem xix graduū est eius tota latitudo. Atq; hæc linea ecliptica nominatur, eò quod eclipsis fiat, cū sub eadē hac linea simul inueniūtur Sol & Luna, quæ admodū posterius declarabitur. Secundum longitudinē verò totus zodiacus in duodecim partes æquales diuiditur, quæ vulgò duodecim signa appellantur, nempe, Aries, Taurus, Gemini, Cancer, Leo, Virgo, Libra, Scorpius, Sagittarius, Capricornus, Aquarius, & Pisces.

Quorum sex priora dicuntur Septentrionalia, arctica, vel borealia, eò quod ab æquinoctiali tendāt ad Septentrionem.

trionem, & tendunt versus polū arcticū. Sex autē posteriora, dicūtur meridionalia, vel australia, vel antarctica, eò quòd tendāt versus meridiē, vnde surgit auster, & tendunt versus polum antarcticū. Appellātur enim signa arctica, quæ polo arctico sunt viciniora, vt sex priora: signa verò antarctica, quæ polo illi sunt viciniora, vt sex posteriora. Nullum enim est signū, quod æqualiter distet ab vtroq; polo mundi. Ex quo patet manifesta differētia duplex, inter zodiacū & æquinoctialē, cum partes æquinoctialis æqualiter ab vtroq; polo mundi distēt. Habēt autē singula horū signorū, longitudinē graduū xxx. Vnde patet, omnia signa zodiaci esse quadrangula, nō quadrata. Omne enim quadratū latera habet æqualia, quadrāgulū verò nōn itē. Appellatur autē hic circulus primo quidē & vulgatori nomine Zodiacus, vocabulo ex Græco idiomate accepto. Nam zoon Græcis significat viuēs, vel animal. Vnde hic circulus, quia signa dicitur ferre animalium diuersorū, Arietis, scilicet, Tauri, & Cācri, & cæterorum, idcirco videtur zodiacus appellatus. Simili causa Latina appellatione Signifer nūcupatur, quoniā in xxi. signa diuiditur, quæ varias habēt animantium figuras. Nōnulli zodiacū dictū putāt à vita, quòd Sol sub hoc circulo gradiēs vitā rebus præbeat, dū per hūc motū in zodiaco, secundū accessum, & recessum, causa est generatiōis, & corruptio nis. Græce enim zoē vita dicitur. Ab Aristotele verò in secūdo libro de generatione circulus obliquus appellatur, cuius ratio patet ex præcedētibz. Sub hoc autē circulo zodiaco & Sol, & cæteri omnes planetæ suos proprios motus perficiūt, neq; vnquā extra zodiacū possunt inueniri. Sol verò nō solūm sub zodiaco, verū etiā sub linea ecliptica regia via semper incedit, nō declinās, neq; ad dextrā neq; ad sinistrā, nunquā à medio zodiaci vel ad latum vnguē deflectēns. Quam ob causam, hæc linea ecliptica alio nomine via solis appellatur. Cæterorū verò planetarum nullus sub ecliptica perpetuò currit, sed declināt ab ea, vel hinc, vel inde, sic tamē vt nō abeant extra zodiacū.

Omnes Planeta sub Zodiaco motū absoluunt.

Linea ecliptica.

De colurijs Solstitiorū, & æquinoctiorum. CAP. XXVII.

AD distinguendū autem solstitia duo, æstiuū & hyemale, aliū imaginamur circulum transeuntē per polos mundi, & per principia Cancrī, & Capricorni, qui est colurus

Solstitiorū distinctio.

*Æstiuū sol-
stitium.*

colurus solstitorum. Quē circulū cum Sol attingit in-
trans Arietē, fit solstitium æstiuū, quoniā Sol altius scan-
dere non potest, neque longius declinare, sed descendere
incipit & reuerti versus mediū zodiaci: propter quod sta-
re dicitur. Non enim realiter stare putandus est Sol, qui
nunquā quiescit, semper infatigabilis: sed quia nō ascēdit
vltrā, neq; eleuatur altius, vt ex signis hyemalibus hactē-
nus ascēderat, idcirco stare reputatur, & quasi gradū siste-
re, non quidē à profectione & cursu, sed ab ascensu & ele-
uatione. Est autē tunc solstitiū æstiuū, cū Sol hunc circu-
lū tangit in Cancro, quoniā Cancer signū æstiuū est, æsta-
tisq; principiū, quod nostris temporibus est die xiiij. Iunij,
circiter festum Barnabæ apostoli. Cū verò hunc circu-
lum attingit Sol ex parte altera versus polū antarcticū
in principio Capricorni, solstitiū habetur hyemale. Sol-
stitium quidē, quia desinit tum Sol à nobis recedere, nec
progredi potest longius, & iterū ad nos incipit reuerti, ad
signa videlicet nostro polo & nobis viciniora. Hyemale
autē, quoniā Capricornus hyemale signū est, hyemisque
principiū, quod nostris tēporibus est die xij. Decēbris cir-
citer festum Lucie. Ponūt quoq; punctū solstitij hyema-
lis, & æstiuales. Vnde punctus solstitij æstiuales est primus
punctus Cācri, vbi circulus iste interfecat zodiacū. Et di-
citur punctus solstitij æstiuales, quia cū Sol in ipso existit,
habetur æstiuū solstitiū. Primus autē punctus Capricor-
ni, vbi ex parte opposita diuiditur zodiacus eodē hoc cir-
culo, vocatur punctus solstitij hyemalis. Cōsequenter ad
distinctionē æquinoctiorū aliū imaginamur circulum, si-
militer transeuntē per polos mūdi, sed per principia Arie-
tis, & Libræ. Quē circulū cū Sol attingit in principio A-
rietis (quod fit x. Martij, circiter festū beati Grægorij) ha-
bemus vernale æquinoctiū. Æquinoctiū quidē, quoniam
dies ac noctes habētur æquales. Vernum autē, quoniam
Aries signū est veris, eiúsque principiū. Et punctus iste pri-
mus Arietis, vbi interfecatur zodiacus hoc circulo trans-
eunte, vocatur punctus æquinoctij vernalis. Cū verò ex
opposito Sol attingit hunc circulum in principio Libræ
xiiij. Septēbris, in festo exaltationis sanctæ Crucis, ha-
betur æquinoctiū autumnale, quoniā Libra autumnale si-
gnū est, Autumnique principiū. Et punctus ille vbi interse-

catur

*Hyemale
solstitium.*

*Æquinoctio-
rum distin-
ctio.*

*Æquino-
ctiū verna-
le.*

*Æquino-
ctiū Au-
tumnale.*

catur zodiacus, punctus æquinoctij autumnalis dicitur. Habemus itaq; quatuor punctos, secundū quos fit totius sphaeræ diuisio, tēporūmq; distinctio. Habemus & circulos duos in polis mundi sese ad angulos rectos sphaerales intersecātes, secundū quos fit æquinoctiorū & solstitiorum secundū quatuor partes anni ordinata varietas. hos autem duos circulos vocant Græca appellatione coluros. Cuius nominis interpretationem variè assignant.

De Meridiano & Horizonte. CAP. XXVIII.

SVnt præter hos duos circuli alij maiores, meridianus, *Meridia-*
& horizon. Meridianus est circulus quidā qui transit *nus.*
per polos mundi, & per zenith capitis nostri. Est autē *Zenith.*
zenith capitis nostri, punctus directè suprapositus capiti no-
stro. Punctus autem diametraliter illi oppositus Nadir *Nadir.*
vocatur. Pro cuius intelligentia notandū, quod si protra-
hatur secundū imaginationē linea recta ab extrema vsq;
ad extremū cœli, per medium terræ, simul & per verticē
capitis hominis alicuius, pūctus vnus terminatiuus illius
lineæ dicitur zenith, ille scilicet directè capiti supraposi-
tus: alter verò, qui ex opposito respondet, dicitur nadir.
Circulus ergo ille qui transit ab vno polo mundi per ze-
nith capitis nostri vsque ad aliū polum ex opposito con-
sistētem, à quo iterum per nadir siue punctū zenith oppo-
sitū reuertitur ad primū polū, hic dicitur Meridianus illi
per cuius zenith & nadir transit. Ex quo manifestum est,
quod illi quorū est idē zenith capitis, eundē habent meri-
dianū: quorū verò diuersum, diuersos habēt meridianos.

Dicitur autē circulus iste meridianus, quia ostēdit pun-
ctum meridiei: & quodocunq; Sol hunc circulū tangit,
meridies est illis quorū hic est meridianus: & quādo eun-
dem circulū tāgit in hemisphærio inferiori, tunc est me-
dia nox illis, quorū est hic meridianus. In quacunq; enim
regione sit homo, in quolibet die anni, quando Sol motu
raptus primi mobilis tāgit istū circulum in superiori he-
misphærio, est pūctus meridiei. Quando autē in inferio-
ri hemisphærio ad eundē circulum peruenit, est punctus
mediæ noctis. Per meridianos etiā longitudo cognoscitur
locorum, & distantia eorū ab inuicem: cuius cōsideratio
ad Geographiam spectat. Horizon verò est circulus di-
uidens hemisphærium inferius à superiori. Totam nanq;

Horizon.

sphae

sphæram diuidit in duas partes, siue in duo hemisphæria (Hemisphærium enim sphære medietas dicitur) quorum vnum à nobis videtur, alterum non videtur. Semper enim à nobis tantum altera pars cœli videtur. Illud autem quod sub aspectu nostro est, hemisphæriū superius appellamus, & peculiariter nostrū dicimus. Illud verò quod infra nos, & nostro subtractū aspectui, dicimus hemisphærium inferius, neq; nostrum illud appellamus, sed nostrorum potius antipodū. Dicitur autem horizon Græca appellatione, quasi finitor. Nam horizo significat finio, siue definitio, aut termino. Vnde Horismos, finitio, siue definitio. Dicitur ergo horizon, id est finitor, vel terminator: quia scilicet terminat & finit partē cœli visam à nō visa, & illam partē visus transit vbi visus noster terminatur, & vbi nobis apparet cœlū terræ cōiūgi. Nā id nobis illinc cōtingere videtur, vbi est visus nostri terminus. Vocatur etiā circulus hemisphærij, eò quòd hemisphæriū vnū ab alio diuidat, & vnicuiq; suū designet: Huius autē Horizontis poli sunt zenith, & nadir, à quibus secundū omnes suas partes æqualiter distat, & nos semper in horizontis nostri centro sumus. Ponunt quoq; horizontem rectū, & obliquū. Rectum dicunt esse eorum, qui sub æquinoctiali habitant: vel quorū zenith est in æquinoctiali: Obliquum autem habēt omnes qui vltra vel citra æquinoctialem habitāt. Et hæc quidē de circulis maioribus figuratim sint dicta, quibus omnibus commune est sphæram totā in duas æquales partes diuidere: id quod ad oculū de singulis sigillatim potest facillimè in sphæra demonstrari.

De circulis arctico, antarctico, tropico Cancrī, & tropico Capricorni.

C A P. XXIX.

Circuli autem minores (qui sphæram diuidunt quidē, sed in partes inæquales) sunt IIII. arcticus scilicet, antarcticus, & duo tropici, æstiuales, & hyemalis, siue Cancrī, & Capricorni. Circulus arcticus, est circulus quidā paruus, quē describit polus zodiaci suo motu raptus, circa polum arcticum. Circulus verò antarcticus, quē describit polus alter zodiaci, circa polū antarcticū. Ex præcedentibus enim manifestū est, alios esse polos zodiaci, secundū quem Sol mouetur motu proprio, à polis æquinoctialis, secundū quē mouetur primum mobile, item & Sol

motu

Circulus arcticus, & antarcticus.

motu raptus. Cum ergo totus zodiacus simul cū sole per singulos dies necessario semel per raptū circumuoluitur, necesse est vt circa polos mundi ipsius zodiaci poli circumferantur. Nā poli mundi, fixi manent & immobiles, poli aut zodiaci secūdū propriū solis motū manēt immobiles, secūdū raptū tamē primi mobilis simul cū zodiaco circumferūtur cū polos mūdi. Illos aut circulos quos sic motu suo circa polos describūt, dicim⁹ arcticū & antarcticū. Arcticū quidē circulū, à polo arctico circa quem describitur: Antarcticū autē, ab antarctico polo. Tropicus Cancrī est circulus quē sol raptu primi mobilis describit existens in principio Cancrī, in puncto solstitij æstiuales: qui circulus supremus est, quem sol potest describere versus circulū arcticū vel polum arcticū: quoniam tunc in maxima eleuatione est, ita vt altius ascendere nō possit, nec proinde superiorem aliquē circulū, aut arctico polo propinquiorem describere. Atq; hic tropicus etiam æstiuales nominatur, quoniam in signo æstatis, imò quod principiū est æstatis, describitur. Tropicus autē capricorni est circulus quē sol raptu primi mobilis describit in principio Capricorni, existens in puncto solstitij hyemalis. Est quē ultimus quem sol potest describere versus polum aut circulū antarcticū, quoniā altius nō potest quā supra prædictum punctum solstitij ascendere neq; à nobis longius recedere, nec proinde vltiorem circulū describere. Vocatur quoque hic in ratione signi, quod est hyemis principiū, tropicus hyemalis, quoniā illū tunc sol describit, cum nobis hyems incipit. Verū huiusmodi appellatio, non nisi quo ad nos debet intelligi. Siquidē nostri antipodes suum tropicum Capricorni, æque vocant tropicū æstiualem, vt nos nostrū tropicū Cancrī. Vocantur autem circuli isti Græca appellatione Tropici, à versione vel conuersione. Nā Græcè tropeo, significat retrouerto. Inde trope, reuersio vel cōuersio, vel mutatio. Circulus igitur tropicus dicitur, quòd in eo fit Solis trope, id est cōuersio siue reuersio. Post hos enim descriptos circulos, cū vltius illi non liceat proficisci, nec tamē stare possit, cogitur reuerti, ita vt si à nobis longissimè abfuerit (quemadmodū in solstitio hyemali contingit) mox redire ad nos incipiat, versus nostrum polum ascendendo, quod tamen statim percipi à

*De duobus
tropicis.*

*Cur tropici
dicantur.*

nobis multum sensibilibiter non potest, nisi post aliquanta dierū spatia. Si vero proximus nobis fuerit, & in summa super nos eleuariōe (quod est in solstitio æstiuāli) cogitur à nobis abscedere versus alterum polum.

De quinque Zonis siue plagis.

CAP. XXX.

*Torrída
Zona.*

SECUNDŪ istos autē quatuor circulos minores, arcticū, Santarcticū, tropicū Cancrī, & tropicū Capricorni, sic diuisio totius cœli in quinque zonas, plagas siue regiones distinctas, atq; proportionabiliter etiā ipsius terræ, secundum eosdem circulos. Vna regio est, totum hoc spatium quod est inter duos tropicos. Et hæc vocata est ab antiquis *Torrída zona*, propter calorē excessiuū, quē ibi esse dixerunt, ob hoc quod Sol perpetuo in ista regione inueniatur. Nam (vt suprà diximus) extra tropicos non potest egredi. Quā ob causam dixerunt zonam hanc esse inhabitabilem. Alij tamē omnino id negāt, assignantes in hac zona multas habitabiles regiones, vt Ptolemæus & ceteri omnes Geographi. Intelligi tamen potest illud antiquorū dictū, quod nō sit admodū cōueniens habitatio pro humana natura, maximē iuxta tropicos. Homines enim locorū illorum nigerrimi sunt, & breuis vitæ, ac paræ staturæ, quod procedit ab excessu caloris cōsumente in eis humidū radicale, vt nō possint nec in iustā quantitatis mensuram excrecere, nec in cōmunem hominum durationem vitam protendere. Sub æquinoctiali autē experiētia sentire facit esse regiones temperatissimas, atq; habitationi maxime accōmodas, quod fieri dicunt propter æqualem præsentīā & absentīā solis, per quā æqualem vicissitudinē fieri videtur maxima temperies regionū illarū, & optima loci illius dispositio. Illæ vero duæ regiones, quæ sunt à circulis arctico & antarctico vsq; ad polos mūdi, similiter dictæ sunt inhabitabiles, propter nimīū frigus, ob nimīā solis distantīā, tametsi secundū veritatem nō sint prorsus inhabitabiles. Nā intra circulū arcticū tradit Ptolemæus esse multas hominum habitationes, sed non multū aptas habitationi: id quod nimius pallor hominū illic habitantium, & nimia lōgītudo suprà quā staturæ humanæ cōuenit, satis indicant. Aliæ verò duæ regiones, quarū altera est inter circulū arcticū & tropicū Cancrī, altera verò inter circulū antarcticū & tropicū Capricorni, propter

Regiones frigidissimæ.

Regiones temperatæ.

tem

temperie, sunt optime habitabiles. Neq; enim sol nimium eis propinquus est, neq; nimiū elongatus, & quodā modo mediā constitutæ inter torridam zonam & regiones illas frigidas supremas, illinc quidē calorem participātes, hinc verò frigiditatem, ita optimam accipiunt contemperatio- nem. Harum autem zonarum particularior determina- tio, ad Geographum magis, quā ad Physicum spectat. Quapropter nobis ista sic generaliter dicta sint satis.

De eclipsi Lunæ, quomodo, & quando fiat. CAP. XXXI.

SVperest, vt de celestiuū luminariū eclipsibus nonnihil dicamus. Erit enim nō inutilis huius rei consideratio. Et primū quidē Lunæ eclipsim determinemus. Pro cuius notitia attēdendū est, quōd Luna licet moueatur semper sub circulo zodiaci, nō tamē sub linea illa ecliptica, quā suprà diximus esse viā Solis: sed ab ecliptica deuiat, & suo motu lineam propriā describit (quæ linea Lunæ dicitur) intersecatē prædictā eclipticā lineā in duobus punctis dia- metraliter oppositis, quos duos punctos vocant caput & caudā draconis. Propter quod nunquā cōtingit Solem & Lunā directe & diametraliter ad inuicem opponi, nisi cū alter fuerit in capite draconis, & alter in cauda. Neq; itē perfecta fieri potest eorū cōiunctio, nisi simul ambo vel in capite, vel in cauda draconis inueniantur. Cum enim Sol perpetuo sub linea eclipticā directe inueniatur, Luna ve- ro nūquā nisi in duobus his punctis, manifestū est, diame- traliter coniunctionē nō posse fieri, nisi ambobus in vno horū punctoruū existētibus: neq; diametralē oppositionē, nisi in his punctis sibi ex opposito cōstituuntur. Dicimus autē diametralem oppositionē, quando sic opponiuntur, quōd eadē diameter intelligatur cōtingere cētrū vtriusq;: ita vt linea protracta à centro Solis directe terminaretur in cētro Lunæ. Similiter & cōiunctionē diametralē dici- mus. Deinde & hoc sciēdū est ex perspectiua, quōd omne corpus opacum obiectū corpori luminoso, facit vmbra. Et quidē si corpus luminosum fuerit maius corpore opa- co obiecto, illuminabit plus quā mediā partē corporis illius cōtra se positam, reliquā vero partem relinquit ob- scuram, & vmbra facit pyramidalem, quæ cōtinuo mi- nor fit, & ad acutiem tendit. Vnde sequitur, quōd terra minor existens sole, ipsi obiecta, pro medietate sua, aur-

*Caput, &
cauda dra-
conis oppo-
sita.*

*Quo modo
Lune sit
eclipsis.*

plus quàm pro medietate illuminatur, secūdū quā respicit aspectū solis: reliqua verò pars obscura manet, & vmbra facit: quæ vmbra semper directè porrigitur. versus nadir siue punctū oppositum ipsius corporis luminosi: atque ita vmbra terræ directè semper protēditur versus nadir Solis. Quibus præmissis dicendū est, quòd cum Sol & Luna sibi inuicem diametraliter modo prædicto opponuntur sub linea ecliptica, ita vt ille sit in capite, hæc in cauda draconis, aut econtrario, ille in cauda, hæc in capite, tunc vera habetur eclipsis Lunæ. Est enim directā interpositio terræ (quæ est corpus opacū) inter Solē & Lunā: propter quod terra interposita impedit, ne ad Lunā possit à Sole venire lumē, ac proinde (cū nō habeat lumē nisi à Sole) necesse est eā lumine deficere, quod est eclipsari. Nā eclipsis nō aliud est quàm destitutio siue defectus. Quòd autem tunc sit directā terræ interpositio inter Solē & Lunā, manifeste patet, quia si protraheretur linea recta à capite draconis vsq; ad caudam, sole existente in capite, & Luna in cauda, linea illa haberet pro terminis duo centra, Solis & Lunæ, & trāsiret per cētrū terræ. Ex quo etiā cōsequitur, quòd Sole existēte in capite draconis, nadir ipsius Solis est in cauda draconis. Atq; ita (iuxta prædicta) necesse est vt vmbra illa quæ fit à Sole, per interpositionē terræ, directè protendatur versus corpus lunare: quoniā semper vmbra (vt diximus) versus nadir corporis luminosi protenditur.

Nunquam fieri eclipsim Lunæ, nisi tempore oppositionis.

C A P. XXXII.

*Quare nō
semper fit in
oppositione
eclipsis.*

EX prædictis fit manifestū, quòd nunquā potest haberi lunæ eclipsis, nisi in tēpore oppositionis, siue plenilunij. Nunquā enim aliàs cōtingit alterū prædictorū planetarū esse in capite, & alterū in cauda draconis: neq; aliàs vnquā cōtingit simul illos inueniri sub ecliptica linea diametraliter oppositos: quod tamē est necessariū, vt fiat Lunæ eclipsis. Nūquā itē cōtingit terrā interponi inter Solē & Lunā (cuius interpositio causat Lunæ eclipsim) nisi cū in his punctis sibi inuicē fuerint opposita. Extra hos enim pūctos quotiescūq; lineā protraxeris, à cētro Solis ad cētrū Lunæ, nūquā linea illa per cētrū terræ inuenietur trāsire: quod argumentū euidēs est, eā diametraliter nō interponi. Item ex prædictis causa manifesta est, quare nō
sem

semper in oppositione Lunę ad Solē habeatur Lunę eclipsis. Oppositio enim singulis sit mensibus, raro autē eclipsis: nimirū quia nō in qualibet oppositione Luna inuenitur sub linea ecliptica, nec in capite, nec in caudā draconis. Nunquā autem eclipsis Lunę fieri potest (vt diximus) nisi quādo Luna simul cum Sole sub ecliptica inuenitur:

Quod aliquando fieri possit eclipsis Luna partialis.

CAP. XXXIII.

Quamuis autem perfecta & totalis Lunę eclipsis nō possit fieri, nisi cū sub linea ecliptica diametraliter opponitur Soli, potest tamē fieri eclipsis imperfecta & partialis, cū prope caput aut caudā draconis fuerit fere diametraliter, quāuis nō omnino diametraliter opposita Soli intra metas siue terminos eclipsis, qui sunt x i gradus ante & post caput, vel caudā draconis secūdū lōgitudinē. Luna enim existēs ita propinqua ad oppositionē diametralē Solis, intra tale spatiū, secūdū partem sui eclipsatur, magis vel minus, iuxta quod vicinior est capiti, vel caudę draconis, aut ab eis distantior. Non tamē plane totaliter eclipsari potest, nisi cū in capite aut cauda fuerit diametraliter Soli opposita. Est tamē aduertēda differētia inter eclipsim Lunę totalē, & vniuersalē siue generalē. Totalis enim eius eclipsis dicitur, quādo penitus, & totaliter secūdū omnes partes priuata est Solis lumine. Generalis autē siue vniuersalis eius eclipsis dicitur, quādo generaliter omnibus apparet luminis defectus. Ex quo cōsequitur, omnē eclipsim Lunę, siue totalē, siue partialē, esse generalē. Luna enim eclipsim patiens vndecunq; videatur, talis apparebit. Corpus enim quod denigratū est, aut maculā habet vel obscuritatē, siue in toto, siue in parte, vndecunq; aspiciatur, talem denigrationē aut obscuritatem habere cernitur. Ita Luna vmbra terrę perfusa & obscurata, vndecunq; videatur, iudicabitur vt priuata Solis lumine, siue secūdū totum, siue secūdū partem. Non ergo cōuertuntur eclipsis Lunę totalis & generalis, cū etiā partialis probata sit esse generalis. Secūdū eā enim partem quā aliquibus lumine priuatur, nemini potest apparere aliter quā luce priuata, nec secūdū eam partem aliunde videtur illuminata: cuius cōtrarium est in eclipsi partiali solis, vt ex sequentibus fiet manifestius.

De eclipsi Solis quando & quomodo fiat. CAP. XXXIII.

*Quomodo
sol eclipsa-
tur.*

Cum vero Luna est in cōiunctione ad Solem, si cōiū-
ctio fiat diametraliter sub linea ecliptica, ita ut cōiū-
gatur Luna Soli in capite vel in cauda draconis, per inter-
positionē Lunæ inter Solē & nostrū aspectū, cōtinget no-
bis solē eclipsari. Cū enim Luna sit corpus opacū & non
transparens, penitus illuminari à Sole non potest, sed il-
luminatur tantum à Sole secūdū suam medietatē, vel ma-
iorem partē (eò quod Sol maior sit Luna) proiciturq; vni-
bra versus aspectū nostrū, & obūbratur nobis claritas So-
lis, sicq; nobis Sol eclipsatur. Quod non est ita intelligen-
dum, quasi Sol verē possit lumine priuari, cuiuscūq; cor-
poris obiectione. Est enim hoc plane impossibile, cū Sol
à seipso, & non ab alio suū habeat lumē. Sed quātū ad no-
strū iudiciū, nostrumq; aspectū, dicitur eclipsari, quia sci-
licet nobis videtur eius lumen deficere, quod nobis pro-
pter interpositionem opaci lunaris corporis nō appareat.
Quomodo autem superius de Luna diximus quod perfe-
cte & totaliter non eclipsatur, nisi cum ipsa sub linea ecli-
ptica opponitur Soli in capite, aut cauda draconis: ita de
Solis eclipsi dicēdū est, quod perfecta fieri non possit, nisi
quādo est diametralis cōiunctio Lunæ & Solis sub eclipti-
ca linea in capite aut cauda draconis, ambobus in capite,
aut ambobus in cauda existētibus, & diametraliter sibi
inuiçē ita oppositis, ut eadē diameter per vtriusq; centrū
trāseat. Potest tamē fieri partialis solis eclipsis, etiā tūc quā-
do Luna est in cōiunctione fere sub linea ecliptica, prope
caput aut caudā draconis, intra metas, vel terminos eclipsis
de quibus prædictū est. Inter eclipsim autē solis totalē, &
partialē hæc differētia est: quod in totali eclipsi, existēte
cōiunctione directe in capite vel in cauda draconis, totum
corpus solis illis obūbratur & obtenebratur, quib⁹ est ecli-
psis, ita ut nihil videant de globo solis. In eclipsi autē par-
tiali, quādo cōiunctio tantū est prope alterū dictorū, pun-
ctorū nō obtenebratur totū corpus solis, sed solū pars
aliqua, vbi cōtingit interponi lunā nostro aspectui. Et cō-
tingit interdū hæc eclipsim ita modicā esse, ut vix perci-
piatur, nisi macula aliqua sub solari corpore. Ex prædictis
patet ratio, quare nō semper in cōiunctione Solis & Lunæ
videamus solē eclipsari, quoniā videlicet non in omni cō-
iun

iunctiōe, Luna in aliquo prædictorum punctorum inuenitur, aut propè intra metas eclipsis, sed frequentius in alia parte zodiaci soli coniungitur, extra punctos prædictos. Manifestum est insuper omnino non posse fieri solis eclipsim, nisi répore coniunctiōis & nouilunij, quem admodum non potest fieri eclipsis Lunæ, nisi tempore oppositiōis, & plenilunij: quoniā videlicet aliàs non coniungit Lunam obiici inter solem & nostrum aspectum.

Multiplex differētia inter eclipsim Solis, & Lunæ. CAP. XXXV.

INter eclipsim autē Solis & Lunæ, non vnica differētia est. Primū enim hoc ex dictis patet, quod eclipsis solis requirit cōiunctiōē in eodē puncto, vel prope idē punctū. Lunæ vero eclipsis, exigit oppositiōē in pūctis oppositis. Prior habet fieri tēpore nouilunij, posterior in tēpore plenilunij. In priori, Luna interponitur inter solē & terram. In posteriori, terra inter Solem & Lunā obiicitur media. In priore, vmbra Lunę terram obscurat, in secūda vmbra terræ corpus Lunæ obfuscatur. In priori, tantum fit luminis ab aspectu nostro subtractio: in posteriori, etiam realis luminis priuatio. Sunt præter has duæ alia notabiles differētia, quarū prior hæc est, quod eclipsis Lunæ (siue totalis sit, siue partialis) semper est generalis in omni terra, eclipsis autē Solis, nūquā est generalis. Priorē partē supra declarauimus. Posterior vero ita probatur, quoniā nō simul omnibus Sol eclipsatur, neq; omnibus simul appareret lumē deficiens, sed dū hi Solē eclipsari percipiūt, illi luce solis fruūtur, & dū ad hos eclipsis peruenit, priores illi lucis fulgorē iā receperūt. Quia enim Sol in eclipsi suū lumē non perdit, sed tātū eius claritas obūbratur, ex interpositione Lunę fieri potest, vt quibusdam obscuretur, quibusdam autē nō. Cū enim Luna sit multo minor tota terra & Sol multo maior luna, nō potest vmbra lunæ totā terrā cooperire: maxime, quia (iuxta prædicta) vmbra terrę secūdū acutiē pyramidalē cōtinuo minuitur, propter quod etiā si terra esset equalis tātū Lunę, adhuc nō posset penitus ab ea obūbrari. Multo minus ergo nūc, vbi secūdū veritatē multo est maior (cōtinens videlicet eā trigesies nonies) poterit ab ea penitus obūbrari. Vnde cōtingit fieri eclipsim in vna regione, nō autē in alia, imò contingere potest vt duorū vicinorum satis propinque cōmo-

Eclipsis Solis nūquam est vniuersa.

rantium vel consistentium, alter habeat eclipsim, alter non, utpote si intra vultus aspectū & Solem sit interposita Luna, nō autē inter alterius aspectū: aut ille sit in vmbra Lunæ, hic autē nou: utpote si illū tāgat pyramidis acuties vmbrae lunaris, non autē hunc aliquantulū distantē ab altero. Nequaquā ergo potest fieri Solis eclipsis generalis in vniuersa terra. Tūc enim totā terrā posset obumbrare luna, quod est impossibile. Totalis autē eclipsis Solis, aliquibus potest fieri. Ad hoc enim non amplius requiritur, quā ut Sol in aliqua parte per directam interpositionē Lunæ penitus subtrahatur illic inhabitantiū aspectui. Tunc enim nobis est totalis Solis eclipsis, quando nostro aspectui totaliter eius lumen subtrahitur, propter directam interpositionem corporis lunaris inter Solem, & nostrum aspectum. Verum interim dum nobis ita totaliter eclipsatur in aliis partibus terræ, nec partialiter videtur eclipsari, eò quòd quantum ad illas partes terræ non sit interpositio Lunæ, sicque generalis esse non poterit. Altera differentia est, quòd eclipsis Solis, incipit à parte occidentali corporis ipsius, eò quod Luna per proprium motum venit ab occidente. Sed eclipsis Lunæ venit primo à parte orientali corporis eius, eò quòd ipsa proprio motu ab occidente veniēs intrat vmbraē terræ, quam primo tangit in parte sui corporis orientali: verum tamen prius partem vmbrae occidentalem iugreditur.

De nouilunio, & plenilunio.

CAP. XXXVI.

OPortune quoque hoc locò, & de nouilunio & plenilunio, & varia lunæ illuminatione dicēdū. Aduertendū proinde est, quòd cū luna ex se lumē nō habeat, sed omne suū lumē recipit à sole, omnis ratio mutationis, & variae illuminationis, per respectus varios ad solē debet considerari. Est enim luna corpus admodū opacū, quod nō potest à solis lumine (quantūvis forti & valido) totaliter penetrari, sed tantū secundū mediā partē, vel amplius, ab eo potest illuminari. Illic autem illuminatur, ubi à sole respicitur. Propter quod non semper in eadē sua parte lumē habere cernitur, eò quòd nou semper secundū eandē partem à sole respicitur, sed nūc de super, nunc ab infra, nūc à latere hoc aut illo. Et secundū hanc illuminationē diuersam, cōtingit omnis in luna mutatio. Quādo enim luna est

Nouilunium.

est cōiūcta soli, ita ut pariter inueniātur sub aliqua parte zodiaci, superior eius medietas, quæ est versus astra, est illuminata: inferior vero medietas versus terram, obscura est, proiicitq; umbrā. Et tūc nouiluniū dicimus. Hebrei vero neomeniā appellabant, id est, nouū mēsem. Distinguebant enim menses per lunæ cursum, ita ut semper à nouilunio mēsem inchoarent, suasq; calendas ipsum diē cōiunctionis habebant. Deinde vero, cum luna suo motu celeriori à sole incipit recedere, incipit simul & lux eius à parte superiori ad inferiorē permutari, incipitq; nobis lux aliqua apparere in nostra medietate. Et quāto luna à sole amplius declinat, tātō magis à parte superiori lumē recedit, & in parte laterali (propter laterale solis aspectum) illuminatur: primū quidē ut cornuta modice, & appellatur bicornis, deinde pleniori lumine, & quarta crescens vocatur: quæ cū plena fuerit, quasi semicirculus apparet, quando est luna septima. Post hanc vero quartā primā incrementi lunaris, continuo ad plenitudinē circuli tēdit, secundum ampliorem à sole declinationem, vsq; dū ad similitudinē pleni circuli venerit (quod fit luna 14.) ita ut sol & luna inueniantur in partibus zodiaci oppositis. Tuncque pars eius inferior versus nos, totaliter illuminatur superiori omnino remanēte priuata lumine, appellaturq; plenilunium, eò quòd nobis tūc plene illuminata videatur, licet secundum veritatem æquē semper sit illuminata. Atque hic finitur medietas mensis lunaris. Post hoc iterum incipit luna soli appropinquare, & per consequens ab inferiori parte lumine priuari, & versus superiorē partē lumine crescere, rursusq; ut cornuta à parte altera, & semicirculi in modū apparet, luna x x 1. donec tandem iterū habeatur ex coniunctione nouiluniū. Sicq; perpetua hac instabilitate luna mouetur, velocissimo suo motu quadruplicem sibi singulis mensibus variās illuminationem.

De eclipsi facta tempore passionis Christi. CAP. XXXVII.

QUæ autē in capitulis præcedentibus de solis eclipsi dicta sunt, opportune nimium cōducere videntur ad cōsiderationē eclipsis solaris, quā in sacris Euāgelis factam legimus media die, pēdente in crucis patibulo solis Lunę, astrorumq; omnium, imo cæli & terræ conditore Christo Iesu domino & deo nostro: quæ tam notabilis & supra

Quid plenilunium.

*Dionysius
Areopagita
eclipsim ad-
uertit in pas-
sione Chri-
sti.*

naturam insolita fuit, vt etiam gentiliū historiis, posterorū memoriā sit prodita: præter quod diuinus ille Dionysius Areopagita, tū in Aegypto apud Heliopolim philosophus, in epistola ad Policarpū se pariter cum Apollophane summo philosopho eādē se conspexisse, & cum admiratione maxima diligenter considerasse testatur. Constat enim ex prædictis, hāc eclipsi nequaquā secundum naturam potuisse fieri, sed supernaturali tantū virtute. Nam tempus passionis Christi minime cōueniebat tēpori solaris eclipsi. Hæc enim (vt ostensum & probatum est) non nisi in cōiunctione solis & lunæ fieri potest. Tempore verò passionis Christi plenilunium erat, & oppositio lunæ ad solē. Quod præter testimonium Dionysij, qui se asserit eum Apollophane in oppositione eā conspexisse, manifeste ex sanctorū Euāgeliorū autoritate monstratur, quæ describunt Christum tēpore Paschalis solēnitatis in sancta Parasceue passum & immolarū. Paschalē autē solennitatem (vt ex legis præcepto habebant) Iudæi plena luna celebrare debebant, luna scilicet quintadecima: quæadmodū legimus Exodi x i r. cap. Non solum igitur tempus non fuit secundum naturam accommodum solari eclipsi, verum etiam maxime incommodum. Nullo enim tempore impossibilius est eam fieri, quā tempore oppositionis. Nunquam enim longius sol & luna absunt à coniunctione, quā oppositionis tempore. Exactius autē cuncta quæ in hac eclipsi cōtigerūt cōsiderantibus, in vno portēto quinq; simul concurrunt cōsiderāda miracula, quæ ad gloriā immolati in cruce agni, particulatim nos minime pigebit explicare. Primū itaq; fuit ex parte tēporis, quoniā (vt iam diximus) secundū naturā erat ad eclipsi generationē minime cōueniens. Secundū erat in cursu Lunæ, quæ naturaliter suo motu proprio ab occidēte in oriētē progreditur. In hac autem eclipsi, visa fuit à Dionysio motu velocissimo reuertens præter naturam ab oriente versus meridiem, vsq; dū stetit sub Sole, vbi per tres horas quieuit, & Solis lumen mortalibus occultauit. Post verò mortuo domino ad proprium locum versus orientem, motu celerrimo, veluti in instanti regressa est. Atque ita quidem hora sexta & nona apparuit sub Sole, vespere autem occidente Sole, in oriente apparuit opposita Soli. Tertium

*Quinq; mi-
racula in
vna eclipsi.*

rium miraculū fuit ex parte, à qua incēpit eclipsis: nā suprà declaratum est, eclipsim solarem debere secundū naturalem ordinē incipere à parte Occidē tali corporis Solis. Illius autem eclipsis fuit initiū à parte Orientali Solis. Nam Luna (vt iam dictū est) retrocessit ab Oriente versus meridiē, sicq; primo Solem tetigit ex parte Orientali.

Quartū fuit miraculum ex parte in qua post peractā eclipsim primum cēpit corpus solare lucidum apparere. In eclipsi enim naturali, pars illa Solis, quæ primū obumbratur interpositione Lunæ, prima incipit apparere lucida post eclipsis medium. In hac autē eclipsi, ordine cōtrario (quod mirabile est) pars illa quæ primo obscurata fuit, & quam primū subintrauit corpus Lunæ, postremo apparuit suo lumini restituta. Vltima verò pars Solis, & quā nouissime Luna intrauit (pars videlicet Occidē talis) primum detēcta apparuit, & ab obscuracione libera. Non enim pertrāsīuit Luna Solem, vti solet in naturali eclipsi, sed sub eo stetit triū horarū spatio, ac deinde nō pertranscundo Solē reliquit, sed rursus ad locū vnde venerat (id est, ad Orientē) redeundo. Quintū fuit miraculū, ex mora & duratione eclipsis. Nam eclipsis Solis secūdū naturā diu durare nō potest, sed ocysissime, & celerrime absoluitur propter nimiam solaris corporis ad corpus lunare superexcessum secūdū quātitatē, & velocissimū Lunę motū. Propter quas duas causas cōcurrētes, nō diu potest corpus sculum tāto minus, corpus tāto maius nostro subtrahere aspectui. Siquidē (propter motū velocissimū) Luna non diu potest nostro aspectui occultare Solem, corpus tantæ molis, quin aliqua ex parte mox emicare, & effulgere incipiat nostro aspectui. Quemadmodū videmus ad oculum, nonnunquā magni corporis molem nostro aspectui abscondi per minimi corporis interpositionē: quod tamē si vel trāsuersum vnguē aut latū culmum loco moueatur, mox sub aspectū nostrū sese offeret quod ante fuerat occultū. Vt cū (exempli gratia) ante oculos manū tantū tenētes, ita prohibemus ne cōspiciamus globum Solis, qui mox se ingeret nostro aspectui, si vel minimū eam mouerimus. At verò eclipsis ista (de qua loquimur) tā admirabilis & horrēda, nō modici temporis fuit, neq; ad momentum transiens, sed perpetuo trium horarū spatio, ab hora
sexta

sexta (vt Euangelista ait) vsque ad horam nonam. Cuncta vero hæc miracula beatus pater Dionysius Areopagita, in supradicta epistola, paucis verbis particulariter videtur attingere, quemadmodum ex ipsius epistolæ verbis Astronomicæ rei perito facile fieri potest manifestum.

Quod eclipsis ista tempore passionis fuerit vniuersalis.

C A P. XXXVIII.

SVper hæc verò omnia, forsitan & aliud miraculū sex-
tum adiiciendū erit, secundū naturā, multo etiā magis
quā præcedētia impossibile. Videtur enim eclipsis ista
de qua loquimur, fuisse penitus vniuersalis in vniuerso
orbe. De quo tamē cōtrariæ extāt sententiæ. Nam aiunt
quidā, tantū in Iudæa fuisse hanc eclipsim: & quod Euan-
gelistæ dicunt tenebras factas super vniuersam terrā, li-
mitate intelligunt de terra Iudææ. Atq; hi nihil opus ha-
bēt aliud superaddere miraculum. Altera verò probabi-
lior, & scripturæ, rationi, atq; historicæ fidei magis conso-
na opinio est, quæ vniuersalē dicit fuisse hanc eclipsim, su-
per vniuersum orbem. Est enim hoc magis scripturæ cō-
sonū, quæ simpliciter dicit super vniuersam terrā factas
esse tenebras. Deinde & rationi magis cōsentaneum est,
postquā ad glorificationem pendentis in cruce, mundi
cōditoris eclipsim fieri voluisset gubernator naturæ, vt
miraculum istud palā omnibus in toto mūdo exhiberet:
quandoquidē ad omniū salutē, agnus ille in Iudæa immo-
labatur. Et decebat apud omnes, lapidē hūc reprobatum
cœlitus clarificari: ita vt esset etiā exteris nationibus in
testimoniū abominādi facinoris, tam insolita conspecta
eclipsis. Quod etiā rei docuit euētus. Nō enim solus ille
in Iudæa Centurio, visis iis quæ facta fuerant, dixit: Vere
filius Dei erat iste. Verum etiā apud Heliopolin in Aegy-
pto Dionysiū audiuius cōspecta re admiranda, memo-
rabili verbo exclamasse corā sodalibus, Aut Deus natu-
ræ patitur, aut mūdi machina dissoluitur. Et ex hoc signo
apud Athenas (quod in Actis Apostolicis legitur) ignoto
Deo fertur aram fuisse inscriptā. Præterea, miraculū il-
lud de retrocessione vmbre solaris in testimonium sana-
tionis Ezechix regis, nō in sola Iudæa exhibitū neq; per-
ceptū fuit, verū etiā in exteris nationibus. Vnde & regi
Babyloniorū legimus misisse ad eū literas, & nuncios, vt
inqui

Psal. 117.

Matth. 27.

*Dionysii me-
morabile di-
ctum.*

Actuum 17

inquirerēt de portēto, quod acciderat super terrā: quem admodum in libris Paralip. legimus. Quanto magis ergo *Paral. 32.* signū istud, quod ad clarificationem Saluatoris mūdi fiebat, nō in Iudæa tantū, sed & in exteris regionibus decuit vniuersale fieri? Monstrat hoc ipsum fides historix, quoniā (vt Eusebius Cæsariēsis refert) Phlegon egregius Olympiadū supputator, lib. x i i. de hac eclipsi ita testatur: Olympiade c c i i. magna & excellens inter omnes quæ antè acciderāt defectio Solis facta est, & dies hora sexta ita in tenebrosam noctē versus, vt stellæ in cælo visæ sint, terræq; motus in Bithynia Nicenæ vrbs multas ædes subuerterit. Ex cuius verbis manifestè patet, nec terræmotū peculiare fuisse Iudææ, nec Solis deliquium. Id quod ex cōspectiōe stellarū probatur. Nō enim efficere posset eclipsi Solis particularis, vt vllæ stellæ in cælo cōspiciantur, cū lumen Solis non tollatur, vnde prohibetur stellarū aspectus. Maius enim lumen obfuscatur minus. Vnde licet nobis abscondatur globus Solis, non ob hoc lūmē eius aufertur, quo obfuscatur stellæ, vt videri nō possint. Apparet ergo nō solū fuisse particularem illam eclipsim.

Quod si roges, quomodo fieri possit vt fuerit vniuersalis cū Luna (vt suprā dictū est) nō possit sua interpositione totū corpus Solis occultare ab aspectu nostro? hoc videlicet est quod dicimus nouū miraculū esse, vniuersalitatem istius eclipsi, vt facta intelligatur nō solū per interpositionē Lunæ inter Solē & terrā, sed simul & per radiorū solariū retractionē. Diuina siquidē virtute factū creditur, vt Sol quasi exhorrescēs impiissimū scel⁹, quod super terrā tunc gerebatur, suū lumen à terra cōtinuerit (quod nunquā fecisse legitur ab initio seculi) indignū ducēs suo lumine terrā lātificare, quādo suū creatore conspiciebat tā atroci & ignominioso mortis genere ab impiis cruciari. Itaq; quēadmodū Lunę eclipsi vniuersalis intelligitur per realem totius luminis subtractionē, sic & istā imaginamur factā, per reale luminis à toto orbe subtractionē, quod nunquā secundū naturā in eclipsi Solis potest cōtingere. Et ne cui nouum hoc cōmentū videatur inuenimus plane huius sententię fuisse beatū Hieronymum. Deniq; quod Dionysius & alij cum eo Philosophi in Heliopoli ad cōtēplationē huius eclipsi animū intēderunt, non est

veri

Questio.

Solutio.

verisimile factū esse, nisi quod etiā ipsi experirētur tenebras. Cū enim nullo modo secundū cursum naturæ tēpus esset eclipsis, nullā habebant causam neq; occasionem ad rem istā aduertēdi animū, nisi quod easdē quas in Iudæa patiebantur tenebras sceleris perpetratores, sentirēt etiā ipsi, vt fierent rei incognitæ admiratores. Vnde verisimile est propter subitas, & inopinatas tenebras quas sentiebāt, mox incēpisse illos applicare animū ad huius rei cōsiderationē, quēadmodū ab initio (vt Philosophus testatur) ex admirari cōptū est philosophari. Apparet ergo nō in sola Iudæa fuisse hāc eclipsim particularē, sed penitus in omni terra vniuersalē: quemadmodū terræ motus non solum particularis fuit in Iudæa, sed etiā in aliis nationibus, vt retulimus ex descriptione digni fide etiā gētilis historici. Quæ vniuersalis eclipsis cū fieri non potuerit per solā Lunæ interpositionem, consequitur debuisse Solem suos cōtinere radios, vt cōcordi testimonio & vna cōpassione terra mota, dirupteq; petræ in inferioribus, & luminaria obscurata superne, lugerent simul & clarificarent reprobātū lapidem, appensum in cruce Christū Dominū.

Solutio cuiusdā obiectionis, ex libri cōclusio. CAP. XXXIX.

Obiectio.

Verum contra hanc nostrā sententiā obiiciat forsitan aliquis, Quonā modo hæc constāt, vt Solē dicamus continuasse lumen, stellas tamen in cælo potuisse videri? Siquidē (vt iam antè dictū est) à Sole cætera astra lumen accipiunt. Si ergo (quemadmodū refert Phlegon) stellæ in cælo videri poterant, certe & Solē oportuit luce non esse priuatū. Alioqui & stellas suū lumen perdidisse. ablatā nāq; causā, auferri oportet etiā effectum. Huic obiectioni respōdebimus, dicētes. Solē quidem non secundum substantiam priuatū fuisse lumine, quod illi secundū suam substantiā indeficiēs dedit altissimus, sed tantū suū lumē cōtinuisse, & suos radios retraxisse, vt super terrā eos nō effunderet, nec aērē solito lumine illustraret. In terra enim scelus erat quod exhorrescebat, & cuius indignitatē volebat demonstrare. In superioribus autē nō erat cur lumē cōtineret. Proinde quod in priori capite eclipsim istā similē fecimus eclipsi lunari, nō ita intelligendū est, quasi sic sentiamus in eclipsi ista lumē vere defecisse Soli, & omnino nō fuisse lucē in substantia Solis, quomodo in sua

Solutio.

eclipsi

eclipsi corpus Lunæ realiter priuatur lumine: sed tātum in hoc constat similitudo, quod sicut Luna in sua eclipsi nullū lumē ad inferiora mittit, sic neq; Sol tūc temporis radios vllōs aut vllū lumē super terrā proiciebat. Stat ergo Solem cōtinuissē suos radios, ne inferius lucerēt super terrā: stellas tamen in cœlestibus solito lumine fuisse illu stratas. Si rursum obiicias, Quorsum Lunæ interpositiōe op^o fuit, si Solis radij erāt cohibēdi? aut quid operabatur illa Lunæ sub solari corpore suppositio, si cōtinuerit Sol radios luminis sui? æquē enim nihil lucis super terrā fuisset effusum posteaquā iussus est Sol suos cōtinere radios, etiā si Luna nō fuisset Soli supposita. Videtur ergo ista Lunæ interpositio prorsus fuisse superuacanea. Dicimus Lunā quidē vt creatorem glorificaret, & sceleris horrorem mundo declararet, suo creatori cōpatientem Dei iussu (à quo indubie mouebat) præstitisse quod potuit, eāq; hac in re suū voluisse præstare creatori obsequiū, quoad posset Solē occultādo vt radios illius cohiberet, & morientis in cruce gloriā mundo patefaceret. Et verisimile est Lunā se directe Soli supposuisse ex ea parte, quæ respiciebat sceleris hui⁹ nefandissimi locū, id est inter Iudæā & Solē fuisset interpositā. Quod autē secundū naturā Luna sua interpositione nō potuit, id credimus diuina virtute p solariū radorū retractiōē adimplerū. Quidā verò etiā densissimarū nubiū ponunt cōcursum. Sed quæ prius dicta sunt, vidētur magis probabilia. Nā si per nubes totū negotiū gestū fuisset, minus potuissent stellæ cōspici, quæ facilius obumbrantur nubibus quā corpus solare. Itē non potuissent ita limpide in Aegypto per Dionysium prædicta considerari, si nubiū talis interiectio perfecisset negotiū. Sed nos iam à supremo cœlorū, in id quod fuit aliquando terræ infimū delapsi, nempe in illū qui suo ipsius testimonio vermis fuit, & nō homo, opprobriū hominū, & plebis abiectio, virorū nouissimus, vir dolorū & sciens infirmitates, cuius aspectus tanquā leprosi fuit, & nō erat ei species neq; decor, cuius p humilitate iudiciū sublatū est, lapidis reprobatus, agn⁹ occisus, hircus p peccato, caper emissarius in crucē adactus, tādē fessum calamū in eo reponamus. Sigdē bonū est nos hic figere pedē, bonū est calami cursū sistere, atq; in huius passiōibus cōqescere. Fascicul⁹ enim

*Obiectio.**Solutio.**Psal. 21.**Esaiæ 33**Psal. 117.*

Cantic. 1. enim mirrhæ dilectus noster nobis, & sp̄sus sanguinum ipse est nobis: qui dū inter vbera cōmoratur, miras præbet cordis veras, solâsq; puras delitias. Et licet multa admodum iam diximus, in quibus altissima clarescit patris omnipotētia, & magnificētissima refulget eius gloria, veluti de cœlestiū orbiū incomprehensibili & inæstimabili magnitudine, de Astrorum innumerabili multitudine, de cursus primi mobilis incogitabili celeritate, de ordinatissimis singulorū planetarū motibus, de Solis gloria, de claritate luminarium, de mirabili ordine plenilunij, nouilunij, ac aliis huiusmodi cōpluribus, quæ nostrū animū ad canēda in alacritate spiritus gaudiosa cantica merito valeāt prouocare: præeligimus tamē ad libri huius cōclusionē, in hoc terræ infimo reprobato lapide conquiescere, & super doloribus ac humilitate eius vocē fletus assumere. Vicit enim admiratio humilitatis eius omniū cōditorum supernorū gloriā. Siquidē in humilitate iudiciū eius sublatū testatur Propheta. Nos proinde eiulationis vocem eleuantes, lamentationē canamus pendēti in cruce agno, qui tulit peccata mūdi, cuius est nihilominus cū patre & spiritu sancto æterna gloria in secula seculorum. Amen.

Esaia 53.

FINIT LIBER SEPTIMVS.

LAMENTATIO MORIENTIS IN CRUCE agni, propter ouem perditā appensi: quē in terris reprobatum, supernē clarificārūt egregia duo luminaria, diei & noctis Domini.

Quis dabit capiti meo aquam: & planctum condignum super vnigenitum?

Vtinam lacrymis inebrientur oculi mei, & fontes mihi exurgant aquarum calidarum in medio capitis mei.

Vtinam in absinthium vertatur mihi cor meum: & digna amaritudine amaricetur in medio ventris mei.

Peccatum peccauit Hierusalem: & contaminata est vniuersa terra preuocatione.

Virum iustum à Deo donatum, signis glorificatum plurimis, interemerunt, virum optimum, & mansuetissimum præceptorem.

Non sustinuerunt impij in mansuetudine arguentem, tollere animam eius conciliati sunt.

Oblatus est, quia voluit, & non aperuit os suum: sicut ovis ad occisionem ductus est, & non aperuit os suum.

Propter

Propter scelus populi percussus est & pro humilitate iudiciū eius sublatum est.

Non est agnitus vultus eius: donec in patibulo appensus est.

Ibi clarificata est maiestas eius in cunctis populis, tunc & exteri coluerunt ignotum Deum, quem domestici repulerant oblatum.

Morte turpissima à filiis populi sui condemnatus est: & cum iniquis innocens agnus depulatus est.

Ah, quomodo obscuratum est aurum, mutatus est color optimus?

Quomodo abscondita fuit agnus Dei, fortitudo tua cum essent cornua & spicula in manibus tuis?

Propterea sedeo mœrens & gemens: suspirabo & gemam ut columba, sicut passer solitarius in tecto vociferabor.

Ipse rex meus & Deus meus: princeps meus, notus meus, amicus & creator meus.

Renuam consolari, & afflicti affligar: sicut mater lugens super unigenito vteri sui.

Sol cognouit, non cognouit homo: Luna in plenitudine sua vidit exaltatum.

Cæli obstupuerunt, illudente Iudeo: & omnis ordo cælestium turbatus est.

Sol retraxit lumen suum, & continuit super iniquitate, quam vidit in terra, radios suos.

Luna respuens plenitudinem suam, subito se gyrans per meridiem, soli se supposuit.

Nuditatem appensi operuerunt tenebris suis densissimis: denudauerat enim Iudeus ad confusionem patrem suum.

Maledictus puer Cham, & maledicta hæc posteritas eius: erunt serui cunctarum nationum, & dispergentur in omnes populos.

Petra scisse sunt, terra mota est: fundamenta mōi sū cōturbata sunt.

Inanimes creatura (quibus non est intellectus neque ratio) cognouerunt creatorem suum: & multa potentia gloriose clarificatus est in eis.

In terris visus nō est agnitus, populus peculiaris repulit creatorem suum: in crucem subleuatus est, & claruit maiestas.

Qui gloriantur se habere scientiam Dei, & pollicentur cæcis ducatum, quasi talpe non agnoscunt Solem; inanimes creatura (cui non est cor neque ratio) agnoscit etiam nube obtectum.

Reuertere Luna in locū tuum, reuertere: quoniam expirauit Deus, consummata clamans omnia.

Restituatur nobis lumen tuum, dominator Sol: ut videamus ad sepeliendum mortuum.

Ita pater, ita Deus, ita dominator dominus: quoniam sic placitum fuit ante te.

Sic sic Christum pati oportuit: & in ligno iterum clarificari.

Propter nos vniuersa ista per te scimus esse completa: omnia propter electos tuos.

Ita pater, voluisti exaltari in ligno dulcem filium tuum, ut exaltatus ad secunda attraheret.

Ut cognoscant quoniam ipse est quem misisti in mundum: gloriosis prodigijs illum voluisti glorificare in nationibus.

Operiat nos Iesu bone ignominia tua: & impleatur cor nostrum ab ea.

Educ de oculis nostris lacrymas per diem: & nocte non cessent oculi nostri.

Non contineat se super te os meum, & labia nostra confitebuntur nomini tuo in seculum.

Dicant nunc quæ longè sunt nationes: quoniam regnavit à ligno Deus sempiternus.

Hierusalem Hierusalem conuertere ad dominum Deum tuum.

FINIT LAMENTATIO.

IN LIBRVM VIII.

CONSIDERATIONIS PHYSICÆ de anima in genere, de quæ potentiis vegetatiuis specialiter: Item & de longitudine atque breuitate vitæ præfatio.



Q UONIAM quæ fecit altissimus, exquisita iuxta omnes voluntates eius summa utique confessione sunt admiranda. At verò præ omnibus hominis origo amplius est spectanda. Quippe magnū miraculum sunt singula hominis membra, singule vires, singula organa, singule operationes. Signa querunt homines de super, & prodigia stupidi spectant. Miraculorum omnes cupidi sumus; cum sint hæc omnia intra nos verissima, spectatuque dignissima miracula. Quæ vere non sunt miranda, miramur attoniti: vera miracula non est qui admiretur. Ecce enim ipsum caput suum quod supra humeros collo iunxit Deus naturæ, quisquis apprehenderit, magnū ille & multo maximū miraculū tenet: quippe in quo tam mira sunt opificia suis quæque
offi

officinis distincta, sub vnus cranei osseo tegmine, vt hui⁹ miraculi nemo sufficiat, nec phytic⁹, nec medic⁹ indagare celsitudinē, aut digne etiā admirari. Quāobré nō frustra *Nota.* Græcorū sapiētes solenni præscripserūt apophthegmate, Gnothi seautō: quod Latinis sonat. Nosce teipsum. Intra nos enim habentes mirabilissima, qualia nō sunt in cælo sursum, neq; in terra deorsum, nihil opus habemus foris quæ admiremur, aut in quib⁹ oblectemur expetere. Neq; maria nobis in hoc sunt enauigāda, vt quæ mira prædicātur cernamus: cū mirabilia multo quā vsquā locorū inueniri possint, ipsi semper circūferamus. Atq; id quidē verū est, & indubitātū, etiā si ea tātū quæ corporis sunt cōsideremus. Quod si ad interiora animæ fuerimus introgressi, quasi in secretiora penetralia, rē prorsus diuinā cōperiemus, in creato corpore. Hac de causa non erit cōpletū nostrū desideriū, donec & hæc Dei magnalia maxima quæ nobis ab anima (siue in seipsa, siue in corporeis organis) insunt, balbutientes, rudi saltem traditione pandamus.

Quid sit anima secundum veritatem. CAP. I.

Sic est humana generatio misera, vt quæ sibi intima sunt, nō nisi obscurissime cognoscat. *Hec definitio cū sua declaratione apud Arist.* Quo fit vt animæ cognitio sit nobis eo difficilior, quo ipsa est intimior. Vnde & veteres philosophi diuersissimas de anima sentēcias, pro sua quisq; secta, reliquere. *ponitur. 1. c. 2. li. de ani.* Qui tamen omnes in hoc conueniunt, quod ipsam ponunt principiū earū operationum, quas de foris in animatis rebus conspiciamus. Ceterum, sigillatim singulas eorū sententias expendere, nō est nostri propositi. Satis habemus, animæ quidditatem simplici veritate describere, eiūsq; vires & officia delineare. Quorsum enim attinebit, sopitos & diu iā extinctos errores, resuscitados in lucem reuocare? Animam autem definit Aristoteles hunc in modum,

Anima est primus actus, perfectioq; corporis naturalis, potentia vitam habentis, & talis plane, vt eius partes sint instrumenta.

Hoc est, anima est forma substantialis, ipsam materiam seu totū cōpositū actu perficiens cui inest, quæ potēs est suū actū seu operationē vitālē exercere in corpore physico, variis organis, & partibus ad hoc distincta. Anima hic

capitur pro omni anima, siue vegetatiua, siue sensibili, irrationali, siue rationali. cū autem actū primū dicimus, omnes habitus species, potentias, aut accidētarias dispositiones abiicimus: quæ animę vt sint instrumēta, certe nūquā anima sunt dicēda. Et quāquā actus quidā dici possint (nimirū formæ accidentales) nō sunt tamē actus primi & substantiales, sed actus tantū secūdi & accidētales. Actus enim secūdi sunt, quia à formā substantiali producuntur, & tantū sunt animæ instrumēta, quibus scilicet tanquam instrumētis in suis operationibus, vtitur anima: quēadmodū potentia visua vtitur anima vt instrumēto ad efficiendā visionē: sicut forma substantialis ignis vtitur calore vt instrumento ad quippiā calefaciendū. Sed anima actus prior est, à qua nimirū omnia ista procedūt. Quoniā vero nullius artificialis operis anima est, idcirco corporis physici actus ponitur, hoc est, forma rei naturalis. Actum enim formam dicimus, & physicū idē quod naturale. Nō autē cuiuslibet corporis physici forma est anima, sed talis cuius partes sint instrumenta, vel organa, quod omnino idē est, hoc est organis diuersis adornatū atq; distinctū, ad diuersas vitæ operatiōes exercēdas. In homine enim oculus, auris, manus, os, vēter, cor & cētera omnia sunt organa diuersa diuersimode disposita, ad diuersas vitæ operationes. Et quæ pauciores inter viuētia habēt operatiōes, vt plantæ, cōspiciuntur etiā pauciora habere organa, radices, medullas, neruulos, atque huiusmodi pauca. Quę verò omnino nō viuūt (vt elemēta, vel etiā inanimata mixta atq; metalla) nō habēt eiusmodi organa, quōd nullas habeāt vitæ peculiare operatiōes. Et ne credatur cadauer etiā animā habere, & ne forma cadaueris anima putetur, dicitur anima esse actus eius corporis organici, quod vitā habeat in potētia, hoc est, quod per hæc ipsa organa possit vitę officia exercere. At in cadauere, non est ultra oculus vel auris in potētia, vt audiat, vel videat, nihilo certe amplius, quā trūci aut elemēti cuiuspiā partes, Quare & cadaueris forma, per putrefactionē statim hæc omnia vt sibi inutilia dissipat, vt paulò post animę abscēssum, cadaueris forma, digitos & nares & oculos & vniuersa prius varie disposita organa, equet in puluere & cinere. Repetit Arist, animæ definitionē fere iisdē verbis. Hisce videlicet,

Ani

Anima est perfectio prima, primusq; actus corporis naturalis, cuius partes sunt instrumenta.

Quæ sic quoque redditur,

Anima est actus corporis physici organici, vitam habentis in potentia.

Nec minus congrue & ab officiis definiri potest anima, hoc modo, Anima est principium quo viuimus, sentimus, atque mouemur.

Diuisio anima, & quæstionis cuiuslibet determinatio. CAP. II.

Diuiditur aut anima in vegetantē, sensitiuā, & rationalē, iuxta tria præcipua animæ officia.

*Arist. 3. c. 2.
li. de anima.*

Prima est in omnibus viuētibus: secūda, in sentientibus: tertia, in omnibus hominibus. In plātis est sola vegetans: quoniā hæ nec sentiūt, nec ratiocinātur. In brutis, est anima & vegetās & sensitua. In hominibus, est anima & vegetatiua & sensitua, & insuper rationalis: etiam in illis qui debitū ratiocinatiōis actū, ob indispositionē viriū interiorū atq; organorū habere nō possunt. Verū ex his videtur oriri quæstio, debeāntne in homine poni tres animæ locali situ in diuersis seiūctæ partibus, an magis cōiūctæ, Rursumq; si cōiūctæ loco, an re plures ponendæ sint hæ animæ, an ratione tantū differētes, vt vna anima hæc tria sortiatur officia atq; nomina. Sic itē de duabus animabus in brutis quæstio formari poterit. Sane hæc ambiguitas solet scholasticis exercitationibus, magnū campū præbere, & sunt hac de re cōtraria sentiētes Philosophorum sectæ. Nos vero nostri instituti memores, propolitā breuitatē tenere cupiētes, hoc tantū (quod videtur verisimilius) citra præiudiciū eorū quibus cōtraria magis placet sententia, asserimus, In bruto quolibet secūdū rē vnicā inesse animā, quæ à sentiēdi officio, sensitua: à vegetādi officio, vegetatiua nominatur, diuersis vtiq; (sicut per se claret) ratiōibus, & hæc aīam vegetatē pariter atq; sentiētē, per totū q̃ informat corpus esse dilatātā, quanquā operationū quarundā certas, & determinatas habeat sedes vel officinas, in quibus ipsæ aut solū aut excellētius perficiātur, quā in ceteris partibus. Sic & de hoīs aīa sentiēdū, eā videlicet vnicā esse in oībus corporis partibus, eandē & vegetatiuā

*Quæstio
an vna an
plures in ho
mine sint
anima.*

Solutio.

*Arist. 3. ca.
2. lib. de ani-
ma.*

& sensitiuā & rationalē, à qua corpori sit, vt vegetetur, & sentiat, quæq; homini ratiocinandi prætē donet. Includit autē rationale sensitiuū, & vegetatiuū, sicut tetragonus includit trigonū, id est, quadrangulare triangulū, & sicut perfectū includit imperfectū absq; vlla cōpositiōe. Quod ita debet intelligi, quia in quocunq; inuenitur potentia ratiocinādi, in eodē sunt anima vegetatiua, & sensitiua, at nō ecōtrario: & in quocunq; est sensus, est etiā potentia vegetatiua, at nō ecōtrario. In plantis enim est vltā vegetatiua, non autem sensus vel ratio, quemadmodū in quadrangulāri includitur triangulare, sed nō ecōtrario. Nō enim vbi tres anguli sunt, statim adsunt quatuor. Vnus enim deest, & vno superatur triangulus à quadrangulo.

Quod sit potentiarum anima subiectum, & an possint ab anima separari. CAP. III.

*De subiecto
potentiarū
anima.*

Rursum & illud de potētīs animæ quæri solet, an sint in anima, an in cōiuncto, id est corpore & anima pariter iunctis. Itēmq; si vllæ potētīæ possint ab anima separari, vt absq; eis perdurare possit anima. Quibus erit breuiter satisfaciendū: dicēdo, quasdā vires animæ in anima sola esse, eas nimirum ad quarū exercēda officia corporis organū determinatū nō habet; vt sunt volūtas & intellectus, quarū potētīarū operationes exercet anima, nō per vllū corporis organū determinatū, etiā si corporeorū organorū iuuetur adminiculo. Quasdā vero esse in cōiuncto, id est corpore & anima, seu in ipso cōposito: eas nimirū, in quarū exercitiis anima eget organo determinato: vt sunt potētia visiva in oculo, memoratiua corporalis, & imaginatiua in cerebro, & ita de cæteris. Inter has igitur vires illæ quæ perficiūt suas operatiōes nō per organū corporeū, nō possunt vnquā ab anima separari, nec sine eis esse anima aut permanere pōt. Quæ vero sunt in aliqua parte corporis, & quæ vt perficiāt suas actiōes, egēt organis corporeis, hæ animā nō cōsequūtur emigrantē è corpore: & potest utiq; rationalis anima absq; huiusmodi subsistere.

Vnde anima à corpore separata nō habet potētiā vegetandi, neque sentiendi: quanquā ad huiusmodi actiōes possibilitatē habet. Non enim idem existimanda est possibilitas sentiendi, & sentiendi vis naturalis, siue naturalis potētia. Omnino tamen in ipsa anima, potētiæ istæ

rad

radicaliter manent: ita vt si iterum in corpus mitteretur ad informādum, rursus in organis determinatis eas efficieret: quia tamē à corpore separata est, nō actu & formaliter in se habet, nisi eas potentias quę immateriales sunt.

Quod sola rationalis anima manere potest à corpore separata & quod sola non educitur de potētia materia. CAP. IIII.

Consequitur insuper ex iisque prædicta sunt, cū anima vegetatiua, & sensitiua in plantis & brutis, nullā habeat vim neq; potētia naturalē, quæ nō sit colligata corpori, nō posse eas extra materiā, & corpus separatim permanere, sed necessariō interire simul vt à corpore expelli eas cōtigerit. Anima verō rationalis, quoniā aliqua parte supereminet corpori, & vires aliquas operationesq; naturales habet, quę à materia nō pēdeāt: idcirco (quatenus rationalis est corpori nō penitus immersa, sed aliqua ex parte corpus excedens, & modo quodam per se subsistēs) potest separatim subsistere. Nec mori ipsam necesse est, cū à corpore migrat. Ea verō parte qua sensitiua est, & vegetās, non esset separabilis à corpore. Atq; hinc est, quod solet dici animas sensitiuā, & vegetatiuā educi de potētia materię, nō autē creari. Latēt enim in materia (ex qua viuens cōcipitur) rationes seminales eiusmodi formarū, sicut & ceterorū quæ animata nō sunt, ita vt hæ animæ (sicut & omnes formę corporeæ) extrahātur de materia, quę est in possibilitate ad omnē formā, per actionē agentis creati. Anima autē rationalis quia præ nobilitate viriū à deo sibi datarū secundū quas imaginē dei in se gerit, superexcedit corporis grossitiē atq; ignobilitatē, ideo de materia virtute naturalis actionis elici non potest. Nequē latent in materia generationis sed creātur à deo sigillatim rationales animæ omnes, sicut sigillatim infunduntur in sua quęquē corpora testante Psalmista quoniā Deus finxit sigillatim corda filiorum hominū. In hoc tamen conueniunt omnes vires, tā animæ secundū se, quā totius coniuncti, quod fluant omnes ab essentia animæ: sicut à forma substantia li procedunt, & conseruātur accidentia rei, quæ in materia seruantur. Propter quod in anima separata licet realiter non insint potentiæ illæ corporales, quæ in exercitio suarum actionum indigent organo corporeo, secundum radicem tamen in ipsa adhuc latent, & propter solum

Anima rationalis nobilitas.

Psal. 23.

defectū subiecti, in quo reciperebantur, deficiunt, non propter animæ impotentiā, aut naturæ eius permutationem.

De diuersis in anima potentijs.

C A P. V.

Quanquā autē superius animam secundū tres tātū potentias diuīsimus, in vegetatiuā, sensitiuā, & rationalem, vel intellectiuā, sunt tamē potētię primo cōueniētes animæ quinq; numero, videlicet vegetatiua, sensitiua, appetitiua, motiua, & intellectiua. Quare autē animā trimē bri tātū diuisione dissecuimus, ratio est: quia duæ illæ potētię, appetitiua & motiua, nō inueniūtur separatim absq; aliis. In quocūq; enim est vir sentiēdi in eodē est & vis appetēdi & secundū locū se mouēdi, atq; ecōtrario: neq; in vīlo viuētū hęc separata inueniri possunt, propter quod ex neutra potētiarū illarū sumpta est, animę diuīsiō. Sic neq; volūtas (quę tamen ab intellectu distincta potētia est) speciale aliquod mēbrū facit in diuisione animę, quoniā non inuenitur in vīlo viuētū ab intellectu separata. In quocūque enim est intellectus, etiā & volūtas, & ecōtrario. Vnde sub intellectiūo cōprehēditur volitiūū, sicut sub sensitiūo appetitiūū, & motiūū secundū locum. Generaliter autē distinguūtur in anima diuersę vires atq; potētię, secundū operationū differētiā. Quotquot enim in homine sunt ab inuicē differētes operationes, quę ad vnū nō spectāt organū, tot sunt potētię ab inuicē diuersę. Vnicuiq; enim operationi correspōdet in anima vis aliqua naturalis ad talē operationē efficiendā. Et quidē si operatio corporalis sit in organo aliquo corporali, aut in vīlla parte corporis singulariter apparēs: ipsa etiā potētia corporalis videbitur, & ab anima quidē radicaliter effluēs, illi tamē organo peculiariter insidens. Quēadmodū (exempli gratia) homini operatio quādā in oculo adesse cognoscitur, per quā colores percipit, & rescoloratas, gratia coloris, dinoscit. Vnde cōsequitur esse in oculo vim quādā atq; potētiā talis operationis effectiuā, quę dicitur virtus visīua. In lingua vero operationē aduertimus, qua saporū percipimus differētiās, quod in nullo aliorū mēbrorum percipimus.

Vnde oportet huic operationi, vim quandā ipsius effectiuā respōdere, quę dicitur virtus gustandi. Cū vero operatio ipsa per totū corpus, & singulas partes similiter extēdi videtur, oportet & ipsam vim ita per totū corpus expādi.

Vnde potētiarū diuersitas colligatur.

di. Vnde quia actus cāgēdi singulis mēbris cōpetit, neces-
sario & ipse tactus per corpus totū expanditur, ac singula
occupat mēbra. Itē de nutritione dicendū & potētia nu-
tritua. Ex hoc verò intellige, quā variis sit anima potē-
tiis atq; naturalibus virtutibus adornata: vtpote à qua
tam multæ, tām variæ, tam nobiles tām eximie procedere cō-
spiciuntur operationes, vt eis cōtēplandis vix homo suffi-
ciat, vt ne dicā enumerandis aut plene comprāhendēdis.

*Partim esse à perfectione, partim ab imperfectione, quod homo
tam varias habeat potentias.* CAP. VI.

QUOD verò tam varias vires habeat homo secundū na-
turaliū operationū multipliciū diuersitatē, partim
quidem ab imperfectione est, quoniā omnis discessus ab
vno, & simplicitate, ex imperfecto est: partim verò perfe-
ctionis est indicium, quòd per multas has vires ad multas
ac varias operationes aptus conspiciatur homo, atq; na-
turali efficacia idoneus. Vnde est considerandum quas-
dam res esse quæ paucissimas habeant operationes, quæ
proinde multas potentias non habent. Aliæ sunt quæ mul-
tæ sunt perfectionis, sed hanc nō nisi per multa obtinent
potentias, & varie separatas, vt patet in hominis visu, au-
ditu, phantasia, memoria, intellectu, affectu, vi generati-
ua, digestiua, ac cæteris. Sunt præter has res aliæ sim-
pliciores, quæ magis ad vnum, & summum bonum acce-
dentes, multam nimis perfectionem paucissimis attingūt
potētiis. Hi sunt spiritus illi cœlestes, qui intellectu, & af-
fectu nullo vtentes sensu, nullisq; corporeis organis, mul-
to possunt ampliora quā genus humanum possit vni-
uersum. Super omnia est Deus seculorum, qui summā per-
fectionem simplicissima habet potētia atq; vnica virtu-
te, quæ nec ab ipsius essentia secernitur. Quandoquidem
quicquid in Deo ponitur, ab eius essentia non distingui-
tur. Ipsius summæ atque simplicissimæ virtuti omnes no-
stræ deseruiunt multiplices vires: vt magnificent glo-
riam nominis eius, quæ est sempiterna. Ipse est enim, qui
simplicissima sua perfectione, nostra nos multiplicata fa-
cit (licet imperfecte) perfectos: cuius proinde magnifi-
cæ bonitati, nos decet in omnibus dare laudē & gloriam.

*Consideratio pulchra de correspondentia admirabili corporis
& anime.*

CAP. VII.

P 5

*Deus perfe-
ctissimus a-
ctus & per-
fectissima
virtutis.*

Illud vero attentius cōsiderātibus quantā præbet suavitatis dulcedinē, quod cū corpus res sit crassa, materia lis, & ignobilis, anima verò spiritus, & res nobilissima, talis nihilominus & rāta inueniatur vnus ad alterum correspondētia, talis harmonia, talis cōsonātia, vt maior vix pos sit cogitari. Sicut enim corpus hominis super omnia mūdi corpora mirabilissime est organizatū, atq; pulcherrime distinctū, artificiosissimēq; fabricatum: ita & anima quę huius corporis inhabitationi deputatur, nobilissima est atq; pulcherrima: sic corpori correspondēs, vt iuxta suā capacitatē & dignitatē ipsum totū impleat, eiūsq; omnia organa viuificet & informet, omnibus illis tā diuersis organis dādo vitā, sensum, & motū, atq; operationes peculiari ter cuiq; cōueniētes. Et quēadmodū in corpore est maxima & ornatissima diuersitas organorū, quę tamē omnia secundū pulcherrimū ordinē adinuicē cōiuncta vnū corpus efficiunt, nec obstat tanta partium diuersitas, quin in vnum possint corpus cōpingi, imò tāto pulchrius tāto ornatius & spectabilius est hominis corpus, quod ex tāta sit varietate artificiosissimē cōpositū, quā si eiūsde dispo sitionis essent omnia mēbra. Ita proportionabiliter anima habet multiplicatē nobilissimarū potētiarū, & dignis simorū officiorū, quorū quēdā aperta sunt & sensibus exposita, plura verò latēt interius: certissima tamē experiētia, à nobis percipiūtur & cognoscūtur. Habetq; anima di uersa ista officia, iuxta proportionē & exigētiā organorū corporaliū, ita vt quot sunt mēbra organica distincta secū dū qualitates, totidē sint etiā virtutes & officia distincta: ipsius animæ. Diuersitas enim organorū & instrumētōrū in corpore, arguit diuersitatē potestātū virtutū & officiorū ex parte animæ. Nec tamē tanta hæc multiplicitas scindit, sed ornat animæ vnitatē. Quēadmodū enim vnus idēq; homo diuersa potest habere officia, & artes diuersas, quas exercet per varia & dissimilia instrumenta, sic anima diuersas habet virtutes, quas exercet per dissimilia organa. Est autē hoc in magnū animę ornatū & gloriā, quod ita diuersis sit instructa præditaq; virtutibus (quę omnes radicaliter ab ipsa in corpus effluant) vt nullum omnino sit in corpore membrum quomodocunq; dispositū, quod nō sua maiestate impleat, & cui nō pro sua natura debitā

vir

*Ordinata
varietas est
corpori or-
natus.*

virtutem atq; potētiam infundat: ita vt nullum mēbrum relinquat vacuū, cui non vitā, sensum, & motum concedat: nullum etiam sit organū, quod non pro suæ naturæ exigentia debitā sibi virtutem ab animæ plenitudine recipiat, vt oculus sumit videndi virtutē, auris audiēdi, lingua gustādi, manus operandi, pedes ambulādi, genua sese incuruandi atq; voluēdi, & ita in singulis mēbris. Ecce vero mirabile istud inter corpus & animam matrimoniū, ecce pulcherrimā consonantiam & admirabilem coniunctionē inter mēbra corporis organica ex vna parte, & virtutes seu potestates animæ ex parte altera. Vide, quomodo singula organica mēbra, singulis virtutibus desponsantur ac velut nubunt & coniunguntur inuiolabili in se parabiliq; societate. Vides ex parte vna corpus velut substratū, cū multitudine diuersissimorū eorundemq; pulcherrimorum organorum: ex aduerso autē animā vides hoc corpus sibi desponsantē, in corpus istud intrantē, totā plenā nobilissimis potentiis, & talibus potentiis, quæ singulis corporis membris respondeant. Quid hoc matrimonio pulchrius? quid hoc spectaculo iucūdius? Verē qui hæc iūxisti, magnus es Domine, & mirabilia opera tua: tu es Deus solus, & præter te non est alius, tibiq; gloriam canit omnis compago corporis nostri & vniuersa animæ plenitudo, qui viuus benedictus in æterna secula. Amen.

Contemplatio pulcherrima matrimonij inter corpus & animam.

De potentijs animæ vegetatiuæ in speciali. CAP. VIII.

VT autem per ordinem nunc de singulis determinemus, primo consideranda est potentia animæ vegetatiua, quæ alio nomine nutritiua appellatur.

Arist. 2. lib. de anima. 4. cap.

Habet autem hæc potentia vegetatiua tria præcipua officia, alere, augere, & generare.

Vnde potentia vegetatiua diuidi potest in potentiā nutritiuam siue altricem, augmentatiuam, & generatiuam; quæ tres potentiæ reperiuntur in vitā habentibus. Prima est propter conseruationem substantiæ ipsius viuētis.

Omne enim viuēs quādiu viuit, nutriri oportet.

Quia enim stabilia non sunt viuētia, sed in fluxu cōtinuo, propter virtutem igneam perpetuo consumētē, & partes aliquas deuantē, idcirco ad conseruationē substantiæ animalis operatur anima circa alimentū, vt ex eo

conti

continuo instauret, quod per resolutionem deperditur. Nam ubi continua est absque reparatione resolutio, fieri Arist. 2. li. de non potest, ut durabilis sit talis rei substantia. Quapro- anima. 4. c. pter recte dixit Aristoteles, viuens eousq; nutriente indigere, quousq; perseuerat, alimento autem priuatum non posse subsistere. Secunda vis est augmentatiua, qua nimirum anima ipsum corpus in iustam & naturæ conuenientem potest perducere quantitatem. Nullum enim viuentium ab initio habet perfectam suam quantitatem, sed perpetuum est cum vitam recipit. Anima vero continua operatione sua, circa alimentum occupata, non solum curat id, quod defluit, restaurare, verum etiam maiorem adiacere quantitatem: dum plus infulcit sua actione, quam sit consumptione deperditum. Est autem huius virtutis a priori differentia, quoniam non oportet viuens omne quoadiu uiuit augeri, nutriri vero & ali simpliciter omnibus viuētibus necessarium est. Est tamen, secundum rem harum duarum potentiarum idem obiectum, sed ratione tantum diuersum. Alimentum enim & nutrit & auget: sed quantum reparat quod deperditum est nutrit: in quantum vero etiam maiorem quantitatem reddit quam prae fuit, auget. Et est quidem anima principalis harum operationum effectrix, pro instrumento tamen habet naturalem calorem per quem concoquit & alterat nutrimentum (quod ante nutritionem est alio contrarium & dissimile) ut fiat simile, & aptum quod traiciatur in membra corporis alendi. Quia enim nutrimentum dissimile est ipsi quod nutriri & augeri debet, impossibile foret ex alimento fieri nutritionem aut augmentationem, nisi ipsum alteraretur, ut simile fieret alito. Haec autem alteratio rectissime attribuitur calori, quo tanquam instrumento & causa secundaria utitur anima: de quo plura suo loco dicemus in sequentibus capitulis.

De virtute attractiua, digestiua, retentiua, & expulsiua. CAP. IX.

Sunt autem particulares quaedam vires, potentiis iam dictis subseruientes, utpote sine quibus fieri non possit nutritio, vel augmentatio.

Quatuor po-
tentia.

Ex sunt, virtus attractiua, virtus retentiua, virtus digestiua, & virtus expulsiua.

Attractiua.

Quia enim imperfecta nutritione singula membra oportet nutriri, ideo necesse est, ut in quolibet membro virtus si-
quæ

quædam, per quã nutrimentũ attrahat quo nutriatur, nõ secus quàm in magnete virtus est quædam & efficacia ad se attrahendi ferrũ. Verum quia nõ potest membrum ex attracto nutrimento ali siue nutriri, nisi ipsum quod attractum est, omnino secundũ speciem simile fiat ipsi mēbro nutriendo: ob hoc virtute digestiua opus habet, per quã nutrimentum concoquatur & transmutetur, vt simile sit membro alēdo, sicq; ipsi sufficiat nutritioni. Nam impossibile est nutritionẽ fieri, nisi prius ipsum alimentũ simile factum sit nutriendo. Nutritio enim (vt suprà indicauimus) fit ex alimēto prius dissimili, facto tamen simili, antequam fieri possit nutritio. Quia verò nõ potest virtus naturalis agere in instanti, sed tēpore eget, vt digerat alimentũ ac simile reddat alito, idcirco ne dissipetur materia attracta, retentiua virtute est opus. Nihil enim ad nutritionẽ proficeret attraxisse alimentum, si deesset virtus ipsum retinēdi, donec secundũ qualitatem cōuenientẽ esset immutatũ: quemadmodũ videmus nonnullos interdum sumere cibũ vel potũ, sed ante cōcoctionẽ siue digestiionem cōgruã, statim vel per os vel per posteriora eiicere. Sed quoniã in omni alimēto impuritatu est commixtio, quæ per digestiionẽ separantur ab eo quod nutritioni est accommodum, idcirco ne illæ impuritates ad nutritionẽ perficiendam ineptæ in hominis corpore remanentes putrefactionem & morbos generent, necessariũ fuit virtutem inesse membris ad expellendum, eiiciendũq; quod nutritioni non conuenit. De his autem particularius disserere, Medicorum potius est quàm Physicorum.

*Digestiua.**Retentiua.**Expulsiua.**De potentia generatiua.*

CAP. X.

Tertia vis animæ vegetatiuæ est, potentia generandi, quia scilicet viuens potens est generare sibi simile, secundũ speciem. Quam potentiã Arist. dicit esse præcipuã, ita vt iustũ putet potentiã vegetatiuã à generatiua tãquã præcipua, denominari. Ait enim opus generatiõis esse aliorum finẽ, nutritionis scilicet & augmētationis. Nã ad hoc animal nutritur & augetur in iustam quantitatem, vt cum perfectũ fuerit, gignat sibi simile. Naturalissimum enim & præcipuũ opus (vt Arist. ait) est generare simile, & in quo viuētia maxime assimilātur summæ illi diuinæ bonitati, quæ sua virtute progignit vniuersa. Itẽ & secundum

*Generatiua.**Aristot. cap. 4. 2. libr. de anima.*

dum æternā durationem. Quia enim in hoc à Deo deficiunt, quòd secundū numerū, vt ille, æterna permanere nō possunt: idcirco dū sibi simile generādo, ita in specie permanent, quodāmodo æternitatis participes fiunt, atq; ad diuinæ durationis aliquatenus accedunt similitudinem, quantū ipsorū permittit, conceditq; natura. Est autē hæc virtus, nec in solis animalibus, neq; etiā in omnibus. Non quidē in Solis animalibus, quoniā quidē & plantæ cōplures eandē vim participāt. Vim enim generatiuam habent, quibuscunq; à Deo semen est datū. In semine nempe virtus est formatiua similis secundū speciē. Hinc & naturæ prouidissimus, benignissimūsq; institutor Deus, cū de terra vellet arbores, herbasq; verbo suæ iussione educere, iā iam de generationis vi sollicitus, semen pariter in eis voluit inueniri. Sic enim ait, Germinet terra herbā virentē, & facientē semen, & lignū pomiferū faciēs fructū iuxta genus suū, cuius semē in semetipso sit super terrā. Post cuius verbū in sacra historia subditur, Et factum est ita. Et protulit terra herbā virentē, & facientē semē iuxta genus suū, lignūq; faciēs fructū, & habens vnumquodq; sementē, secundū speciē suā. Ecce quā sollicita & diligēs hic fiat seminis mentio. vide quomodo ab initio fuit de generādi virtute sollicita Dei prouidētia. In quibusdā verò nō solū ex semine fit simile secundū speciē, verumetiam ex ramusculo tantum præciso absq; vlllo semine arbor crescit aut herba similis illi, à qua desumpta est particula. Quòd autē nō in omnibus animalibus, neq; in omnibus viuētibus inueniatur, per experiētiā est manifestū. Nā quædā sunt animalia spontaneā generationē habētia, quæ nō ex seminis propagatione, sed putrefactione nascūtur: quæ anquam inter hæc quædā indifferēter, vel ex putrefactione nascantur, vel ex semine. Vlla etiā quæ ex diuersarū specierū cōmixtione generātur, nor sunt nata generare sibi simile. Vnde mula (quæ ex cōmixtione equi & asinæ gignitur) nescit generationē. Est autē huius potentia à prioribus duabus differētia, quoniā operationis illarū effectus completur, & manet in ipso subiecto, in quo insunt potentia. Effectus autē operationis virtutis generatiuæ extra subiectum est ipsius potentia. Potentia enim nutritiua & augmentatiua, ipsum suū indiuiduū in quo est, nutrit atq; augmen

Neq; solum
animal, neq;
omne sibi si-
mile gene-
rat.

Genes. 1.

Quæ nō ge-
nerant si-
mile.

gmentat. Nulla autē res per potentiā generatiuā seipsam generat, sed aliud distinctū indiuiduū, simile tamē secūdū speciē. Ex quo manifestè patet, nobiliore ac digniore esse virtutē generatiuā duabus potentiis prioribus. Siq̄dē ista ad speciē cōseruationē immediatē ordinat, illā verò immediatē ad sustēnationē & perfectionē indiuidui. Species autē nobilior est indiuiduo, vtpote q̄ p se pars est vniuersi, nō hoc aut illud indiuiduū. Vnde (quēadmodū suprā diximus) nutritiua & augmētatiua ad generationē tāquā ad finē ordinātur. Aduertēdū insuper, q̄ circa idē obiectū aliquo modo versatur potētia gñatiua, circa quod versari diximus nutritiua & augmētatiua. Quomodo em̄ potentia nutritiua ex alimētō nutrit, & augmētatiua ex alimento quāto auget: sic & generatiua alimētō vitur ad suę operationis exercitiū. Semē enim ex superfluo est alimēti.

Pulchra seminis consideratio.

CAP. XI.

Merito verò consideratio seminis (quo vitur virtus generatiua ad suę operationis exequutionē) videri debet profundius cōtēplātibus, nimiū admirabilis. Quid enim? An non supradmirabile est, ex modico semine (quod de herba aut arbore qualibet decisum fuerit) in terrā cōiecto, pullulare virentē herbā vel arborē, eandēq; tēporis accessu, sumpto ex terrę visceribus cōgruo alimento, iustā sibi quantitātē adicere, & partes omnes sibi iuxta naturę suę cōditionē adaptare varietate tā pulchra, dispositione tā spectabili, tamq; admirabili ordine, vt hominis ingeniū nec herbulę vnus sufficiat cōprehendere artificiiū? Cōsidera em̄ in arboris ē semine processione, quo modo in terrā inferne radices mittit, easq; ita infigit solide, ita hærere facit in intimis terrę visceribus, vt post modicū vix euelli aut dimoueri nisi vi magna nō possit, quō sursum stipitē ac truncū mittit, quē externe quidē vestit cortice velut idumēto, aduersus aëris inclemētiā, & frigoris ætusq; iniurias. Intime verò medulla posita est, & circūquaq; venę maiores atq; minores p totū corpus trunci dispersę, eaq; mirabili ordine adinuicē minores à maioribus procedētes, per quas nutrimentū singulę partes ad se attrahunt. In superiori verò parte, quāmirabiliter prodeūt de stipite folia, in quibus similiter venarū & arteriarū conspiciamus stupendam connexionem. Et est quidem folio

*Aduerte
huc animū
spectator ve-
rum noua-
rum.*

foliorū eadem figura, eadē lenitas vel asperitas, similis ferē lōgītudo, latitudo, color idem, idē sapor, idem odor, & per omnia maxima est arborū eiusdē generis similitudo. Taceo florū pulchritudinē, & fructuū dulcedinē, ac in vtrisque mirabile artificium. Hæc videlicet omnia originaliter ex seminis vnius prodire virtute. Sed & in semine animalis, atque ideo in semine hominis (ex quo videlicet proles humana secundū corpus nascitur) nōne illud vel maximē stupendū est, quod ex virtute illa, quæ in tā vilissima atque penitus deformi & sordida materia inest, talis ornatur membrorū tam pulchra cōpositio, tam conuenientissimus ordo, tā efficax dispositio membrorū, tā eximia singularū partiū cōiunctio? Videlicet ut in iussimo pars aliqua lata fabricetur, super quā ipsum corpus debeat firme cōsistere, & qua debeat moueri de loco in locū: cuius partis extremū multiplicem habeat diuisionē, ut sit velut in particulas dissecta materia, hoc est, ut pes habeat suos digitos in extremitatibus: atque hæc rursum partes talē habeant ordinē, ut quæ primo loco ponitur, cæteris sit & altitudine & crassitie maior, atque ita deinceps suo ordine, ut sit nouissimus digitus omnium tenuissimus, & minimus. Itē ut partes hæc sic diuisæ, in extremo pedis secundū quinarium numerū ita regulariter & vniuersaliter distinguantur, ut monstrū iudicetur, si quādo in vno pede senaria inueniatur distinctio. Iterū ut harū partiū quælibet in sui extremitate ex parte superiori duritiæ habeat vnguis mirabili artificio & subtilissima cōiunctione ita adglutinati carni & pelli, ut nulla possit excidere violentia quantūvis cōprimantur pedes, aut vrgeantur multis laboribus. Itē ut singulæ hæc partes, suas habeant iuncturas, in quibus possint incuruari, & prior quidē maior nō nisi vnā huiusmodi habeat in sui medio, cæteri verò binas. Et hæc quidē omnia in pedis & manus cōpositione manifestē apparent etiam extrema tantū considerāti. Ex aduerso autē in supremo loco quomodo artificio maximo pars cōponitur rotunda, quæ cranio vno in superiori parte tegitur, hoc est osseo tegmine ita durissimo, & indissolubili, ut per annos plurimos in terra iacens nō possit omnino cōsumi. quod quidē craniū carne & cute operitur, vnde criniū egreditur defluxus, partē illā vndequeque circūuestiēs. Sub hoc

hoc aut cranio, nobilis quædā & tenerrima formatur sub-
 stantia, quā cerebrū dicim⁹, eāq; secundū diuersas partes va-
 rie formata, vt diuersarū viriū aptū possit esse suscepacu-
 lū & organum diuersarū nobiliū operationū, in qua in-
 super rotūda parte suprema ab anteriori parte cōsistunt
 oculi, in sua cōcauitate pulchrē firmati: sic tamē vt facili-
 me mobiles, quibus sunt etiam sua cilia & supercilia. Sub
 his sunt nares, ad latus autē aures: sub naribus autē oris
 apertura ad ingressum cibi, & per circuitū mādibulæ dē-
 tibus plenæ, quorū ij qui in ipso ingressu cōsistunt, tenues
 sunt & acuti, ad dissecandū atq; scindēdū impositū cibū:
 posteriores verò crassiores sunt & plus quā duplicati,
 qui partes cibi iā anterioribus dētibus cōcisas possint ve-
 lut molēdo in minutissimas particulas cōterere: propter
 quod etiam molares appellātur. A' parte autē capitis po-
 steriōri, omnibus clausis, nulla conspicitur apertura: sed
 nerui fortes, & iūcturæ mirabiles illic cōsistūt, qui caput
 partē supream cū humeris parte inferiori cōglutinant: ita
 vt cum caput humeros nō cōtingat, pulchre tamen absq;
 onere per colli interpositionē ab eisdē gestetur. Hinc ve-
 rò ab humeris velut duo rami extēdūtur brachia duo, ad
 opus quodlibet peragēdū, eaq; in medio curuabilia in cu-
 bito, extremitates autē similiter in digitos ordinate diui-
 sas habētia, vt de pedibus suprà diximus. Deinde nobilissi-
 mū mēbrū cordis ita mirabiliter in medio animalis posi-
 tū cōsistit habēs ad sui caloris tēperamentū circūiacentē
 pulmonē, ærem sua respiratione cōtinuo in modū folliis
 attrahentē, sicq; suū calorē temperantē: vicinū etiā habēs
 epar sanguinis officinā, & stomachū velut totius corpo-
 ris coquū, alimenti totius susceptiuū. Habet insuper sple-
 nē, habet renes, habet intestina omnia, mirabili cōnexio-
 ne & cōuolutionē disposita. Quod hæc (inquam) omnia
 quæ tantū figuraliter attingimus, & alia intus recondita
 multo mirabiliora, ita ordinate, ita perpetuo in corpore
 hominis siue etiā animalis alterius ex seminis tā vilissime
 substantiæ virtute efficiātur, quis nō ista maximū reputer
 miraculū? Nōne recte tibi videtur domino dixisse Psal-
 mista, Mirabilis facta est sciētia tua, ex me cōfortata est,
 & nō potero ad eā? Nōne & nos in præfatiōe libri huius
 recte videbimur hoc asseruisse, quod prodigia semper se-

Psal. 133.

cum circūferant homines, quibus suis miraculis magis admirabilia? Et quidē non ita multū videtur admirandū, si totā hanc connexionē dispositionēq; membrorū, quā in nobis ipsis cōspicimus, per semetipsum ita sua omnipotēti virtute deū asseramus cōdidisse: si quomodo in principio Adā creauit de terra, & de eius costa Euam, absque vllius virtute seminis, terrā solā pro materia accipiens, & totam virtutem per sese administrās: ita & nostra corpora in sua dispositione atq; pulcherrima proportionē per se idē ipse similiter fabricaret. Itē si vt in principio arbores & herbas creauit, absq; virtute seminis, ita & nūc potentissima sua iustitiae eas de terra faceret prodire. Scimus enim quoniam non est ei impossibile, neq; difficile omne verbū. Nō nouū est nobis, si magna faciat ille, de quo scriptum est.

Psalm. 71. Qui facit mirabilia magna solus. Verū quod hęc humani corporis dispositio ex operatione est virtutis, quæ later in paterno semine (fœtidissima & vix nominanda substantia, quā absq; abominatione nemo cōspicit) quodq; in eo tam præclara lateat virtus, corpus tam admirabile sic efficiēdi atq; fabricandi, quod tota illius admirabilis dispositionis efficacia in illo realiter inexistat, id nobis merito in immensum aggrauat pondus cōsiderationis nostræ, id prorsus stupidos & attonitos reddit, cogitq; exclamare nos, & voce aperta confiteri, quod nō solū ipse magnus sit in semetipso, neq; solū magnus in magnis, sed & in abiectissimis, contemptibilissimisq; & minimis gloriosus.

De longitudine & breuitate vite: & primum de calore naturali atque humido radicali.

C A P. XII.

Anima autē ipsa vegetatiua, per virtutē vegetatricē licet vere prima sit, & præcipua causa supradictarū operationū, nutritionis & augmētationis, eget tamen ad hoc (vt suprà tetigimus) calore naturali pro instrumento, quo mediāte suas istas operationes perficiat. Cuius quidē naturalis calor, tanta est necessitas in corpore humano, & operationibus illius sustētationi necessariis, vt absque eo nequaquā possit anima in corpore permanere, ipsoque deficiente, omniū necessarium sit animalis vitæ deficere.

Hic autē calor naturæ igneæ est, & perpetuo nutriri debet atq; foueri in corpore hominis: quēadmodū flammā candelæ, & flammā quæ est in lychno lampadis, nutriri ad

ocn

oculū cernimus, atq; ita necessario nutriri, vt nutrimento consumpto mox flamma euanescat. Oportet ergo donec calor iste in homine permanferit, nutrimentū aliquod illi suppeditari, in quo foueatur atq; cōseruetur. Hoc autē *Humidum radicale,* est humidū radicale (vt appellant medici) id est humiditas naturalis, & ab initio generationis simul cū calore naturali siue radicali cōgenita animali per principia generationis. Natura enim quæ in corporibus omnibus viuētibz per virtutē principiorū generatiuorū posuit naturalē calorem, eadē ad cōseruationē rei, & naturalē disposuit humiditatē, quæ calorem velut cibaret, atq; foueret, ad eū modū quo ab oleo pascitur flāma, quæ in lāpade cernitur. Hoc autē radicale & naturale humidū, cum cōtinuo debeat pascere vorantem igneum calorem, eumque in humano corpore fouere, facile minimo tempore absumeretur, si non ipsius fieret continua reparatio, quæ admodū statim oleum in lampade deficeret, si nō statutis horis oleum infunderetur nouum. Atque ad hoc necessaria est sumptio alimenti cibi atque potus, ex quibus separatum humidum reparat humiditatē radicalem & intertenet. Ipsum verò siccum quod inde accipitur, ad reparationem est sicci, quod per actionem caloris resoluitur. Non enim solam humiditatem in corpore ignis absūmit, verum etiam partes caruium, ac ceterorū membrorum ex omnibus tam siccum quā humidum resoluens, propter quod tam cibū quā potū animal indiget. Humidum autem istud radicale nutrimentum radicalis caloris, non debet esse humidum omnino aqueum, sed potius aëreum pingueque & viscosum siue vnctuosum: quomodo flamma non simplicis aquæ humido nutritur in lampade, sed humiditate pingui & vnctuosa, cuiusmodi est oleum, aut cuiusmodi est in candela seuum. Oportet ergo tale esse etiā humidū nutrimentale, quo radicale humidum debet reparari, id est, non pure aqueum, sed pingue, dulce, viscosum. Quare etiam ad humidi radicalis reparationem nō videtur potus ipse per se sufficere. Non enim videtur ex ipso solo sufficiens posse elici pinguedo, sed concoctio cum cibo, & ex cibi substantia solidior facta commixtio, addit humido illi viscosam pinguedinem. Et quanto humidum illud pinguius fuerit, tanto

ex ipso minus calor consumit:quemadmodum videmus flammam in candelis ex seuo recenti atque pinguiori factis minus in seuum defæuere, diutiùsq; in illis cōseruari.

De causa longitudinis aut breuitatis vitæ. CAP. XIII.

EX horū ergo duorū proportionē, id est, calore naturali & humido naturali attēditur in omnibus viuētibus lōgitudo vel breuitas vitæ, secūdū videlicet proportionē calidi ad humidū: vt illa in quibus optima sit horū proportio, lōgissimē vitæ iudicētur: ea verò in quibus minor proportio, vitæ breuioris. Ad quod tamē plenius intelligēdū aduerte, quòd simpliciter sola quātitas materiæ alius cuius rei nequaquā vitā faciat longiorē vel breuiorē. Nā ad oculū videmus quasdā arbores paruulas diutius perdurare aliis multo secūdū molē maioribus. Idē & in herbis cernimus, in brutis quoq; & hominibus. Neq; vniuersaliter caliditate excedētia maioris sunt durationis. Si enim fuerit nō proportionatū humidū, citius etiā aliis deficiūt, in quibus nō tāta est excellētia caliditatis. Facit enim immodicus calor nō præsente humido sufficiēte ad pabulū, ad rei celerē cōsumptionē, vt in hominibus multū chole-ricis. Rursus frigiditas multa vitā non facit longam. Si enim calor nō fuerit proportionatus, vt possit sufficiēter dominari, abundantia frigiditatis extinguitur, & necessariò animal suffocato naturali calore perit, vt videmus in iis qui sunt vehemēter flegmatici itē & in senibus in quibus dominatur frigiditas. Item neq; siccitas multa per se causā est lōgæ vitæ. Nā senes multæ sunt siccitatis: per hanc tamē ad corruptionē vergunt. Infantes autē plurimos videmus per multā humiditatē deficere, cū videlicet calor multo humido opprimatur: quemadmodū ligna viridia ignē opprimunt & extinguit subtus latētē. Hinc etiā euenit, arbores illas quæ prope aquas nascuntur, minoris esse duratiōis, & animalia aquatilia plerūq; breuioris esse vitæ, quàm gressibilia. Abūdat enim in eis humidū, idq; nō pingue & firmū, sed magis aqueū. Harū ergo qualitatū nulla per sese potest assignari causa longitudinis & breuitatis vitæ, sed calidū & humidū æquata (vt ait Aristoteles) præcipua huius rei sunt causa. Quod tamē nō ita debet intelligi, quasi humiditas & caliditas in æquali virtute causa sint diuturnioris vitæ, sed quia in debita & bona pro

Calidū & humidū vitæ duratiōis causa.

pro

proportione disposita. Oportet enim calidū habere dominiū super humidū. Alioqui non cōueniēter ex eo posset nutriri. In nutritione enim, id quod nutritur oportet agere in id ex quo nutritur. Actio autem non fit, nisi agente super passio habente quaecunq; dominiū. Quod ergo Aristoteles ait calidum & humidum æquata esse causam diuturnioris vitæ, intelligi debet bene proportionata: ita videlicet vt humidū nō excedat calidū, ipsumq; suo excessu suffocet: neq; vicissim calidum sic excedat absque proportionē humidum, vt ipsum cito excedat atq; absumat.

Quæ complexio faciat vitam diuturniorem. CAP. XIII.

*Complexio
sanguinea
diuturna:*

EX prædictis patet, inter complexiones hominum, diuturniorem vitā præbere eam quæ appellatur sanguinea. Est enim hæc calida & humida, estq; humidi & calidi & humidum est æreum non aqueum: siquidem ærei respōdet ista complexio qui natura calidus & humidus est. Estq; in hac calor temperatus, quoniam nō igneus est, sed æreus. Aër enim nō in summo habet caliditatem. Cum ergo in hac complexione caliditas sit satis temperata, & humiditas multa, eaq; pinguis & viscosa (quæ nutritioni calidi maxime est accommoda) nō videtur ad vitæ prolongationem alia esse conuenientior ex quatuor complexionibus. In cholericæ enim excedit calor igneus, & siccitas non præbet sufficiens pabulum excedenti calori. In flegmaticæ, humiditas nimia obruit calorem debilem, & dum non potest super humidū dominari modicus calor, consequitur non posse recte digeri humidū, sicq; multæ fiunt corruptiones, & animal perit. In melancholicæ verò cōplexione, nimia siccitas est & calor modicus. Est enim in modum terræ frigida & sicca. Harum autē qualitatum utraq; vitæ obest, quæ in calido & humido consistit. Si tamē fiat harum complexionum commixtio, poterunt etiam aliæ bonæ cōpositiones inueniri ad vitæ conseruationē valde accommodæ. Complexio enim cholericæ & flegmaticæ, dominante cholera & proportionato flegmate, diuturnam præbet vitā. Sanguinea & melancholica nō mala, est, vbi melancholia fuerit minor. Et forsitan talis possit fieri cōpositio, quæ ad vitā melior esset quàm pure sanguinea.

Proportionem quatuor primarum qualitatum originalem esse causam longitudinis vitæ.

CAP. XV.

Proportio
quatuor
qualitatum
durationis
origo.

Licet autē dicamus (iuxta Aristotelem & alios medf-
cos idē asserentes) calidū & humidū æquata & bene
proportionata, ad eum modū quo prædictū est, causas esse
vitæ diuturnioris: originaliter tamen non solū ex duabus
his qualitatibus debet sumi ista cōsideratio, sed ex propor-
tione quatuor primarū qualitātū. Illa enim complexio in
animali est effectiua vitæ longioris, in qua calidū, frigidū,
humidū & siccū bene sunt adinuicem proportionata se-
cundū exigentiā vitæ animalis: ita videlicet vt calor obti-
neat dominiū super cætera, sic tamē frigiditate temperē-
tur, vt non nimīū excedat ipsam humidū (quo habet nutri-
ri) proportionē, ne subito absumpto nutrimento depereat:
quomodo vehemens ignis cito consumpta materia mox
collabitur, iterūmq; humiditas ita sit per adiunctā siccita-
tem tēperata, vt nō sit nimia, neq; excedat caloris propor-
tionē, ne videlicet nimia humiditate obrutus calor extin-
guatur, quomodo si igni ardenti superfundatur aqua co-
piosa. Et in quibuscūq; huiusmodi temperamētum inue-
nitur quatuor primarū qualitātū, hi in se habent princi-
piū diuturnæ vitæ. Veruntamē quia in hoc tēperamēto
calidū & humidū præcipua sunt, habentq; dominiū, qui-
bus alia duo frigidū & siccū solū ad contemperamentum
adiiunguntur, ad illorū mediocritatē constituendā, exces-
sumq; vitæ discōuenientē prohibendū, idcirco duarū tan-
tum qualitatum expressā faciens mentionē Aristoteles,
dixit calidū & humidū esse principia longioris vitæ. Cum
tamē addit æquata & proportionata, indicat tacite & alias
duas qualitates, quarū additione fit vt calidū & humidum
proportionentur, atq; æquentur. Si enim calori deesset tē-
perans frigiditas, excederet humidū proportionē. Et si nō
adesset humiditati tēperans siccitas, vtq; excederet pro-
portionē caliditatis. Duas autē illas qualitates, calidita-
tem & humiditatē, dominari oportet in cōplexione lon-
gioris vitæ, quoniā sunt qualitates vitæ, id est viuētib;
necessariæ, & animalis substantiæ potissimū cōuenientes:
primario tamē caliditas, ac secūdario humiditas, quæ ca-
liditatem habet fouere. Propter quod in cōplexione vitæ
lōgioris primum locum calor obtinere debet, humiditas
verò secundū. Frigiditas autē & siccitas, mortis principia
sunt, vbi inualuerint. Vnde senes quo amplius ad mortem

tendunt, eò magis siccos & frigidos effici cernimus. Et mortua statim corpora maxima occupat frigiditas atq; siccitas: omnis autē fugit calor & humiditas. Ex quo patet; frigidū & siccū esse mortis principia, & vitæ maxime contraria, ubi contigerit ea dominari. Propter quod completio illa breuissimæ vitæ est, in qua ista dominantur, aut etiā eorū alterū, siue per se frigiditas, siue siccitas. Nam illa directe calori aduersatur, in quò est vitæ principium: hæc verò humiditati, quæ est primæ vitalis qualitatis fomētū:

*Quomodo illa quæ in principio multam habent humiditatem,
ad longam vitam sint bene disposita.* CAP. XVII.

NOtandum autē, quod illa corpora ad longam vitam sunt bene disposita, quæ in principio maximā habent sed tamē proportionatam, humiditatē, ita vt videatur calor aliquo modo latere sub tanta humiditate, vt multo tempore petduret calor antequā possit humiditatem cōiunctam penitus euincere, & manifestū obtinere dominium: modo nō tanta sit, vt omnino calorem obruat ac suffocādo extinguat. Quæ verò in principio sui ortus admodū paucā habet humiditatē, vt statim calor possit euincere & quasi superior apparere, nō sunt diurnæ vitæ. Simile enim videmus in ignibus. Plerunq; enim ignis ille qui subicitur lignis viridibus, in quibus adhuc est multa humiditas, diutius delitescit, iacetq; absconditus priusquam possit super materia appositā potiri dominio: & interdum quidē, protus quasi extinctus apparet atq; oppressus, quandoq; tamen vigore resumpto resistens fortiter, agensq; viriliter, tandem adhuc gloriose emicat, & in altū flammam sustollit quasi in victoriæ signū. Et manifestū est talē ignem multo esse durabiliore, quā sit ignis alius stipularū aut straminū aliorūve lignorū valde exiccatorum, qui in materiam ob humiditatis defectum statim obtinet dominium.

Atque hinc contingit non raro, vt isti qui in infantia; imò in pueritia grauissimè fuerint periclitati de vita, & perpetuo quasi in languore vexati, longissimam vitam viuunt, cernanturq; in ætate prouectiori valere bellissimè, postquā humidū illud, sub quo calor eorū periclitabatur, & sub quo modo quodā oppressus delitescibat, iam fuerit euictū & calor post longā patientiā obtinuerit principatum. Quæadmodū ad oculū cernimus, ignes ex carbō-

nibus sulphureis cōpositos, aqua per fusos, post paululum multo voraciore flāmā dare; & calorē maiore simul etiā durare longius. Hinc iterū cōtingit eos interdū qui per totam vitam languere videntur, longā tamē vitā ducere. Signū est enim in eis quod nec calor tātus sit qui omniū possit manifestē in humidum dominari, neq; tātū humidū, vt possit extinguere calidū: sicq; calor ob modicitatē nō multū potest humidi cōsumere, ac proinde humidū minus commiscetur extraneo, remanētq; purius, & ad caloris nutritionē magis efficax. At tamē quia calor tātus est, vt se possit aduersus humidū defendere, & illius saltē aliquid (quamuis non ita multū) ad suā nutritionē excedere, idcirco in vita animal permanet: lāguēs tamē propter sufficiētis caloris defectū, & quia nō satis, quātū operationes animali conuenientes expetūt, dominatur. Patet etiā ex prædictis ratio, quare illi qui præcoci sunt ingenio, id est ante multā ætatē valde ingenio pollētes, plerūq; cōspiciantur præmatura morte occūbere, vt vix interdum virilem, raro autē senilē attingāt ætatē. Est enim signū, quod ab initio pauca in eis fuerit humiditas & multa caliditas. Humiditas enim multa impedit ingeniū. Vnde qui multū habēt sanguinē: nō sunt ingeniosi, eō quod sanguis sit humidus: sed qui paucū sanguinē & nō ita humidū habent, vt cunq; cholera mixtū, id est satis siccū & igneū. Quia ergo in his ab initio pauca est humiditas, cito calor dominat, & acquirūt siccitatē ad operationes sensuū & ingenij requisitas. Superuincēs enim sua aētiuitate caliditas, cito corpori dat cōueniētes operationes, quas mediāte calore corpus habet: ac proinde ante cōsuetū tēpus ambulāt, loquūtur, discūt, morātur, phātaſiantur, dū alij propter multum humidū diutius impediūtur ab operationibus vitalibus. Vbi autē minus est humidi, & plus calidi: manifestū est citi⁹ ibi calidi nutritionē deficere: & vbi cito dominat calidū, citō quoq; deficere ipsum necesse est. Proinde manifesta ratio: ne colligit, eos qui præcoci ingenio sunt, debere etiā præmatura morte occūbere. Patet insuper ratio, quare cū cætera multa animalia cōspiciamus vel mox in sua natiuitate, vel paulò pōst, operationes suas cōueniēter exercere, vt pote moueri, ambulare, & alia eis cōueniētia opera. Homo tamē per multū tēpus absq; sibi cōueniētibus operationibus

rema

Ingeniosi citius moriuntur.

remanet. Nimia enim humiditas in causa est, propter quā etiā mēbra infantilia ligari debēt fasciis, eò quod deficiēte siccitate nō sint solida mēbra. Hoc autē in aliis animalibus nō est necesse fieri: homo enim prę omnibus aliis animalibus abūdāt humiditate, propter quod etiā longioris est vitæ, omniaq; animalia vitæ diuturnitate superat, paucis admodū exceptis, vt elephantō & ceruo, & si quæ sunt similia. Hæc enim animalia tradunt lōgā admodū habere vitā. Cætera autē animalia domestica, quæ hominibus in vſu sunt, ad oculū vidētur multo breuiorē homine vitā ducere, quātūuis mole excedāt, vt equos, boues, oues, canes, aliaq; huiusmodi. Præterea habetur ex iā dictis causa quare ij qui pauciori nutriuntur cibo, diutius viuāt: quī verò maiori, breuiorē habeant durationē. Itē, quare ij qui multū indulgēt veneri, minus viuant, itē & ij qui immoderatis atterūtur laboribus. Exiccatur enim multa seminis emissio, itē & immodicus labor. Velocior autē siccitas, mortē accelerat. Illis tamē qui nimia sunt humiditate pleni labor cōducit moderatus, ad vitā protelandā. Efficit enim bonā siccitatē & temperatam, vt non obruatur calidum ab humido, & superflua digeratur exiccando, ne fiat corruptio.

Quare per nutritionem res non possent perpetuo seruari.

CAP. XVII.

VErū ex his quæ prædicta sunt, posset quispiā dubitare, atq; ita nobis obicere, Si calidū est vitę principiu, & humido radicali nutricatur, ac humidū illud per nutrimentū reparatur quī sit vt nō perpetuo possit in aliquo viuēte, vita per nutritionē seruari? Tādiu enim animal in vita permanere natū est, quādiu calor naturalis ipsi nō deficit: adeo vt si perpetuo calor naturalis indeficiēs in corpore permaneat, simul pmaneret & anima ipsum informās. Calor autē per humidū nutritur, & humidū per alimentū reparatur. Quare ergo ad hūc modū nō potest corpus cōgruo nutrimento per virtutē nutritiuā perpetuò conseruari absq; corruptione? Huic quæstioni talis adhibenda est responsio, Humidū radicale quanquā nutriatur humido nutrimentali ex cibo & potu adueniēte, nūquā tamē reparatur ad tā bonā qualitātē, vt antē fuit, sed cōtinuo minuitur à principio actionis caloris in ipsum. Per cōmixtionē enim extranei (vt docet Aristoteles in libris de genē-

ratione) continuo ipsa virtus speciei minuitur, neq; humidum ita bonum reparatur, vt fuit ab initio antequam deperditur. Vnde fit vt cōtinuo defectu tādē penitus humido deficiente, cogatur ipsum animal siccitate deficere, calore nimio superante nec habente pabulum. Quemadmodum videlicet cū aqua infunditur vino, quo plus infuderis aqua in vinum, eò fit vinum minus forte; & minus habens virtutem suā speciei, ad conuertendum scilicet in se extraneam substantiam. Et licet in principio per modicam admixtionē non deperiat virtus vini, quoniā adhuc potens est cōuertere infusum in suā substantiā, si tamē diu pergis aquā infundere, tandē ita debilitabitur virtus speciei vini, vt prorsus ab aqua superetur & extinguatur omnis virtus vini ab aqua deuicta. Atq; hoc pacto manifestē videmus quomodo per nutritionē non posset fieri indiuidui perpetuatio: sed necesse est hoc modo animal deficere, cum eousq; res deuenērit, vt necessariū humidum radicale perdat. Quod si homini adesset per nutritionem virtus reparandi humidum æque bonum, vt est illud quod deperditur, tunc posset homo absq; corruptione seruari.

De virtute ligni vite in Paradiso. CAP. XVIII.

ATq; ita sanē intelligēdū est, quod in Genesi legimus de ligno vite, quod erat in paradiso, ex cuius fructu prohibebatur sumere Adā, posteaquā peccasset, ne ipsum comedēs viueret in æternū. Sic enim ait dominus, Ecce Adā quasi vnus ex nobis factus est sciēs bonū & malum: nūc ergo ne forte mittat manū & sumat etiā de ligno vite; & comedat, & viuat in æternū. Et post pauca subditur, Eiecitq; Adā & collocavit ante paradysum voluptatis Cherubin, & flāmeū gladiū atq; versatilē ad custodiēdā viā ligni vite. Nā (vt sacri Theologi tradūt) talis erat virtutis huius arboris fructus, vt per eū posset virtus speciei reparari & cōseruari absq; defectu. Quēadmodū enim aliæ arbores in cibū illis erāt, ad reparationē deperditi per calorē naturalē (qui etiā in primis parentibus ante peccatū inerat, & suo modo agebat, id quod ex præbito eis Dei voce alimēto manifeste cognoscimus) ita hæc arbor in medicinā potius, quā in cibū creata fuit, vt de eius fructu sumētibus virtus speciei cōfirmaretur, & ita præseruaretur ab omni defectu, vt per caloris actionē & humidī deperditionem,

extra

extraneiq; humidi aduentum non imminueretur bonitas ipsius humidi, neq; per consequens imminueretur calor. Fiebatq; per huius fructus virtutē, vt humidū æque bonū esset quod reparabatur, atq; id quod per actionē caloris naturalis deperit, eratq; medela aduersus hāc (ratione humilitatis) debilitationē. Atq; hinc processisset absq; corruptione hominū vita, arboris istius beneficio, donec Deo placuisset à statu illo animalin altio rem (qui nutritione non indigeret) transferre. Verum nos longe ab illo tam efficaci fructu elongati sumus: via ligni huius præclusa est Adā, & cunctis posteris, via incognita est natis in exilio. Paradisus voluptatis ignotus est in terra laboris habitantibus. Atq; vt etiam sit via cognita, ecce ad custodiam stat Cherubin tenens flammeum gladiū atq; versatilem, vt spes nulla sit nobis de fructu ligni huius consequendo. Neque est qui vel ramusculū nobis possit adferre ligni illius, vt ipsum plantemus in terra nostra. Atque vt fortē diceretur, non arbitror ego tam singularis gratiæ & eminentiæ lignum ex paradiso voluptatis allatū, in terra hac miseriarū atque laboris vegetari posse, aut suas radices in arenosam istam terrā (quæ spinas & tribulos inutiles melius germinare nouit) defigere. Quapropter talis iam est nostra conditio, ita se nobiscū res habet, vt, velimus nolumus, semel nobis sit moriendū, iuxta verbum domini ad Adam omniū nostrū nomine dicētis, Terra es, & in terrā *Gen. 3.* reuerteris. Vnde & sanctus Apostolus, Statutum est omnibus hominibus semel mori, post hoc autē, iudicium. *Hebr. 9.*

Quomodo vnumquodque viuens habeat determinatam periodum.

CAP. XIX.

EX prædictis facile potest mōstrari, vñquodq; viuens *Periodus seu terminus naturalis.* habere certū limitē & definitū terminū vitæ, cūq; secū dū cōplexionis varietatē diuersum lōgioreq; vel breuiorē. Cū enim nō possit humidū radicale atq; bonū reparari, necessario cōsequitur ipsum paulatim debilitari. Quidquid autē cōtinuo debilitatur & diminuitur, eādē in totū collabatur necesse est. Est enim vnicuiq; vitæ & durationi prefinit⁹ terminus nouissimū illud & extremū vitalis operationis, quādo nō vltrā potest calor naturalis ab humido nutriri cōgitariq; viuens deficere. Quemadmodum in viuo terminus quidam certus est, quādo nō vltrā infusam aquā

aquā poterit in se cōuertere, imò separetur ab aqua, & vñ esse desinit virtute speciei penitus deficiēte. Vnde illa quæ simpliciter meliorem habent complexionē proportionēq; calidi & humidi vitalis, longiorē habēt suæ durationis periodū, & quod optimā habet hāc proportionem, durationis est lōgissimæ. Ecōtrario autē, quod malā habet hāc cōplexionē siue proportionē, breuiorē habet durationē. Hic autē terminus vitę naturalis dicitur, qm̄ videlicet secūdu naturalē cōplexionis virtutē, ipsum viuēs tādū persistere est potēs, virtute cōuersiua ipsius speciei ad tātū vsq; tēpus sese valēte porrigere siue extēdere. Vñquodq; enim viuens tandiu naturaliter potens est viuere, quandiu calor naturalis in eo potest permanere, & quandiu humidū radicale in ipso potest calorem nutrire. Hoc autē est, quādiu per nutritionē potest humidū radicale sufficiēter reparari. Manifestū ergo est, vnūquodq; viuēs secūdu suā naturalē cōplexionē præfixū & determinatū sibi terminū habere suę durationis. Possumus autē in hac re facere cōparationem vel diuersorū generū, vel diuersarum specierū, vel diuersorum indiuiduorū eiusdē speciei. Vnde secūdu cōparationē viuentiū diuersi generis, dicimus quasdam arbores quibusdam animalibus esse longioris vitæ, quasdam etiā minoris. Secundum cōparationem diuersarū specierum, dicimus homines esse plerisq; brutorū animalīū diuturniores, vt mulum dicimus equo diuturniorē, & herbas quasdam vitæ longioris præ aliis. Quasdam enim tantum annuæ sunt, & singulis quibusq; annis occidūt. Aliæ verò ad annos plures secundum indiuiduū iam permanent. Secūdu indiuiduū autē eiusdē speciei fit comparatio, cum dicimus, hunc hominem esse illo diuturniorē, hunc equum illo equo, & ita in cæteris. Nonnūquam etiam in eadem specie fit cōparatio in cōmuni, secūdu distinctionē sexus vel conditionis, vt cum dicimus, in passeribus masculos minus viuere quā feminas (iuxta Aristotelis dictū) eò quòd masculini passerēs plurimam sequantur venerem. Item cū dicimus agricolas plerisq; moderato labore sese exercitātes longiorē vitam ducere, quā otiosos clericos: homines quōque sobrios & castos, plusquā gulosos & luxuriosos.

Non semper res ad naturalem vsq; terminū pertinere. C A P. X X.

Quam

Quāuis autē secundū virtutē cōplexionis vnaqueq; res habeat sibi determinatū vitæ terminū, vltra quā secundū naturā cōplexionis nō possit vita protēdi, rarissimē tamē cōtingit ipsa viuētia huiusmodi terminum attingere, neq; vel millesimus quisq; hominū ad huiusmodi naturalē cōplexionis terminū pertingit. Dicitur em̄ termin⁹ vitæ, nō q̄ viuens ipsum debeat assequi, sed quia secundū extremā naturalis cōplexiōis virtutē ipsum viuēs eousq; pōt ptingere, & nō pōt terminū illū transire. Vnde in Iob de hominib⁹ dicitur, Posuisti terminos eius qui præteriri nō poterūt. Nō ergo termin⁹ iste talis est quē debeāt attingere, sed quē possint attingere, & quē nō possint trāsire. Fit autē mille modis vt viuēs ad determinatū sibi terminū nō ptingat, maxime autē in viuētibus rationalib⁹, id est, in hominib⁹: ē qbus vix millesimus quisq; propositū finē cōsequitur. Nā mors & corruptio nō solū accidit modo p̄dicto, per naturalē defectū humidi, sed frequēter ab extrinseco accidit cōrumpere, quod p violētiā aufert à viuēte vitā partes discōtinuādo, aut quocunq; noxiā & corruptiuā qualitatē inducendo. Quēadmodū ante oculos quotidie cernim⁹, multas arbores validissimas per multos annos adhuc potētes ī vigore perdurare, si pmitterēt in sua radice præscindi securi, sicq; vitā ante cōplexionis terminū finire. Ita oues & boues aliāq; omnis generis animalia per singulos dies mactātur plurima. Quantos autē videmus in hominibus ante tēpus vel gladio occūbere, vel fame perire, vel peste cōsumi, vel aquis suffocari? imo vero sola gula, quot absumit hominū millia? adeo vt vulgata sententia merito iactetur, plures gula quā gladio absumi. Plurimos etiā quotidie videm⁹ nouis infirmitatū generibus subito suffocari, strāgulari, aut aliās quolibet exhalare animā. Et (vt theologissimi illius philosophi Seuerini Boēthij verbis concludamus) homine, si corpus spectes, quid imbecillius reperire queas? quos sæpe muscularū vel morsus, vel in secreta quæq; reptantium necat introitus.

De altero termino diuinæ præscientiæ.

C A P. XXI.

Propter hæc ergo necesse est aliū ponere terminū vnicuiq; viuētiū, qui sit nō secundū naturalis cōplexionis virtutē, sed secundū præscientiā & cognitionē Deitalem videlicet, ad quē indubie viuētia peruenient, & vltra quē

nequa

Rarò ad naturæ periculis peruenitur.

Iob 4.

nequaquam transibunt: ita ut nec ultra progredientur, neque citra occubent. Qui autem talem cognouit rerum terminum, solus est omniscius Deus. Ut enim mors est omnibus hominibus certissima, ita mortis hora est incertissima: neque de die illa aut hora quisquam nouit, praeter illum cui nihil est absconditum, qui aequae futura atque praesentia in prospectu habet, ante quem futurum omne & praeteritum est praesens. Est autem differentia inter duplicem hunc durationis terminum: quod primum non possit viuens secundum naturae virtutem transcendere, potest tamen citra illum deficere, ipsumque non assequi: alter autem talis est, ut frequenter possit viuens, quantum ad virtutem suae naturae & complexionis attingit, longe ultra ipsum transire. Veluti cum robustus aliquis iuuenis subito transfoditur gladio, aut suspendio praefocatur. Semper autem viuens hunc terminum attinget, neque ante ipsum unquam deficiet, tamen si simpliciter ante possit deficere. Qui enim hodie occiditur, aut quomodocumque moritur, potuit (absolute loquendo) ante septem dies interfici & mori. Ac de hoc termino, si quis dictum accipiat illud ex Iob supra adductum, Breues dies hominis sunt, numerus mensium eius apud te est: constituiisti terminos eius qui praeteriri non poterunt, oportebit hoc ultimum non simpliciter intelligi, quasi absolute termini isti non possint praeteriri, sed conditionate, subintellecta Dei praescientia. Quod enim a Deo praescitum est contingens, absolute quidem contingens est, & absolute potest ita non fieri. (Est enim contingens, ac proinde potens fieri, & potens non fieri) sed sub conditione praescientiae praesupposita, non potest non fieri: quoniam necessario consequitur, ipsum ita futurum, si ita Deus praecognouit. Non enim potest falli Dei praescientia.

De mutatione aetatis humanae in diuersis mundi aetatibus. c. xxi.

Considerandum autem hoc in loco, quid causae sit quod in diuersis mundi aetatibus tam diuersa fuerit humanae vitae duratio. Nam id manifeste ex sacris discimus historiis. Siquidem in principio mundi duratio humanae vitae ultra nongetos extendebatur annos, versus millenarium procedendo. Post diluuium vero dominus constituit tempus humanae vitae, 120. annorum. Quod tamen non est accipiendum secundum extremam durationem vitae humanae, sed secundum bonam valetudinem & fortitudinem bonae complexionis. Nam multis temporibus

*Terminus
praescientiae
quem omnia
attingunt.*

Iob 14.

Genes. 6.

bus post diluuium adhuc ultra definitū illud tempus homines viuebant. Iacob enim terminū illū excesserat, antequā in Aegyptū descenderet. Erat enim annorū 130. cū *Genes. 47.* ingrederetur Aegyptū. Omnes autē dies vitæ eius fuerūt *Ibidem.* 147. anni. vixerat etiā Isaac pater eius 180. annos. Et Abraham primus patriarcha 175. Hi tamē multo tēpore post diluuiū fuerunt. Siquidē ætas vna fuit intermedia à diluuiō vsque ad Abraham. Tūc ergo post diluuiū 120. annis, *Genes. 55.* sani & robusti viuebāt homines. *Genes. 25.* Postmodū verō in Psal. *Psal. 89,* numerus multū imminutus est, cum Psalmo 89. dicitur, Dies annorū nostrorū in ipsis 70. anni. Si autē in potētibus, 80. anni, & amplius eorū labor & dolor. in quibus verbis indicatur, tēpus vitæ humanæ in bona valetudine posse protēdi vsq; ad 70. aut in melius cōplexionatis vsq; ad 80. annos, mutātūq; est prius illud tēpus 119. annorū, in tēpus 79. aut 80. annorum. Nūc verō hac nostra ætate per annos vt minimū viginti facta videtur declinatio. Iā enim vix quinquaginta anni sunt vitæ hoīs, quibus fortis ac validus potest durare. Paucissimi sunt qui nō anno sexagesimo canis perfundūtur, & viribus multū imminuuntur. Quod autē ultra est, senectutis & defectus est tēpus: & quod ultra annū est sexagesimū, certe labor est & dolor. Manifestissime ergo ex scripturis sacris hæc vitæ humanæ tēpora ita monstrātur variata. Potest autem causa horū ex suprā declaratis elici per similitudinem. Sic enim de nutritione dicendū est respectu indiuidui, quomodo de generatione respectu speciei. Vt enī nutritio ad indiuidui sustentationē, sic generatio ad speciei cōseruationē à natura est ordinata. Quemadmodū autē nutritio ipsum indiuiduū nō potest absq; corruptione cōseruare immortale, sed tandē deficere ipsum est necesse, ob hoc q̄ per nutritionē humidū nō ita bonū reparatur vt erat ipsum absumptū, sicq; cōtinuo deficit caloris naturalis fomentum atq; vigor, propter quod tandē necesse est rē deuenire ad interitū, calore naturali eiusq; pabulo penitus deficiente: ita generatio quantū ad speciē, nō ita bonā ac fortē ac validā reparat speciē, vt in principio fuerat: & quo amplius per generationes species multiplicatur viuētis, eo cōtinuō magis ac magis debilitatur virtus primariæ cōplexionis, quæ in primis erat indiuiduis: sicq; modo paulatim debilitat

litatur virtus complexionis humanæ, ac cōsequenter durationis tēpus efficitur breuius. Neq; id solū in hominibus, sed indubie, & in bestiis, & in plātis, herbis, atq; arboribus, eorumq; fructibus veritatem habet. Nihil enim dubium est, quin arbores istæ, quæ nostra sunt ætate, longe sint dissimiles secundum virtutis efficaciam, atq; etiam secundum durationē, illis arboribus quæ fuerūt in prioribus seculis. Illud tamen notandū, quod in humana specie maior sit debilitatio, quā in genere brutorū animalium. Et hīc rursus magis, quā in plātis. Est enim in homine triplex causa defectus, in brutis duplex, in plantis simplex. Homo enim pro nutrimento habet cæterorum animalium carnes, & fructus terræ. Quanto autē cibus iste virtute deficit, tātō minus sufficiens est ad reparationē humani corporis. Vnde non solū ex hoc breuior est hominū nostræ ætatis duratio, quod ipsa virtus speciei iam sit debilior, & complexio infirmior, vt nō tam diu sufficiat ad reparationem deperditi & ad fouendū in corpore naturali calorem, verumetiā ex parte alimēti, quod magis materiale est, & minoris virtutis nostra ætate, quā fuerit in generationibus prioribus: sicq; necesse est vt humidū radicale iam magis cōmisceatur extraneo, quā in præteritis generationibus miscebatur. Quanto enim id quod ex cibo sumitur minoris fuerit virtutis, tanto à calore naturali citius absumitur, neq; ita diu potest fouere calorem: ac proinde oportet magis fieri humidi extranei commixtionē cum humido radicali, vnde oritur vita breuior. Omnis ergo defectus iumentorū illorū quibus homo in cibum vitur, ad humanę speciei recidit detrimentū. Item omnis defectus herbarū, & arborum, quibus vitur in pabulum homo, in ipsius cedit detrimentum. In animalium autem irrationalium (quæ ex herbis terræ viuūt) damnum etiā cedit herbarum defectus, præter eam quā à proprię complexionis defectu in se habent debilitationē: habent ergo ipsi duplicem minoris durationis causam, homo vero triplicem, plantæ autem simplicem tantum, secundum hanc comparisonem. Vnde secundū rationē, nō videtur esse tanta distantia durationis arborum atq; plantarum secundum diuersas mundi ætates, quanta est iumentorum: neque tanta iumentorum quanta est hominum.

Quod

*Triples causa
sa humani
speciei debili-
tans, bruto
vñ duplex,
plantarū vñ
unica.*

Quòd vnaqueque species viuentium, suum habeat naturalem terminum.

CAP. XXIII.

Quomodo itaq; propter hunc continuū defectū diximus singulis indiuiduis esse determinatum & pręfinitum suę cõplexionis terminū: ita & de speciebus dicere nō irrationabiliter possumus, esse videlicet vnicuique speciei suū determinatū terminū, secundū speciei naturalē virtutē. Aeq; enim hoc de specie & de indiuiduo, cōtinuus probat defectus. Si enim per generationē repararetur species inæquali virtute vt antè fuerat, posset quidem recte sentiri generationem sufficere ad perpetuandā speciem: quomodo indiuiduū posset immortale per nutritionem seruari, si ipsa repararet indiuiduū in tam bono statu quā antè fuerat. At verò cū iam demonstratū sit, & sanctę auctoritas scripturę, simul & ocularis experiētia hoc doceat generationē nō potuisse cōseruare speciē absq; maximo & summe notabili ipsius defectu: manifesto infertur cōsequio, quòd tandē aliquando speciei virtus vsq; adeo sit debilitanda, vt non sufficiat ad vltiorem sui cōseruationem, aliorūque indiuiduorū multiplicationē: sicq; prorsus collapsa cogetur deficere ad eū modū quo indiuiduū (nō obstante nutritione) tandē cogitur penitus in seipso deficere, neq; per nutritionē potest perpetuo seruari. Itaque, etiā si naturalē sequamur rationem, ipsa nobis monstrat omnes rerū viuentiū species nō posse perpetuo stare, ac tandē necessario corrumpi debere. Errant ergo nō solū contra fidei regulā, sed & contra rationis normā, qui omnes præcipuas species vniuersi dicunt naturaliter esse incorruptibiles, & à patre posteriori æternas, licet aliquādo accepisse eas fateātur durationis principiū. Quod etiā vulgo dici solet, per generationem res naturales secundū speciē perpetuari, si veritatem habeat, intelligi debet nō de perpetuatione simpliciter, sed secundum quid: quatenus videlicet longissimū illud tempus quo species conseruantur vsq; in consummationem seculi, perpetuitas quædam ab hominibus æstimetur.

Quòd humanam speciem mirum in modum gula atque luxuria debilitant.

CAP. XXIII.

PRæter verò suprā adductā causam naturalē velocis humanę defectionis, inuenimus etiā gulā & luxuriā,

humanā speciē mirum in modū infirmare, quę tamen inter causas extrinsecas veniunt cōputandæ, cū non insint homini hæc vitia à natura, nisi forte quatenus aliquā habet prauā inclinationem ad eiusmodi vitia, vt est homo ab infantia sua pronus ad oē malū. Inter hæc autē duo, luxuria per se facit ad speciei debilitationē. Est enim luxuria nimius & inordinat⁹ coeūdo affectus coitus autē nimis frequens ad vanā delectationē, & nō iuxta naturæ ordinē ad speciei cōseruationē, sobrie in vsum vocatus, facit, vt semē (per quod seruetur generatio) nō ita potētis sit virtutis ad speciei reparationem, quā esset si sobrie parciusq; ac iuxta naturæ ordinē administraretur. Procedit itē ex luxurię vitio, quòd ante debitā maturitatē & perfectionem naturalē ad validā generationē sufficientē, videmus homines ante tēpus generationi intendere. Quid enim? An non ante oculos cernimus, puerulos adhuc atq; puellulas copulari coniugio, amplexibus vacare, intēdere generationi, quorum anni si pariter iungantur vix ætatem attingent virilē? vt merito in prouerbiū sit tractū, Pueros nostra tēpestate generare pueros. Ecce enim iam de testā pullos educunt, quibus adhuc testā, ē qua iā prodire, adhaeret. Iam natulos gestant in vlnis, qui pridie emerferunt ē cunabulis. Vix à lacte auulsī, lactant de se genitos: & patres matrēsq; appellantur, qui necdū ex ephrēbis excesserunt, quibus nomē altius quā puerorū nō cōpetit. Scilicet in brachijs prolem gestant noui patresfamiliās, quos adhuc cōueniebat præceptorū patrūmq; genibus impositos, ad disciplinæ institutionē ac morū informationem, virgis cædi. Qui autē possit fieri, vt hoc pacto nō plurimum debilitetur humana propago? Quemadmodū enim granū immaturū aut semen nō debita maturitate perfectū, gignere nō potest fructū cōuenientem & fortē multaq; durationis: ita & in hominibus dicendū videtur, eos, qui sic antē tēpus suæ propriæ perfectionis, generationi vacant, nō posse efficaciter suæ speciei cōseruationē perficere. Vnicuiq; enim rei tunc cōuenit generare sibi simile, cū suam fuerit adepta perfectionem. Huiusmodi ergo qui longe adhuc absunt à sua perfectione, quomodo feliciter sibi simile generabunt? Et licet verū sit, hominem in anno x l i i i. (quod ad masculos attinet) in anno x l.

(quan

(quantum in fœminis) ad generationē vt plurimū suffice-
re, manifestū est tamen, non posse illis tam perfectā inesse
generandi virtutem, vt posteaquā in robur virile euase-
rint. Donec enim ad ipsius indiuidui augmentationē plu-
rimum debet esse intenta vegetatrix potentia, nō ita so-
licita esse potest de specie, ad generationis semē perficiē-
dum. Verū posteaquā augmentatione debitam indiuiduo
induxit quantitātē, tū liberius ad speciei multiplicatio-
nem potest intendere, efficitq; tunc semē (quod de alimē-
to superfluo resoluitur) potentius ad generandū sibi simi-
le. Cæterū, gula ipsa quanquā per se videatur magis ad
indiuidui detrimentū pertinere (eò quod per ipsam nimia
fit cōmixtiō extranei cū radicali humido, & calor minui-
tur, ac velut obrutus nimia infusiōe extranei debilitatur
atq; extinguitur) vergit tamen mediate ad speciei detri-
mentum. Nam cum per indiuidua debeat generatio fieri,
constat ad debilitationē singulariū hominū generantium
consequi infirmitatem generationis. Nam (cæteris pari-
bus) eos qui fortiores sunt & melioris cōplexionis, vide-
mus progignere proles fortiores ac durabiliores illis qui
infirmi sunt ac debiles. Vnde non dubiū est, hominē fru-
galiter viuentem & conuenienti mediocriq; alimento
vtentem ad generationē bonā esse magis aptum, eo, qui
vorator est atq; ebriosus. Quēadmodū enim cibo ac potu
immodico impeditur bona nutritio & indiuidui diutur-
na cōseruatio: ita etiā generatio & bona speciei multipli-
catio. Adde & hoc quod pleriq; nimia venere scipsos ex-
hauriūt. Facit enim nimia seminis emissio celeriorē exi-
cationē, & humidi consumptionē. Vnde etiam in animalib-
us brutis videmus illa quæ maximē veneri incumbunt,
celerius morte absumi. Propter quod Aristoteles dixit,
passerum masculos minus viuere fœmellis: eò quod ma-
sculi (vt se ait) plurimā sequantur venerem. Verū illud
ad indiuiduū videtur spectare, quantum ad ipsum venere
vtentem. Quantū vero ad prolem genitam, etiā in specie
vergit detrimentum. Qui enim immoderatē rei venereæ
indulget, & sæpius quā natura docet, ratioq; postulat,
non potest hic nisi debilem gignere prolem, eò quod se-
men non possit in eo tantæ esse virtutis, quantæ foret si
hac in re esset moderatior. Cum enim semen multæ sit

perfectionis & magnæ nimium virtutis (vt suprà ostendimus) verisimile est ipsum multo satis egere tempore, vt suæ virtutis accipiat perfectionem, & vt plenam accipiat ad suas operationes efficaciam.

Execratio detestatioque gula, atque luxuria, genus humanum infirmantium.

CAP. XXV.

ESt proinde nimium detestanda hominû plurimorû praua peruersitas, peruersaq; prauitas, q̃ hisce vitiis abominandis atq; execrandis ita sese fœdè cōmaculant. Similes facti iumentis insipientibus, equis & mulis, in quibus cū non sit intellectus, solā insequentes sensus cōcupiscētiā ad quælibet sensui arridentia absq; interiori retinaculo suo motu ferūtur. Imò vero longe superant iumentorū irrationabiliū conditionē homines à deo cōditi rationales. In nulla enim iumentorū specie ita videas mala prædicta (cibi dico ac potus, rei que veneræ abusum) latissime patere, vt in specie humana, quæ ob rationis priuilegium merito debuit ab illis esse alienissima. Nam iumēta mensurā sibi cōstituūt, sensus voluptatē, & cū gratum aliquid propositū fuerit, eatenus inde sumunt, quatenus oblectatur sensus: vbi autē abscesserit delectatio, caput auellunt, neq; sumunt vltrā. Propone (exēpli, gratia) equo aut asino sitiēti aquā limpidissimā, propone (inquā) in abūdātia: videbis donec sitis fuerit extincta, donec appetitus ille sensus fuerit sedatus, nō habituros requiem: mox vero vbi impletū fuerit sensus deūderiū, capite auerso desinunt haurire. Ita & in pascuis vberimis videmus, posteaquā satietas facit sensum non vltrā herbis delectari, à pastu cessare animalia, & vel sopori se dare, vel obambulationi. At verò inter homines facile inuenias, imò nō quæsitos passim obuios videas, qui nulla sibi posita mensura, etiā sensibus omnibus reclamātibus atq; abhorrentibus, cibū potūmq; ingurgitant, donec crepet venter indignū existimantes cessare à poculis, aut à conuiuio ac cedere.

Item in animalibus videmus, ea admodū sobrie rarissimeq; vti venere, & id plerunq; statutis anni temporibus. Homines verò qui per rationem etiā perpetuo se refrænare poterant, irrationabilitate superantes irrationalia pecora, nullū sciunt modū, etiā ampliora quàm possunt fœdissime attentantes. Rursum animalia irrationalia à

nat

Vide hominum intemperantiam.

natura deputatū sibi modū seruant, neq; nisi quantū natura causā speciei seruandæ extimulat, re huiusmodi vtūtur. Homines vero nulla habita ratione multiplicationis speciei, nulla considerata honestate, modos indebitos, & quales natura horret cōiunctiones adinueniunt: sic in omnibus optimi creatoris, & piissimæ naturæ donis abutentes, in suā temporalem perniciē, multo verò magis in sempiternū interitū, paratū reuelari in die nouissimo, quādo veniet iustus ille scelerū ultor, summa districtione exquisiturus rationē de omnibus humano generi donis collatis, deus in æterna secula benedictus. Amen.

FINIT LIBER VIII.

PSALMVS HOMINVM GENERI
commonitorius, pro donis magni dei futuris
atque præsentibus.

Attendite genus hominum ad beneficia creatoris vestri: quanta contuleris vobis, tota mentis virtute considerate.

Ex his autem quæ iam præsentitis in tempore isto, transite ad cōsiderationem eorum quæ sunt quidem nunc abscondita ab oculis vestris, sed exhibenda in tempore suo.

Quod ad tempus hoc attinet, ecce corpus mirabile, & nobilē animā donauit nobis: calorem vitalem ad operandum in corpore mirabilia ipse in seuit corporibus nostris.

Cibos omnigenos ad abundantiam præstitit nobis, vt resiciamur ex eis ad abundantiam consolationis nostræ.

Ad sustentationem corporis escam donauit ad sufficientiam: non defuerunt ab initio quæ nostrō conducerent pastui.

Per annos singulos germinat vobis terra præstantissimos fructus suos: cuncta semina è matre terra progignunt fetus suos.

De terra prodire facit benignissimus creator deus firmamentum panis, & vino quod lætificet cor hominis, hortos implet vinearum.

Neque vero solū necessaria præbet sustentationi nostræ, sed etiam quæ ad voluptatis proficiūt oblectationem, abunde ministrat nobis.

Poterat quidem panis sufficere ad confirmandum corda filiorum hominum, & aqua in sitis refrigerium.

Non hæc tamen ipsi pro sua munificentia videbantur sufficientia: delicias etiam voluit adicere, & magnificat ciborum diuitias.

Præter nāque panē cōfirmantē deū carnes iumentorū magnorum atq; paruorū: carnes volatiliū, natatiū, & gradientiū super terram.

Insuper & fructuum suauissimorum miram varietatem ex con-

similibus fere lignis prodire iubet : mellis quoque dulcedinem, & vini incunditatem voluit adliicere.

Non erant autem hac omnia humano pastui necessaria : suffecisset utique nutrimento hominum horum ininus quàm dimidium.

Attamen sic ipse voluit, qui gaudet magnifice benefacere : ita illi visum fuit diuiter enutrire filios suos.

Ita illi complacuit gustum quandam prabere superuentura eterne dulcedinis : quam licet non sit contemplatus oculus, ipse tamen absconditam seruat se diligentibus.

O quam magna multitudo dulcedinis tue domine, quā preparasti diligentibus te, quàm erit beatus qui manducabit panem in regno Dei :

Si nunc ita diuiter, ita magnifice, ita delicate enutris corpora nostra, mortis corruptioni necessitatis lege succubitarā : ò quanta praestabis olim resuscitatis, mortēque solutis, in praesentia vultus tui.

Quomodo satiabimur, apparente gloria tua, quomodo inebriabimur ab ubertate domus tuae potatū voluptatis tuae torrentibus.

Nunc quidem donec Ade debito subiaceamus, cibo tuo instauramus corpora nostra, usque dum adueniat terminus quem constituisti unicuique ad persolutionem debiti.

Quod calor vitalis (quem insensisti nobis) depasit, instaurat alimentum à te subministratum nobis : donec tandem virtute deficiente mors adueniat : quam superinduxit nobis iniquitas nostra, & iustum decretum tuum.

Illic vero absque metu mortis, & corruptionis pauore persistemus stabiles, nihil erit consumens, nihil instaurandum in locū deperditi.

Tua enim virtute longe illinc omnis profligabitur consumptio. interitus, & mors non accedent ad tabernaculum sanctum tuum.

Non patietur cibus iste tuus, quem apud te manducabimus, in perpetuum dissolui compositionem corporis nostri, us perpetua immortalitate gloriosi indissolubilesque conseruabimur.

Panis quem ibi propones conuiuiis tuis, non exhibebit laborem dentibus : molis non egebit silentium ut conteratur in eis.

Illabetur per se dulciter ut mel gutturi nostro, & penetrabit suauitas eius usque ad intimum cordis nostri.

Implebit suauitate animas nostras : omnia ossa nostra dicent, Domine quid simile potest esse huic dulcedini?

Gloria patri, & filio, & spiritui sancto.

Sicut erat in principio, & nunc, & semper : & in secula seculorum. Amen.

FINIT PSALMVS.

IN

IN LIBRVM IX.

CONSIDERATIONIS PHY-

SICAE DE SENSIBVS EXTERIORI-

bus, eorumque organis, & sensibili-
libus, præfatio:



PRÆTER potentias illas vegetatiuas, quibus omne viuens ab autore omnium Deo dotatū conspicimus; vel ad sui ipsius conseruationem siue perfectionem, vel ad suæ speciei sustentationem, experimur in animantibus esse alias quasdam vires exteriores, quibus rerum extrā existentium mirabili modo possunt species, atque simulacra in se suscipere, absque vlla reali susceptione corporum illorum quorum apprehendunt simulacra: sicque sit, vt cætera omnia tam animata quam inanimata, possint hisce viribus animalia variis modis apprehendere: quædam quidem longius absentia, quædam vicinius præsentia, iuxta virium harum diuersitatem, secundum perfectionem maiorem atque minorem. Has autem potentias sensitiuas dicimus, & vulgata appellatione ab officio sensus appellamus. Horum quidam organum habent exterius patens, resque ipsas non nisi exterius præsentem & obiectas percipiunt, vt visus oculum habet pro organo, & non nisi præsentialiter obiectos oculo colores percipit: quos proinde sensus exteriores rectè appellamus. Ac de his nunc præsentis libri aggredimur determinationem, de illis qui interiorius latent absconditi, post expeditum horum qui iam propositi sunt tractatum, sermonem (Deo donante) facturi. Ita enim ordo exigit disciplina, vt de iis quæ nobis nunc sunt notiora, sensibusque nostris magis exposita, prius absoluantur determinatio, quam ad ignotiora & occultiora fiat progressus.

De numero sensuum exteriorum & specialiter de visu.

C A P. I.

DE potentiis, quas exteriores sensus appellamus, dicturi, commodum quot sint, & quæ ipsorum obiecta præmitteremus.

Quinq; sen-
sus exte-
rio-
res.

Quinque ob-
iecta.

Sunt autem sensus exteriores quinque, visus, au-
ditus, odoratus, gustus, & tactus. Obiecta quo-
que totidem sunt, hæc videlicet, visibile, audi-
bile, gustabile, odorabile, & tangibile.

Omne enim sensibile, vel est visibile, vt colores, lux &
lumē: vel audibile, vt soni: vel odorabile, vt odores: vel gu-
stabile, vt sapor: vel tangibile, vt calidum, frigidum, sic-
cum, & humidum. Vnde color est obiectum visus, hoc est,
id quod per se à sensu visus percipitur, & cuius ratione cæ-
tera colorata videntur, sub colore intelligendo lucem &
lumen, quæ etiam per se sunt obiecta visus. Sonus, est ob-
iectum auditus: sapor, obiectum gustus: odor, olfactus: qua-
litas tangibilis (sub qua sunt calor, frigiditas, humiditas,
siccitas) obiectum est tactus: ita vt nihil percipiat auditus,
nisi ratione soni: nihil gustus, nisi ratione saporis: nihil o-
doratus, nisi ratione odoris: nihil tactus nisi ratione tan-
gibilis alicuius qualitatatis. Ad clariorem prædictorum in-
tellectum faciunt quædam diuisiones Aristotelis, ipsum
sensibile in aliquot membra secantes. Prior est,

Sensibile, quædam per se, quædam per acci-
dens sentiuntur.

Id est, eorum quæ sensu percipiuntur, alia ratione suæ
naturæ, & nō ob aliud inexistēs percipiuntur, alia ob aliud
inexistens. Prioris exempla sunt quinque sensuum obiecta
color, sonus, &c. Posterioris sunt omnia horum obiecto-
rum subiecta, vt homo, equus, lapis, planta, &c. Ratione
coloris videntur, soni causa audiuntur, odores ab odoratu
percipiuntur, & nō ex propria natura. Altera diuisio,

Sensibile per se, alia sunt vniuscuiusq; propria
sensus, alia cōmunia cunctis. Proprium sensi-
bile est, id quod alio sensu sentiri non potest,
& circa quod error fieri nequit.

Id est, quod vnico sensu exteriori per se seu speciem
percipitur, & circa propriam, quod sensus non erat seu de-
cipitur, ita vt videat non colorem, pro colore, aut audiat
non sonum pro sono, odoretur non odorem pro odore:
& ita in cæteris, licet ignoret quid sit habēs colorem, &c.

Sen

Sensibilia communia sunt quæ nullius sunt propria sensus, sed omnibus communia.

Cuius sententia ex definitione præcedenti facillè patet. sunt huiusmodi, motus, quies, numerus, figura, & magnitudo seu quantitas continua permanens. Hæc enim à pluribus sensibus exterioribus percipiuntur, licet nō ab omnibus, ut motus & tactu & visu est perceptibilis, secundum Aristotelem. Habent autem hi quinque sensus, suum quisque organum & medium.

Organa sunt hæc, oculus, aures, lingua, nares, nervus tactivus.

Aqueus siue crystallinus, in quo recipitur species & eius virtute fit visio in oculo. Dicunt enim in centro huius humoris perfici visionem. Et propter hunc humorem Aristoteles dixit oculū esse aqueum: quod probat etiam ex aquæ effluxu, cum oculus fuerit cōfossus: & ex providentia naturæ, quæ circa pupillam circumposuit albuginem pinguem & calidam in modum adipis illis animalibus, quæ sanguinem habent, item & palpebras: hoc ingeniose factū dicens à natura, ut humor ille pupillæ per frigus nō aliquādo coagularetur vel congelaretur. Ab hoc autem humore ulterius tēdunt ad cerebrū, à duobus oculis duo nervi, qui in vnum conueniunt sese interfecando, qui nervus opticus, id est visivus dicitur. Notandum verò quòd tam oculus, quam anima, quàm etiam potentia visiva, videre dicitur, verū id diuersis intelligitur modis. Oculus enim videt, quia visionis actum in se habet. Anima videt tanquam efficiens præcipuum actus videndi, & visiva potentia tanquam efficiens instrumentale.

De obiecto visus, colore, & luce.

C A P. I I.

SUNT autem quæ videntur (ut diximus) colores, lux, & lumen, quanquam lumen non proprie terminet visum. Est enim lumen species lucis, & lux in lumine videtur, & ipsum de se spargit per mediū in organū sicut color diffundit suam speciem in organo, & per eā videtur. Species autē propriè non videtur, sed per ipsam videtur id à quo diffunditur in sensum. Vbi notandū, quod color ut in oculo suā speciē diffundat, requirit luminis illustrationem. Non enim potest color immutare mediū, neque proinde,

mouere sensum, nisi cadente super ipsum aliunde lumine, extrinseco. Lux verò non eget alieno lumine, quandoquidem ipsa secum lumen affert, in quo videtur. Vnde si sic esset color, semper esset visibilis tam de die quam de nocte. Imò vero per contrarium superueniente extrinseco lumine lux impeditur, ne videri possit: si superueniat, inquam, lumen maius. Nam maius lumen obscurat minus: quæadmodum manifestè patet in luna, & stellis, quæ latèt, donec solis lumē abscedat, post cuius abscēssum videri incipiunt, si aliud nō inter sit obstaculum. Attenden-
dū verò quod diximus, vt color videatur requiri ad lumi-
nis alieni illustrationē. Nam quædā reperiūtur duabus ra-
tionibus visibilia, partim ratione coloris sui, partim ra-
tione luciditatis, vel fulgoris. Patet hoc secundū in lignis
putridis, oculis cattorum, vermibus quibusdā, & pisciū of-
fibus. Hæc enim in nocte, & si quando ab eis lumē extrin-
secum secludatur, videntur secundum lucē quam habēt.
Per diē autem cadente super ipsa extrinseco lumine secū-
dum colorē propriū longe alia videntur. Vnde & falli nō
raro cōtingit eos, qui sulphurata in cattorū oculos impiū
gunt, aut aduersus truncos putridos nocte consurgunt,
osāve huiusmodi pro re quapiā pretiosa decepti colligūt
existimantes se aut carbones videre ignitos, aut homines
armatos cōtrā stantes, aut pretiosa quæq; metalla reperi-
re. Hæc ergo corpora sic duabus rationibus visibilia, ra-
tione quidem coloris (quæadmodum alia corpora) non vi-
dētur nisi in lumine, ratione autē fulgoris illius, nō nisi
in tenebris. Sunt autē quæ secundū idem, & de die viden-
tur, & de nocte, quemadmodum videlicet flamma ignis me-
dio die videtur in lumine etiā non proprio. De nocte ve-
rò videtur per lumē propriū, quod de se diffundit. Secun-
dum idem tamen videtur, quamuis non in eodem lumine.

Quibus rebus conueniat color.

CAP. III.

*Quibus cōue-
nit color.*

Non inuenitur autem color proprie acceptus, nisi tan-
tum in corporibus terminatis, hoc est opacis, & quæ
translucētia siue penitus diaphana non sunt. Licet autē
solū color ille qui in extremitate apparet corporis opa-
ci, super quod cadit lumen à corpore lucido, moueat vi-
sum atq; ab oculo videatur, est tamē secūdum veritatem
color etiā in partibus interioribus ipsius corporis opaci,
aque

æque atque in extrema, quemadmodum ad oculum patet in corporis diuisione, vbi manifeste color in vtraque parte se offert, qui non per diuisionem illic generatur, sed ante diuisionem præfuit, tamen si non apparuit. Quòd autem non videatur nisi ille qui est in extremitate, inde est, quòd hic solus lumine illustretur. Nam ad colorem qui interius est, non potest luminis fulgor pertingere.

Atq; hoc est, quod Aristot. in libr. de sensu & sensato. Colorem actu sensum vel sensationem facientem definit esse extremitatem perspicui in corpore terminato.

*Quid color
actu sensum
mouens.*

Solum enim ille color qui in extremitate est corporis opaci, visum mouet: quoniã lumen adueniens corpus tale in sua extremitate tantum facit esse perspicuum.

Perspicuum est, quod est quidem visibile, non autem per se, sed per alienum colorem.

Id est, corpora diaphana, id est, tràsfluentia, vel tràsparentia, quæ visum nõ terminant, sed perspicua sunt (vt aër, aqua, cœlestia corpora, & quædã alia corpora, solida, non sunt colorata, neq; per se sunt visibilia, nisi quatenus luminis sunt in se susceptiua, ratione cuius fiunt visibilia. Vnde cœlos non videmus vt coloratos, neq; aërem, neq; aquã, sed tantum vt luminosa, cum lumine fuerint illustrata.

Potentia perspicuum est, id in quo nunc idipsum inest, nunc tenebræ.

Id est, quòd aptum est suscipere lumen, actu tamẽ non habet: cum autem corpora huiusmodi luminis susceptiua, lumine vacant, tenebræ dicuntur.

Sunt enim tenebræ priuatio luminis in corpore susceptiuo. Est autẽ perspicuum omne aptum medium visus (cum fuerit lumine collustratum) per quod color possit videri.

*Perspicuum
versus me-
dium.*

Vnde Aristoteles definiens colorem, ait.

Color est, motiuus eius quod est perspicuũ actu, & id est ipsius natura.

Id est, color est qualitas emittens sui speciem visibilem per corpus perspicuum, lumine collustratum, idq; suapte natu

natura. Non est autem actu perspicuū vel diaphanū, sine lumine. Perspicuum ergo actu mouetur & immutatur à colore, quatenus videlicet color in perspicuum imprimat suā similitudinem, ipsum verò perspicuum consequenter immutat visum. Atq; ita per mediū perspicuum color immutat visum. Sic etiā lux medium perspicuū prius immutat, lumē in ipsum diffundendo, ac per medium ita immutat visum. Admodū verò aptè hoc natura disposuit, vt corpus perspicuū, quod est visus medium, non habeat vllum in se colorē. Si enim colorem aliquem in se haberet proprium, color ille impedimento esset discernendis coloribus. Nam quicquid per tale mediū videretur, consimilis coloris iudicaretur, veluti cum per vitrū rubeū, quod intra se habet rubedinē, cernimus, quicquid cōspicimus apparet rubeū. Prouidē ergo hoc natura disposuit, vt mediū visus p quod debeat color discerni, careat nativo colore. Ob hoc verò & lumine proprio, siue propria luce carere videtur ne luci cuiuslibet percipiendæ præbeat impedimētū. Lumen autē (iuxta Aristot.) est actus huiusce perspicui, ea nimirum ratione, qua perspicuū est.

Medium visus nequaquam impedit visionem. CAP. IIII.

Opinio Democriti.

EX prædictis patet, non recte sensisse Democritū, qui existimabat, si totū spatiū, quo cernimus, esset vacuū, acutius expeditiusq; singula posse videri, adeo vt formica possit per mediū vacuū in cœlo videri. Sic enim ista procedit imaginatio, quasi perspicuū intermediū impediatur visionē, quod veritatē nō habet, cū potius eam adiuuet, imò sine eo nō possit fieri. Si enim esset vacuū inter cœlum, & oculum nostrum, nihil penitus possit eorum quæ in cœlo sunt, à nobis videri. Medium enim, primū à colore vel luce immutatur, & per ipsum mediū perspicuum immutatu consequenter immutatur oculus. Illud tamen verum est, qd medium si incrassatū fuerit, impedimentū præstare possit, vt quanto magis à perspicuitate recedit, tanto ægrius per ipsum fiat visio, velut cum aer in nubiū dē sitatem ingrossatur, quēadmodū per aquā difficilior sit visio quàm per aërem, cū tamen vtrunq; sit medium visionis. Quod autem mediū actu perspicuū esse debeat, & lumine collustratū, vt fiat visio, quæri solet, an ex parte coloris hoc sit,

an ex

an ex parte oculi. Est autem probabilius, q̄ ex parte coloris hoc procedat, quoniā videlicet color suapte natura non potest immutare mediū, nisi actu perspicuū, & lumine collustratū, neq; potest nisi lumine super ipsum cadente, suā speciē in aërem imprimere. Nam (quātum ad oculum attinet) experimur, hominē in tenebris dēfissimis positum videre candelam lucentē à longe, quod argumentū esse videtur pro oculo, quod ipse ex sua natura nō requirat sui ipsius illuminationem, sed ex parte ipsius coloris, qui nō potest aliter nisi in perspicuū actu suam speciē imprimere. Et illa, q̄ iam suprā dixim⁹, in tenebris videri ratione sui fulgoris vel luciditatis, ab oculo nō illuminato videntur. Cum autē oculus per suam potentiā visuā possit nul' lumine illuminatus percipere flammā & huiusmodi fulgorē, videtur ipse quantū ex se non requirere illuminationē alicuius luminis extrinseci, vt videat colorē. Propter quod dixerunt nōnulli esse in oculo quandā lucem, qua sufficiat (etiā si extrinsecō lumine non illustretur) quantū ex sua natura, apprehēdere visibilia. Quod tamen nō videtur de luce proprie dicta veritatē habere, sed rātū de claritate, limpiditate, ac p̄spicuitate, quæ est in pupilla ad modū crySTALLI resplendentis. Lux autē proprie dicta nō illic ponēda est, eadē ratione qua nec color. Quomodo enim si color aliquis proprius esset in pupilla, impe diret colorū distinctionē, atq; ob hoc denudatū esse oportet organum visus ab omni colore, vt omniū possit colorū speciē absq; impedimento suscipere, & de omnibus iudicare: ita & de luce proportionabiliter apparet dicēdū.

De auditu & eius organo.

CAP. V.

INter sensus exteriores secundo loco ponitur auditus, cuius est sonos oēs atq; voces & eorū differētias percipere. Quomodo autē de visu diximus, quod consistit in quodā aqueo, in humore scilicet crySTALLINO qui est intra oculū: ita de hoc sensu dicūt: quod sit in quodā aëreo, siue in quodam aëre connaturali circumdato membranula, & intra aurē diligenter abdito, prouidēq; concluso, ad quē cum species soni per aërem extrinsecū delata fuerit, susceperitq; intra se speciem soni: ita causatur auditio, fitq; ibi soni perceptio: sicut visio fit in pupilla oculi, suscepta in eam coloris specie. Hunc autē aërem natiuū, prouida natura,

obiectus solari radio, vel admoto propius lumine candelæ, non immotus persistat, sed ocyus sese voluat, & palpebras tremulas frequenter claudat, ne nimio lumine ipse offundatur, & sensus ipsius harmonia dissoluatur. Quibus autem hoc deest: visum habent læsum. Vnde cæcos videmus admota lucente candela oculos nihil retrahere, & surdi vel surdasiri manum auri apponentes, sonum illum supradictum intra aurem non percipiunt.

De sono qui est obiectum auditus.

CAP. VI.

Est autem sonus proprium obiectum auditus, ita ut nihil nisi gratia soni audiri possit, & quicquid auditur, gratia soni audiatur.

Est autem sonus, motio eius, quod eo motu moueri potest, quo mouentur ea quæ resiliunt à corporibus leuibus, cum quispiam percutit.

Obiectum auditus sonus.

Hanc definitionē patet esse causalem, & hic redditur sensus: Sonus est qualitas quædam causata in medio ex collisione siue percussione duorum corporum adinuicem, qui cum totum oppleuerit mediū vsq; ad organum auditus, efficit auditionē. Ad quemlibet enim sonum causandum tria requiruntur: scilicet percutiens, percussum, & mediū. Quamquam horum aliqua secundum rem interdum contingit coincidere, utpote cum vnum duorum fungitur officio, veluti cum quis virga violenter percutit aërem, idē aër quatenus violenter ictus habet rationē percussi, quatenus verò in se sonum recipiens, dicitur mediū. Vnum autem corpus per se solum non potest sonum efficere. Notandum verò, quod sonus non in ipso est subiectiue quod percutit, neque quod percutitur, sed in medio circumstante (aëre scilicet vel aqua) quod ipsum in se recipit. Cum enim ex ictu mallei super campanā sonus editur, non est ille subiectiue neque in campana percussa, neque in percutiente malleo, sed in aëre circumstante, & per impulsum siue ictum moto circumgyrato, in quo suscipitur soni qualitas. Vnde quod campana sonare dicitur vel malleus, extrinsecè intelligitur, quatenus videlicet sonum edunt sua percussione, quemadmodum Solem dicimus calidum, qui tamen vere calorem non habet, sed caloris est tantum effectiuus. Atque ita corpora sonora dicimus, quatenus soni sunt effusiva, ubi fuerint icta. Aër verò tantum

Soni definitio.

Tria ad sonum requisita.

etfi

et si in se habeat subiectiue sonū, non tamen ab eo secundum concretum aliquod vulgo vsitātū denominatur. Nō enim dicitur aēr sonans, neq; etiam (iuxta cōmunem vocabuli acceptionem) dicitur sonorus, tamen si sono sit informatus. Qua in re manifesta inter sonum (qui est obiectum auditus) & inter obiecta aliorum sensuū differentia est, quoniā color subiectiue est in re quæ per ipsum videtur, & odor in re est quæ per ipsum odorem tantū percipitur, sapor item in re quæ gustatur, & tangibilis qualitas in re quæ tangitur. Solus autē sonus nō est in re quæ auditur, sed ab ea tantum procedit, & in medio recipitur. Solus etiā sonus in ipso medio realiter existit. Cæterorū autem obiecta sensuum tantū sunt in medio intentionaliter, videlicet secundū suam speciē. Fit autē sonus non absq; locali motu. Cū enim sonus nō fiat sine collisione, & concussione, percussio verò nō absq; motu consequēs est nec sonū posse fieri absq; motu. Sic autē fieri dicunt sonum in collisione corporū, quomodo in aquæ superficie fieri videmus, si iniiciatur lapillus. Videmus enim circa locū iniectionis in aqua fieri circulos, & primū quidē minores, ac deinde continuo maiores in longā distantia, iuxta quod iniectio magis fuerit violenta, aut maior fuerit aquæ circa locū iniectionis cōmotio. Ipse autem locus iniectionis videtur esse centrū omniū illarum circulationum, & circum ipsum sese gyrent per circuitū apparētes illi circuli. Ita dicunt, cum facta fuerit in aëre collisio duorum corporum, ipsum aërem fortiter impulsū per circuitum se gyrate (ita vt locus collisionis sit quasi centrum huiuscircumgyrationis) idq; in circulationes continuo maiores, cū quo motu pariter & sonus dispergitur à loco collisionis, donec tandē ad aurem vsq; perueniat.

An sonus realiter debeat ad organum vsq; diffundi. CAP. VII.

Quomodo verò sonus ad aurē perueniat, an secundū seipsum, an secundū suā speciē, dubiū est. Quidā dicunt, ipsum sonū sese realiter multiplicare vsq; ad organū auditus, atq; ibi suā speciē imprimere organo, vt percipiat ab auditu. Probabilior tamen est contraria sententia eorum, qui dicunt, in aëre quidem proximo & circumdante locum percussione, per circuitum ad aliquam distantia realiter sonum causari, iuxta vehementia collisionis

fionis, quousq; videlicet per hunc ictum aër mouetur per circuitū huius percussionis: in partibus autē elongatioribus nō esse realiter sonū, sed speciē soni ab ipso sono quī est in partibus vicinioribus diffusus: quomodo calor de se speciē diffundit in mediū, per quod attingit organū visus. Neq; enim causa videtur ob quā amplius debeat sonus per suā realem præsentiā immutare organū, quā color. Vnde videtur (iuxta hanc probabiliorē sententiā) sic se habere aër proximus corpori sonanti, eiq; cōtigu⁹, & sonū in se habēs, quomodo corpus coloratū. Ipsum verò aërem remotiorē, ad modū aëris immutari specie coloris. Vnde quòd suprā diximus, sonū tunc efficere auditionē, cū vsq; ad aurem totū oppleuerit mediū, intelligēdū est, partim secundū se, partim secundū suā speciē. Et id quidē omnino videtur rationi magis consentaneū. Videmus enim in corporibus duris, nonnunquā ex paruuli corporis super durū aliquod collisione sonū fieri, qui locum aliquē valde magnū immutat: vt si quis in tēplo magno, lato, & alto silicem paruulū super lapideū pauimentum desuper cadere sinat, absq; aliqua singulari vehemētia, auditur statim sonus vsq; ad extremā partem templi. Nequaquā autem videtur sonus realiter per omnes angulos eius diffundi. Cū enim dicant per aëris motum sonum deferri, quo pacto id videatur rationi consonū, vt ex tam paruuli corporis ictu totus aër, qui in tam amplo loco est, dicatur localiter moueri? Item cū leui ictu in cymbalo fit tinnitus, ictus vtiq; leuissimus est: nec rationabile videtur, vt tam minimo & leuissimo ictu totus dicatur aër, qui in templo est, moueri. Auditur tamen sonus cymbali vsq; ad extremos angulos. Vnde verisimile videtur, quòd sonus lapilli istius aut cymbali in partibus elongatioribus non nisi intentionaliter inueniatur, realiter autem tantum in partibus proximis loco collisionis.

Non semper maiorem sonum audiri remotius. CAP. VIII.

Quòd si quis interroget, quo pacto tam modicus sonus tā longē possit immutare aërē, & paruuli corporis tam modica percussio, quo tā late possit speciē soni spargere: cū corpora multo maiora collisa etiā fortius nō tam longē spargant, neq; tam late diffundant suā speciē. Vnde si magnum pondus plumbi desuper caderet super

pauimentū lapideū, vix tam longe audiretur quā sonitus parui cymbali, aut cadētis desuper lymphi lapilli super duro lapideo pauimento. Huic quæstioni nō admodū difficulter adhibetur respōsio, facta analogia ad naturam colorū. Nam vt in coloribus non semper ille longius immutat visum qui quantitate maior est, sed qui ex sese clarior & luci similior (quemadmodū color albus quantitate modicus, longius immutat visum quā color niger quantitate maior: itē color rubeus & ceruleus multo longius, quā viridis aut fuscus) sic & de sonis dicendū, quōd quidam ex sua natura sunt magis immutariui mediij, & speciē suā facilius latiūsque diffundentes, quā alij: vt soni acuti magis sunt motui auditus, quā graues. Atque hac ratione cōtingere potest, vt corporū sonantiū, illud longius audiat, quod minorē edit sonū, quā ipsum quod longe efficit realiter maiorē. Et fieri potest, vt duorū corporū sonantiū id quod latius realiter diffundit sonū, non ita longe audiat, vt illud quod nō ita longe realiter sonū fundit. Potest enim vehemens & fortis corporū duorū cōcussio late sonū spargere, quomodo & late mouet aērē per circuitū: ipse tamen sonus editus non erit de sui natura speciē late diffusiuus: alter cū sonus modicus, acutus, clarus, & limpidus, ex collisione leui generatus, late suā dispergat speciē, & per distans admodū mediū possit eam ad auditum transmittere. Nouissime de sono in generali & illud aduertēdū est, quōd recipi possit nō solū in aère, verum etiā in aqua: tamen in aqua minus percipi possit, fitque subobscurior, eò quod propter eius crassitiē velut hebescat & supprimatur. Potest quoque etiā homo in aqua audire (tamen obscuri⁹) quādiu per tortuosum & curuū iter in aurem prohibentur aquę ingredi. Vbi verò locum hunc occupauerint aquę, qui est intra aurē, & ad pelliculā qua aēr connaturalis regitur peruenerint, indispōnitur organum, ne amplius percipiat sonos.

De voce, quomodo fiat, & quibus conueniat. CAP. IX.

Est autem quædā particularis species soni conueniens solis animantibus, licet nō omnibus, quam vocē appellamus, definiaturque ab Aristotele hoc modo,

Vox est ictus aëris respiratione attracti, qui quidē
ab

Vocis definitio.

ab anima fit ea quæ in partibus collocatur, ad eam partem quæ gurgulio appellatur.

Quæ definitio hunc in modum est intelligenda: vox est sonus causatus ab ictu aëris ab anima respiratione attracti, & percussi ad vocalem arteriam, cum alicuius significationis imaginatione. In qua definitione sonus pro genere ponitur. Cætera verò ad exclusionem aliorum sonorum quæ voces non sunt, adduntur. Cum enim dicitur vox est sonus aëris respirati ab anima, manifeste ostenditur, vocem non nisi rebus animatis competere: neque illis quidem omnibus, sed iis tantum quibus convenit respiratio. Aër enim respiratus dicitur, qui est per respirationem attractus, qui postquam impetu fuerit concussus ad vocalem arteriam, siue gurgulionem, hac concussione sonum efficit. Manifestum enim est, quod aër per respirationem attractus in quantum huiusmodi non efficiat vocem. Alioquin perpetuo homo vocem ederet, cum perpetuo respiraret. Sed neque per solam aëris prius attracti emissionem. Nam & silens homo emittit attractum aërem. Verum cum intus contentus aër cum impetu concutitur ad latera gutturis, ad vocalem arteriam ita demum vox efficitur. Ex quo primum evidens est ratio, quare pisces in aqua vocem non formant. Sola enim respirantia possunt vocem edere, piscibus autem non est respiratio. Item neque vocalem habent arteriam aut gurgulionem. Quidam tamen pisces sonitum aliquem faciunt attritu branchiarum, qui vox non est dicendus, quemadmodum neque sonus quem faciunt apes & muscæ confricatione siue impulsu alarum. Imò neque quilibet sonus ex partibus humani corporis factus vox dicitur, quemadmodum manuum concussio, aut pedum concussio non dicitur vox, eo quod non sit ex collisione aëris respirati ad vocalem arteriam. Patet etiam quod sonus ille quem faciunt dormientes dum stertunt, non mereatur vocis appellationem, tamen si fiat ex aëre per respirationem attracto. Non enim fit hic sonus per concussionem aëris ad vocalem arteriam. Quod autem additur in definitione, cum imaginatione, id est, intentione aliquid significandi, ideo additur, quia hæc est natura vocis, & ad hoc vox ordinatur, à natura tam in hominibus quam in brutis, ut per eam aliquid significetur. In hominibus quidem, ut invicem sibi possint indicare mentis conceptum & animi co-

gitatū, inuicēmq; sibi secreta animi patefacere & cōmunicare, nō necessitatis solū sed etiam amicitiae gratia. In brutis aut, vt affectus sensuales possint aperire: verbi gratia, cōcupiscentiā cibi aut potus, iram, metū gaudiū. Quē admodū cū canis latrat, irā indicat aduersus incognitum, vel cibū exposcit à domestico, quasi patefaciens cibi defectū, & sui postulans fieri memoriam. Nonnunquam verò ad gaudiū ostendendū & applausum, exclamant, latrant, & blandius, vtunturq; bruta in singulis affectibus exprimendis accommodatis vocibus iisque diuersis, iuxta quod prudens speciei vniciq; natura indidit. Vnde canes nunc latrantes, nunc gementes, nunc eiulantes, nunc velut, secundū multiplicatum sonantes, ad diuersorū affectuū demonstrationē percipimus. Ponit quoq; Aristoteles aliam breuiorem vocis definitionē, hanc videlicet, Vox est sonus quidam animantis.

Quæ ex præcedenti supplenda & intelligenda est.

Quomodo respiratio item & lingua ad plura conducit, & de vocali arteria. C A P. X.

AD exactius verò perspiciendū naturæ ipsiusq; naturæ auctoris beneficiū, attēde nō simplex esse respirationis officiū. Nam primū cōducit respiratio ad præcordiorū calorē temperandū. Nā à corde calor nimius egreditur ad præcordia, qui nisi cōtinua aëris attractione refrigeraretur, impossibile foret animal in vita perdurare, facileq; caloris excessu absumeretur. Propter quod deus naturæ pulmonē circū præcordia velut follem posuit per circuitū, qui aërē sese aperiens ac dilatans cōtinuo attrahat, iterūmq; se cōprimēs eiiciat, vt attrahat alium: sicq; ppetuo, donec animal viuit, hāc seruat vicissitudinē, hac autē respirationē nō egent animalia exanguia, neque illa etiā quæ licet modicū sanguinē habeant, nō tamen tantū, vt præcordiorū ab eo inflammatiō huiusmodi exposcat refrigerationē: cuiusmodi sunt pisces in aquis habētes māsionē, vbi nō potest fieri respiratio. Et quātū ad hūc vsum est respiratio necessitatis, propter scilicet animalis vitam conseruandā. Alterū verò ad quod ordinatur respiratio non necessitas simpliciter est, sed tantū boni gratia, & ad vtilitatē siue cōmodū animalis, hoc est ad vocē formādā, per

per quā animi aut sensus exprimat affectus atque cogitatus. Atq; ita etiā de lingua cōsideramus, quōd ad duo à natura desoruiat: quorū prius est, ad vitæ animalis quandā necessitatē, ad gustandū videlicet & discernendū inter sapes quōd in animali est propter nutritionem, ad cibi conuenientis acceptiōē vel disconuenientis abiectionē. Alterū verò est solū boni & cōmoditatis gratia, videlicet loqui & verba formare: quod simpliciter non est necessariū humanæ vitæ: quandoquidē & muti absq; hoc officio vitā seruant. Propter quod etiā primū officiū in omnibus hominibus cernitur habere lingua, donec viuunt: secūdū verò quibusdā deficit. De vocali autē arteria, ad quā superius dictū est fieri debere collisionē aëris ad formandā vocem, notandū est, quōd distinguitur à via cibi. Est enim alius meatus per quem cibus transit ad stomachū, & alius per quem aër per respirationē attrahitur, vōxque formatur. Nam via cibi ad stomachū tendit, via autē aëris siue vocalis arteria ad pulmonē, cui adfert aërem pro cordis refrigerio: estq; via aëris multo arctior & angustior, quā sit via cibi. Et quia nō longe à via cibi vocalis arteria distat, idcirco prouidissimus naturæ autōr operimentum eī desuper posuit, quod dum animal cibū sumit, viam vocis claudit, ne aliquid alimenti à suo tramite deuians, inque ipsam incidens, animali adferat vitæ periculū, ipsum suffocando aut strangulando, quemadmodū nonnunquam accidere videmus iis qui inter epulas profusius solent cacinari: quod ubi cōtingit, non cessat pulmo tussim cōcitare, & aërem versus partem superiorem fortiter pellere, vt vel impetu eiiciatur (si fieri potest) quod aëris tramitem impedit, & nisi pellatur, animal strangulat.

De vocibus articulatis & inarticulatis. CAP. XI.

QVADā autē voces sunt quæ certis articulis possunt distingui, & secūdū particularū aptam distinctionē ita percipi, vt etiā respondentibus literarū figuris describi possint, quēadmodū experientia monstrat, illa nos certis characteribus depingere, quæ ab hominibus vocibus articulatis proferuntur. Est enim inter articulos vocis & characteres huiusmodi mirabilis quædā correspondētia, per quā fit vt vnū horū alteri respondeat, possitq; alterū alterius fungi officio. Quicquid enim per vocē præsē-

Vocalis arteria
quid sit:

Quid articu-
lata vox.

tes facimus, id per scripturā correspōdētē absentes quoq; agimus: suntq; literæ ipsæ quædā vicariæ absentiū voces.

*Quid vox
inarticula-
ta.*

Illā autē vox quæ nullis certis distinguitur articulis, ut possit correspondētibus characteribus figurari, sed prorsus indistincta est, & mēbris nō distinguitur, dicitur vox inarticulata. Cuiusmodi sunt voces brutorū animalīū, ut bouis mugitus, ouis balatus, canū latratus, equorū hinnitus, itēmq; auiū garritus: quanquā per artem & humanā industriā harū quædā videmus pauculas aliquot articulas voces formare, quod ab illis famis inedia, & importuno præcentu potissime extorquetur. Id quod de psitaco ac coruis Satyricus Persius testatur his versibus, *Quis* docuit psitacum suū clāre? Coruos quis docuit verba nostra conari? Magister artis ingeniūq; lagitor, venter. Voces item puerorū clamantiū, & ebriorum atq; furiosorū voci ferantiū, hisque consimiles, articulatæ non sunt, cū nullis figuris respondentibus possint depingi. *Quis* enim bouis mugitū, quis canis latratum aut eiulatum depingat vllis characteribus? Sic & muti vocē quidē dant, quia tamen eā nō debite articulatēq; distinguūt, vocē non proferūt articulatā. Vbi attendendū est, quod longe aliud est loqui, aliud vocē formare. Neq; enim quicūq; vocē formant, loquuntur. Loqui enim dicūt illi tantū, qui verba formāt. Non omnis autē qui vocē edit, verba format. Nō format enim verba, nisi qui articulatā profert vocē. Nā voces inarticulatæ verba nō dicuntur. Procedit autē hæc articulatā eloquutio ex mentis cōceptione, neq; inuenitur nisi in humana specie. Ex ratione enim & mēte oritur articulatā eloquutio: quæ dū id quod ordinate cōcipit & apud se cogitat, suæ naturæ consorti, id est, cōiuentibus hominibus cupit significare, vocē talē edit secundū suos articulos & mēbra apte distinctā, quæ id quod in mēte est possit debite & ordiuatē (iuxta quod in ea est) repræsentare.

Verū quia vox nō potuit nisi ad præsentes fieri, neq; sonare potest ad nimīū distantes, frequēter autē vsu venit, ut quis longe absentibus proditum velit animi sui conceptū, hinc & scripturā adinuenit humana ratio articulatā, qua vocis defectū suppleant. Nam literæ apud absentes vocis vice funguntur. Est autē & scriptura quædā inarticulata, non minus quàm vox: qualis videlicet est quam

*Literæ vocū
vicariæ.*

pue

pueruli antequā characterū formā effingere sint edocti incerto calami tractu depingunt. Aduerte tamen non esse solū voces articulatas eas, quæ in idiomate aliquo determinatam habent significationē. Nam cum interdum homines ad iocum animi gratia, linguam peregrinam aut barbaram se loqui fingūt (veluti si fingens peregrinū me idioma loqui, pleno ore dicā bufkambarbucachū, vel alia huiusmodi) voces utiq; sunt articulatae, non tamen in vllō idiomate (quod equidem sciam) quicquam significāt. At tamen potest omnis vox articulata ad significandum imponi, & vox ad placitum instituentium fieri significatiua quemadmodum voces nouas quotidie videmus recipi ad significationem, quæ antehac in nullo idiomate fuerūt significatiuæ. Sciendum est etiam, quod solæ voces articulatae ad placitum instituentium significant. Omnia enim idiomata quantuncunq; barbara, vocibus vtuntur articulatīs ad sui animi conceptus exprimēdos. Neq; vllum est idioma aut esse potest, quod in articulatīs vtatur vocibus. Pleræq; tamē voces inarticulatae sunt significatiuæ naturaliter, nimirū omnes illæ quas ex naturæ instinctu videmus animalia bruta ad aliquam sensus passionē indicandā formare. Neq; solū in brutis, verum etiā in hominibus, vt ploratus infantīū, gemitus infirmorū suspirium dolentiū. In animalibus etiā brutis, latratus canū, mugitus boum, balatus ouium. Ad huiusmodi autē articulatae vocis formationē, nō sufficit pulmo & vocalis arteria, sed alia insuper instrumenta sunt necessaria, quæ voci dāt articulationem. Nam præter illa duo (quæ ad simplicē vocē formandam sufficiunt) requiruntur etiā lingua, palatum dētes vt minimū quatuor, ad quos fiat velut limatio atq; colatio & duo labia, per quæ fiat expressio. Et in quibus hæc instrumenta deficiūt, aut fuerint impedita vocē hi efficiūt inarticulatā. Vnde vetulas dentibus deficientes videmus vix articulatū vixq; distinguibilē sermonē posse edere, itē & eos qui linguā nō habent integrā, vel non liberā & ligatā. Sed hæc de voce articulata & in articulata dicta sufficiāt quæ ob hoc prolixius aliquanto deduximus, quod ab aliis plerunq; videremus omīssa, cum sint tamen valde digna consideratione physica. Vox enim huiusmodi articulata est qua homo manifesto & speciali Dei beneficio

Vox naturaliter significatiua.

Requisita ad vocē articulatam.

cætera animalia præcellit propter quod solus etiam peculiaris ad eam habet instrumenta, quæ illa non habent.

De sono qui appellatur Echo.

CAP. XII.

Echo.

QVandoq; autē auditur sonus quasi rediēs illuc vnde fuit emissus, & velut sonus soni vestigiū subsequēs. Quod fieri accipiendū est per reflexionē soni reperiussī ab obiecto corpore, sicq; reuertentis ad aurē: qui sonus, cum longinquior adueniat ad aurē (vtpote reflexus & reperiussus, admodū pilæ resilientis à loco ad quem directē fuerat proiecta) merito posterior tēpore auditur. Fit autē hæc reflexio & reperiussio maxime circa mōtes aut syluas & aquas, aut in corporibus concavis, vt in templis habentibus reflectētes testudines. Et illic tardius subsequitur Echo primum sonum, vbi latior est reuerberatio distatq; lōgius id vnde fit reperiussio. In templis verò breui & apta testudine coaptatis, vix Echo auditur subsequi, sed simul cū prima voce se adiungēs, quasi sonū duplicat, & mirū cantātibus est subsidiū, si pauci sint: quēadmodū cōtra onus graue, si nimij, eò quòd subsequēs fortis reflexio prioris emissi soni, grauet & velut opprimere laboret sonū directū, emissum posterius. Vbi notandū, quòd (iuxta Aristotelis sententiā) semper fit soni reperiussio & reflexio, quamuis nō semper percipiatur. Interdū enim ita debilis est reflexio, vt non valeat percipi: quemadmodū lumen quidē semper reflectitur & reuerberatur, sed plerūquetā infirma est verberatio, vt lumen nō iudicetur, quēadmodum in vmbra candelæ per noctē contingit, vbi in vmbra est quædā luminis reflexio, sed nō iudicatur à sensu propter debilitatem. Nam si non esset reflexio, luminis sequeretur per diem loca omnia plena esse tenebris, ad quæ nō pertingeret directus solis radius, atq; ita loca plurima destituta essent lumine. Sed quia lumen solis admodum potens est, idcirco etiam reflexum ipsius luminis facilē cernimus. Ita ergo dicunt in omni sono fieri reflexionem, sed non semper auditu percipi. Et quanquam cōmuniter Echo non nisi in terminatione soni auditur, fit tamen priorum partium soni æque reflexio, sed non aduertitur, propter partem soni subsequentem, quæ fortius immutat auditum (cum sit sonus directus) quam Echo, cum sit sonus reflexus. Verba autem Aristot. sunt hæc,

Fit

Fit Echo, cum aër factus vnus ob vas vel locum quæ terminauit ipsum atq; dissolui prohibuit, inde resilit, veluti pila repulsus.

Quorum sensus ex præcedentibus claret.

Quòd visus nobilior est auditu, & quomodo visus auditum anticipat.

CAP. XIII.

QVoniā verò visus mouetur à suo obiecto, absq; motu locali, & absq; reali sui obiecti in mediū effusione tātum speciē obiecti absq; omni corporali immutatione, per mediū deferens suscipiendo: auditus verò nō nisi per exteriorem motū corporalē, & realem obiecti proprii in mediū effusione: idcirco visus spiritalior & nobilior iudicatur, quā auditus, ac per consequens cæteris etiā sensibus auditu minus spiritalibus. Visus enim omniū sensuū spiritalissimus est, & per cōsequēs maxime sui obiecti facillime perceptiuus. Atq; hinc etiā est quod dici solet, visus anticipare, siue anteuertere auditū. Prius enim ad organū visus peruenit obiectū ipsius secundū suā speciem, quā ad auditū perueniat ipsius obiectū. Quia enim sonus diffunditur per motū localem, qui successiue fieri debet, & tēpus postulat (cum sit motus corporalis) color autē absq; motu corporali suā speciē diffundit in oculo, ad eum modū quo lux suum diffundit lumen (id est, in momento absq; successione) idcirco nō mirum videri debet si visus citius percipiat colorem aut lucē quā auditus sonum. Hoc autem est, visum anticipare vel anteuertere auditum. Quod experientia quidem nobis ad oculum in nonnullis manifestat. Qui enim à longē spectant cædentes ligna in syluis, prius vident securim ferientem truncum, quā sonum ex percussione sequentem aduertant. Imò prius in altū eleuasse eos securim ad iterum ferendum cernūt, quā prioris ictus sonitus ad aurē fuerit delatus. Idē vidēt qui à lōgē mulierculas super aquas linteorū immūdicias eleuato ligno excutiētes spectant. Id ipsum quoq; & in corruscatione cōtingit, dū prius fulminis splēdorē oculus cernit, quā ad aurē tonitruī sonus pertigerit, cū tamē secundū veritatē tonitruī cōcussio præcedat.

Quomodo in homine visus & auditus ad singularem finem ordinantur.

CAP. XIII.

Visus anticipat auditū.

Illud autē consideratione operū Dei & naturæ valde admirabile est, quòd in humana specie nō solū plura vòluit ponere organa, & nobiliora, quā sint in speciebus inferioribus brutorū animalīū, verū etiā eadē illa quę cōmuniter dedit homini & aliis animalibus, in humana specie ad vsus quosdam peculiares, & secūdū singularem aliquā excellentiam cōstituit. Visum enim & auditum communem fecit etiā aliis animalibus, eatenus videlicet, quatenus suę cōueniret naturæ, vt scilicet à lōge possent alimētū & sibi conuenientia videre ac prosequi, aut discōueniens & inimicū fugere, itēmq; per sonū vel incitari ad id quod cōueniēs est, vel absterri ab eo quod discōueniēs. Peculiariter etiam propter hominis vtilitatē (cui à natura cætera sunt subiecta) vt per humanæ vocis sonitū possent dirigi & gubernari, quēadmodū animalia domestica videmus ad vocē hominū vel accedere, sumēdi pabuli gratia, vel effugere, & à tētato desistere, propter vocis terrorē, aut etiam moueri & gradum sistere, secūdū directoris imperiū. In homine autem peculiariter hi sensus altioris boni (vt Aristoteles ait) id est, disciplinæ & prudentiæ gratia sunt. Ostendunt enim (vt ipse ait) plurimas rerū differentias, ex quibus consurgit contemplatio, & circa agibilia humana, & quę actiones discretio. Hinc senes plerunq; prudentiores sunt, vtpote plures habentes diuersarū rerū experientias, quę ex particularibus rebus sæpius visis vel auditis gignuntur in homine, per cōparationem intellectus. Est tamen differentia quādā inter visum & auditū, quòd visus ad plura per se dinoscenda secundum se melior promptiorque habetur, & quātum ad ea quę corpori sunt necessaria, magis homini deseruit, quoniā vbiq; sese offerūt visibilia, nō item audibilia; neq; sic ad animalis bonum & vitam intertenendā est necessaria sonorū, vt colorū perceptio atq; discretio. Omnia enim corpora occurrētia colorē habēt, insuper etiā sensibilia communia magis visus discernit, quā auditus. Soni verò in paucis inueniūtur, & non ita passim occurrunt. Vox autē in paucioribus reperitur. Per accidens tamen auditus melior est, & quantum ad animam vere vtilior quoniam disciplinæ plurimū cōfert, propterea quòd ad disciplinā capiendā hic sensus optime subseruiat. Sermo enim quo docens vtitur nō niū per audit

ditum capitur, atq; ita rerum vtilissimarū, & dignissimarum cognitio, auditus ministerio in nobis cōparatur. Vnde fit vt qui à natiuitate cæci fuerunt, nullū habeant impedimentū quin euadant doctissimi atq; sapiētissimi. Nati autē surdi non admodū possunt esse sapientes, tamen si ex visis possint habere magnā in particularibus experientia ad ea. Hæc tamē vtilitas de qua loquimur, ipsi auditui per accidēs conuenit. Sermones enim illi pleni disciplinæ, quantū ad ipsum corporis auditū, nihil amplius efficiunt in homine, quā si aliam quālibet edas vocē: quomodo in brutis animalibus videmus q̃ nihil amplius accipiant ex sermonibus plenis prudentiæ, si in aures eorū infonētur, quā ex vocibus nihil significantibus. Sed intellectus est, qui per auditus ministeriū tantā homini confert sublimitatem. Visus ergo per se ad plura, eaq; animali secundum vitam corporis magis necessaria est melior, auditus vero per accidens ab ea quæ mentem oblectant, & intellectui conducunt vtilior habetur. Qua de re forsitan in libro de intellectu & voluntate latior fiet determinatio.

De olfactu, & eius obiecto.

C A P. XV.

Post visum atq; auditū, tertio loco ponitur olfactus, qui perceptiuus est, atq; discretiuus odorū. Est autem hæc potētia sita in duabus carūculis, quæ sunt intra nares similes capitibus mamillarū, quæ sunt organū olfactus. Estq; hoc organū secundum aliquā participationē naturæ igneæ & igneū aliquid, quēadmodum organū visus su præ diximus esse de natura aquæ, & auditus de natura aëris. Ad quod organū cum odor à corpore odorifero diffusus pertingit, fit odoratio. De modo autē quo odor à corpore odorifero diffusus contingit ad olfactū, notandū sicut de sono dictū est, ad eius diffusionē requiri motū locale, ita ad odoris diffusionem fumalem quandā euaporationem siue exhalationē. Corpora enim odorifera dicuntur euaporationes quasdam & (vt dicam) effumationes aliquas efficere, per tenuis vaporis ab eis resolutionē. Cuius signū est, q̃ temporis successū minui vidētur, id quod per euaporationem satis probabiliter videtur cōtingere. Vnde per diem (quādo calor viget) flores experimur magis odorē diffundere, quā per noctem. Cuius non alia videtur causa, nisi quod calor diei educit fumositates aut

Olfactus instrumentū et obiectum.

Mediū olfactus est aër & aqua.

vapores

vapores à corpore odorifero: frigus autem noctis, quodammodo condensat atq; constringit odorabilia, ne tunc ita fumositates effundāt. Manifestissime vero ad oculum cernimus, cū odorifera (vt thus & ligna boni odoris) cremanur per multam fumositatū exhalationem copiosissimum effundi odorem. Vnde licet hanc euaporationem oculus aperte non semper percipiat, est tamen omnino rationi in persuasibile ex his quæ cernimus, à rebus odoriferis virtute caloris cuiusdā, qui in odorifero est aliquā fieri euaporationem, per quam odor diffunditur ad organum olfactus: à quibusdā quidem grossiorem, à quibusdā vero subtiliorem iuxta naturam & dispositionē corporis odorē fundentis. Ex quibus ratio claret, ob quam corpora quædam nullum de se fundunt odorem, quia scilicet nullam de se fundant euaporationem, neq; effumabilia sunt: quæ etiam temporis successu non videntur minui. Imo nec in igne posita minuuntur, quemadmodū aurum quod dicunt esse minime odorabile, quoniam ex eo nihil resoluitur, propter quod & igne nihil deperdit. Aduertendum tamen, quòd multa corpora aliquem de se odorem fundunt, & aliquam euaporationem, quem tamen non facile homo percipit, eò quòd homo sit imperfecti odoratus, neque possit nisi excellentiores odores percipere. Vnde dicit Aristoteles, ferrum habere odorem, & magis æs, aurū autem nequaquā. Nobis tamen vulgo vt non aurū, ita nec ferrū, neq; argentum videntur odorem diffundere. Quod autē homo imperfectū habeat hunc sensum odoratus, experientia satis monstrat, quoniā quidem animalia quædā acutius exactiusq; olfaciūt, vt canes & vultures. Vnde hunc sensum præ omnibus dicunt in homine esse imperfectissimum, causam assignātes: eò quòd iuxta cerebrum eius organū sit positum. Homines autem in cerebri magnitudine & frigiditate, cætera animalia excedere, compertum est. Vnde oportet organum olfactus (quod igneæ naturæ est, calidoq; & sicco perficitur) impedimentū aliquod accipere ex vicinitate cerebri in qualitatibus cōtrariis excellentiis, vt nō ita exacte possit singula percipere, quomodo in aliis animalibus, in quibus nō est tanta cerebri frigiditas aut magnitudo, aut in quibus non est tantavvicinitas huius organi ad cerebrum.

*Quomodo odoratus in hominibus secundum aliquid perfectior est,
secundum aliquid imperfectior.*

CAP. XVI.

Videtur tamen quod hic dicitur de imperfectione odoratus in homine, secundum debitam moderationem sane intelligendum, non quidem ut simpliciter sit peior olfactus in homine, sed quantum ad aliquid. Simpliciter enim dicendum potius, quod præcellat hominis odoratus. Pro cuius intelligetia aduertendum est, quosdam esse odores, qui grati sunt aut ingrati olfactui, ipsique vel delectationem vel tristitiam afferunt per accidens tantum, & propter alterum, nempe propter saporē & alimentum quemadmodum odor carnis igne cōcoctæ & ad esum aptæ ipsi olfactui gratus est, & propter saporē & propter cibum, ut scilicet ex odore tali grato attrahatur ad appetendum & querendum huiusmodi cibum. Nam sicut saporibus cibariis sunt delectabiles, & grati esurienti, ita & odores. Odores tamen ad saporibus ordinantur. Vnde saturatis & expletis posteaquam sapor sit ingratus, non amplius gratus est odor ille, qui propter saporibus expetitur, sed incipimus fastidire quod antea appetebatur. Vnde etiam fit, ut odor idem qui uni animali est ingratus & execrabilis, alteri sit placēs & delectabilis, propter saporibus ad quē ordinatur. Quēadmodum (exēpli gratia) cani est odor cadaueris gratus, eō quod & saporibus oblectetur. Homini vero, quēadmodum sapor, ita & odor detestabilis. Sic allij odor, iis qui saporibus & esum amant, non est ingratus: cōtrā vero, illis est abominabilis odor, quibus saporibus displicet. Hi ergo odores qui sic propter saporibus appetuntur, sunt per accidens appetibiles. Alij verò sunt odores qui per se afferunt delectationem, & non propter alterum: cuius modi est odor florū, ita & aromatū odoriferorū, quæ non nisi ad olfactum pertinet. Hæc enim non propter gustum expetuntur, neque gratia alimentum, sed propter ipsam odoris in se gratiam. Inter hos autem duplices odores ponit Aristoteles. talē differentiam, quæ primos cōmuniter & homines & bruta percipiāt, quoniā æque scilicet utriusque alimentum accipiunt, quod per odorē cognoscūt esse naturæ cōueniēs vel discōueniēs. Secundos autem odores solū dicit hominē odoratu percipere. Non enim videmus canes (quāquam acuti admodum olfactus) vllō modo moueri ad florū odorē: & si canis in gramine locū sibi quærat cubandi, non videtur magis ad

Duplex odor.

Odores non propter saporibus grati.

gis ad locū vbi flores sunt odoriferi, caput reclinare, quā ad locū aliū, vbi similes nō fuerint. Si tamen florum odorē perciperet, videtur q̄ magis ad locū boni odoris naturaliter olfactus organo ferretur. Cū ergo homo non solū odores illos qui propter alimentū expetuntur aut fugiūtur, olfactu percipiat, venietiam illos qui per se & nullius alterius gratia olfactū oblectant: manifestum apparet q̄ simpliciter in homine quā in aliis animalibus olfactiua potētia nobilior sit atq; sublimior. Quāto enim potentia quālibet latius se extēdit, tāto videtur nobilior. Et præcipua ratio ob quā homo præter animalia cætera etiā odores per se appetibiles percipiat, videtur esse nobilitas, & præcellentia ipsius potētiæ in homine supra potētiā similem in brutis aliis: quemadmodum in homine auditus nobilior est & sublimior, quā in aliis animalibus, eò q̄ nō solū sonos discernere, sed articulatas voces distinguere possit. Quod autē superius diximus imperfectum esse hominis olfactū, propter cerebri magnitudinē, frigiditatem, & propinquitatē, ita accipiendū est, quia si fiat cōparatio olfactus humani, & olfactus canini ad vnū aliquem odorē qui vtriq; sit perceptibilis, id est ad odorē comestibilis, talis odor citius & longius mouebit canis olfactum quā hominis. Et huiusmodi odorē aliquē cōtingit canē percipere suo odoratu, quē minime percipiet hominis odoratus. Leporis nāq; qui per viam trāsīt, odorē percipit suo acuto odoratu, quē nequaquā sentit hoīs olfactus. Ac iuxta hūc modū & de aliis sensibus intelligendū venit, si qd aliquādo simile dicatur, videlicet aliquē ex eis meliorē aut pfectiorē inueniri in bruto quolibet quā in hoīe.

Non oportere odorem realiter ad organum vsque diffundi.

C A P. X V I I.

DE euaporatione autē illa & effumatione per quā diximus odoriferū immutare olfactū, an debeat fieri vsq; ad organū olfactus, quæstio est, similis illi quæ prius de sono & motu locali aëris facta est, an debeat vsque ad organū sonus per motū deferri. Quare proportionabiliter de hac fumali exhalatione dicendū videtur, quēadmodū illic de soni per motū locale aëris diffusionē: videlicet non esse necessariū, vsq; ad organū olfactus realiter diffundi odore per euaporationē, sed sufficere, q̄ per locum propin-

propinquū odorabili realiter p̄ euaporationē diffundatur odor, qui deinde in medio suam speciem fundit, sicq; per suā speciē ad organū vsq; pertingit. Videtur autē hoc manifestare experiētia, quoniam animalia quædam ad maximam distantia dicuntur odorari, ita vt rationi consentaneum nō videtur, à corporibus ipsīs odorabilibus in tam longū spatium fieri euaporationē. Quòd autem in loco propinquo odorabili fiat realis euaporatio, similiter probat experiētia: quoniā si quis trāseat per agrū valde odoriferū, quādo maxime odor viget, sentiet se realiter quasi impleri per euaporationē fumositatū, quas intra se suscipit. Iuxta quē modū illi qui iuxta cibos proximi versantur coqui & culinarij, ciborū odore pleni dicūtur. Vt plerunq; etiam de delicatissimis ferculis vel nihil vel parum admodū valeant māducare: quod ideo fieri videtur, quoniam intus existens prohibet extraneum. Quo autē pleni sunt, nisi fumositatibus eiusmodi ciborū, quas p̄ olfactū & per respirationē intra se suscipiūt, propter crassam euaporationē, quæ fit decoquente igne, ac resoluēte abūdanter vapores, atq; exhalationes à cibo qui coquitur. Ad eūdem modū qui in penu plenum odorifero vino ingrediuntur, mox se quasi impleri sentiunt, adeo vt nonnunquam velut ebrij appareant egrediētes. Qui verò à longe tantum cibi vel potus odorē percipiūt, eos nō sic impleri experimur, neq; vllū ex longo odoratu accipere fastidium, imò accenduntur magis & anhelant, vt diu odore perceptū cōmodū cibum tandē accipiant. Vnde argumentū sumitur, q̄ nullam in se substantiā odoriferā per euaporationem susceperint, sed specie tantum sint odoris allecti.

*Culinarij
quare parū
edant.*

De diuersitate olfactus, & organi eius varia dispositione.

C A P. XVIII.

NOtandū verò, q̄ non idem est in omnib; odorandi modus. Quædam enim sunt quæ per respirationem odorant, alia verò absq; respiratione. Homo enim & cætera animalia in quibuscunq; est respiratio, nō odorāt nisi per respirationē, videlicet per attractionem aëris. Cuius causam assignāt ex parte organi olfactus, quod in animalibus respiratione vtentibus cooperculo in modum ostij est munitū, vt nihil possit ad carūculas illas, in quibus situs est olfactus, pertingere, nisi operculū illud leuetur, & quasi

*Duplex odorandi
modus.*

quasi ostiolum aperiatur : quod fit per attractionē aëris, non utiq; per os, sed per nares. Monstrat enim hoc experientia, si tibi flos quantūlibet odoriferus ante nares teneatur, nunquam eius odorē percipies ab organo, donec aërem cōtinens absq; respiratione, aut donec tantum per os respiras: nisi videlicet per nares aërem trahas ad apertionem operculi: sicq; simul cū aëre attracto odorē ipsum vel odoris speciē ad organū olfactus adducas. Sunt autē alia animalia quæ olfactū habent, & tamen nequaquā respirant, ut pisces, apes, muscæ, & formicæ. De his enim experientia certissima mōstrat, q̃ odoratū habeant. Nā muscæ de longe ad escā veniunt odore allectæ. Apes verò flores an ad mel exugendū conuenientes sint, an minus odoratu discernunt. Non enim videtur, quo sensu alio id faciant. Et formicas manifestissime ex hortis videmus ad apothecas rerū dulcium cōscendere in multo numero, sola allectas odoris dulcedine. Hæc tamen omnia non respirant. Necesse est ergo aliū esse modū in his animalibus olfaciendi, quā sit in respirantibus. Proculus notitia aduertendum est, quòd sicut animalia nō omnia eundū habent modū viuendi, sic nec omnia eundem habent modū odorādi. Quædam enim animalia oculos habent molles. Et hæc palpebras habēt, quibus molles oculi obuoluuntur, & operiuntur, ut claudi possint neq; semper pateant. Si enim operculū non haberent, molles eorū oculi facilè susciperēt læsionē. Molle enim facilè suscipit læsionem, nisi aliquo munimento defendatur. Quædam verò animalia duros habent oculos, in modum cornu aut solidi vitri. Et his operimentū palpebrarum natura non contulit, neq; aliquid quo claudi possint, sed patentes semper esse permisit. Nā propter duritiem, nō est eis periculū læsionis. Illis autem mollibus oculis non semper præsentēs sunt neq; expositi colores, neq; percipi possunt ab eis nisi reuelato operculo, nisi palpebris diluētis. Qui autem nullum habent operculū, semper sibi expositos habent colores, neq; vllius egent operculi ablatione ut videant. Ita sanè & in odoratu dicendum animalia illa quæ respiratione vtuntur, olfactum habere à natura reconditū & operculo clausum: quare non nisi huius ianuæ apertione recipiūt odores. Fit autē hoc aëris per nares attractione.

Cæte

*Quorūdam
animalium
oculi palpe-
bris non ope-
riuntur.*

Cætera verò animalia nullū habent huiusmodi operculū, propter quod semper præsentēs sibi habēt semp̄r; expositos odores, neq; operculi reuelatione indigent. Possunt ergo absq; respiratione odorare, quod nō possunt priora animalia respirantia. Ex quo consequitur, animalia respirantia in aqua nō posse odorare, cū illic nequeat fieri respiratio. Pisces tamen in aqua id possunt, eò quòd respiratione non habeant opus.

De gustu & eius organo.

CAP. XIX.

Gustus inter exteriores sensus quartum locū obtinēs, sapores discernit, in lingua habens suū organū. Non tamen linguā totam, sed neruū, qui in lingua latet absconditus. Caterū, caro ipsa porosa linguæ, quæ neruū operit & abscondit, mediū est per quod fit gustatio. Habēt enim gustus & tactus hoc sibi peculiare, quòd mediū habeant cōiuuctū, quoniā videlicet organū ipsum & mediū, simul sunt in vnū corpus & in vnū membrum composita. Sensus autē alij, de quibus iam antè determinauimus, mediū habent extrinsecū, aërem scilicet vel aquā, per quam species obiecti ad sensum defertur. Ad hoc ergo vt fiat gustatio nō sufficit, quòd propè afferatur obiectū, id est, sapor, vel sapidū aliquid: sed necesse est quòd tangat carnē linguæ, atq; in eam suā imprimat speciem, quēadmodū nō potest fieri visio coloris, nisi immutato aëre, & impressa in eum sua specie. Quemadmodū enim se habet aër ad colorē in ordine ad visum, ita sapor ad carnē linguæ, in ordine ad gustū. Quomodo autem color vt in mediū aërem suā imprimat speciē, requirit illuminationem, sonus verò aëris motum, & odor euaporationē: ita sapor vt linguā immutet, suāmq; speciē in eā imprimat, requirit humoris saluaris coniunctionē. Oportet enim sapidū cōiungi & cōmisceri saluari humori, qui à natura semper est circa linguā, vt immutetur gustus. Vnde quando iu febricitantibus nimia siccitate humor iste deficit, ægrotos ipsos nullo videmus oblectari sapore. Sunt enim eis omnia quasi insipida, propter ariditatem linguæ & humoris defectū: nisi forte aqua aut fructus aliqui, qui secū humiditatem afferunt, aliqua ex parte suppleant saluaris humoris officiū. Cū verò saliuā aliqua amaritudine cōtingit esse infectam, male iudicat lingua, dulce reputans amarum, propter infectio-

Gustus instrumentum & medium & obiectū.

Salina quorūdam cōferas animali.

nem saliuę. Est autem saliuā ab omni sapore denudata, vñ cōmodē posset omnem saporem discernere. Non est autē saliuaris iste humor proprie mediū gustus, quemadmodū neque lumen mediū est visus, neq; euaporatio mediū est odoratus. Sed est cōditio quēdam obiecti, requisita vt cōuenienter sensum immutet, & tale quiddam, sine quo obiectum nequit immutare suum organum.

Quomodo gustus est, quiddam tactus & nihilominus secundum veritatem diuersa potentia. CAP. XX.

Gustus est quiddam tactus.

HVnc autē sensum gustus, dicit Aristoteles admodum certū esse in hominibus, quōd sit quidā tactus. Tactus aut certissimus & optimus est in hominibus, quēadmodū posterius declarabitur. Verū de huius dicti intelligentia dubitare solent, an senserit Aristoteles, secundum rem vere eundem esse sensum tactus, & gustus, neq; realem esse ponendā diuersitatem, an secundū similitudinē potius id debeat intelligi. Est autem secundum hoc probabilius, vt tantū secundū asimulationem quandā dictū intelligatur, quomodo statua hominis interdū appellatur quidā homo. Vnde nō simpliciter ait, gustū esse tactū, sed quendā tactum, talj nimirum adiecta diminuyente particula, quomodo statua hominis quidā homo dicitur, non simpliciter homo. Consistit autem similitudo hæc in eo quod suprà tetigimus, quōd sicut gustus habet mediū cōiunctū cum organo, sic & tactus. Item quia vtriusq; organū ponitur neruus. Secundū veritatē tamen probabilius est ponere duas distinctas potētias, quarū vna per se percipiat saporū distinctionē, altera qualitates tangibiles, caliditatē, frigiditatē, &c. Cuius est argumētū, quōd in lingua dicunt Medici posse lædi gustū absq; hoc quōd lædatur tactus. Et cū defectu saliuaris humoris lingua nō percipit sapes, tangit nihilominus, & qualitates tangibiles nihilo peius percipit. Videntur ergo secundū rem distinctæ esse potētiz, quarū vna læditur vel impeditur absque altera. Sunt autē saporū multæ species, quemadmodū & colorū. Est enim sapor dulcis & amarus, qui sunt sapes cōtrarij. Sunt præterea sapes alij, pinguis, salsus, austerrus, acutus, acerbus, acidus, & alij quidā, quos Aristoteles in lib. de sensu & sensato secundū analogiā & comparationem ad colores extremos atque medios accipit.

Varij sapes.

INter omnes sensus exteriores nouissimus est tactus, vt omnium materialissimus atq; crassissimus. De cuius organo dixerunt aliqui, quod sit iuxta cor proportionē habens qualitatum tangibiliū. Sed experiētia docet, sensum tactus per totum corpus esse expansum, ac proinde etiā eius organum. Vbiq; enim & in quacūq; parte inuenitur operatio alicuius sensus, illic & potentiā talē adesse consequitur: & vbi potentia adest, oportet ibidem esse & organū eius: quemadmodū si visionem expiremur in pede, oporteret & illic potentiā visuam cōstituere, simul & oculū, aut aliud visui organum prāter oculum assigna. Quia ergo tactionem fieri experimur per omnia corporis membra, idcirco & potentiā tactuam & organū ipsius consequens est per totum corpus fateri expensum. Est autem eius organum, non caro, vt quidā existimauerunt. Nam tangibile immediate applicatum carni immutat tactū: quod non faceret, si tactus organum esset caro. Est enim maxima seu propositio ab omnibus vera concessa. Sensibile positū supra sensum, nequit efficere sensationem.

Vnde si caro esset organū tactus, non posset tangibile apprehendere absque medio sibi applicatū. Nerus ergo qui carne vestitur, ipse est tactus organum, qui per omnia mēbra expansus, animali dat in omnibus partibus tangēdi potentiā. Caro autem neruo huic pro medio est, neque requirit aliud. Tangibile enim carnē cōtingens, per eam qualitatis tangibilis speciē transmittit ad neruū tactiuū, ibiq; fit tactio. Obiectū autē tactus est qualitas tangibilis, hoc est caliditas, frigiditas, humiditas, siccitas, graue & leue, asperū & lene, durum & molle, viscosum & frangibile, grossum & subtile. Omnia enim hęc seu su tactus percipimus, principaliter tamen quatuor primas qualitates, sub quibus aliæ comprehenduntur.

Tactum omni animali donec viuit esse necessariū. CAP. XXII.

INueniuntur autē in hoc seu su tactus multa singularia, quæ nō ita sūt in aliis iam determinatis sensibus. Primum enim tactus solus omni animali inest, & semper quādiu viuit vt insit necesse est, neque potest esse animal

Arist. 3. lib.
de anim.

sine tactu, neq; potest aliquid habere tactum quod nō sit animal. Vnde solus tactus ad esse animalis requiritur. Ceteri verò sensus ad bene esse, vt declarat Arist. ult. c. 3. libri de anima. Visus enim, inquit, additus est animali, quo vitā in aëre aut aqua aut aliquo perspicuo sibi vendicet. Auditus, quo ei aliquid indicetur. Odoratus, quo odore à lōge percepto ad alimentū se cōuertat. Gustus quo iucundū sit ei alimentum, & triste refugiat. Hæc autē omnia ad esse animalis nō faciunt, sed tantū ad bene esse. Et verisimile est, quædā esse imperfecta animalia, in quibus nec gustus quidē reperjatur, vtpote terræ affixa aut in alimento suo perpetuo natantia. Nā cū speciali nullo egeant cibo, sufficiatq; eis id in quo perpetuo natant, aut cui affixa sunt nō eis gustu est opus, quo alimentū secundū saporem discernant, sed tactus eis sufficit, quo alimentū percipiant. Gustus enim illis conuenit animalibus quæ cibū habent disquirere atq; eligere per saporis diiudicationē, & aliū quidem occurrentē vt noxiū relinquere atq; respuere, alium verò vt salubrem, & conuenientē admittere atq; deglutire, aut nō occurrentē diligenter venari. Quod si in aliquot locis Aristoteles videatur contrariū dicere, esse videlicet tactū & gustū omni animali necessarios, gustus improprie accipi debet, secundū quod tactus ipse vt alimēti perceptiuus, gustus quidā in eiusmodi imperfectis animalibus appellatur. Ratio autē quare sensus tactus sit omni animali, quā diu est simpliciter necessarius, hæc est, quia tactus sequitur proportionē & harmoniam qualitātū primarū animalī omnino necessariā: quā harmoniam statim vbi dissolui aut destrui contigerit, ipsum quoque animal mox interire necesse est, simul cū sensu tactus proportionem illā cōsequente. Et quādiu manet in homine harmonia illa quatuor primarū qualitātū sufficiens ad vitā conseruandā, tam diu neq; tactus destruitur. Pariter ergo & vita & tactus in animalī ex eadem causa deficiunt. Aliorū autem sensuum nullus proportionē illam primarū qualitatum necessariā animalis subsistentiæ cōsequitur. Nam quāuis omnes sensus in quodam contemperamento, & in quadam proportionē rectē dicantur cōsistere, ita vt illa dissoluta harmonia, dissipata sit potētia illa sensitua, quæ ex ea consequebatur (quemadmodum visus destruitur

Tactus
omni anima-
li simplici-
ter necessa-
rius.

con

contēperamēto illo quod in oculo est dissipato) potest tamē manere illa præcipua, & prima harmonia primarū qualitātū, quæ ad animalis vitæ conseruandā requiritur, dissolutis aliis contemperamentis. Itaque fit, vt absq; cæteris omnibus sensibus possit tactus solus in animali persistere.

Quare tactum natura antor per totum corpus voluit expandere præ omnibus alijs sensibus. CAP. XXIII.

EX hoc vero simul ostēditur, debere necessario per totū corpus expādi sensum tactus. Quomodo enim portio illa & harmonia qualitātū primarū vitæ animalis necessaria, nulli mēbro debuit abesse ita neq; tactu potuit ullū membrū destitui. Quemadmodū si per totum corpus idē esset illud cōtēperamentū, quod est in oculo, ad quod cōsequitur visus, indubiē cōsequēs esset, p singula mēbra diffusum esse sensum visus. Est autē singularis etiā necessitas, ob quā debuit tactus nō in vna aliqua parte tātū (vt cæteri sensus specialē habitationē accipere, sed per omnia corporis mēbra diffundi. Videlicet quia excellentiæ qualitātū tāgibiliū, id est, ipsæ tāgibiles qualitates, vbi in excellentiā fuerint, per se natæ sunt corrūpere ipsam animalis vitam. Cæterorū autē sensuū obiecta quātūncūq; excellentia, nō sunt per se corruptiua animalis, quāquā ipsum suū sensum valeant corrūpere, vt (verbi gratia) excellens lumen cadēs super oculum, non potest animal interficere quanquā possit visum indisponere, imperficere, aut penitus auferre. Item sonus quantūuis vehemens nō potest animal interimere per sese, quanquā auditum possit obfuerre, perturbare, aut perime re. Nam quod nōnulli graui sonitu tonitruū inueniuntur subito deficere, non ex lōno est, sed ex vehementi percussione, vel ex fulminis aduenientis virtute, aut consimili modō. Neq; odor neq; sapor in quacūq; sit excellentia, per sese corrumpit animalis vitam. At verò excellens caliditas aut frigiditas, facillimē animalis vitam aufert propria sua actione. Iam verò, si in vna tātū parte fuisset repositus sensus tactus, nō esset à natura sufficienter prouisum animalis vitæ: cū passim occurrant & in omnia membra corporis offerant sese tāgibiles qualitates, quæ per suam excellentiam à partibus illis, vbi tactus nō esset, facillimē animali inducerent corruptionē. Quēadmodū (exempli gratia) si lumē excel-

Quare natura tactū per corpus totum expandit.

lens imaginemur per sese corruptiuū esse vitæ animalis, nō habeat autē homo nisi oculū potentem percipere lumen: hoc posito, si oculus tantū in vna parte corporis habeat locū, cōtingit animal ipsum facilius interire, cū videlicet à tergo vel à pedibus lumē tale excellens (non aduertente oculo) animal corripuerit: eritq; iam absumptū animal prius quā percipiat oculus corrūpentis qualitatis excellentiā. Rectē ergo ad animalis vitam cōseruandam naturæ autor sensum tactus per membra omnia extendit, vt nusquā quicquam posset corruptiuū occurrere, quod nō statim depræhenderetur, depræhensumque pro virili caueretur, aut fugeretur. Cæterorū autē sensuum nullū obiectū per se actiuū est, nisi in partē illā in qua sensus talis positus est, vt color & lumen quatenus visibile, nō agit, nisi in oculum, & sonus nō nisi in aurem, & ita in cæteris: propter quod sufficit pro totius corporis cōmoditate, vnicū esse mēbrū in quo tales sensus habeant suā sedē, & ad quod obiecta omnia diiudicāda perferātur. Qualitates autē tangibiles, in omnē partē corporis eque sunt actiuæ, neq; determinatum aliquod membrum spectant. Idēoq; prouisum oportuit animali ex omni parte, & vndique vigilem adhiberi custodiā, ne alicunde subito ab excellenti qualitate arreptū, ante tempus occideret.

Tactum non penitus esse denudatum à primis qualitibus, sed tantum ab earum excellentijs. CAP. XXIIII.

Illud quoq; in tactu peculiare est, nec vlli aliorum sensuū cōueniēs, quod ipsius solius organū à qualitibus illis quas habet sensus, pro obiectis nō est denudatū. Cæterorū enim sensuū organa (vt suprā ostendimus) nihil eorū quæ ipsi percipiunt, actu habēt: vt oculus ab omni est colore & lumine proprio liber: aer naturalis organū auditus ab omni proprio sono: organū olfactus ab omni proprio odore: organū quoq; gustus ab omni proprio sapore. Huius autē tactus organū nō videtur esse à primis qualitibus denudatū, quoniā (vt iam dictū est) primarū qualitatum cōtemperamentum & harmoniam consequitur. Oportet ergo qualitates aliquo modo in ipso organo tactus inueniri, videlicet secundū temperamentū, & medietatem quandā. Ab excellentiis tamē qualitatum tangibiliū, ipsum denudatū esse oportet. Ad hoc enim tactus
datus

datus est animali, ut per eū percipiat excellētiās qualitātū tāgibiliū: quas non posset percipere, si ab eis nō haberet suū organū denudatū. Atq; in hoc non omnino ab aliis sensibus dissonat. Est enim eiūs organum sic denudatum à suo obiecto, quomodo ipsum perceptibile est à sensu. Nā tactus qualitatum primarum secundum suas excellentias est perceptiuus. Eas autem secundum hunc modum (id est secundum excellentias) organum ipsius non habet, sed tantum secundum mediocritatem & cōtemperationem.

Qui fiat ut molles carne, tactus sint melioris aique etiam melioris ingenij: contrario autem induris. CAP. XXV.

EX hoc autem quò tactus dicitur consurgere ex proportionē primarū qualitatum, cōsequitur quanto in homine fuerit tactus melior, tanto meliorē debere esse illius hominis complexionē. Ac rursū quia iuxta corporis bonam complexionē, est qualitas ingenij, fit, ut ex bonitate & prācellentia tactus, rectē etiā argui possit bonitas vel prācellentia ingenij. Propter quod Aristoteles libro secundo de anima, in capitulo de odore, ex prācellentia tactus arguit hominem esse animalium prudentissimum. Quoniā enim homo (ut ipse ait, & veritas cōfirmat) certissimum habet tactū, atq; in hoc vno superat atq; euincit cætera animalia, cū in alijs sensibus ab animalibus quibusdā superetur: hinc fit, ut homo animalium prudentissimum cognoscatur. Si quidē ex tactu, mentis aptitudo vel ineptitudo, id est, ingenij bonitas aut prauitas deprehenditur. Duros enim carne, mente hebetes & ineptos: molles verò, bene aptos esse dicimus. Quæ quidem Aristotelis dicta ita possint intelligi: Ingenij enim aptitudo cōsequitur bonitatē cōplexionis & bonū cōtemperamētum humani corporis, eò quod corpus humanum sit animæ in suis operationibus instrumentum. Vnumquodque autem operans (cæteris paribus) melius agit secundum dispositionem instrumenti quo utitur: quemadmodum scriptor calamo apto melius pingit, quā inepto & prauo. Vnde cum anima quantum ex sese in omnibus æque sit pōtens operari & apprehendere, oportet ex diuersitate corporis, ut instrumēti, prouenire diuersitatē ingenij. Itaque bonā corporis dispositionē & proportionē sequitur bonitas ingenij. Eandem quoque bonitatem complexio-

*Molles carne
aptis mentē.*

nis in homine cōsequitur bonitas tactus. Melioris autē tactus experimur esse illos qui carne molles sunt, quā eos qui sunt duri carne. Vnde illos qui sunt molles carne experimur facilius asiligi in cōtactu vel levis excellentiæ alii cuius tāgibilis qualitatis, quā alius carne durior vix perciperet, si nō in maiori excellentia ipsius organo admoueretur. Manifestū ergo est, ex eadē radice proficisci hęc tria nēpe bonitatē tactus, bonitatē ingenij, & carnis mollitiē, ex aduerso autē prauitatē tactus, ineptitudinē ingenij, & carnis duritiē. Propter quod, rectē ex eo quod oculis, & sensui patētissimū est videlicet ex carnis mollitie, argumētari possumus quod occultū est, nēpe ingenij bonitatē: nō quidē vt ex causa effectū, sed quēadmodū duorū effectū ex eadē causa prodeuntū is qui manifestior est, arguit eū qui est occultior. Sic de carnis duritie ad prauitatē cōplexionis & ingenij. Hoc tamē aduertēdū est, quod interdū cōtingit inueniri in quibusdā carnis aliquā mollitiē ex nimia humiditate & nimia abūdātia flegmatis, quales videmus homines qui in locis frigidioribus atque humidioribus generantur, multum carneos succōq; plenos, propter quod molles carne iudicātur. Verum hęc mollities bonitatē non arguit ingenij, quoniā ex mala cōplexione & nō bona cōtēperatione, procedit, neq; proprie & vere eiusmodi carne molles dicēdi sunt, sed potius succosi, aut alia quauis appellatione nominādi. Neq; de hac mollitie volebat sua dicta intelligi Aristoteles. Cæterū ex carnis mollitie & cōplexionis bona dispositione, aut ingenij bonitate, argumētari non rectē possumus aliorū sensuū bonā dispositionē, neq; econtrario ex aliorū sensuū bona dispositione argumētābimur ingenij bonitatē, aut carnis mollitiem. Contingit enim ingeniosos esse carne molles & bonæ cōplexionis, in quibus non sit visus bonus, aut integer auditus, siue odoratus. Vicissimq; contingit optimum habentes visum, siue auditum, siue olfactum parum esse ingeniosos: nimirum quia stat in homine bonam esse cōplexionem secundum qualitatum proportionem animalis vitæ necessariam, vbi tamen illa quæ in organis prædictorum sensuum exigitur, non fuerit admodum bona.

Quod Christo domino pro sue cōplexionis nobilitate, passionēs omnes fuerint maximē afflictus.

CAP. XXVI.

Ex

*Duplex
mollities.*

EX prædictis manifestè cōsequitur, admodū rectè ac piè sanctos patres id tradidisse de amarissima Christi filij Dei passione, quod ipsius personæ fuerit summe afflictiva, multo amplius quā si hominū cæterorū vlli earūdē pœnalitatū fuissent inflictæ passiones. Decēs enim & rationabile erat, vt homo ille qui simul erat verus Deus & homo verus, corpus haberet iuxta dignitatē dispositū in cōplexione optima, & nobilissima harmonia primarū qualitātū, videlicet vt corpus illud quod sibi mirabili & ineffabili vnione voluit vnire Diuinitas verbi, & in vnitatē assumere suppositi, cōplexionē haberet maximè nobile: quo sic animæ nobilissimæ omnibusq; gratiis, & donis summe plenæ, corpus respōderet iuxta suū modū absolutissimū atq; perfectissimū. Quod amplius etiā fiet credibile, si ipsum corporis huius attendamus nouū opificē. Non enim cæterorū more corporū virilis seminis efficacia corpus istud cōtēperauit, neq; cōposuit, sed virtus illa ex alto descendens, de qua Gabriel paranympus Virginē matrē alloquēs Mariā, ait, Spiritus sanct⁹ superueniet in te, & virtus altissimi obumbrabit tibi. Et ad Ioseph in somnis angelus, Quod enim in ea natū est de spiritu sancto est. Hic ergo potētissimus, sapiētissimus, optimusq; est artifex, qui corpus illud de quo loquimur, absq; tēporis mora in momento perfecit, quiq; anima corpori ac pariter utrūq; verbo in vnitatē suppositi mirabiliter copulauit. Quis autē absq; artificis huius iniuria possit asserere, opus illud, in quo ita singulari ac præcellenti modo sese præsentē exhibuit, imperfectū fuisse & mala proportionē distēperatū? Quomodo nō magis perfectissimū corpus iuxta suā rationē fuisse illud credimus, quod tali animæ omniū præcellētissimæ iūgi debebat, & non animæ tātū creatæ in tēpore, sed verbo genito, ante secula? Habebat ergo Christus dominus corporis dispositionē utiq; optimā & præcellētissimā, qualē nec vnquā habuit quisquā, nec post est habiturus. Quod si ita piū est credere, statim fit cōsequens (vt iam osensum est) eū carne fuisse tam molli, tā tenera, tactu tā bono, tā viuaci, plus quā vllus fuerit hominum cæterorū. Afflictiones ergo omnes quas in corpore sustinebat ab initio suæ natiuitatis, ad exitū vsq; suę fœlicis cōsummationis (præter quod plurimæ extiterūt) fuerūt illi

Passio Christi summe afflictiva.

Luca. I.

Matth. I.

singulari modo summè afflictuæ. Quapropter nimium vanè iudicant qui passionibus his filij Dei vel omnino nihil, vel parum admodum commouentur, ea causa quod putent ex diuinitatis vnitæ cōmercio pœnalitatē & afflictionem omnē illi fuisse leuiorē. Facile (inquiunt stolidi quidam) erat illi hæc siue illa perpeti. Deus enim erat, non (ut nos) homo purus. Imò vero hæc ex parte, superdignissimæ Diuinitatis societas secundū accidens modo quodam fecit cūcta grauiora & magis afflictiua reddidit quæcūq; in corpore pertulit: dum propter dignitatē verbi æterni corpus illi vniēdū in proportionē nobilissima cōponi debuit, ad quam infallibili cōsequio in carne tenerrima & viuacissimo sensu maxima cōsequitur passibilitas. Ad cuius veritatis confirmationem plurimum facit, si cōsideremus filium Dei nō ad hoc nostram sibi assumptisse naturā, ut seculi huius frueretur delitiis, ac dura euaderet. Verum ad hoc potius de loco pleni gaudij in hæc descendisse lacrymarum vallē, ut iuxta verbum Prophetæ, de torrente in via biberet, nimirum ut pro generis humani persolvendō debito, amarissimas amaritudines ad probrosissimam vsque mortē gustaret: atq; adeo ab ipsa hora sui partus semper quæ duriora fuerunt elegit, paupertatem egestatem, nuditatem, esuriē, fatigationem, & quæcūq; sunt huiusmodi. Nōne (ait idem ipse post mortē loquens discipulis) oportuit Christum pati, & ita intrare in gloriā suam? Et alibi, Filius hominis (inquit) ministrari non venit, sed ministrare, & dare animā suam in redemptionē pro multis. Neq; ignorabat Propheta Esaias, quid loqueretur, cū in spiritu venturum illum præuidens, virum dolorum appellaret, & scientem infirmitates. Est ergo prædicta pia patrum assertio rationabilis omnino, & pietati cōsona, ac præter hoc ratione etiam & autoritate haud minimum corroborata. Neque nos huius rei tractatum nacti locum tam commodū silentio præterire potuimus, quin suauissimæ ac planissime mellei nostri Iesu amaritudines plusquam felleas reduceremus tibi o lector Philochriste, in memoriā. Tu vero quæ paucis indicata sunt, quæso latius apud te rumina, ac mentis pariter & affectus in ima reconde.

De conuenientia quinque sensuum adinuitæ. CAP. XXVII.

Ha

Psal. 109.

Luc. 24.

Matt. 20.

Esa. 53.

HAbent autem sensus isti quinque iam secundum partem *Sensus recipit speciem absque materia.*
 cularem determinationem expediti, quædam in quibus conueniant: habent & quædam in quibus differant.

Primum quidẽ omnibus hoc est commune, formas siue species rerum absq; materia suscipere.

Id est sensibilem species & similitudines, absque reali immutatione, aut vllius partis sensibilis, reali intra sese susceptione. Comparatur enim sensus hac in parte ceræ, quæ cum à sigillo impressam sibi recipiat similitudinem, nullam tamen ferri, vel auri, vel alterius vllius materiae vnde facta est, partem in se accipit, sed absque materia tantum impressam formam siue effigiem. Patet autẽ hoc experientia in singulis sensibus. Cum enim per visum oculus videt parietẽ, neq; ipse paries, neque parietis vlla pars in oculum recipitur, imò neq; ipse color, neq; coloris vlla pars, sed tantum species vel similitudo ipsius quæ per medium intra oculum diffunditur, quæ species eius similitudo est, oculo ipsum illud repræsentans à quo est impressa, nempe parietis colorem. Sic & in aurem (cum campanam audit sonantem) neq; campanæ sonantis, neque aeris sonum habentis, neque etiam ipsius soni pars aliqua ingreditur, sed tantum species soni quæ sonum ipsum repræsentat auditui, & campanam facit audiri, à qua diffunditur sonus. Itidem & in aliis sensibus dicendum. Ex hoc autem ratio patet, quare plantæ, tametsi animam quandam habeant nempe vegetatiuam, non tamen sentiunt, quoniam videlicet nullam rem sensibilem valent absque materia suscipere. Potest enim planta in se recipere, & continuo recipit, dum nutritur & augetur, qualitates tangibiles, calidum, humidum, frigidum, & siccum. Ex his enim quomodo omnis generatio, ita & omnis nutritio est. Sed ista non recipit absque materia, sed simul cum ea suscipit: ac proinde planta vt nimis terrea & nimium crassa, non potens absque materia rerum species suscipere, sensitiua iudicatur carere potentia.

Sensum corrumpi ab excellenti sensibili. CAP. XXVIII.

ESt etiam omni sensui commune, quod ab excellentia sui sensibilis corrumpitur. *Maxima.*

Vt excellens lumen corrumpit visum, & sonus excellens audi

auditum, excellens qualitas tangibilis dissoluit tactū. Est enim sensus velut harmonia quædam atq; in mediocritate disposita compositio. Vnde quemadmodū harmoniam concentus dissoluit, qui fides vehementius pulsauerit, & cōcentus melodiam perturbat: ita excellens sensibile sensus proportionē natū est destruere atq; dissipare. Quemadmodū autem concentus saluatur melodia, donec mediocriter pulsantur fides: ita saluus cōsistit sensus, donec temperatū & mediocre contemperatur sensibile. Dicimus autem in proposito sensibile excellens, quod excedit, exuperatq; sensus proportionē: ut homini nimia lux aut lumen magis excessiuum quā ferat hominis oculus, cuiusmodi est humano oculo lumen illud, quod directe in Solis rotam inspicienti offunditur. Et contingere potest, ut quod huic sit excellens sensibile, alteri non sit excellens: quemadmodum lumē splendentis Solis, hominum & animantium cæterorum plurimorū oculis non est excellens: nocturæ autem oculus est excellens: quāpropter ipsum ut sui visus corruptiuū fugit, tenebrarum quærens latibula, donec Sol agit super terram, Luna autem procedente vel stellis, audet & ipsa procedere, agnoscens sibi temperatū lumen. Quemadmodū autem sensibile excellens sensum corrumpit, ita sensibile ex altera parte nimium deficiens, & nimis paræ quantitatis, vel intentionis, nō est natū sensum cōuenienter immutare. Sēnsibile enī minimæ quātītatis, non bene potest à suo sensu discerni.

Insuper commune est omnibus sensibus habere suum determinatum obiectum, à quo patiantur: suum determinatum organum, in quo operentur: ac medium, per quod ipsorum organa ab obiectis immutentur.

Ita ut nunquā sensus nisi determinatū suum obiectum percipiat, neq; nisi in suo organo operetur suā sensationem, neq; nisi per medium. Quemadmodum videlicet visus non nisi colorē aut lumen apprehendit, nunquam nisi in oculo visionē efficit, & semper per mediū interueniens aëris vel aquæ. Quod autē vniuscuiusq; sit organū, quod obiectum, & quod medium, suprā iam determinauimus.

Item

Item nullus sensus potest propriij obiecti alterius speciem, in se suscipere, neque alienum obiectum percipere.

Vt visus non potest sonum videre, neque caliditatem, neque odorem, neque saporem: neq; olfactus colorem potest odorare, & ita in cæteris.

De alijs quibusdam sensuum convenientijs. CAP. XXIX.

PRæterea & hoc sensibus commune est, quòd congruam requirunt distantiam sensibilis ad sensum, vt neq; nimium distet sensibile à sensu, neq; ex altera parte nimium sit propinquum.

Nam sensibile positum supra sensum (iuxta Aristotelis dictum) non efficit sensationem: quemadmodum videmus de colore proxime oculis admo, quem absq; medio nequaquam videre sufficimus, Et si qualitas aliqua tangibilis immediate super neruum tactus poneretur, non perceretur à tactu. Atq; hinc est, quòd visus (qui in humore crystallino situs est) neq; oculi palpebram, neq; carneam tuniculam, quæ est circa oculos, percipit: neq; tactus carnem sentit, qua vestitur ipsius neruus. Si verò plus iusto elongetur sensibile, vt iuxta proportionem sensus ad ipsum non possit in organum suam speciem imprimere, vel non sufficienter, tunc vel non fit, vel malè, & imperfectè fit sensatio. Oportet ergo esse mediocrem distantiam, iuxta proportionem sensus & sensibilis. Nam in hac re determinata mensura non potest constitui. Quod enim meo visui nimium est distans sensibile, alterius visui est proportionatum. Ita fit, vt quod ego vel non video, vel admodum imperfectè, id alius perfectissime cernat: cum tamè secundum rem in æquali consistamus ab obiecto distantia. Ita eundem sonum, qui melioris est auditus, facile percipit, quem alius in eadem positus ab obiecto distantia nequit percipere. Et manifestum est, quosdam talis esse visus, vt de iis quæ admodum longe distant, rectius iudicent, quàm de iis quæ minus distant. Contrà verò, sunt qui parum distantia exactissime percipiunt, magis autè distantia minime. Est etiam omnis sensus sui obiecti & priuationis oppositæ perceptiuus.

Oculus quare non videat palpebram.

Vt

Tenebræ Vt visus lucē percipit & tenebras. Quomodo enim vi
quomodo vi sus de luce iudicat, ita & de tenebris. Sunt enim tenebræ
dentur. luminis priuatio. Verū nō sic priuatio visum mouet, vt ha
bitus. Non enim tenebræ vidētur per aliquā speciei dif
fusionē (quā enim species de se funderet pura priuatio?)
sed tātū per absentia lucis. Tenebrę enim sunt priuatio lu
cis in corpore perspicuo, apto nato suscipere lumen. Sic
iudicatur aliquid absōnū, vel insonū, id est, sine sono item
inodorum & in saporū, hoc est, absq; odore & sapore, per
eodē sensus per quos odorabile & sonorū. Aduertendū
quoq; est, qđ in singulis sensibus terminus significās priua
tionē dicitur tribus modis. Quēadmodum (exēpli gra
tia) inuisibile dicitur tripliciter. Primo, quōd omnino vi
deri nō potest, vt Deus, Angelus, sonus, caliditas, & huius
modi. Secūdo, qđ difficulter videri potest, & lumen admo
dū debile, quēadmodū est lumen in vmbra per reflexio
nē, & color admodū paruus & obscurus. Tertio, qđ visu
nocet & aduersatur, vt excellēs lumē & improporciona
rum, quod nō absq; dāno cernitur. Sic inaudibile dicitur,
quod vel nō potest audiri, vt color : vel difficulter, vt so
nus nimis tenuis : vel quod prauū habet sonū. Ita inodo
rabile, & ingustabile, quod omnino odorari vel gustari
nequit, aut quod difficulter potest, aut quod prauū habet
odorē, siue saporē. Sic & de intāgibili dicendū. Cæterum,
ipsæ sensuū differētiæ ex præmissis & singulorū particu
laribus determinatiōibus sunt manifestatæ. Et hæc quidē
de sensibus exterioribus & eorū sensibilibus ita declara
ta sufficiāt. Nunc verò ordinato progressu, exterioribus
percursis, ad interiores trāseamus: vt quō mirabilē in ex
ternis vtcunq; ostēdimus naturæ autorē, sic & in internis
nō min⁹ magnū, neq; minus admirabilē (quantū dabitur)
cōmōstremus: vt sic tā in iis q̄ intra sunt, quā in iis quæ ex
trā apparēt, glorificetur sapiētia cōditoris nostri, q̄ & inti
ma & extima nostra, eadē sapiētia cūcta formauit, q̄ in tri
nitate, & vnitate viuūt semper benedictus in secula. Amē.

FINIT LIBER NONVS.

PRO CONSIDERATIONE PARVULI

in membris oculi, ad gloriā magni artificis,
qui eum admirabilem condidit

Psalms.

Venite

Venite qui quæritis miranda, & videte quod commonstro vobis digito isto: pomulum istud paruulum attendite, quod me demonstrante, conspiciti oculis vestris.

Consistite ex aduerso mihi, & lumen oculorum vestrorum (utique si libet amborum) defigite in pomulum istud: ecce claudio oculum alterum, ut vnum hunc considerare valeatis attentius.

Est ne ex vobis aliquis, qui pomuli huius sufficiat miranda comprehendere: qui explicare ad plenum possit nobis rationem compositionis eius?

Si tu iactabundus asseris posse te omnem eius explicare rationem: age, vitum te prabe, & compone nobis aliud simile.

Calidum, frigidum, humidum, siccum, ecce appono tibi in abundantia: fac, si potes pomulo huic quod tibi demonstrat in meo vertice meus digitus, fac (inquam) si potes, pomum huic simile.

Quid enim? si rationem omnem pernocti compositionis eius, & omne comprehendis artificium: prabit a tibi copiosa materia, quid obstat quod minus condas nobis opus simile?

Ecce enim calidum, frigidum, humidum, & siccum apposita sunt tibi, ex his autem est omnis membrorum compositio.

Quod si labori operis non te putas sufficere, elige tibi artifices industrios & operarios fortes: experire in omni adiutorio, num opus simile poteris efficere?

Ergo si fateris supra omnem artis virtutem eminere opus, da gloriam auctori omnium: & fateri minimum esse quod nostis, agnosce minimum esse quicquid tibi videris de opere eius cognoscere.

O pomum paruulum. O membrum pusillum, oculus, qui consistis duplicatus in excauata domotua, in specu mirabili, in medio faciei, loco honestissimo: quam nobilem habet in te virtutem, & quam admirabilem seruas potentiam!

Immenso interuallo super me eleuatur Luna in orbe suo: superas enim vniuersam aeris regionem, & ignis globum transcendit per maximum.

Sol vero longescendit altius: ac super hunc incredibili spatio eleuata stelle quæ sunt in firmamento, consistunt immobiles.

Attamen super hæc omnia tu conscendis altius, & superas omnia: neque tamen (quod est omnium mirabilissimum) locum deseris, in quo te posuit altissimus conditor tuus.

In specu vultus excauata, quasi in rupe tua munita manes, & non egrederis: transcendis tamen elementa omnia, Lunam, Solem, atque cuncta sydera.

Vere magnus, qui te fecit ita mirabilem: qui talem in te posuit virtutem, si non est ille magnus artifex, mirabor ubi inueniemus quem in te appellabimus artificem.

Qui talem in te nouit compositionē efficere humidi, sicci, calidi, & frigidi, ut tali praeuineres virtute: si non est in illo sapientia, clamo ego quod nusquam inueniatur sapientia.

O magne Deus, quā es magnus in omnibus operibus tuis: & in hisce minimis quā gloriose te ipsum monstras maximum!

O quam debes esse in teipso lucidissimus, qui hanc opacā creaturulam tuam tali donasti nativo lumine: ut tanto distātia intervallo, ita ut nullo negotio possit percipere.

Potentiam, sapientiam, & omnem perfectionem lux heatissima, ego ascribo tibi absq; mensura: agnoscat hoc ipsum omnis homo, in quo posuisti donata tua.

Non pergo ego longius, digitum impono ori meo: stupore me obtundis in præcellētia magnitudinis tuæ.

Hoc tantum abscedens loquor ad gloriā tibi, multos ego vidi celebres hominibus artifices: hactenus autē non contigit videre tui simili.

Gloria patri, & filio, & spiritui sancto.

Sicut erat in principio, & nunc & semper, & in secula seculorum. Amen.

F I N I T P S A L M V S.

I N L I B R V M X.

C O N S I D E R A T I O N I S P H Y -

S I C A E D E P O T E N T I I S S E N S I T I -

u i s i n t e r i o r i b u s , P r æ -
fatio.



TAMETS I magnū videatur stupēdumq; miraculū in organis exteriorū sensuum, de quibus iam in præcedenti libro tractatū est, multo tamen iudicaret homo magis admirandas vires illas, quæ sub osseo capitis tegmine interius delitescunt, in abscondita substantia cerebri, si eas posset oculis contēplari, si ipsam cerebri substantiā, eiusq; nobilissimā cōplexionem, & admirabilem virtutis dignitatē, cellularumq; pulcherrimam distinctionem, & officiorum in diuersis partibus varietatē, oculari posset cogni

cognitione depræhendere: quæ tamen vix vlli digna admiratione suspiciunt, propterea quòd abscondita sũt ab oculis hominum & paucissimis vel tenuiter cognita. Post exactam ergo præcedenti libro exteriorum determinationẽ, volumus suo hunc ordine ad omnipotẽtis omnium exteriorum pariter atq; interiorum conditoris gloriam, de his quoq; interioribus sentiendi viribus nonnulla dicere, quantum tenuitas nostri ingenij vel ab aliis tradita capere, vel diligenti cõsideratione examinata potuerit peruestigare. Postremo loco quædã de somno & vigilia pro loci opportunitate annexuri, cum somnũ à natura in sentiẽtibus omnibus ad virium sensitiuarum reparationem à deo cernamus institutum. Nihil autem est operum domini, quod non omni sit cõsideratione dignissimum.

De sensu communi & eius loco atque officijs. CAP. I.

SVnt autem sensus interiores sensus communis, Imaginatiua, phantasia, æstimatiua, memoria, & reminiscẽtia.

Inter quas potẽtias primo loco cõstituitur potẽtia quẽdã locũ habẽs in anteriori parte cerebri, ad quã ex omnibus sensibus exterioribus species trãsmittũtur, omniũ illorũ quæcũq; per sensus externos fuerint apprehensa. Quã ob causam, notissimo nomine sensus cõmunis tã apud Philosophos quã apud Medicos appellatur: nimirũ quod omnibus exteriorib⁹ sensibus eque sit cõmunis, quòd equãliter species omniũ exteriorũ sensũ suscipiat. Propter q̃ ab Aristotele cõparatur centro circuli, ad q̃ tẽdũt omnes lineę à superficie circuli protractatę. Sic enĩ omnes sensus exteriores à sensu cõmuni interiori tãquã à cẽtro egrediũtur, & sensatorũ suorũ simulacra singuli ad eũdẽ reducũt, per nervos qui à singulis eorũ ad ipsum proficiiscũtur. Ab oculo enim nervus dirigĩt ad anteriore partẽ cerebri, iteq; ab aure, à lingua, ab organo olfactus & à nervo tactivo, qui omnes in parte cerebri anteriori (vbi sic sensus situs est) quasi ad cẽtrũ vnũ cõveniũt. Estq; sensus cõmunis iste velut fons, à quo occulto miraculo sensus exteriores profluũt atq; procedũt, recipiẽtes videlicet ab eo spiritus sensitivos, per quos suas exerceãt in suis organis operationes. Ac rursus, quasi finis est eorũdẽ sensũ exte-

Sensus communis.

norum: utpote ad quem velut ad cōmune confistoriū sua quisq; sensata ineffabiliter statim deferunt atq; trāsmittunt. Ad hunc sensum spectat, primū quidem sensibilia prius diuisum exterioribus sensibus percepta, pariter velut vnité apprehendere, sicq; diuersorum sensuū obiecta adinuicē cōparare, vel cōponendo, vel diuidendo: utpote iudicando hoc esse colorem, istud sonū, illud odorem: vel hoc esse coloratum, vel albū, vel nigrū, illud odoriferum, istud calidū, &c. Item de eadē re potest hic sensus iudicare quod sit alba, dulcis, calida, humida, odorifera & sapida. Cum enim in lacte visus inuenerit albedinē, gustus dulcedinem, tactus caliditatem, odoratus bonum odorē, sensus cōmunis acceptis singulorū sensuū particularibus iudiciis, iisq; in vno simul cōpertis & adinuicē collatis, iudicat lac istud esse albū, calidū, dulce, & odoriferum. Deinde per eundem hunc sensum iudicat homo se videre, audire, gustare, tāgere, odorare, & sic de omnibus actibus omnium sensuū exteriorū. Hæc enim sunt duo sensus huius communis officia, videlicet sensibilia exteriora sensibus exterioribus diuisim percepta, vna apprehensione cognoscere, & de actibus sensuum ipsorum iudicare.

Neceſſitas ponendi sensum communem distinctum à sensibus exterioribus.

CAP. II.

NEUTRUM autem prædictorū officiorum per vllū sensuū exteriorū potest fieri. Impossibile nanque est, vt sensus aliquis exterior sensibilia diuersorū sensuum diiudicet cōparando adinuicē. Nō enim potest sensus aliquis diiudicare, distinguere, & cōparare aliqua adinuicē, nisi vtrunq; cognoscat: quemadmodum non possum inter res duas discernere, nisi vtrāq; cognoscam. Cum ergo sit impossibile, sensum aliquē exteriorē diuersorū sensuū obiecta apprehendere (nam quisq; suū tantū obiectū apprehendit) cōsequitur, fieri nequaquam posse vt sensuū exteriorum aliquis inter obiecta diuersorum sensuū discernat. Et tamen id animali erat, necessariū, posse inter sensibilia diuersa discernere. Oportebat ergo talem aliquem cōmunem sensum poni, qui sensibus exterioribus excellentior, de eorū sensatis ferrer iudiciū. Alioqui quid opus fuisset diuersis sensibus ad distincte percipiendū sensibilia, si non esset qui potuisset inter ea discernere? Quod si quis

Sensus communis officia.

Sensus communis necessitas.

quis dicat, pluribus sensibus posse hanc fieri sensibiliū distinctionē, vno sensu vnū obiectū, altero alterū cognoscere: an nō id videbitur ad distinctionē posse sufficere? Mini me. Quēadmodū enim impossibile est duos hoīes ferre de rebus diuersis iudiciū, nisi vtriq; totā sit causa cognita, nisi adinuicem cōmunicantes in cōmune cōferant vterq; suam cognitionē, neq; sufficit, quod hic illius, iste alterius causam probissime norit ad recte discernendū atq; diiudicandū: ita nequaquam sufficere potest sensuum diuersitas, ad sensibiliū diiudicationem, nisi vnus sit superior iudex, ad cuius consistoriū & cognitionē pariter omnes sua sensata adducant. Iterum, officiū illud iudicandi de operatione sensus: vt cū homo apprehendit se videre, audire, &c. nequaquā sensui exteriori potest cōpetere. Nō enim potest visus cognoscere se videre, neq; auditus cognoscit se audire. Cum enim obiectū visus sit color vel lux, consequitur nihil posse videri aut visu percipi, nisi quod color est vel coloratum, aut lux vel lucidum. At verò visio (quæ est operatio visus) neque color est, neque colorata, neq; lux est, neq; lucida. Quo pacto ergo sensu visus percipietur? quomodo fiet vt possit videri? Ita & de alijs sensuum operationibus in analogia ad suos, sensus, proportionabiliter est dicendum.

Vnde communis est regula, quòd nullus exteriorum sensuum super suum actum reflectitur.

Regula cōmunis de sensibus.

Reflecteretur autē super suum proprium actū, si visus possit percipere se videre, vel auditus se audire, &c. Sensus ergo cōmunis pōnendus est, qui de operationibus singulorū exteriorū sensuū possit iudicare. Percipimus enim per sensum cōmunem nos videre, dum ab oculo simulachrū rei visæ ad ipsum transit. Ponitur autem hæc virtus in anteriore parte cerebri, cellulam habēs satis amplam, in loco vbi cōcurrunt nerui sensitiui quinque; exteriorum sensuū, qui locus admodū medullosus & humidus est. Nā humido perficitur, eò quòd humidū faciliē sit perceptiuū. Hoc est autē potentiæ huius officiū, omnium sensibilibum formas mox, vt exterioribus sensibus fuerit sensata, suscipere. Quamobrem iuxta huius partis bonā dispositionem, iudicamus homines esse facilis capacitatis & bonæ

*Frontis cornu-
ta quale si-
gnum.*

appræhensionis, boniq; iudicij. Vnde phyſionomi tradūt, & monſtrat experientia, facilis appræhensionis eſſe, qui frontem habēt cornutam: quod nō dubiū eſt ratione bonę diſpoſitionis cerebri in hac anteriori parte prouenire. Contrā verò qui fronte ſunt obtuſa & nimium rotunda, malę iudicantur appræhensionis, quòd cerebrum in hac cellula non habeant ſufficienter diſpoſitū. Denique & in vulgato prouerbio receptum eſt, vt homines rudes & iudicio carentes, dicamus carere ſenſu comuni.

De virtute imaginatiua, eiusq; officio, & loco. CAP. III.

*Imagina-
tiua.
Imaginati-
ua, cellariū
ſenſus com-
munis.*

Poſt hunc ſenſum cōmunem proxima eſt alia quædā potentia, ordinata ad cōſeruandas ſpecies in ſenſu cōmuni à ſenſibus exterioribus receptas. Sensus enim cōmunis in præſentia obiekti exterioris ſenſari, ſpecie illius recipit, ſimul vt exteriori ſenſu percipitur. Sed nō eſt eius officij, ſpecies iſtas abſcedēte obiecto, & exteriori ſenſu à ſua operatiōe deſiſtēte, in ſeſe cōſeruare: ſed ad alterā ſpectat potentiā ſibi proximā, quam imaginatiuā appellamus. Eſt enim hæc imaginatiua velut cellarium, ſpecierū à ſenſu cōmuni præſente obiecto ſuſceptarū contentiuū atq; conſeruatiuum: propter quod, vulgo theſaurum formarū eum appellant. Quemadmodū autē ſenſus cōmunis (cuius eſt recipere) perficitur humido ita hæc potentia perficitur ſiccitate quadam & duritie ad bene conſeruandum. Nam ſicut humidū bene recipit, ita ſiccū bene cōſeruatur. Et vbi cū humiditate moderata fuerit ſiccitas, nō omnino male recipiet, neq; male ſeruabit. Conſiſtit autem hæc virtus ſimul quidē cū ſenſu cōmuni, in anteriori parte cerebri, ac velut in prora capitis: eſtq; locus ille cerebri in quo cōſiſtit imaginatiua, minus medulloſus, minusq; humidus, & aliquatenus magis ſiccus, quàm ſit pars illa, cuius ſedes eſt ſenſus cōmunis. Nō enim talis intelligi debet hæc ſiccitas, quaſi in parte iſta cerebri, omnino debeat dominari. Eſt enim id cōtra rationē cerebri, quod de ſe frigidū & humidū eſt: ſed hoc tantū volumus, partem illā eſſe minus humidā & medulloſam, atq; ita aliquo modo magis ſiccā & magis durā quàm ſit altera pars anterior. Ex prædictis ergo patet differētia inter ſenſum cōmunem & inter hanc imaginatiuā potentiā. Sensus enim communis præſente exteriori obiecto, ſuſcipit ſuā ſpecie ab exterioribus

bus sensibus ad se trāsmittam: sed nō conseruat in obiecti absentia. Vnde in hoc cū exterioribus sensibus aliqua ex parte cōmunicat, quōd egeat præsentiā obiecti. Imaginatiua autē, species & simulacra rerū sensatarum retinet & cōseruat. Vnde cū in absentia rem ipsam statim apprehēdimus, nō sensus cōmunis, sed huius imaginatiuæ est operatio. Quæstio tamē moueri solet, an sensus communis ad nullā morā possit species susceptas in absentia obiecti in se retinere: quibus dā dicentibus, quōd omnino nō possit nec ad tempus modicū, quemadmodū neque sensus exterior. Aliis cōtrariū sentiētibz, quōd ad tēpus aliquātū possit speciē susceptā retinere, & circa ipsam operari, per eā de re sensata etiā absente iudicādo: maxime donec alia nō adueniat, quæ ipsam expellat, sibiq; cedere cogat.

Quæstio.

De potentia æstimatoria.

CAP. IIII.

Æstimatoria.

Post imaginatiuā istā (de qua iā dictū est) ponitur virtus alia, cuius est officiū ex speciebus in imaginatiua seruatis elicere intētiōes nō sensatas, id est, nullo sensu alio perceptas, videlicet neq; exterioribus sensibus, neque sensu cōmuni. Quemadmodum (exempli gratia) ouis per sensum exteriorē visus apprehensa formā lupi, eaq; ad sensum cōmunē transmissa, & ad imaginatiuā deducta, non ibi sistit, sed, ex specie formę lupi intra imaginatiuā suscepta elicit intentionē & existimationē inimicitiz. propter quod etiā mouetur ad fugiendū à cōspectu eius. Hęc autē intentio siue existimatio inimicitiz à sensu alio percepta nō fuit. Nā visus nō videt amicitiz, aut inimicitiz, neque etiā sensus cōmunis, cū sensus cōmunis nō nisi ea, quę per sensus exteriores sunt sensata cōprehendat. Imaginatiuā verò noui nihil fabricat, neq; nouas elicit intentiones, sed ea tantū quæ sibi à cōmuni sensu transmittuntur, seruāda custodit. Oportet ergo, præter hæcenus enumeratas potentias, aliā esse posteriōrē prædicta imaginatiua, quæ ex speciebus in ea seruatis nō sensatas intētiōes, iuxta specierū naturā & conditionē possit elicere. Per eandē hanc potentiā ouis audiēs vocē nati sui miserabiliter balantis, ex specie vocis intra imaginatiuā suscepta, elicit intentionem & existimationē defectus pabuli: atque ita mouetur ad præbendum vbera: qui quidem pabuli defectus, nullo sensu fuit ab oue perceptus. Sic pulli gallinę audiētes ma-

Quomodo
æstimatoria
intentiones
elicit nō sen
satas

trīs vocem; eliciunt intentionem cōgregationis sub alas; ad quas proinde confugiunt. Ita canis videns præbentem sibi alimenta aut blande colludentem, elicit intentionē amicitiae, & cauda applaudit. Vides autem subsannantem aut sentiens percutientem, elicit intentionē inimicitiae, contractisq; naribus hostiliter aduersus illum latrat, aut etiā si potens est, ferociter insurgit. Ita odore percipiens cibum bonū, ex ipsa odoris specie elicit intentionem cōuenientiae, aut disconuenientiae: iudicans scilicet hunc cibū sibi esse cōuenientem aut disconuenientē. Harū autē intentionū aut existimationū nulla sensu est perceptibilis. Est autē hæc potentia secundū quam animalia bruta ad conuenientes sibi actiones mouentur, mouendo videlicet se secundū locum, aut alia quælibet operando, secundum suæ naturæ conditionem. Per hanc enim prosequitur quæ sibi cōuenientia sunt, & ad ea secundū locum se mouent: detestantur verò & fugiunt ea quæ sibi sunt disconuenientia: agunt quoq; ea quæ per hanc potentiam ex speciebus perceptis eliciunt agenda. Quemadmodum in exemplis suprā positis, ouis lupum (quē inimicū iudicat) fugit: nato verò (quem dilectum & indigentem iudicat) vbera præbet: ad cibum (quē cōuenientē visu vel olfactu percipit) sese mouet canis, amico applaudit, verbera minantem fugit, domino suo & benefacienti applaudit cauda, & amice sequitur: alienum verò, & quem inimicū reputat iracundo latratu hostiliter insequitur: atque ita in cæteris. Quapropter hæc virtus æstimatiua non solū apprehensiuā, sed etiam motiuā.

Duplex est modus æstimatiuæ potentiae in operando vel mouendo.

C A P. V.

Sunt autē quædam animalium operationes, in quibus secundū istam potentiā mouentur quidē, sed aliter quā prædicto modo. In exemplis enim suprapositis, per intentiones elicitas à rebus sensatis diximus animalia moueri ad tales vel tales operationes siue motiones. In quibusdā verò tanquā secundū naturæ instinctū, & impressionē naturalem æstimatiuæ inditam operantur atque mouentur: quemadmodū aues secundū naturālē impressionē certo anni tempore ad generationē à natura statuto nidos sibi construunt, formicæ congregant per æstatem, quod per

Æstimatiua in animalibus, principium motus.

Per æstimatiuam aues vidificant.

hyc

hyemem comedant, apes mellificant & structuras mirabiles extruunt, aranea textit telam, animalia perfectiora certis temporibus coeunt generationis gratia, atq; ita in aliis huiusmodi. Hæc autē non videntur ex vllis sensatis per æstimatoriā in animalibus elicita. Quod enim avis ista æstimat, siue iudicat, nunc esse ædificandum nidum & ex tali materia taliq; forma & ordine, id ex nullius rei sensatæ specie elicit. Neq; enim dici potest, ita hoc eā agere aut iudicare ex eo quod aliās vidit suæ speciei aues similia similiter agere. Manifestū nāq; est, quod ex naturæ instinctu id faceret avis, etiam si nūquam id ab aliis suæ speciei antē cōspexisset. Et manifestū est nō tam disciplinabile esse volatilia, ut tā artificiosam structurā ad unū cōspectū possint addiscere, quā nec artifex industrius multa cōsideratione posset assequi. Nequaquā ergo ex rei prius sensatæ specie istas eliciūt intentiones: Attamen per æstimatoriā hāc potentiā in hisce agendis mouentur, sed alio modo. Est enim in eis naturalis impressio, quæ æstimatoriū naturaliter mouet ad eā sic certo tempore, certo modo, & ex certa materia peragēda. Propter quod videmus omnia animalia eiusdē speciei cōsimiliter operari, eodē tēpore, eodē modo, & ex eadē materia. Natura enim in omnibus vna est. In iis verò in quibus mouētur secūdū proprias intentiones, iuxta primū supra positū modū elicitas, nō vno eodemq; modo, neq; omni tēpore similiter agūt. Videmus enim canē, qui dum esurit ad alimētū odore tractus accurrit postquā saturatus fuerit, nihil cibi odore amplius permoueri, nec vtrā accurrere: nimirū quia id quod prius iudicabat conueniens & prosequendum, iam non vtrā tale æstimat. Ob hunc autē supradictū duplicem modum mouendi secundum æstimatoriā potentiā, quidam eam diuidūt in æstimatoriā, naturalē & animalē. Ex prædictis patet manifesta differētia inter æstimatoriā & imaginatiuā. Ad imaginatiuam enim solā nō sequitur prosequutio, aut fuga licet possit sequi delectatio vel tristitia: ut cū homo tantum imaginatur aliquid, videlicet magnificas epulas, amplos honores, multas diuitias, potest iō eorum sola imaginatione delectari, quemadmodum econtra iō ex sola imaginatione terribilium rerum ut mortis suspensionis, combustionis, potest contristari. Nunquam autem

*Differētia
inter æsti-
matoriā &
imaginati-
uam.*

ex sola imaginatione oritur in animali prosequutio, aut fuga, nisi accedat æstimationis potentie iudicium. Sic enim est imaginatio nuda, quomodo inspectio alicuius picture: quæ quidē si fuerit pulchra, & delectabilis rei representatio, poterit efficere delectationē: si autem horribilis fuerit, poterit efficere horrorem. Nemo vero ex hoc mouetur. Veluti si picta in lance poma aspiciā, non oritur prosequutio, neq; mitto manum ad ea accipienda. Et si conspiciam inferni caminū magno hiatu flammam emittentem depictum in tabula, non fugio, neq; manū retraho. Nō est enim illic æstimatio cōuenientis, neq; hic disconuenientis: propter quod prosequutio nō oritur nec fuga. Pueros verò cernimus subinde paruulas manus ad poma in lāce depicta extendere, quod secūdam æstimationē iudicet poma esse manducabilia, quæ admodum prosequuntur. Secūdam eūdem modū, meticulosi homines cū in tenebris existētēs de rebus horribilibus cogitāt, frequēter aut exclamāt, aut fugiūt, quod quasi præsens aliquid terribile sibi existimēt, utpote specie defuncti alicui⁹, aut cacodemonē.

Nota.

De virtute phantastica cōponente & diuidēte species. CAP. VI.

Est autē huius æstimationis potentie, non solum elicere intentiones nō sensatas, verum etiam species in imaginatiua seruatas ad inuicē cōponere, diuidere: ut cū ex cōpositione specierū montis & auri aliquādo per se diuissim sensorum fingimus nobis mōtes aureos: & ex specie Indię vel Arabię, de qua aliquādo loquētes audiuius, simul cū prædictis cōposita, fingimus mōtes aureos in India vel Arabia. Ita agit in sensu exteriori pictor, cū exterius in tabula quā pingit, humano capiti (iuxta illud Horatianū) ceruicē iūgit equinā. & varias rerum tētat cōiūgere formas. Ita phantasia mur hominē sine capite, domū sine tecto, equū sine vētre, & huiusmodi. Et in prædictis quidē comparat species diuersas ad inuicē. Cōponit etiā hęc virtus res sensatas vel species earū, cū intentionibus elicitis, & nō sensatis. Ut cum ovis iudicat lupū esse inimicū. Lupi enim habet speciem quē vidit, inimicitiam autē elicit ex figura. Interdū vero intēctiones cū intentionibus coniungit, ut cū iudicat inimicum hunc fugiēdū, cum iudicat hunc beneficū sibi pastorem esse assequendū, alienum verò non sequendum, sed fugiēdum. Quidam autem hoc officium diuideu

uidendi & componendi attribuūt alteri potentiæ, quā ab æstimatiua putant esse distinctam, appellantes eam peculiari nomine phantasiam. Nobis tamen in proposito magis placet, ut phantasiam cū æstimatiua eandem potentiam reputemus, quam nihil refert æstimatiuam an phantasiam appellemus. Neq; enim ratio sufficiens videtur, ob quam necessario ponēda sit harū virtutū distinctio. Nihil enim prohibet vnā esse eandemq; potentiā, quæ & nō sensatas intentiones ex speciebus rerum sensatarum eliciat, & species vel intētionēs ad inuicem componat atq; diuidat. Imò admodū conuenienter hæc videntur vni conuenire potentiæ. Ouis enim componendo intentionem amicitie cum forma lupi, sic iudicat lupum esse inimicum & fugiendū. Et sciendum quod hæc interiores potentiæ ad modum diuersis appellationibus à diuersis nuncupantur. Quidam enim, secundam potentiam suprapositam vocant phantasiam, & hanc virtutem tertiam componentem & diidentem appellāt imaginatiuam. Vnde vulgo dicere solent Medici, quod imaginatio faciat casum: quod de phantasia intelligunt. Alij vero malunt secundam illam vocare imaginatiuam, & meo sanè iudicio rectius ab imaginibus videlicet & simulacris quæ conseruat, hoc est, à speciebus rerum sensatarum. Hanc autem tertiam, rectius vocant æstimatiuam, ab estimando siue iudicādo. Per hanc enim iudicant animalia & estimant quid fugiendum, quid prosequendum, ad quid accedendum, à quo recedendum, quid amicum, quidve inimicum, ut per huius iudiciū omnino se regunt atq; gubernāt animalia. Aristoteles verò plerūq; imaginatiuam & phantasiam pro eodem videtur computare, & nunc quidē secundam potentiā intelligere, interdum tertiam. At enim, animalia per phantasiam vel imaginationē moueri. Manifestū est autē ad æstimatiuam hoc pertinere. Alibi autem dicit æstimatiuā ab imaginatione differre. Et quoniā rā diuersa in his appellatio est, ut facile possit cōfusione gignere, certius possunt hæc vires à suis officiis denominari, & secundū officiorū expressionem distingui, quam secundū alias appellationes.

Quod æstimatiua est in homine, aliquāto nobilior. CAP. VII.

Considerandum est autē, quod quātum ad formas atque species sensibiles, nō est differētia inter homines

Phantasia.

Diuersa harum potentiarum appellationes.

& alia animalia, cū similiter ab exterioribus sensibilibus immutētur, primū videlicet in sensum exteriorē impressa specie, ac deinde ad sensum cōmunē trāsmitta, & in imaginatiua seruata. Sed quātū ad intētiōnes prędictas, inter hominē & cętera animalia est differētia: quod animalia cętera percipiāt huiusmodi intētiōnes ex quodā naturali instinctu, quēadmodū ouis ex specie lupi naturaliter fugam elicit, iudicat q̄; sibi fugiēdū tali forma apprāhēsa. Homo verō tales intētiōnes elicit per quādā collationē. Et ideo illa q̄ in aliis animalibus dicitur æstimatiua solū, in hominibus aliquāto altiori denominatione cogitatiua recte appellatur, quod per collationē quādā huiusmodi intētiōnes adinueniat. Vnde etiā interdū ratio particularis appellatur. Est enim collatiua intētiōnū indiuidualiū, sicut ratio intellectiua vniuersaliū. Vnde homo ex apprāhēsiōne formę lupi, non naturaliter mouetur ad fugā. Nam si videat eū ligatū catena forti, aut alio modo cōstrictum, vt non timeat nocumētū, non solū non fugiet ab eo, sed etiā accedet ad vidēdū & contēplandū propius, tāquam dignū curiosa inspectione spectaculum. Verum per quādā collationē, dū videt eum ad se hostiliter accurrere, & conspici fortē impetuosē accurrētem, apprāhendit q̄; vt se fortiorē & à quo timet superari, ita fugam eligit aut resistētiam, iuxta quod (facta collatione) magis videtur eligendum. Subseruit quoq; hæc potentia rationi, cum illi fuerit coniuncta, vt in hominibus. Per eam etiam ratio & intellectus dirigit hominem in omniū actionibus particularibus, quę ad corpus spectant. Quomodo etiam intellectui ad intelligēdū subseruit, dicetur posterius suo loco.

De loco et dispositione huius æstimatiue. CAP. VIII.

Æstimatiua cur posita in medio cerebri.

Habet autē potētia ista phātaistica & æstimatiua locū in medio vētriculo cerebri, sita in medio, inter memoriā à parte posteriori, & imaginatiuā ex parte anteriori tanquā indifferenter ad vtranq; sese potēs cōuertere. Nā circa species quę in imaginatiua seruantur, manifestū est eam operari, dum ex eis (vt iā diximus) elicit intentiones nō sensatas, dum (species illas cōponendo & diuidēdo) format sibi quas vult imagines & intentiones. Ad memoriā verō se conuertit, quādo in ea (vt posterius dicemus) suas intentiones reponit, & quando vult, rursus eas inde acci

accipit, vt circa eas phantafietur. Medius autē cerebri ventriculus in quo hanc potentiā fitam dicimus, locus est admodū calidus, ad quem multi ſpiritus cōtinuo aſcēdunt: propter quod in continuo motu eſt, pluſquam aliæ vires prædictæ. Atq; hinc experimur mirabilē huius potētiae in phātaſiando, componendo, & diiudicando celeritatem & inſtabilitatem, & facilem de vna ad aliam trāſitum. Maxime verò febricitantes id experiuntur, propter ſpirituum inflammatorū continuam ſurſum agitationē, qui in phātaſia operantur mirabiles cōpoſitiones & diuiſiones. De virtute autē huius potentiæ, miranda tradunt Medici, q̃ frequens in humanis corporibus ex ea fit realis immutatio, quemadmodū etiam quotidiana nos docet experiētia. Illi verò qui hanc potentiā (quā vt vnā tractauimus) in duas malunt diuidere, priorem vocant phantaſiam, quæ componit & diuidit ſpecies in imaginatiua ſeruatas: poſteriore verò dicunt æſtimatiuā, quæ (vt dictū eſt) intentiones elicit ex ſpeciebus in imaginatiua ſeruatis.

Phātaſia et æſtimatiua officium.

De memoria ſenſitiua.

C A P. I X.

Quomodo autē ſenſum cōmunē diximus habere proximū ſibi reſpoſitoriū ſuarū ſpecierum à ſenſibus exterioribus ſuſceptariū: ita & hæc vis æſtimatiua proximū ſibi habet à poſteriori parte cellariū, atq; reſpoſitoriū ſuarū intentionū à ſpeciebus imaginatiue per cōpoſitionem & diuiſionē elicitarū. Quemadmodū enim neceſſe fuit ſenſum cōmunem habere tale reſpoſitoriū, eò q̃ ipſe ſpecies in abſentia diu ſeruare nō poſſet, propter cōtinuam noua occurrentia ſenſibilia, atq; etiā propter cōplexionē organi ſui, quod ad ſuſcipiendū, non ad conſeruandū eſt à natura diſpoſitū: ita virtuti æſtimatiuæ neceſſariū fuit habere cellariū, in quo ſuas intētionē reconderet, eò q̃ nō poſſet in ſe eas diu conſeruare, propter cōtinuā aliarū aduentantiū ſuſceptionem atq; efformationem: propter quod adiunctū debuit habere tale cellarium, in quo iam elicitas intentiones abſconderet, ac veluti in theſaurario reponeret, ad quod opportuno tempore poſſet recurrere, quoties ſibi placitū eſſet huiusmodi intētionē reſumere. Hæc autē virtus intentionū eiufmodi ſic cōſeruatiua appellatur memoria ſiue vis memoratiua, q̃ ob cauſam prædictā rectē theſaurus intētionū poteſt appellari, ſicut imaginati

Memoria.

ginatiuā nuncupare solet thesaurū formarū. Quēadmodū enim imaginatiua conseruat species rerū, sic memoria cōseruat intētiōnes specierum. Licet autem vtrūmq; hoc cellariū (imaginatiuā scilicet & memoriā) deseruiat æstimatiuæ siue phantasiæ, memoria tamen præcipuus ipsius est thesaurus. Et (vt manifesta id cōparatione ex sensibilibus declaremus) imaginatiua cōparata ad æstimatiuā velut fouea est, vnde effodit homo argentū vel aurū, & tanquā ager in quo metitur frumentū: memoria verò est tanquā arca in quā effossum infertur atq; recōditur aurum vel argētū, & tanquā horreū in quod cōgregatur frumentū ab agro. Quomodo enim ex terræ venis effoditur aurū, sic ex speciebus in imaginatiua seruatis æstimatiua elicit intētiōes. Et quomodo aurū effossum infert homo in arcam, sic erutas elicit atq; intētiōnes recōdit in memoriā.

*Cōparatio
pulchra.*

*Triplex me-
morie acce-
ptio.*

Virtutis memoratiuæ loci quē, & quomodo dispositus. CAP. X.

Accipitur autē nomen Memoria tripliciter. Primum pro ipso actu memorandi, cū videlicet ad intentionem seruatiā in memoria phantasia excitata, actu rei præteritæ recordatur. Secundo, pro habituali memoriā, quomodo rē illam dicimur vulgo habere in memoria, cuius intentionē sic seruatiā apud nos habemus, vt cū voluerimus, possumus actualiter de ea meditari, vel phantasiari, etiā si actu nihil de illa cogitemus. Tertio (vt in præsen-
ti loco principaliter oportet accipi) pro ipsa virtute & potentia, quæ intentiones ab æstimatiua accipit & retinet. Quæ quidē virtus locū habet in posteriori parte cerebri, & est nouissima potētiarum interiorū. Vnde ex occipite, physionomi rectē coniiciunt memoriā. Qui enim bonū occiput habent, & quasi tumorē quēdā magnū in occipite, hi plerunq; bonā habent vim memoratiuā, quēadmodū experiētia ad oculū monstrabit animū aduertenti. Et quoniā sicci est bene conseruare, oportet hanc partē cerebri magis siccam esse, & aliquantulū durā, minusq; humidam, & mollē quā sint partes aliæ cerebri priores. Neq; sufficit siccitas talis & durities, qualis est in parte imaginatiuæ, sed est subiectum memoratiuæ maioris siccitatis quā imaginatiuæ. Nā imaginatiuæ non incūbit tā diu seruare susceptas à sensu cōmuni species, quā retinere debet memoratiua suas ab æstimatione vel phantasia ac-
ceptas

reptas intentiones. Imaginatiua enim maxime propter phantasiā siue æstimatiuā est, vt tandiu teneat species rerū, donec conueniēter phantasia intentiones elicuerit, & velut negotiata operataq; fuerit circa eas. Nō autē propter sensum cōmunem, vt ipse rursus inde accipiat in rei absentia sensationē. Memoratiua verò ordinatur ad firmā retentionē intentionū susceptarū, quas in ea recondit æstimatiua, vt post longum etiā tempus (cū opportunum fuerit) possit hæc ad illā habere recursū, & velut depositū reposcere, cum iterū vti placuerit. Vnde hæc virtus memoratiua, dici debet præcipua virtus cōseruatiua.

Dememoratiua virtutis diuersitate ex organi dispositiōe. CAP. XL.

EX prædictis de perfectione memoriæ in siccitate patet ratio, quare ii qui excellēter sunt bonæ apprehensionis plerūq; nō admodum valeant memoria, quoniā videlicet in eorū cerebro nimia est humiditas, à qua bonā illā & celerē habent apprehensionē. Illi verò qui mediocris, & vtcunq; tardæ sunt apprehensionis, plerunq; magis pollent memoria. Nā tarditas illa apprehensionis, argumentū est maioris siccitatis: quæ tarditatē illam efficit in apprehendendo. in cōseruādo autem apprehensa, confert. Illi verò qui omnino sunt non dico tardæ, sed malæ apprehensionis, vt sunt nimium hebetes, quibus vix quicquam potest imprimi, nequeūt esse bonæ memoriæ propter nimiam duritiem, quæ difficillime recipit impressionē. Possumus autē memoriæ differentias, secundū diuersitatem sigillaris impressionis distinguere, hoc modo. Sigillum enim si imprimatur in materiam valde mollem, suscipiet quidē facile impressionē, & figuram accipiet à sigillo impressam, sed nimium leuiter ab ea deperibit, neq; est impressio stabilis. Ita sunt quidā quibus ob nimiam humiditatē substantia cerebri est nimium mollis. Et hi facile quidem recipiunt impressionē, intentionemq; transmissam à phantasia cito suscipiunt (quēadmodū facile est in luto imprimere vestigium) sed non diu retinent quod impressum est, moxq; eius obliuiscuntur, & euanescit quod fuerat memoriæ commendatū. Si verò materia sigillāda sit, nimium dura (vt pote cornea) adeo vt vix possit qualemcunq; suscipere impressionē, ne sic quidem bona erit cōseruatio, eò quòd sufficienter non potuerit imprimi ima-

Celeriter apprehēdentes, mala sunt memoria.

Comparatione sigillae multiplex ostenditur memoria.

go. Atq; huiusmodi sunt, quibus est cerebrū nimis durū, vt vix suscipiat à phantasia impressiōē, aut nimis tenuiter suscipiat. Quæ impressio quoniā nimium superficialis est, facile obruitur: quēadmodum in tenaci & compacta terra modice impressum vestigiū, quanquā magna violentia impressum, facile tamen oppletur puluere, nec perdurat ad vllum tēpus. Si verò in materiā satis mollē, nō tamen nimis mollem, sed vt cunq; duram, fiat impressio, apta ac bona erit sigillatio. Efficiet enim mediocris mollities (quæ ex temperata est humiditate) vt ad suscipiendum sit materia idonea. Mediocris autē durities (quæ ex mediocri est siccitate) hoc præstabit, vt firmū permaneat quod est impressum huiusmodi sunt, quibus subiectū memoratiuæ benè temperatū est, vt neq; nimis durū sit, neque nimis molle. Hi enim non difficulter recipiunt impressiōem, & difficulter deleri, auferriq; permittunt quod fuerit impressum. Quorundā verò memoria, secundum aliquid bona, & secundū aliquid mala dicitur. Qui enim ita durū habent cerebrū, vt difficulter satis impressiōē accipiant, non tamen ita durā, quin forti impressiōe (id est, magno labore, & longa frequentiq; meditatione) bene possint & perfecte tandem imprimere, nō minus etiam quā alij qui videntur facile receptiui, hi secundū aliquid mala dicuntur esse memoria, quatenus nimia existitur difficultas in imprimendo. Non tamen omnino mala, sed secundū aliquid bona, quatenus videlicet id quod ita magno labore & diligentia (bene tamen & perfecte) acquisierūt, felicissime retinent, vt per omnē vitā vix possint obliuisci. Atque huiusmodi videmus nonnullos, ea quæ antè multos annos improbo valde labore memoriæ insculpserunt, potius quā impresserūt, in longā ætatem ea ipsa optimè tenere: adeo vt iam senes possint grāmaticorū rudimentorū canones quasi ex recēti depromere memoria. Est autē hoc signū magni laboris, quē in huiusmodi ediscendis impenderunt adolēscētes. Nam quæ paruo negotio ediscuntur, memoriæq; imprimūtur labore modico, hæc vt plurimum facile excidunt: iuxta quod vulgo dici solet, cito deperire, quod cito acquiritur: cōtrā verò, fixius hærere quæ cum difficultate acquisierimus.

Senes & pueri quare non bene memorentur. C. A. P. X I I.

Ex

Quod labore multo acquiritur, stabile est.

EX his patet ratio, ob quā senes plerūq; videmus esse obliuiosos, ac malā memoriā. Facit enim in eis continuus defectus humiditatis, & nimia exiccatio cerebri, pariter & frigiditas calore naturali deficiente nimium excrefcens, vt cerebrū plus iusto exiccatur & induratur, nō bene possit impressiōes suscipere. Propter quod (vix tenui relicto vestigio intētioni impressā) facile ipsum obliteratur, quēadmodum suprà diximus, de iis qui sunt suprà modū hebetes. Intelligimus autē hāc malā memoriā in multū senibus, quātū ad ea quæ in senectutis tēpore cōmendāt memoriā. Nā ea quæ in adolescētia siue in iuuentute ætateq; virili (cū adhuc valerēt vigore corporis) memoriā impressa vsq; in senectutē seruauerūt, ea tenacissime retinēt, neq; obliuiscūtur facilē. Quod enim cerebro (do nec molle esset ac bene dispositū) bene perfecteq; scmel fuit impressum, in senectute quāquā dure scat atq; exiccetur, nihil p hoc impressiōi nocetur, imo magis ipsa videtur hac ratione firmari. Quēadmodū (exēpli gratia) si in cerā iam mollē imprimatur sigillū, apteq; ac plene ipsa suscipiat imaginē, impressa autē cōueniēter imagine fingamus cerā illā in modū cornu indurescere, manifestum est, per hoc susceptæ figuræ nullū fieri detrimentum. Imò verò sit tāto ipsa firmior atq; solidior, quāto magis induruerit materia. Cæterū, quod ad nouas impressiōes attinet suscipiēdas, nihil dubiū est duritiē istā superuenientē magnū præstare impedimentū. Atq; ita profecto se habet senū memoria. Pueri verò, propter rationē contrariā, memoriā in principio nullā habēt, vel admodū modicā, propter nimium humiditatis excessum, quæ in eis maxime abundat in annis prioribus. Impedit enim ista ne impressiōē possint retinere, qm̄ humidū male retinet. Imò verò cum nimia fuerit, impedit etiā susceptionē. Quemadmodū videlicet si in aquā aut lutū nimia cōmixtum aqua sigillum imprimas, nulla relinqtur impressio. Tamen enim verū sit humidū esse bene susceptiuum, id tamē intelligi debet de medio critter humido. Oportet enim tantā esse siccitatē, vt sufficiat ad suscipiēdū. Arist. verò in lib. de memoria & reminisc. aliā assignat in senibus & infantibus causam vtriusq; communē, videlicet q̄ in continuo sint motu: illi quidē, propter decrementū; hi verò, propter augmentū.

De memoria senū, notatu digna.

De puerorū memoria.

Videbi

Videbitur tamen diligentius rei veritatē contemplanti, causa alia superi⁹ assignata esse potior, magisq; præcipua,

Quare quedam memoria diutius inhaereant, quadam citius abeant.

CAP. XIII.

NON solum autē inter homines diuersos secundū organū diuersam dispositionē consideramus memoriæ diuersitatē, verū etiam in eadē memoria quædam attendimus fixius hærentia, quædā citius euanescentia. Nā id vñquēq; in sese docet experiētia, quædā eorum quæ cogitauimus, aut cognouimus hæere diutius, alia ocysus effugere. Huius autē potissima causa esse videtur bona & fortis in memoriā impressio. Quanto enim fortius aliquid in memoriā impresseris, tanto minus potest effugere. Contingit autē id dupliciter. Primū quidē vnica vehemētī impressione, cū intētio ipsa multo vehemētīq; spiritu à phantasia in memoriā defertur, illiq; à phantasia seu æstimatiua diligētissime cōmendatur; & velut in profundo collocatur, fortiterq; ex phantasie vehemētī ad ipsam cōuersione memoriæ infigitur. Ac tūc quidā ita se habet phantasia, tāta diligentia & vehemētia memoriæ hāc rem sic cōmendans, quomodo solent homines rē quā nequaquā perditā vellent, custodibus magna attentionē & multa vehemētia fideliter commendare. Et quomodo ea quæ bene seruata volumus, & nequaquā perdi sustinemus, in profundo & in intimis penetralib⁹ reponimus (quæ enim in propatulo aut in ipso statim vestibuli ingressu exposita sunt, facilē auferūtur) ita ea quæ nolumus nobis excidere, & de quibus aliàs aliquādo phāta siari volumus atq; cogitare quasi in profundo reponimus memoriæ. Huiusmodi autē sunt vel ea quæ nos vehemēter offendunt, de quibus vltionē opportuno tempore intēdimus meditari, quēadmodū de Iunone apud Vergil. dicitur, Manet alta mēte repostū Iudiciū Paridis. Sic & canes eorū à quibus grauiter affecti sunt plagis, agnitionē profundissima retinēt memoria. Itē beneficia singularia solēt grati in profundo collocare memoriæ, si quādo opportunā possent referre gratiā. Cuius egregiū etiā in bruto animali exēplū describit Aulus Gel. in libr. Noctiū Atticarū, de leone quodā, dānatū ad bestias seruū, propter veteris amicitie beneficium, memori suæ gratitudine à morte præseruātē. Secundo

Vergilius.

Aulus Gel.

cūdo modo infigitur aliquid memoriæ, nō quidē propter vnā aliquā vehemētē impressiōē, sed per frequentē ipsius quod in memoria repositū volumus reuolutionē, & sēpius iteratā talis rei cogitationē: quomodo facere solemus in disciplinis, vbi aliquid didicimus quod seruātū volumus. Frequēter enim illius cogitationē reuoluimus, vt singulis cogitationibus aliquo in memoriā relicto phantasiati vestigio tandē firma solidaq; quasi p habitū relinquatur impressio. Et hic modus est disciplinæ maxime accōmodus. Nō enim potest memoria melius felicisq; stabiliri in re apprehēsa semel & cogitata, quā per frequentē eius meditationem & imaginis crebram reuolutionē. Nam prima illa per vehementiā fortis impressiō maxime ex rebus insolitis fit, accedēte aliqua perturbatione insolita in homine: vt cū homo ex nimia sibi facta iniuria vehementissime irascitur, aut ex magno accepto beneficio plurimū lætatur, potissimū cū præter opinionē & spem ista eueniant, vt cū ab eo quis accipit iniuriā, à quo minime credebatur: aut ab eo beneficiū, à quo minime sperabat. Item cū de præsentī malo aliquo graui grauitè tristatur, aut cum ex re aliqua admodū insolita magna cōsurgit in homine admiratio: in huiusmodi enim abiq; frequēti meditatione faciliē fit impressiō tantū per vnā rei cognitionē. In his autē quæ ad disciplina spectāt, plerūq; nō ita euenit, sed frequēti meditatione est opus. Neq; difficile fuerit ista in corporalibus per analogia declarari. Potest enim tā fortis fieri vnica sigilli impressiō in materiā, vt alterā adicere nō sit opus. Quod si vnica impressiōe non sit perfecte expressa imago, frequēs expressiō, repetita perficiet, quod fortitudini prioris impressiōis deerat. Atque hoc est quod in libro de memoria & reminiscētia ait Aristoteles meditationes (id est, crebras imaginum repetitiones) tueri memoriā atque confirmare.

*Aristoteles,
de memoria,
& reminiscētia.*

De memoria angustā, & amplā, & prouida dei dispensatione.

CAP. XIII.

INueniuntur autem quidā memoriā quidē habētes bonā, sed angustā & modicā, neq; nisi paucorum susceptiuā. Alij verò amplā habēt & plurimorū cōseruatiuā. Primi plerūq; ex hoc cognoscūtur, quod tumorē in occipitio habeant nō magnū, sed tamen apte dispositū. Atque

*Diligenter
attende.*

*Vide provi-
dā Dei di-
spensationē.*

huiusmodi frequēter sunt, qui magno pollent ingenio, & frontē habent cornutā, magnūq; sinciput. Posteriores verò magnū habēt tumorē, & in altum vtcunq; ascendētē, vel à posteriori parte protensum. Et hi plerūq; nō ita magno sunt ingenio. Nō debet autē vtriusq; horū eadem esse ratio studij, neq; idē in memorię cōmendādo conatus. Nō enim omnibus omnia cōveniūt, sed vnicuiq; iuxta sui ingenij qualitātē, suāq; cōplexionis dispositionē sunt instituēda sua studia. Primis expedit, pauca, eaq; optima in memoria teponere, maximeq; necessaria; & cauendū illis est, ne in angustū hospitiolū nimis multa velint per vim intrudere, atq; simul cogitare, amplius quā possit angustia ferre memorialis horrei. Nō enim hoc illis cedit prospere, si tētauerint. Eligāt proinde optima, & scitu dignissima, maximeq; necessaria, quæ in memoria recondant, maximē autē generales veritates & vniuersaliores notitias, ex quibus alia possint plurima elicere. Qui verò alterius sunt cōditionis, his magis licitū est per multa vagari, & plura sibi in memoriā recondere. Habent enim horrea ampliora, & in quæ plura possint inferre. Id tamē prouideant, vt hæc multa secūdū cōgruū disponāt ordinē, alioqui parū ex multis possessionibus fructū relaturi, quod huiusmodi hominibus sæpenumero solet accidere. Vbi enim nō est ordo, adest mox cōfusio. Attēde; autē, quā prouidē, quā sapiētē, sua dona bonorū omniū largitor distribuit, vnicuiq; prout opus habēt ad mensurā dispensans, nulli verò Deus omnia dedit. Illi enim qui bono sunt ingenio, quibus bona est apprehensio, bona imaginatio, bona estimatiua siue phātasia, hi plerūq; memoriā cernūt habere angustā. Qui autē in prioribus vtcūq; deficiūt, in postertori frequēter supplemētū accipiūt. Nimirū, quia bene ingeniati (id est, bene apprehēdētes & estimātes) nō ita multis egēt in memoria cōseruādis. Ex pauculis enim quæ in sua angusta memoria tenēt, absq; magno negotio possunt plurima per suū ingenium & inuētionē efficere. Nō est autē opus multorū iam perfectorū cōseruatione, si absq; negotio prōptē possis ea ex tēpore prout necessariū fuerit fabricare. Neq; necesse est multa secū deferat præparata antequā egeat, qui omnia quibus eget, mox vbi indiguerit, ex sese poterit adinuenire. Atque ita qui magno sunt

sunt ingenio, & æstimatiua præcellunt, cū ex seipsis plurima possint adinuenire, atque vt fuerit oportunū de nouo fabricare, nihil opus habent, vt multa secū iā fabricata, iā adinuēta semper circūferāt. Illi verò qui ingenio sunt tardiores, qui per sese ad inueniendū vel fabricandū nō multū sunt idonei, his opus est, vt ea quæ operata sunt, diligēter custodiant, & quæ adinuerint (vel per seipsos, vel per alios) diligēter cōseruēt. Quemadmodū (verbi gratia) si quis artē habeat, vbilibet locorū fuerit, ex terra aut lapidibus passim obuīs facili labore (modici pulueris, quē ipse nouit admixtiōe) fabricandū aurū huic quorsum opus erit, si peregrinari velit multo se auro onerare, quod per omnē viā secū circūferat? Nōne huic sufficiet, quod secū ferat puluerē aut substantiā illā modicā, per quā possit vbilibet locorū ex materia obuia facere sibi aurū, quantū indiguerit? Illi verò qui hanc artem nesciunt, necesse habet pro totius itineris necessitate copiam auri secum deferre. Ita sanē prudens omnium bonorum largitor Deus mirabili sapientia cuncta distribuit, vt in omnibus ipse laudetur & glorificetur benedictus in secula. Amen.

Quomodo reminiscētia differat à memoria. CAP. XV.

NON est autē idē reminiscētia & memoria, ueq; reminisci & memorari, cū hoc etiā brutis conueniat, illud solis hominibus. Reminiscimur enim alicuius rei, quando ipsam prius cognitā, sed obliuioni datā, & elapsā ē memoria, per alterū in memoria cōseruatū, iterū reducimus ad memoriā. Hoc est, cū rei alicuius habuimus noticiā, quā rem nō possumus memorari cū volumus, atq; ita ex aliquo quod adhuc in memoria nobis remanet, procedimus ad illius rei oblitę cognitionē. Si enim (exempli gratia) hesterno die librū aliquo in loco reposui, cuius loci hodie nequeo memorari, & quantūcūq; de hoc cogitē, nō mihi occurrit locus, exciditq; memoria; ita vt nō possim illius pro meo placito memorari, si deinde (ad rē illā obliuioni datā reuocandā in memoriā) reuoluā apud me ipsum loca omnia in quibus pridie fui, & eos cum quibus habui colloquiū, & negotiorū quæ in vnoquoq; locorum egerim, sicq; ex memoria alicuius horū deuenio in cognitionem loci illius vbi librū reposui, iam dicor huius loci reminisci, cuius tamen simpliciter non potui memorari.

Quomodo reminiscimur.

Ex quo patet, quòd ad reminiscendū plura requiruntur, quàm ad memorandū. Nā ad memorandū sufficit, quòd de re prius cognita iterū cogitemus, vt præterita est & antè cognita. Id enim adiici oportet, quoniā nō dicitur simpliciter memorari, quisquis de re antè cognita iterū cogitat. Nā si quis re aliquā antè cognitā penitus obliuiscatur, eādēq; post annos vel dies aliquot denuo addiscat, ita quasi nunquā antè cognouisset, neq; aliquādo se cognouisse in præterito attēdit, hic nō memorari re illā diceretur, sed denuo addiscere. Qui enim memoratur, is ex specie cōseruata apud sese mouetur ad cognitionē rei antè cognite. Qui aut nō ex cōseruatione speciei apud se mouetur ad cognitionē, saltē secundū partem aliquā, is nō memorari dicendus est. Aliquando verò hæc cōmixta sunt, vt rem aliquā partim memoremur, partim de nouo addiscamus. Veluti cū mihi alicuius hominis notitia penè exciderat memoria, nondū tamē penitus. Seruatur enim adhuc aliquo modo in memoria eius species, sed tam debilis, vt per se solā vix sufficeret ad talis recognitionē reducēdā, nisi simul aliquid extrinsecū accederet, quod secundū partē aliquā denuo docendo memoriā adiuuaret. Ad memorandū ergo requiritur & sufficit, rem antè cognitā vt talē iterū cogitare. Reminiscētia autem plura exigit. Requiritur enim præcedēs obliuio, & velut discontinuata, siue interrupta memoria. Quorū enim nō præcedit obliuio, eorū non reminiscimur, sed memoramur. Nō tamē quēlibet rei obliuæ resumpta cognitio, reminiscētia dicitur (alioqui iterū discere esset reminisci) sed cū sit illa notitiæ resumptio ex aliquo memorato & nō oblito, ex quo procedimus ad vltiorem notitiā eius, cuius memoria exciderat. Neq; satis est, quòd aliquantum tēpus intercesserit, quo illius rei nō habuimus actualē memoriā, sed necesse est ita fuisse re extra memoriā, vt volētes ipsiūs memorari, non potuerimus per propriā speciē. Vnde quod antè diximus (iuxta Aristotelis sententiā) reminiscētiā esse memoriæ discontinuatae & velut interruptæ, id nō est intelligendum secundū actum, sed secundū habitū. Tunc autē dicitur secundū habitum memoria discontinuata, quādo etiā volētes memorari, nō possumus. Patet insuper, posse nos reminisci eius rei, cuius species adhuc seruatur in memoria.

Fre

Frequēter enim id cōtingit, vt species in memoria serua-
ta tunc nō occurrat, neq; se offerat phantasię, quādo ma-
ximē quæritur. Nā id sæpe numero nobis accidit, cū rem
aliquā maximē cogitare volumus, tūc eā velut effugere;
& quātumuis requiramus nō occurrere, ita vt sæpius hac
ex causa nobis ipsi grauiter in patientia cōturbemur. In
tali ergo statu positi, si propter rem illā cuius propria spe-
cies nō occurrit, & quæ vltro sese nō offert iterū cognos-
cendā, ad aliud aliquid quod actu memoriæ occurrit cō-
uersi, ex tali aliquo redeamus ad cognitionē rei quā quæ-
rimus, vtiq; reminiscimur rei illius, eò quod ex altero me-
morato nō per speciē propriā, illius notitiā in nobis recu-
perauimus, manet tamē verē in nobis species talis rei, li-
cet nō tum occurreret, cū quæreretur. Id enim frequēter
nobis vsu venit, vt quod hac hora volenti memorari ne-
quāquā occurrit, hora sequenti etiā vltro nō requisitum
sele offerat: quod vtique non fieret, si penitus species ipsa
emigrasset. Quomodo enim in ampla supellectili con-
tingit interdū, vt illud quod penē ante oculos est, nō inue-
niamus, etiā tunc cū maximē quærimus, quod postmodū
vbi quærere desinimus, vltro sese offert cōspectui, ita &
in speciebus, intentionibúsq; seruatis in memoriæ cella-
rio (sunt enim illæ supellex memoriæ) contingit sæpenu-
mero, tunc minimē occurrere ipsa etiam quæ verē se-
cundum speciē suam præsentiā sunt, quādo diligentis-
simē sollicitissimeq; quæruntur, quæ postmodū abeunte
solicitudine sese non requisita produnt.

*Interdū res
dū maximē
quæritur,
minimē in-
uenitur.*

*Quære bruta non possint reminisci, & quid sit virtus re-
miniscendi.*

C A P. X V I.

Colligimus ex prædictis, verū esse quod ait Aristote-
les, memoriā quidē & in irrationalibus animantibus
inueniri, reminiscentiā uō itē. Experiētiā enim certā disci-
mus, animalia memorari, quemadmodū canis vidēs eum
à quo aliquando celsus est, recordatur verberū & inimici-
tię, propter quod latrans in fugā se cōiicit. Reminisci autē
nō possunt. Qui enim reminiscitur, rē illā de qua vult co-
gitare nō offerentē seipsam cogitationi, proponit p aliud
velle inuestigare, & ad hoc faciendū mediū quærit ordina-
tū, per quod possit in illius deuenire notitiā. Tanta autē
facultas nō est irrationalibus animantibus, vt ita ordi-

*Arist. in lib.
de mem. &
remi.*

natē à proposito possint ab vno procedere ad aliud. Quā-
quā enim ex vno possint venire in aliud per sensus cogni-
tionē & estimationē, nō tamē nisi quantū naturaliter vnū
ex altero consequitur, quēadmodū ex apprehensa forma
lupi, ous ad inimicitie estimationē trāsit, & ex voce pro-
lis apprehensa transit ad amicitie estimationē. Verū id nō,
nisi ex naturæ est ordine, quontū videlicet secūdū natura-
lem inclinationē ex vno illorū, in eis alterius cōsequitur
æstimatio. Non possunt autē bruta id quod vltro nō sese
offert proponere sibi inquirendū atq; inuestigandū, atque
propter hoc mediū quærere, eligereq; ad illud rememo-
randū quod quæritur oportunū. Hoc autē ad reminiscētiā
requiritur. Quantū ergo ad actus reminiscēdi atq; me-
morādi, videtur manifestū quod nō vnū memoriæ, & re-
miniscētiæ actus diuersi sint. Quod si de ipsis potētiis in-
terrogetur, qualis sit ipsa reminiscendi virtus, an sit ipsa
potētia memoratiua in homine nobilior quā in aliis ani-
malibus, vnde hoc habeat vt sic possit discurrere, an alia
aliqua sit potētia distincta, verisimilior videbitur respōsio
quod non vna aliqua potentia singularis debeat poni ab
aliis prædictis distincta, vnde habeat homo vt possit remi-
nisci. Neq; tamen cū memoria videtur esse eadē potētia.
Memoria enim ad hoc nō sufficit, vt ita ordinatē propo-
nat inquirere quod nō occurrit, neq; eius est medium sibi
proponere ex quo ordinate procedat alterū. Hæc tamē ad
reminiscētiā diximus spectare. Non videtur ergo virtus
reminiscitiua eadē esse potētia cū memoratiua. Virtus autē
æstimatiua secūdū eā nobilitatē quā in homine obtinet
(vti suprā diximus) sufficere videtur ad reminiscēdi actū.
Potest enim in homine discurrere in particularibus, eaq;
ad inuicē cōferendo, ex vno ad aliud ordinatē procedere,
atq; ex alio aliud peruestigare, quemadmodū ratio in vni-
uersalibus. Neque solū, in seipsa potest ex vna intentione
elicere aliā, verum etiā in memoria (quod ipsius est cella-
riū) ex vna offerente se specie ducatū accipere potest per-
ueniendi ad alteram latēte volentem.

*Qui bene reminiscatur, & quomodo debeat fieri bona re-
miniscētia.*

CAP. XVII.

ET quoniā reminiscētia nō ad memoriā spectat, fieri
potest, vt is qui bonā habeat reminiscētiā (id est, qui
benē

bene faciliq; reminiscitur) mala sit memoria: is verò qui malè reminiscitur, bona sit memoria præditus. Imò plerunque ingeniosi (in quibus est bona æstimatiua & bona imaginatio) nō ita bonæ sunt memoriæ, attamē bene admodū reminiscūtur, quoniā bene & ordinatē sciunt procedere ad eius quod quērūt inuestigationē. Cōtrā vero cōtingit, admodū bona esse memoria eos qui malæ sunt reminiscētia: vt homines malè ingeniati memoria pollētes optime memorātur, malè tamen reminisci possunt, si quid nō occurrat, eò quòd æstimatiuæ defectu nō possint ordinatē procedere, & per media cōgrua quod intēdūt puestigare. Sciēdū autē est, quòd ad reminiscēdū oportet accipere mediū cōueniēs secundū aliquē modū ad id cuius volumus reminisci. Oportet enim id quod accipitur ad inuestigandū aliud, habere cū illo aliquā habitudinē vel similitudinis vel coëxistētiæ, vel ordinis, vel dissimilitudinis vel cōtrarietatis, vel cuiuslibet cōiūctiōis. Solemus enim rerū gestarū, quarū nos cœpit obliuio. ex iis, q̄ simul tēpore gesta sunt recordari. Et cū quid eorū q̄ memoriter tenemus fortē nos fugerit, vt nō ad volūtātē vox succurrat, ad ea quæ antecēdūt cōuertimus memoriā sicq; ex iis, quæ præcedunt ea quæ secundū ordinem subsequūtur reuocamus ad memoriā. Item ex vno contratiō in recordationē alterius obliui cōtingit deuenire: ex similitudine quoq; reminiscimur similiū itē ex vicinia, & ex ordine quolibet vni ad alterū. Et quia vna eademq; res habitudinem habet ad plura, suntq; ex vno plura nata cōsequi secundū diuersum ordinē, hinc est, quòd etiā cōuenienti assumpto medio ad reminiscendum nō semper cōtingit reminisci, eius, quod quæritur. Sæpe enim mediū quod assumitur, ducit nos ad id quod non quærimus, & impeditur quæriti recordatio.

De somno, & vigilia.

CAP. XVIII.

PRIUS autem quā sensitiuarum virium claudamus de terminationē, superest, vt de somno & vigilia vel pauca dicamus. Sunt enim hæc, sensus passiōes (vt ait Aristoteles) & circa sensum habēt fieri. Neq; enim in vlla specie inueniūtur somnus & vigilia, nisi vbi inuenitur sensus. Nā plātas nemo dicit vigilare aliquādo, aut dormire, quoniā sensum non habent. Cætera autem animalia sensum habentia, interdum vigilare, interdū dormire percipimus.

Bene ingeniati bene reminiscuntur, sed nō semper bene memorantur.

*Aristo. libr.
de somno,
& vigilan-
tia.*

*Quid som-
nus, & vi-
gilia.*

Quod tamen non de omnibus compertum sit experien-
tia, ob quorundā sensuū imperfectionē: putat tamen Ari-
stoteles rationi cōsentaneū, omne quod sensum habet vel
vnicū (vt pote solū factum) aliquando dormire, aliquando
vigilare. Sunt autē somnus & vigilia contrarię passiones,
ac proinde circa idē habēt fieri, adeo vt cuiūq; cōueniat
vigilare, eidem & dormire, atq; ecōtrario. Cōtrariā enim
circa idē habēt fieri subiectū. Vnde nullū animal vel sem-
per dormire, potest vel semp vigilare. Sed aliquādo qui-
dē dormire aliquādo vigilare debet. Est autē vigilia, sen-
suū libertas atq; solutio, cū sensus animalis liberi sunt ad
operandū suas operationes, obiecto oblato, & impedimē-
to secluso. Somnus verò, sensuū vinculū est, atq; ligamen,
quo ligātur sensus, vt nō possint suas exercere operatio-
nes etiā si obiectū offeratur, & impedimētū omne extrin-
secū remoueatur. Nā id manifestē in dormientibus cer-
nimus, nullo sensu eos, donec somni passiōe premuntur,
quicquam percipere. Neq; enim vidēt coram astātes, ne-
que audiūt, neq; tactu aliquid percipiūt, donec expergiscā-
tur. Nō sufficit autē vnū aliquē sensum animalis legatū
esse, cæteris solutis: sed necesse est omnes sensus quos ani-
mal ipsum habet, esse pafiter ligatos. Nō quælibet tamen
sensuū ligatio, somnus dicendus est. Sunt enim morbi qui
dam priuantes hominē sensu atq; motu, & dicunt esse ve-
nas quasdā in collo, quas si quis apprhēdat atq; constrin-
gat, ipsum animal mox sensu ac motu priuatū collabitur.
Manifestū quoq; id est in morbo apoplexiæ, quæ penitus
hominem motu & sensu priuat. Non appellatur tamē hu-
iusmodi sensuum ligatio, somnus. Somnus enim quies est
sensuum à natura illis deputata ad recuperationem vi-
rium. In morbis autem huiusmodi nulla est sensuum quies
aut reparatio, sed potius destructio atque debilitatio.

Duplex somni vtilitas in animalibus.

C A P. XIX.

VT autē cognoscatur, quod non temere neq; frustra
Deus naturæ in animatibus somnū posuerit, aduer-
tendum est duplicē ipsius somni in animalibus esse vtilita-
tem, imò necessitatē. Primū enim ad animalium viriū facit
reparationē. Omnis enim virtus naturalis, quæ nō absq; fa-
tigatione perpetuo potest exerceri, aliquādo indiget quie-
tis intermissione, vt possit instaurari quiete, quæ nimia
fati

fatigatione deficeret. Id manifestè videmus in motu progressiuo animalium. Quia enim in perpetua cōtinuitate ambulare non valent, necesse est subinde quiescāt, ac demū resumptis viribus progrediātur. Ita & organa sensuū, quō niā nimia vigilia fatigatur indigēt intermissione quietis, vt resumptis reparatisq; viribus, iterū ad suorū officiorū possint aptā functionē redire. Sunt autem vires istæ: tam exteriores sensus, quàm interiores, maximè tamen videtur propter interiores sensus somnus esse necessarius. Secundo est somnus utilis atq; etiā necessarius, propter virtutes vegetatiuas. In animalibus enim virtutes vegetatiuæ (nutritiuæ scilicet, augmētatiuæ, & generatiuæ) impediuntur per exercitium virtutū animalium. Quāto enī vires animalis, id est sensitiuæ & motiuæ, magis intēduntur, tāto naturales, id est vegetatiuæ, magis remittuntur. Propter quod in hominibus studiosis, & in re qualibet multū sensu occupatis, peior fit nutritio atq; augmētatio in hominibus autē ignauis quīq; animalibus viribus minus vtūtur, melior fit nutritio atq; augmētatio maior. Et multū vigiliātes macrescere videmus atq; pallefcere, somniculosos autē vehementer impinguari. Quoniā ergo virtutes naturales per exercitiū virtutū animalium impediuntur, ideo propter salutē animalis, ipsiusq; valetudinē firmādā prouidē naturę autor tēpus somni instituit: vt animalibus virib⁹ ligaris, naturales virtutes (sine quarū operatione nō diu potest animal subsistere) tū possint liberi⁹ pleniusq; suis actibus vacare, atq; ea quæ ad animalis vitā intertenēdā sunt necessaria, conuenientius operari. Atq; hinc est, quod vulgo dici solet, somnū nō minus quā cibū ad bonā valetudinē cōducere, somnoq; moderato nō minus quàm cibo hominem nutriri: e contrariō autē, nimia vigilia non minus quàm immoderato ieiunio corpus exiccari, atq; tabesceri. Nō quidē ob hoc, quod ipse somnus sit hominis nutrimentū, sed quia efficit, vt naturales potentia suā conuenienter operationes exerceāt, & quia eius defectus impedit alimenti debitam conuersionem in substantiā rei, propter impedimētū virtutū naturalium, per immoderatum & nimis diuturnum animalium virtutum exercitium. Hinc aptè per Sapiētē dicitur. Vigilia honestatis, tabefaciet carnes. Et prudēter viri sancti, quibus crura est edomādę car

Quorū sum
Deus somni
um indidit
animalibus.

Secunda
somni vti-
litat.

Nota atten-
te.

Ecc. 31.

his, neq; etiā (si diligentius quis aduertat) lingua ita exacte gustātes, & omnino in omnibus quæ ad vires animales spectant operationibus inueniuntur inhabiles. Cū ecōtrariò qui moderati sunt somni, cōspiciātur ad omnia prompti & alacres, viuacitate quoq; sensuum gaudentes.

Quomodo generatur in animalibus somnus. CAP. XXI.

Somnus quomodo fiat.

Fit autē somnus ex euaporatione, cū videlicet à corde eleuātur vapores sursum versus cerebrū, q̄ illic in frigidati à cerebri frigiditate & condēsati opplēt meat⁹ spiritū sensitiuorum, ne possint à cerebro in organa sensuū diffundi. Cū enim vapores isti sic incrassati meat⁹ illos occupauerint, p̄ quos cerebrū diffundit spirit⁹ sensitiuos ad organa sensuū, itēq; à posteriori parte illos meat⁹ per quos spiritus motiuos diffundit ad organa motus, tūc cōtingit sensus omnes ligari, sicq; animalia cōtingit & motu & sensu priuari p̄ spiritū sensitiuorū & motiuorū defectū. Nō em̄ potest in oculo fieri visio, nisi mediāte spiritū sensitiuo, q̄ illi à cerebro per neruos ad hoc à natura dispositos (quēadmodū apertē in anatomia est videre) diffunditur: sic & de oībus sensibus aliis dicendū. Hoc ergo visionis instrumento absente nequit in oculo visio fieri. Ita nō possunt se mēbra mouere secundū locū, nisi per spiritus motiuos, qui similiter à cerebro transmittuntur ad mēbra. Oēs em̄ spiritus animales (id est, tā sensitui quā motiui) in cerebro gignūtur, & à cerebro in cætera organa atq; mēbra deriuātur. Sensitui tamē, suos meatus habent maximē in parte anteriori, ortū habētes à sensu cōmuni, à quo nerui oriuntur, ad organa singulorū sensuū. Motiui verò suos habēt meatus à parte posteriori, à ventriculo memoriæ, à quo in nucam subiacentē diffunditur spiritus motiuus: atq; ita per nucā cōsequenter diffunditur ad omnia corporis mēbra. Fit autē somnus fortior, aut debilior, iuxta quēd vapores isti plenius occupant meatus spiritū sensitiuorū. Cū enim vapores multum fuerint grossi, & ita multi vt totos meatus sufficiēter oppleant, grauis est somnus, neq; leuis est excitatio: quēadmodū in illis est, qui multo potu sunt obruti. Cū verò vapores fuerint subtiles neq; multū ingrossati, aut cū nō ita multi fuerint, vt meat⁹ ipsos sufficiāt penit⁹ opplere. somn⁹ est debilior, & est faciliior excitatio: quēadmodū in illis

Motu eū priuentur dormientia.

Somnus fortis aut debilis, vnde.

illis qui frugaliter sunt refecti. Vnde etiam fit, ut ij qui venas habent valde amplas, non admodum fortis sint somni facilimeque excitentur: eo quod vapores non sufficiant meatus spirituum opplere, sed propter latitudinem aliqua ex parte facile transeunt spiritus, velut cedentibus vaporibus in via latiori. Qui autem angustiores habent spirituum meatus, somno grauiori premuntur, & excitantur difficilius eo quod obstitens vapor facilius impediatur transitum spirituum quemadmodum ad oculum videmus, in via angustiori consistentem facilius prohibere occurrentis cuiuspiam ingressum ac transitum quam in via latiori. In lata enim via facile est transire volentem (si celer agilisque; extiterit) ad partem aliquam sese iniicere, & ocyus transire. Ita sane, qui amplos habent meatus, frequenter expergiscuntur etiam ultro, & leuissimo excitantur strepitu. Frequenter enim, propter amplitudinem viarum, spiritus animales sua celeritate illabuntur in organa sensitiva atque motiua, & facile aliquem sibi parant celerem transitum, sicque frequenter & facile contingit animalia eiusmodi expergisci. Expergiscitur enim animal, mox ut spiritus ipsi animales, transitum acquirunt ad sua organa. Tunc enim fit sensuum solutio, in quo consistit vigilia. Fit etiam somnus maxime post sumptum cibum, quod tunc eleuentur copiosius vapores somnum generantes: & maxime cum talia fuerint alimenta (cibi atque potus) quae multas de se fundant fumositates, aut admodum crassas, ac pingues. Non quilibet tamen vapores causant somnum. Quidam enim potius somnum impediunt, ut vapores acuti & falsi. Item cum fuerint cum cholera multa commixti. Tunc enim somnus impeditur, quemadmodum docet experientia, cum vinum nimium acutum biberimus, aut nimium calidum, & cum choleram in nobis moueri sentimus. Oportet enim vapores somnum inducentes esse dulces, facile in cerebro ingrossabiles pinguesque; & velut mulcebres. Alioquin non patitur se ligari spiritus, qui sunt in cerebro, magis timentes destructionis nocumentum, quam reparationis profectum.

Somni pars aliqua pro nutritione, aliqua pro generatione aliqua pro sensuum reparatione.

CAP. XXII.

Quanquam autem supra diximus somnum naturaliter ad duo ordinari, videlicet ad subsidium auxiliumque; vegetatiuarum potentiarum, quae in animalibus per virtutum

*Post cibum
maxime fit
somnia.*

animalium vsum & exercitiū impediuntur, & ad reparationē virtutū animalū quæ in suis exercitiis fatigantur cōtinuo labore: videtur tamē ipsa vegetatio (tanq̃ animalis subsistētix magis necessaria) priorē locū secundū temporis ordinē obtinere, & tēpus etiā amplius quā anima liū viriū reparatio sibi vindicare. Nāquod ad animalium viriū reparationem attinet, videtur illi modicum tempus posse sufficere: quēadmodū experiūtur interdū studiosi, cerebro vtcūq; defatigato, facile illi posset subueniri, si vel sedentes in sella studij capite aliquātulū reclinato in manu paululū cessent ab exercitio, & mirā præsentiūt in tantilla requie subleuationē. Quod autē pluriū horarū tēpus ad somnū exigatur, magis videtur propter vegetatiuas esse potētias. Et planē hoc experiētia docet, in principio somni maxime nutritionē adiuuari, minimē autem sensuū fieri reparationē. Experimur enim eos qui in principio aut paulo post principiū somni excitātur ante somni mediū, animalibus virib⁹ esse multò magis destitutos, quā si omnino nō dormiuiſſent: neq; id solū momentū, verūetiā per multū tempus, imò per totū nōnunquā subsequentis diei spatiū. Et vidētur qui sic post somni principiū excitātur, quasi ebrii, nullo sensu, nullo etiā motu rectē vtētes, quasi animalibus viribus omnino perturbatis, neq; vlla sentitur reparatio. Cæterum, ipsa sensuū reparatio maximē videtur circa finem somni post medium eius fieri. Pri⁹ enim sibi natura animalis prospicit de eo quod ad esse ipsius est necessariū, quā de eo quod ad bene esse. Nutritio enim, ad esse animalis requiritur. Sensuū autē vsus, nō ad esse ipsius, sed ad bene esse exigitur. Pueros enim & moriōes videmus absq; sensuū bono vsu, validos corpore persistere. Si tamē plus iusto somno extēditur, rursum deinde cerebrū indisponitur. Propter quod multum ingenio conducit, summo mane ē suauī strato exurgere, dulcesq; relinquere plumas, videlicet vt sensibus reparatis antequā iterū indisponātur, somnus abrūpatur. Maximē verò iis qui castitatē mentis atq; corporis seruare volūt incōtaminatū, & nec illusionibus fœdarū imaginum, nec spurcitiis pollui nocturnarū immunditiarū, prolixus ille somnus matutinus diligēter est cauēdus. In fine nāq; somni experientia monstrat, huius rei maximū esse periculum.

*Principium
somni maxime pro
nutritione fa-
cit.*

*Matutinus
somnus ca-
stitati peri-
culosus.*

culū. Quod ideo esse videtur, quoniā in principio somnī & per tēpus maximū ipsius, nutritiua & augmētatiua suas potissimū operationes exercent: perfecta autē sufficiēter nutritione, circa somni finē, videtur, potentia generatiua secundū ordinē suo officio succedere. Quia enim secūdū ordinē temporis prior esse debet nutritio & augmētatio generatione (propter quod in pueris nō prius generatiuæ potentia operationem experimur, quā nutritiua, & augmētatiua ad iustam perfectionē eos perduxerint) ideo prius nutritioni insistitur, postmodum verò generationi. Quod etiā inde est, quia semē ex superfluo est alimentī, atq; ob hoc nutritione perfecta in illud quod superfuerit alimentī se conuertēs vegetatrix potētia, agit in ipsum, & efficit vt in seminis naturā cōuertatur, & circa seminis dispositionē atq; perfectionē tum maximē agit, efficiturq; ad generationē homo paratior atq; pronior nutritiōe perfecta. Atq; hinc fiunt in phātasia illusiones fœdarū imaginū, generatiua potentia suū actum quæritāte: & non rarō fiunt coinquinationes inordinatæ corporū, quas euadere possunt qui tēpus illud præueniēdo, somnū antequam eō pertingat, abrumpūt. Et licet in aurora sit somnus carnalibus maximē suauis, ius videlicet qui Venerē amāt & corporis delicias: veris tamen Dei amatoribus, castitatisq; & oīs virtutis zelatoribus somnus ille maximē est fugiēd⁹.

Somnus auroræ nō probandus.

Quomodo in homine contingant insomnia. CAP. XXIII.

Contingit autē in somno sensus interiores interdū solui, exterioribus sensibus in suo vinculo permanentibus: apparentq; tūc phātasmatæ & variæ imagines in phātasia atq; in æstigmatiua: quas apparitiones, imaginationesq; & phātasmatiōes vocāt somnia, vel insomnia (vt videtur) à somno, qm̄ videlicet in somno fiāt. Fiuntq; hæc somnia maximē post mediū somni, cum iam vapores incipiūt minui ac subtiliari, & ita primū sensus interni soluitur, incipiuntq; operari exterioribus sensibus in suo ligamēto nihilominus permanētibus: eō quod vapores adhuc meatus occupent, quibus à cerebro ad ipsorū organa trāsmitti debēt spiritus animales. Causa autē quare somniantes omnia iudicēt ita se habere vt somniāt, videtur esse ex defectu operationis sensus cōmunis. Quod enim dū vigilantes multa phātasiamur, cōponētes & diuidētes, non ea

Somnia quomodo fiant.

sic

sic habere putemus, quomodo nobis in phantasia occurrunt, inde videtur esse, quia sensus cōmunis iudicat & cognoscit per sensuū exteriorū obiecta, nihil tale esse præsens. Quod enim nec à visu, nec ab auditu, nec ab aliquo aliorū sensuū vt actualiter sensatā percipit, id ipse iudicat nō adesse. Atq; ita quanquā vigilātes multa phātasiamur, nō tamē illa vt præsētia iudicamus, quoniā sensus cōmunis nobis cōtrariū iudicat. In somniatibus verò quia sensus exteriores ligantur, neq; sensus cōmunis, nisi q̄ ab ipsis recipit, iudicat, ita tū deest, quæ phātasix atq; æstimatediue falsas cōpositiones, & diuisiones iudiciaq; refutet, & conuincat esse falsa mēdacia. Itaq; fit, vt videātur verē præsētia, & sic se vt apparēt habere, nemine præsente q̄ euincat falsitatē. Atq; hæc est etiam causa, quare in tenebris phātasiantes terribile aliquid hoīes terreātur, & exclamāt ac fugiūt: præsente autē lumine, eadem imaginātes, nō ita terreātur: qm̄ videlicet absente lumine, nō potest id quod æstimatediue præsens est, argui q̄ nō ita sit. Nā lumine absente, nequit iudicari quid corā sit. Lumine autē allato manifestē iudicat sensus cōmunis p̄ visum, nō adesse quod habet imaginatio phātasix. Quēadmodū videlicet cū vanus atq; mēdax homo mirāda proponit, si nemo adsit qui falsitatē redarguat, credūtur vera esse quæ narrātur. Si verò adsit qui arguat falsa eiusmodi proponentē, manifesteq; comprobet nihil taliū sic esse vt dicit, nemo credet talia proponenti, neq; se quisquā propter mēdaxis hominis cōfutati verba loco mouebit, quicquid tandem ille dixerit.

De somnijs supernaturalibus, & naturalibus.

CAP. XXXIII.

Distinguitur autē multipliciter somnia. Quædā enim desup à Deo legimus immitti, quēadmodū in diuersis scripturarū passib⁹ inueniū: de somnijs videlicet Iacob & Ioseph, de somnijs Pharaōis: itēq; pincernę & principis pistorū regis Pharaonis, de somnio Nabugodonosor, & plerisq; alijs. Hæc enī omnia à Deo benedicto videbātur ad futurorū pręsignationē immissa. Vnde Ioseph cū expositurus esset somniū Pharaoni, dicebat: Quæ facturū est Deus, ostēdit Pharaoni. Et iterū: Absq; me Deus respōdebit prospera Pharaoni. tacitē sic indicās, quod & somniorum illorum immissio foret à Deo, Idipsum apertissimē

Somniantes quare omnia sic esse putāt vt somniant.

Somniorū dīstinctio.

Somnia supernaturalia.

Genes. 41.

Danie. 2. & Daniel corā rege Nabugodonosor: Est Deus (inquit) in cœlo, reuelās mysteria, qui indicauit tibi rex Nabugodonosor, quæ vêtura sunt nouissimis temporibus. At rursum: Qui reuelat mysteria, ostendit tibi quæ vêtura sunt. Sed & in nouo testamēto multa solet per somnia immitti, fa sanctis hominibus Deus futura demonstrare. Vnde Ioseph legimus ab Angelo Domini in somnis admonitum, de virgine Maria accipiēda, de filio in Aegyptū adducendo, & reducendo. Quir autē Deus ita in somnis velit futura indicare, causa videtur, quia tūc sensus hominis magis sunt quieti, exterioribus omnibus ligatis, interiorib⁹ etiā circa paucissima vel omnino circa nulla occupatis, ac proinde diuinæ impressiōis & internæ cōmonitionis facilius susceptiui. Huiusmodi autē somnia non passim vulgaribus solent accidere, sed illis qui sunt præeminentes, vel sanctitate, vt in quibus magnum & singulare aliquid Deus operari disponit, vel dignitate, aut autoritate, vt in iis qui sunt in administratione regnorū. Quod enim Abraham, Iacob, Ioseph, Danielis, Iudæ Machabæo, & huiusmodi somnia fuerint à Deo immissa, propter ipsorū fuit præcellentiā. Quod autē Pharaoni & Nabugodonosor, propter ipsorū dignitatē, vel certè ad diuini nominis gloriā & amicorū Dei glorificationē fuit. Quod etiā magistris pistorū atq; pincernarū Pharaonis fuit somniū præsagiū futurorū immissum à Deo, propter Ioseph exaltationē factū fuisse creditur. Nihilominus Deo liberū est, cuiuscūq; voluerit, etiā pessimis somnia immittere. Alia verò sunt somnia, quæ appellātur animalia: illa nimirum quæ cōtingunt ex prius in vigilia sensatis, & maximè ex iis circa quæ fuimus in vigilia solliciti, siue anxie diligenterq; occupati. Hinc fit, vt avarus somniet de pecuniis, de negotiationibus, emptionibus atq; venditionibus: gulosus, de epulis & cōuiujs: luxuriosus, de mulierū conuictu & colloquijs, alijsq; huiusmodi. Homo autē misericors somniet de pauperū necessitatib⁹, de miserorū patrocinijs. Qui zelat pro iustitia, somniet iniustitiæ punitionē, oppressorū suspensionē, atq; huiusmodi. Nauta de ventorū prosperitate, & de nauigādo somniet, & literis studens de suo studio. Et vniuersaliter, circa qualia occupatur homo in vigilia, circa talia versatur in somnio. Offerūt enim sese

Mat. 1. 2

Somnia animalia.

fese species ille dormiēti quæ solēt vigilāti. Ex huiusmodi autē somniis potest ut cūq; cōiectare homo, quid potissimū ipsius effectui inhereat. Ut si quis frequenter de honoribus & laudibus humanis somniet, merito sibi metue re potest, ne fortē sit ipse homo ambitiosus: itē si de epulis ac lautitiis, ne fortē sit homo delicatus & gulosus, atq; ita in cæteris. Sunt alia somnia naturalia, quæ secūdū cōplexionis humanæ cōditionē causantur in phantasia, ipso videlicet quod in cōplexione hominis dominatur immutante cerebrū, atq; speciē sibi cōformē imprimēte in phantasia, aut speciē seruātā in ea mouēte. Sic homines sanguinei, in quibus dominatur sanguis, de rebus rubeis, pulchris, & lætis somniāt, & frequēter existimāt se volare, eò quod sanguis cōueniat cū aëre: estq; hæc cōplexio læta & aërea, propter quod læta & amœna somniāt naturaliter. Illi autē in quibus cholera dominatur, multū somniant de igne, cū quo cōuenit cholera, itē de bellis, iurgiis, & cōtentionibus, ad quæ cholera extimulat. Flegmatici (in quibus dominatur aqua) solent de aqua somniare, utpote iuxta aquas se ambulare, aut in aquas se incidisse aut submergi, hisq; similia, quæ plurimū solēt pueris (in quibus adhuc humidū dominatur) accidere: somniant etiā de glacie, niue, & huiusmodi, ut quod per niuē ambulāt, aut super glaciem labāt. Melancholici verò (in quibus dominatur terra) frequēter somniant se in terra defossos, aut terra oppressos, aut de sepulchris mortuorū, deq; aliis huiusmodi, potissimū quæ ad oppressionē pertinent: maxime autē de rebus grauib; & tristibus, utpote de inferno, de morte, de persequutione ab aliis illata, aliisq; similibus, quopiam maximè grauis est & tristis illa cōplexio. Naturaliter etiā somniat homo de illo quod sibi deest, & quod appetit, ut esuriens somniat de cibo, sitiēs de potu, micturiēs de pariete aut loco aliquo separato, ubi liceat secūdū honestatē mingere: cacaturiens verò de cloaca. Vnde etiā interdū huiusmodi somniis cōtingit homines decipi, ut lectū impleant pro firmario, & cōdormientiū latera humectēt pro pariete. Ad eundē modū cū natura se oneratam senserit alimenti superfluo, quod ad generationē pertinet, dum se exonerare atq; liberare cupit, per somniū in estimatiua imagines apparere facit taliū rerū ad quarū præsentiam solet fieri su-

Nota diligēter.

Quomodo naturaliter diuerse in hominibus cōplexiones diuersa faciunt somnia.

De exoneratione naturalis notatū digna.

perflui talis eiectio, eò quòd nō aliter (nisi fortè ex defectu virtutis retentiuæ) cōtingat eiusmodi emissio. Natura ergo de salute viuentis sollicita, id ita procurat, & æstimatediuā sic mouet: ne si nō fiat superflui illius exoneratio, variis morbis & miseriis misere cōsumat, id quod frequenter solet accidere. Atq; ita cōtingit etiā castissimos viros, nocturnis illusionibus sollicitari atq; vexari, illos maxime in quibus valida est vis generatiua. Quòd si quis interroget, quonā pacto fieri id possit in imaginatiua, vt talis fiat imaginū effiectio, cū præuix nō antecesserint cogitationes, ex quibus videantur posse oriri? Dicimus, sicut in animalibus irrationabilibus estimatiua potentia naturaliter mouetur, quantum ad ea quæ sunt naturæ opera, vt ad nidum struendū tali materia, tali forma, tali tempore, ad coeundū cū animāte sui generis diuersi sēxus, & c. ita æstimatediuā hominis in hac parte moueri naturaliter, & impri mi in eam quandā impressiōnē, per quā excitetur ad tales efformandas imagines, ad quarū in æstimatediuā præsentiam solet tale naturæ opus fieri. Neq; verò mirum, si dicamus naturaliter aliqua ex parte hanc æstimatediuam moueri, quandoquidē opus istud quod quæritur (nempe superflui corruptiuī animalis expulsio) omnino naturale est, ad viuentis salutem conseruandam.

Quod boni & studiosi virtutum possent subinde mala perpeti somnia.

C A P. X X V.

*Totum hoc
caput dili-
genter ex-
pende.*

EX qua somniorū distinctiōe nō modica sumi potest cōsolationis materia aduersus quorundā nimium pauidorū inordinatū & scrupulosum timorē, qui grauitur tristantur, si quando per somniū aliquid eis cōtingerit, quod virtuti videatur contrarium, atq; ita se affligunt, quasi talibus sint vitiis apud Deū coinquinati: cū tamen secūdū rationē viuant, & pro virili secūdū spiritū aduersum talia vitia vigiles decertent, neq; ex eo quod per somniū ita cōtingit, vllā apud Deū habeāt culpā. Omnino enim cōtingere potest, & cōtingit nō rarò, eum qui secūdū rationē & volūtātē vere castus est, somniis rerū venerearū illudi, & eī qui secūdū rationē vere sobrius est ac tēperans, gulositatis somnia perpeti. Iterumq; qui secūdū rationē mitis, ac placidus est, atq; lōganimus somniis iracūdiæ & ferocita-
tis

tis vexari. Sit enim quis (exēpli gratia) à naturali cōple-
 xione ad rem veneream vehementer inclinatus, propter
 virtutis generatiuē in ipso fortitudinē: hic quantū uis se-
 cūdū firmū castitatis propositū viriliter resistat, & nequa-
 quā cōsentiāt, ita ut propositi firmitate & cōtinua resistē-
 tia, maxime autem desuper veniente Dei gratia (sine qua
 iuxta Sapientis sententiā, nemo castus fieri potest) habitū
 castitatis sit adeptus, cōringet nihilominus hunc interdū
 somniis malæ cōcupiscentiæ illudi. Et qui vigilans præ-
 sente ratione, neq; pro vita, neque pro morte in muliere
 consentiret appetitum, nec vllum ferret familiare collo-
 quium aut commercium, dormiens subinde etiam ample-
 xus & oscula acceptat & quæritat. Ad eundem modum
 qui à naturali est cōplexione vehementer pronus ad ira-
 cundiam, plenus flauente cholera, hic quantum uis multo
 labore & multa Dei gratia sit adeptus mansuetudinis pa-
 tientiam, adeo ut vigilans, neq; in pilo, neq; in obulo ve-
 lit nocere quantum uis, in ipsum delinquenti, hunc tamen
 cōtingit per somnium pugnare, interficere, dilaniare, di-
 scerpere hostem, eius domum ac segetem succendere, &
 cuncta eius bona diripere. Ita melancholicum qui Dei
 gratia multa labore secūdū rationem atq; voluntatem
 pusillanimitatis vitium debellauit, & timorem pepulit in-
 ordinatum, contingit per somnia graui cōcuti timore. Et
 qui in vigilia de Dei misericordia optime confidit se con-
 sequuturum æterna gaudia, per somnium pati sibi vide-
 tur inferni tormenta: quique per vigiliam confidit se cir-
 cundatum lætantium angelorū caterua, per somnium in-
 terdum sibi videtur in medio terribilium dæmonū iacere
 oppressus. Ita pure sanguineus aliquis, quāuis vere secū-
 dum rationem & voluntatis affectū ex Dei gratia omnes
 auerfetur mundi voluptates, subinde tamē per somnium
 videtur sibi in medio deliciarum iucundari. Imò verò si
 diligentius aduertamus, comperiemus ista omnia etiam
 in vigilia ita accidere. Hinc enim tentationes sunt quæ à
 carne exurgunt etiā in bonis & sanctis viris, videlicet vel
 gula, vel luxuriæ, vel iracundiæ, & cæterorum malorum:
 quomodo de seipso narrat beatus Hieronymus, quòd cū
 in vasta eremi solitudine exeso esset corpore, & arctissi-
 ma seipsum stringeret inedia, Romanis tamen se putabat

Sapient. 8.

*Hierony-
mus ad En-
stochium.*

*Examinan-
da somnia
vnde profi-
ciantur.*

interesse delitiis. Qui ergo huiusmodi se sentit somnii rerū nō bonarū tangi, aut etiā in vigilia eiusmodi vexari motibus nō statim deiiciatur animo, nō se mox dei existimet inimicū, Verū tamen examinet seipsum diligēter, an nō ex præuis in vigilia volūtariis, cogitatibus, aut effectibus, ista sic exurgāt, an non exorta fuerint à causa aliqua volūtarię subministrata, vnde eiusmodi somnia per se nata sunt sequi. Et quidē si post diligens examē nullius huiusmodi mali sibi est cōsciū, nihil est quod metuat, nō est quur multū anxietur animo: hoc tamē discat & cōsideret, in sua carne adhuc viuere cōcupiscentiā, discat nō debere se esse securū, discat nondū perfectē deūctū esse siue subactū domesticū hostē, discat sibi adhuc standū super custodiā: & humilitatis ac prouidentię sibi sumat occasiōnē, ne mox vbi aliquē virtutis habitum aut donū aliquod acceperit, omnia in tuto putet, seq; in portu nauigare securū. Agat quoq; gratias Deo, cuius gratia ita sibi aduersissimū hūc hostē subiugauit, subiectūq; fecit (carnē dico & sanguinē) vt nō nisi in somno absente ratiōe, vel in vigilia per surreptionē, velut à tergo aut à longe audeat accedere, & nō in vigilia aperte prodire in aciem. Est enim hoc signum euidēs infirmati hostis, cū iam nō palam, sed velut per surreptionē tantū ex abdito, audet aduersarium impetere. Cēterū, de somniis quatenus ex eis pronosticari aliquid liceat aut nō, itē quomodo ea obseruare & non obseruare, præsētis nō est negotij. Ad moralē enim spectat doctrinā, tametsi nō minima ex parte ex præcedētiū hæreant cognitione. Nos ergo de plurimis paucula quēdā dixisse cōtenti (quoniā profecto etiā si velimus multa, nō valemus, ob ignorantia rerū intus latentium) fessum nūc calamū abditarū rerū curiosa inspectiōe atq; perscrutatiōe, ad quietē reponimus, quo deinde ad id, quod toti cōsiderationis nostrę erit supremū, reparatis viribus alacrior res redeamus: si tamen prius (iuxta hætenus in libris omnibus seruata cōsuetudinē) magni Dei gloriā cantico celebrauerimus, cuius sunt omnia hæc mirabilia, hisq; infinito maiora, quæ nostri sterilitas calami minime valet explicare, qui in trinitate & vnitāte perpetuo beatus viuit, regnat, & gloriatur in secula seculorum. Amen.

FINIT LIBER X.

PSA

PSALMVS MAGNO ARTIFICI

qui est fabricator humani cerebri.

Videbam ego nuper anatomiam, incisionemq; humani corporis: aderat qui secabat chirurgus aderat, qui demonstrabat omnia medicus.

Ille quidē diuidebat subtilissime, & vsq; ad venulas minimas tenuissimosque nervulos incidebat omnia: hic verò digitis sollicitissime cuncta monstrabat, verbisque declarabat quantum poterat.

Super membris singulis quantumvis paruulis, faciebat sermones prolixissimos, & post finita verba omnia adiciebat, nondum se membri naturam explicuisse vel vsque ad dimidium.

Tantū (inquis) quæ magis sunt cognitu vtilia, quæ magis exposita proferimus: & tamen protraherebat dies multos prolixis sermonibus.

Admiratus sum vehementer in pluribus sagacis nature operibus dum ita mirandum conspicerem in cunctis ordinem, ita stupendam in singulis virtutem, & vsum necessarium.

Nihil erat superfluum, inordinatum nihil, nihil indecorum, nulum erat membrum, à cuius contemplatione post inspecta auditaque omnia cum stupore non abscederem.

At vero posteaquam ad verticem peruentum est, ad anatomiam cerebri, ibi videlicet quæ prius videram, iudicabam nihil esse omnia.

Secabat ille summa sollicitudine, incisionibus subtilissimis: iste de rebus minimis nescio quæ declarabat maxima.

Pape, quàm stupenda, quàm admiranda, quàm spectatu dignissima illic erant demonstranda! vix tota oculorum intenta acie sufficiebam intueri, de quibus iste tractabat mirabilia.

Ibi cranium & pericranium, ibi pia mater & dura mater, miriuga maior & miringa minor: ibi nescio quæ nimium mirande conexiones & immixturae, quibus ista necelebantur adhererebantque inuicem.

Ibi ventriculorum distinctiones variae, & cellule distincte distinctione visibili: ibi rete mirabile, verè mirabile, de cuius inuolutionibus narrabat ille miranda, cum vix præ tenuitate ipsum posset conspекere acies oculorum meorum.

Ibi nervuorum à cerebro exeuntium spectatu dignissima colligatio: ab anteriori parte molliorum, duriorum à posterioribus.

Nature providentiam miris efferebat præconijs, singulorum adiuvicem providam dispositionem ostendens, ad salutem & commoditatem animalium.

Pergebat ille his commonstratis plura ostendere, ego verò longius non valebam progredi, neque præcurrentem valebam insequi, quoniam me

stupor inuaserat.

Et nunc, artifex magne, nulli arte secundus, præcellentior omnibus,
quid dicam ego quid loquar de operibus artis tue?

O utinam contingerent tibi spectatores, artifices periti operis: ab
his enim posset tibi dari gloria.

Qui inter homines, magne artis fabricauerint opus, nihil æque o-
ptant ac peritos artis ad spectandum illud.

Si magne artis opus in possessionem venerit hominibus rudibus qui
artis sunt ignari: perdit artifex gloriam artis suæ quantumvis sit præ-
cellens artificium.

Ita profecto nobiscum res habet, quantum ad præstantissima opera
tua: fabulis stipulis grossiores sumus, quantumlibet nobis videamur
subtilissimi.

Sapientia & artificium operis tui nequaquam contemplari suffi-
cimus, neque millesimam partem artis quam ostendisti in capite no-
stro, vel doctissimus pernouit medicus.

Attamen etiam si nemo miretur, si nemo laudet, semper manet in
opere ipso gloria artificis: ita & tibi magne Deus semper tua manet
gloria in cunctis operibus tuis.

Sis benedictus in æterna maiestate tua: sis benedictus, sis laudatus
& gloriosus in secula, pro inestimabili sapientia, & bonitate tua.
Gloria patri, & filio, & spiritui sancto.

Sicut erat in principio, & nunc & semper, & in secula seculo. Amē.

FINIT PSALMVS.

IN LIBRVM XI.

CONSIDERATIONIS PHY-

SICAE DE INTELLECTV ET

EIVS OFFICIIS

PRÆFATIO.

* *



QVAE hætenus à nobis libris præcedētib⁹
determinata sunt, nō homini sunt pecu-
liaria, sed vel reb⁹ naturalibus oībus ge-
neraliter cōueniūt, cuiusmodi sunt, quæ
in primo libro de principiis diximus, &
in secundo de causis, in tertio de motu,
in quarto de loco & tempore, in quinto de generatione
atq;

atq; corruptione: vel homini sunt cum cæteris viuētibus (utpote plantis & animalibus brutis) communia, nempe ea quæ in prioribus tribus libris de potētis vegetantibus, & sensibus tam exterioribus, quàm interioribus diximus. Neq; hæcenus vllō librorum præcedentiū de iis quæ homini peculiariter competunt, quicquam egimus. At vero hominis egregia præcellētia, qua cæteris omnibus præstat naturalibus rebus, & admirabiles illæ virtutes quas in nobis peculiariter aduertimus, merito specialem exigunt tractatū. Si enim cælestia corpora, propter suā quam in hæc habent inferiora potentem actionē, specialem meruerunt determinationē, si deniq; etiam meteorologicæ impressiōes (quæ & mixta imperfecta dicimus) propter suam tantum incertam & subitam generationem singularem nobis extorserunt tractatū: humanæ naturæ præcellētia, an nō multo iustius id ipsum exposcit ac exigit? Videlicet ut illas speciali opere discutiamus, declaremusque nobilissimas virtutes & operationes, quæ hominū sic proprie peculiariterq; cōueniūt, ut in nullis rebus naturalibus possint eadē vel similes reperiri? Quæ enim hæc foret inordinatio disciplinæ, post exactā de rebus naturalibus omnibus determinationem, ipsum quod est, omnium præcipuū negligere, & ad quod cætera omnia tãquam ad finem ordinantur, intactū pertransire. Iustum est ergo semel nobis in marum susceptus calamus tãtis per nobis inserviat, donec pro nostra virili secundū bonum Dei auxiliū, & hæc vere maxima vel balbutiētes explicauerimus.

De hominis præcellētia & quomodo intellectus per sensum cognoscitur.

C A P. I.

Hominis super alias res naturales præcellētia in intellectu atq; volūtate cōstitit, potētis duabus utique nobilissimis, quibus Dei in nobis imaginē & similitudinē gerimus & secundū quas Deiformes Deiq; capaces soli homines sumus, secundū quas immortales sumus incorrupti & volūta- biles, & impassibiles (passione quacūq; violenta vel ad corruptionem deducēte) ab vlla rerum naturalium quantūvis potētissimæ fuerit actionis: secundū quas item soli homini cōuenit in suis actionibus libertas, meritum vel demeritum, præmiū atq; pœna, saluatio atq; dānatio æterna, fœlicitas æterna, vel æterna miseria. Nulla enim

irrationalis creatura intellectu & volūtate carens immortalis esse potest, nulla Dei imaginem in se gerit, nulla Dei formis vel Dei capax dicitur, nulla meretur vel demeretur, nulla præmio æterno remunerabitur, vel æterna poena punietur. Hæc enim omnia solius sunt hominis, quædmodum in posterioribus latius declarabimus. Quoniã vero secundum rectum ordinem prius est, rem intellectu percipere, posterius autem velle vel nolle: intellectus enim est præsentale voluntatis acceptare vel refutare: ideo prius de intellectu quàm de voluntate est dicendum. Est autem in disciplinis ordo valde conueniens, incognita per nota, & minus nota per notiora (quantum fieri potest) declarare. quæ admodum ex principiis per se cognitis venit ad scientiã cõclusionis, & ex corporalibus exẽplis manu ducimur ad intelligenda spiritualia. Erit ergo modus cõuenientissimus naturam intellectus declarandi per cõparationem ad sensum (qui iam ex suprà determinatis præsupponitur cognitus) partim quidem secundum similitudinem, partim vero secundum dissimilitudinem. In quibusdam enim cõueniunt, & in quibusdam differunt. Primum itaque omnium aduerendum est, quod sicut sensus est potentia quædam apprehensiva rerum foris existentium absque reali susceptione ipsarum per solam receptionem specierum: ita & intellectus talis quædam est potentia, per quam homo ea etiam quæ extra ipsum sunt intus apprehendit, non rem ipsam, vel eius partem, vel ullam corporalem eius qualitatem, sed tantum rei quam apprehendit speciem intrinsecè suscipiendo. Non enim in anima (ut Aristoteles ait) lapis, sed lapidis est species. Est tamen manifesta eius in hoc differentia à sensibus exterioribus, quod singuli solum sui proprii sensibiles suscipiunt speciem, ut visus solam speciem coloris. Intellectus autem indifferenter omnium simul est susceptivus, & omnium apprehensivus. Transcendit etiam potetiam primam interiorem, quam suprà nominauimus sensum communem: quoniam ille licet communiter species suscipiat ab omnibus exterioribus sensibus, non tamen potest nisi illas suscipere quæ ei ab exterioribus transmittuntur. Nulla enim species est in sensu communi, præter eas quæ à sensibus exterioribus ad ipsum transmittuntur. Amplius vero etiam à vi æstimatoria siue phantastica differere intel

Intellectus (tamen si quibusdā antiquorū ita visum nō fuit) quoniā intellectus, est potētia vltior, & multo superior ipsa æstimatoria, sicut æstimatoria superior est in sensu communi aut imaginaria. Cuius rei habita declaratione, magna ex parte quid intellectus sit, & quomodo homo cæteris præstet hac in parte animantibus, erit manifestum.

Quomodo intellectus sit potentia superior, quam æstimatoria.

CAP. II.

PRO cuius intellectu notandū est, quod illa potētia merito superior dicitur, cui altera subseruit & subministrat, & quā illa trāscēdit ac superat virtute actionis, quē admodū videlicet sensus communis singulis exterioribus sensibus est superior, eō quod singuli subministrēt illi, transmittentes ad ipsum suorum sensibilibium species. Hic autem operationis nobilitate excedit exteriores sensus, quoniam diuersorum sensuū sensibilia simul cōferre potest, atq; inter ea diiudicare, itē & actus sensuū exteriorum percipere, quē duo nullus potest sensuū exteriorum, Rursum æstimatoria iccirco superior reputatur, & est sensu cōmuni, quoniā hic illi subministrat, species susceptas ab exterioribus mox ad imaginariā trāsmittēs, & ibi recōdens: nō utiq; pro semetipso (quoniā ipse illis speciebus in absentia sensibilibium nō vtitur) sed pro æstimatoria, siue phantastica, nimirum ut ex speciebus huiusmodi ipsa eliciat intentiones non sensatas, componatque & diuidat, & excitata his speciebus suum exerceat officiū. Ipsa autem æstimatoria operationes habet excellentiores, quā sensus communis, vel imaginatio, eō quod species illas possit adinuicem componere & diuidere, atq; ita cogitationem tali compositioni, vel diuisioni specierum respondentem in se ipsa efficere, ac talis intētionis speciem nunquam à sensu communi habitam in memoria reponere. Item potest non sensatas intētionis elicere easque similiter reponere, quæ neq; sensus, cōmunis neq; imaginaria possunt. Iccirco iure superior dicitur. Eadē quoq; ratione æstimatoria etiā memoria superior est, quoniā ipsius vtitur seruitio, quomodo arca & horreū deseruit possessori, & habet æstimatoria multo nobiliores operationes. Ad eundē sane modū cōperimus intellectū in homine ipsa æstimatoria vi, siue phantastica multo superiorē, videlicet qui æstimatoria

Quomodo potētia vna est altera superior.

Intellectus æstimatoria nobilior.

intellectui deferuit, phantasmata (id est intētionēs in phā-
 tasia opertas) presentādo, ipsi intellectui ad fabricādū ex
 eis species rerū solo intellectu perceptibiliū, & omnē sen-
 sum trāscēdētiū, quē nullus sensus, neq; interior neq; exte-
 rior potest cōprehendere. Atq; hęc est operatio, illa, quæ in
 intellectus superat estimatiuā. Sic enim se habet intellectus
 ad phātasmatā (id est, ad species vel intētionēs quæ sunt
 in phātasia siue estimatiua) quomodo se habet estimatiua
 ipsa ad species à sensu cōmuni transmissas, & in imagina-
 tiua seruatas. Quomodo enim per estimatiuā apprehēdit
 & percipit animal brutum, quod per sensum communem
 non potest, videlicet amicitia, vel inimicitia, voluptatem,
 & dolorem conueniēs & disconueniens secundū sensum:
 ita per intellectū homo plurima intelligit, quæ per estima-
 tiuā solā impossibile foret percipere. Tamen enim aesti-
 matiua possit elicere intētiōes nō sensatas à speciebus ser-
 uatis in imaginatiua. sunt tamē illæ perpauce, & huiusmo-
 di, quæ conducūt ad animalis vitæ cōseruationē atq; dire-
 ctionem, secundū quod animal est, utpote amicitia vel ini-
 micitia conuenientis vel disconuenientis secundū sensum:
 quam aestimatiuę operationē in pueris videmus nondū ra-
 tione utētibz, itē & in amētibz atq; morionibz grādio-
 ris ætatis, in quibus perparū cernitur differētię ab irratio-
 nalibus, nisi quod propter excellētiā estimatiuę in homini-
 bus videātur in quibusdā eminere. At vero intellectus cō-
 uertendo sese ad eas quæ in phātasia siue aestimatiua sunt
 intētionēs, plurimarū rerū elicit cognitionē, quas sensiti-
 ua potētia nulla siue exterior, siue interior, potest perci-
 pere. intellectus enim virtute mirabili intelligit formas se-
 paratas, naturas vniuersales, angelicas mētes, imò & ipsum
 Deū: quę nequaquā ab estimatiua possunt cognosci. Itē &
 alias habet intellectus operationes mirabiles, affirmando
 & negando, tam in vniuersalibus quā in particularibus,
 tam in abstracto quā in concreto, & multipliciter ratio-
 cinando: de quibus omnibus suo loco dicetur posterius.
 Nunc vero (priusquam extra propositum abducamur) il-
 lud tota virtute qua possumus declaremus, quomodo in-
 tellectui in sua operatione aestimatiua ministrat, id
 est, quomodo ex phantasmatibus intellectus rerum co-
 gnitionem in se possit acquirere, quæ non in aestimatiua

præfuerunt. Sic enim & mirabilis ordo potentiarum ad-
inuicem ita in homine ab optimo Deo pulchre disposita-
rum clarescet, & nihilominus (quod quærimus) ipsius intel-
lectus natura fiet manifesta.

*De Platonis opinione existimanti omnium intelligibilium species
esse intellectui concreatas.*

CAP. III.

AD prædictorum autem determinationem, ante omnia
hic pertractanda videtur Platonis quondam celebris *Platonis opi-*
opinio: qui existimauit rerum omnium intelligibilium species *nio.*
fuisse intellectui à principio cōcreatas, & animam rationalem
à principio suæ cōditionis omnium rerum habuisse cogni-
tionem per species proprias sibi cōcreatas: quā cognitionem
dicebat per immersionem in hoc corpus animam perdere, spe-
cies tamē manere: quomodo homo multo obrutus potu
aut somno pressus nihil eorum actu intelligit, quæ tamē
secundum habitum & species tenet. Atq; ita (iuxta positi-
onis huius consequentiam) asseribat, hominis scire vel ad
discere, non aliud esse quā reminisci. Dicebat, enim, cum
quis de nouo quippiam videretur addiscere, speciem in ani-
ma existentem (utpote ipsi cōcretam) solum excitari, sic-
que tantum recordationem fieri quā obliuæ rei per cras-
si corporis immersionem, non autem speciem ullam de
nouo in intellectu fieri. Atq; ita nihil dicebat hominem
iam addiscere, quod non prius aliquando cognouerit. lux
ita quā positionem dicendum foret, intellectum non posse uti
ministerio æstimationis ad aliquam speciem de nouo in se
acquirendam, sed tantum ad exercitationem specierum: ita
videlicet ut per phantasmatum excitareretur species, quæ in in-
tellectu præexistunt, ad efficiendam in intellectu rei cuius
sunt species cognitionem. Verum hæc positio primū quidē
Christianæ fidei non consonat, quæ tenet animas hominum
non simul fuisse creatas, neq; etiā præfuisse ante corporis
informationem, sed vna cū infusione corporis sigillatim sin-
gulas à Deo creari & eo ipso momēto quo in corpus in-
funduntur simul & creari. Deinde etiā philosophis meliora
sentientibus, eadē positio displicet. Reprobat enim eā Ari-
stoteles tertio libro quē de anima scripsit, pulchre docēs,
intellectum nullā habere sibi cōnaturalē & cognatā speciem, *Aristoteles à*
sed esse velut tabulam nudam, in qua nihil actu sit, descri- *Platone*
ptū: esse tamen intellectum ex sua natura ad species omnium *dissentit.*
rerum

rerū in seipſo ſuſcipiendas idoneū, quomodo tabula nuda, in qua nihil eſt deſcriptū, ſuſceptiua eſt cuiuſlibet ſcripturæ. Cuius ſententiã (vt magis veram, magiſq; fidei, rationi, & experienciæ conſentaneã) in ſequentibus latius volumus declarare, illa altera minus probabili omiſſa.

De diſtinctione intellectus agentis, & patientis. CAP. IIII.

AD cognoscendū ergo quomodo intellectus in ſua operatione phātaſiæ vtitur miniſterio, nota, q̃ (iuxta Ariſtotelis, cæterorumq; eius in hac parte ſequaciū traditionē) intellectus diuiditur in agentē & patientem. Intellectus agens dicitur, cuius eſt ſpecies rerū intelligibilium efformare, atq; efficere, quibus mediantibus fieri poſſint rerū intellectiōes. Intellectus autē patiens vel paſſibilis dicitur, cuius eſt ſpecies virtute intellectus agentis efformatas in ſe ſuſcipere. Quomodo enim in rebus naturalibus cōpoſitionē ponimus ex forma ſubſtāciali omnium accidentiū atq; diſpoſitionū effectiua, & materia omniū ſuſceptiua: ita intellectus totā ſubſtantiā ex duabus hiſce potentiis velut partibus duabus dicūt cōſtare: quarū altera ſe habet ſecundū rationē materię, videlicet intellectus paſſibilis, nullo modo actiuus, ſed tantū paſſiuus atq; ſuſceptiuus ſpecierū: altera verò habet rationē formę, ſolū actiuus, & nullo modo paſſiuus. Intellectus agens (vt inquit Ariſtoteles) eſt, in omnia facere, hoc eſt, omniū intelligibiliū ſpecies poteſt in intellectu paſſibili efformare, cōparaturq; lumini in ordine ad colores: quoniā ſicut lumen cadens ſuper colorē facit ipſum ſuā ſpeciem organo viſus imprimere, ſicq; ipſum cuius eſt color, à ſenſu facit cognosci: ita per hūc agentē intellectū ſuā virtutē cōuertentē ſuper phantaſmata efformatur in intellectu ſpecies intelligibilis, per quam ſit in intellectu eius rei cuius eſt ſpecies intellectio, ſiue intellectiua cognitio. Neq; vllum eſt ens quantumlibet à ſenſu remotū, quantumlibet vniuerſale, quantumlibet abſtractū, cuius nō poſſit intellectus agens ex aliquo ſibi oblato phātaſmate (id eſt, ex aliqua intētiōe phantaſtica) in intellectu paſſibili ſpeciē efformare. Quid enim magis à ſenſu elōgatū quàm Deus? Attamen intellectus agens in homine tantæ eſt virtutis, vt aliquam ſpeciem poſſit in intellectu efformare mediāte, qua Deū vtcunq; cognoscat, quamuis nōdum ſecundum eſſen

*Intellectus
agens, & pa-
tens.*

essentiā sicuti est. Est ergo intellectus agentis (iuxta Aristotelis sententiā) in omnia agere, id est, specierū omniū intelligibilium rerum effectiuū. Qui enim potest in id, quod remotissimū est, multo facilius poterit in illud quoque, quod est minus elongatū. Intellectus autem passivus est in omnia fieri, id est, omniū rerū potest in se suscipere speciē, potestq; rerū omnium similitudine formari. Vnde fit, ut nōnunquā etiā possibilis à potētia suscipiēdi nominetur. Quod quidē manifeste ex præcedēti cōsequitur. Si enim intellectus agēs potens est omniū species efformare, & in seipso non possit quicquā recipere, sed quæcunq; ipse operatur suscipit intellectus passibilis, manifesto ergo consequio infertur, q̃ passibilis intellectus sit omnium specierū intelligibilium rerum susceptivus. Quemadmodum si forma substantialis lapidis esse omnium operationum effectiva, materia lapidis utiq; omnium esset susceptiva. Est enim intellectus agēs (ut suprā diximus) tanquā forma, patiens verō ut materia. Atq; hoc modo intellectus passibilis quodāmodo dicitur esse omnia, id est, omniformis; quatenus omniū similitudine potest formari, indui & ornari, quemadmodum pulchre beatus Hieronymus in epistola ad Paulam de omnibus sacræ scripturæ libris de cera ait, his verbis: Mollis cera, & ad formandum, facilis, etiam si artificis & plastæ cessent manus, tamen virtute totum est, quicquid esse potest.

Arist. 5. lib.
de anima.

Hieronym.

Per qualitatem luminis, declaratur virtus intellectus agentis. CAP. V.

Quemadmodū autē in corporalibus nullus est color qui nō per lumen possit illustrari, ut suam speciē organū infundat, sicq; visionē in ipso efficiat: ita nulla res est, cuius nō possit (per huius intellectus agētis ad se conversionē) intelligibilis species imprimi in intellectū possibile, & cuius nō possit in eo noticia efformari per virtutē agētis intellectus. Quemadmodū enim color est obiectū visus, & ideo quicquid sub colore comprehenditur, luminis illustratione æque potest in visum imprimere suā speciē: ita ens siue verum (quæ ad inuicē cōuertuntur) obiectū est adæquatū intellectus: atq; ob hoc, per lumen intellectus agētis potest in intellectū passibile imprimi species omni eius, quod subente continetur. Rursum quemadmodū nullus color quantūvis lucidus, quantumvis nobilis,

*Ens seu ve-
rum intelle-
ctus obie-
ctum.*

bilis, potest à visu percipi, si defuerit lumen, quod super ipsum cadat, ipsumq; illustret: ita nullum ens est intelligibile, nisi ratione huius intellectus agētis, videlicet nisi hic suo fulgore ad rem illam sese conuertat. Et quemadmodum iuxta virtutē luminis fit color melius visu perceptibilis, ita vt lumine splendidus super colorē cadente, ipse fit melius visu distinguibilis, quàm si lumine tenui & obscuro illustraretur, eò q̄ in organū species perfectius imprimatur: sic etiam iuxta huius agentis intellectus virtutē res eadē ab vno melius perfectiusq; intelligitur, quàm ab altero, iuxta quod intellectus agens perfectius, vel imperfectius rei supra quam cadit, & ad quam se conuertit speciē intellectui imprimit passibili. Patet ergo, quemadmodū huius intellectus agentis natura, mirū in modū

*Intellectus
agens verū
est lumen.
Psalm. 4.*

ex luminis naturalis cognitione ostenditur. Est enim & ipse verū lumen spirituale, & vtiq; verius illo quod à Sole diffunditur in aërem. Hoc enim lumē est de quo Psalmista loquitur, dicens: Signatum est super nos lumē vultus tui domine, dedisti lætitiā in corde meo. Sicq; enim plerique sanctorū patrū locū istū interpretātur de naturalilumine intellectus, quod in nobis Deus ab initio velut signauit, dū nobis in apice supremoq; vertice animæ speciali prærogatiua dignitatis impressit. Et est plane intellectus hic agēs in homine quoddā diuinitatis vestigiū, ac participiū aliquod infinitæ immensæq; lucis, quæ est ipse Deus. Quomodo enim ab igne permaximo scintillæ multæ exeūt, aliquid claritatis illius & luciditatis ignis primarij referētes, ita ab illa immensa ineffabiliq; diuina luce (de

Ioan. 1.

qua scriptū est: Erat lux vera quæ illuminat omnē hominē venientē in hunc mundū) in animas singulorū hominū velut scintillula quædā deriuatur, eisq; insidet inextinguibilis: si tamē iustū est, modicū istud in nobis lumen respectu diuinæ lucis cōparare scintillulæ, respectu ignis magni: quandoquidē aliās in scriptura sancta legimus ipsos quoq; in gloria plenissime refulgētes beatos, nō nisi scintillis fulgētibus cōparari. Sic em̄ quodā loco legimus. Fulgebunt iusti, & tanquā scintillæ in arūdineto discurrent. Nos tamē scintillulæ cōparare cogimur hoc diuinæ lucis in nobis participiū: quandoquidē minus aliquid igneum, aut lucidū in humana appellatione nequimus inuenire.

Sapient. 1.

Ex

Ex differentia intellectus & sensus, ostenditur necessario ponendum intellectum agentem.

C A P. VI.

ESt autē notanda differētia inter sensum & eius obiectū ex parte vna, & inter intellectū, & eius obiectū ex parte altera. Nā sensibile obiectū (si adsit requisita conditio) sua actione imprimit suam speciē in organum sensus, vt color præsente lumine agit in organū visus, agendoq; imprimit in ipsum suam speciē. Lumen enim non est causā effectiua speciei, neq; in oculum agit per hoc quod colorē illustrat, sed est tantum quādā conditio requisita ad hoc vt color possit agere in visum. Quantum verò ad intellectū, cōtrario modo se res habet. Cum enim rem aliquam quæ est extra nos intelligimus, ipsa res non agit in intellectum per se imprimendo suā speciem. Nulla enim res corporalis potest agere in intellectum, cum sit potentia spiritualis, & nullum habens organū corporeū. Neq; imaginandū est, sic ab æstimatediua transmitti ad intellectū species corporales, quomodo ab exterioribus sensibus transmittūtur ad sensum cōmunem. Cū enim intellectus nullum habeat corporeū organū in quo inhabitet, nullus potest esse transitus per quē species talis sensibilis possit transmitti ad intellectū. Sed neq; intellectus ipse (propter suam nobilitatem) capax foret vllius speciei sensibilis.

*Intellectus
in sensu
differentia.*

Atq; hinc patet ratio, quare magis oporteat duplicem ponere intellectū, quā duplicem sensum. Non enim sollet sensus diuidi in agentē & patientē: sed sensum dicunt simpliciter esse potentiā passiua, quantū ad speciē, eò qd speciē in sese non debēat neq; possit efformare vllus sensus, sed ipsius obiecti actione in ipsum imprimatur, & in speciem acquirendo se habeat pure passiue, tametsi in ordine ad actum suum proprium, quodammodo sit potētia actiua vel proprie operatiua. Operationem enim suam, sensus in se ipso efficit: speciem autem (mediante qua vt instrumento suam operatur sensationem) nequaquā. Atque hac ratione, quantum ex parte obiecti tota substantia sensus passiua dicitur: neq; in agentē & patientem secundum suas partes secatur. Contrā verò quia obiectū intellectus per se nō sufficit sua actione imprimere suā speciē, omnino tamē eget specie, si debeat intelligere: necesse est intellectū ponere non merè passiū, respectu suæ speciei,

sed

*Quare
duplex
intellectus
ponitur
& non
duplex
sensus.*

sed partim effectiuū. Alioqui impossibile esset speciem in intellectu formari, & per cōsequens neq; vlla posset fieri intellectio, cū sine specie ipsa nequeat fieri visio in oculo, si nec potentia ipsa visiva haberet virtutem efformādi in speciem coloris, nec etiā ipsi colori talis cōpeteret actio. Vnde enim acciperet visus speciē coloris, si neq; à se ipso, neq; ab obiecto acciperet? Hæc ergo necessitas est ponēdi intellectū agentem, ad cuius positionē necessario consequitur intellectus passibilis positio. nisi enim species intelligibilis in intellectu susciperetur, nō posset intellectus intelligere. Cæterū, an intellectus hi duo, ponendæ sint potentix realiter distinctæ, an solū secundum rationem diuersam distinguantur (videlicet vt idem numero intellectus dicatur agens, quatenus hoc illi competit officium, efformare & efficere speciem intelligibilē, idemq; patiens quatenus non in alio aliquo, sed in seipso hanc speciem per se effectam recipit) nolumus impræsentiarū curiosius peruestigare. Perparum enim refert, an re, an ratione sola dicatur distinguī: si hoc modo rectē intelligatur, duplex hoc officium intellectui competere.

Quomodo omnis cognitio intellectuina oriatur ex sensu.

C A P. V I I.

AD cognoscendum autem modum, quo intellectus agens efficit species in intellectu, notandum est, quòd pro statu isto mortalis vitæ talis est colligatio animæ in corpore isto crasso & misero, vt nullius rei cognitio possit venire in intellectum, quæ non primordialiter ex aliquo sensuum exteriorum sumpserit initium: neque vlla possit species intelligibilis ab intellectu agente formari in intellectu passibili, quam non originaliter ex aliqua specie sensibili quinque exteriorum sensuum emendicauerit. Propter quod dixit Aristoteles,

*Arist. 1. lib.
Poster.*

Omnem nostram cognitionem debere à sensu habere exordium.

Quod tamen nō ita est intelligendū, quasi intellectus agens immediate à sensibilibus exteriorū sensuū accipiat suas species intelligibiles: sed mediate, ratione videlicet phantasmātū, id est, intentionū in phantasia siue æstimatoria existentū, quæ omnia à sensuū exteriorū cognitione
prim

primordialiter oriuntur. Est enim talis habitudo intellectus agentis ad phantasmata in phantasia, qualis est sensus exterioris ad obiectum existens in re sensibili. Nam sicut sensus non potest accipere suam speciem nisi conuertendo se ad sensibile, vel nisi ipsi presentetur offeraturque presens sensibile, ita intellectus agens ad comparandum sibi intelligibiles species, conuertere se debet ad phantasmata, id est, ad aliquas imagines vel intentiones in aestimatiua sibi presentatas. Et quemadmodum sensibile ipsum cum sit corporea qualitas, acquiritur tamen & formatur in sensu, quæ est potentia utcumque spiritualis secundum suam similitudinem, modo quodam spirituali: ita phantasma quantumquam res sit materialis & imago crassior, quam ut secundum talem conditionem possit recipi in intellectu, abstrahitur tamen ab ipso species intelligibilis multo spiritualior & intellectui bene proportionata: idque per virtutem agentis intellectus: sese super phantasma conuertentis, cuius est tanta virtus, ut à phantasmatibus impuris & materialibus possit sua nobilissima inexplicabilique virtutis efficacia specie immaterialem educere atque abstrahere, ac velut efformare, quæ intellectui conueniat pro sua operatione exercenda: quemadmodum corporalis luminis est tanta excellentia, ut super colore ipso cadente in visu gignatur species, quæ absque ipso non potuisset in oculo produci. Non sunt tamen prædicta sic intelligenda, quasi asserere velimus, omnem intellectus cognitionem debere immediate ex sensu etiam phantasiæ accipi. Nam intellectus una habita notitia ex ea format aliam, atque ita consequenter, quemadmodum ex notitia præmissarum efficit in se notitiam conclusionis, & ex notitia intellectuali singularem efficit cognitionem vniuersaliū. Atque in his non immediate sumitur cognitio intellectus à sensu. Mediate tamen omnis intellectiua notitia à sensu est, quoniam prima intellectiua cognitio (ex qua alia gignuntur) à sensu debet accipi. Cum enim intellectus de se nihil habeat, omnia de foris acquirat necesse est. Attamen cum vel modicum aliquid habuerit, plurima ex illis paucis potest mirabili suæ fecunditatis virtute progignere.

De modo quo intellectus, agens conuertit se super phantasmata. CA. VIII.

Modus autem quo intellectus agens se conuertit super phantasmata ad formandum sibi species intelligibi-

les, est ipsa phantasmata illustrando, eaq; à conditionibus materialibus depurando. Phantasmata enim in phantasia rem nō nisi crasso modo & sensibilibiter (vt videlicet sensu perceptibilis est) repræsentat, sub cōditionibus materialibus & indiuiduantibus, videlicet sub loco determinato & tēpore determinato, & cæteris cōditionibus indiuidualibus determinatis, quomodo à sensu exteriori cognoscitur. Intellectus autē suā nobilitate ontues has materiales & singulares cōditiones separat, & speciem talē in intellectu passibili format, quæ rē absq; eiusmodi imperfectio nibus repræsentet. Vnde hoc modo intellectus hominis, ex phantasmatibus materialibus, & cognitione rei materialis, quā intellectui exhibet phantasia, pertingere potest ad cognitionē rerum immaterialiū & prorsus absq; materia separatarū. Verbi gratia, ex his q̄ sensibus exterioribus percipimus, rebus istis visibilibus & materialibus, quæ vt habētia actum cū potentia (id est formam cum materia) in phantasia cognoscimus, intellectus agens super phantasmata huiusmodi se conuertens, separat, & abstrahit id quod materiale est & imperfectum, formatq; sibi speciem quæ solum actum nudamq; formam absq; potentia materiæ per se subsistentem repræsentat, per quam angelicas substantias apprehendit, quæ sunt formæ separatae absq; materia. Sic ex cogitatione creaturæ, quam phantasia apprehendit, sub determinatis conditionibus (vt pote substantia, qualitate, sub tali materia, sub talibus dispositionibus accidentalibus, sub tali colore, in tali tempore, in tali loco, &c.) intellectus agens ab omnibus his conditionibus materialibus abstrahens, format sibi speciem quandam atq; similitudinem in intellectu passibili repræsentantem ens immateriale, absque magnitudine, absque omni accidente, absq; omni mutatione & motu, absq; omni generatione, corruptione, & passibilitate, absq; initio & fine durationis, absq; omni tēpore & loco, absq; omni cōpositione & permixtione, absq; vilo ente simpliciter priori, & ita in cæteris, sic abstrahendo ab omnibus imperfectio nibus quæ inuoluuntur in phantasmatibus: sicq; in nobis Deī speciem formamus ex vilissimis creaturis, quas in phantasia cognoscimus, & quarum cognitionem primam hausimus ex sensibus.

Quomodo Dei cognitionem duobus modis potest intellectus agēs
in nobis efformare: CAP. IX.

Facit autē intellectus agēs duobus modis in nobis Dei,
eōrumq; quæ ad Deū spectant cognitionē. Primo qui
dem, per abnegationem, ad eū modū quo suprà dictū est:
cū videlicet omnes materiales cōditiones & imperfectio-
nes quas cernimus in creaturis (circa quas phantasiāmur)
abnegamus atq; abiicimus. ita ut ex ipso quod in phāta-
mate est solū entis cōceptum seruantes, reliquum omne,
quicquid adiunctū est imperfectiōnis, quicquid crassum,
quicquid imperfectū per abnegationem abiiciamus, ima-
ginantes videlicet nō generabile, nō corruptibile, nō cō-
prehensum loco, non accidentibus variū, non mobile
secundū locum, nō vlla ratione mutabile, non cōpositum
vlla cōpositiōne, non habens initium duratiōis neq; ter-
minum, nō visibile, non vllō sensu sensibile, atq; ita in ce-
teris omne quod imperfectū est abnegando. Dicimus si-
gnanter abnegando omne quod imperfectū est. Nō epīm
omnia debent à Deo abnegari, quæcūq; possunt in rebus
corporalibus inueniri, sed ea quæ aliquā includūt imper-
fectiōē. Non enim dicimus Deum non ens, neq; non in-
telligibilem, neq; non amabilem, cum hæc nullā includāt
imperfectiōē. Perfectiōnis namq; est, esse intelligibile &
esse amabile: quoniam quod non est intelligibile, non est
ens: & quod non est amabile, non est bonum. Sed per ab-
negatiōē Deo attribuiamus, quod sit non sensibilis: quo-
niam sensibile esse includit imperfectiōem. Non enim
sunt sensibilia per se nisi accidentia, neq; per accidens nilū
quæ accidentia in se suscipiūt. Atq; hīc modus, per omnis
imperfectiōnis abnegatiōem sic Deum cognoscēdi, pro
hoc statu nobis est facilimus & familiarissimus: quemad-
modū pulchre id declarat diuinus ille Theologorum fa-
cile princeps Dionysius Areopagita, in iis quæ super Diui-
nis nōminationibus descripsit. Alius est modus, quo
Deum cognoscimus secundum superexcellentiā, ut cū
ex re quam conspiciamus oculis, & ut pulchram atq; ama-
bilem æstimamus per virtutem intellectus agentis, se su-
per huiusmodi phantasma & æstimationem cōuertentis,
efformamus in nobis speciem talis cuiusdam rei quæ sit
summe pulchra, summe iucūda, summe amabilis, summe

Deus cognoscitur per abnegationem.

Dionysius Areopagita.

desiderabilis, ita ut non possit res cogitari pulchrior, neque iucundior, &c. Ita cum videntes ignem fortiter agere, & Solem potenter in his inferioribus & mirabiliter operari ex phantasmatum huiusmodi per virtutem agentis intellectus efformamus in nobis speciem alicuius rei maxime actiue; ita quod nulla res possit esse æque actiua, & ipsa sit omnibus magis actiua. Sic ex re modicæ durationis intelligimus ens maximæ & longissimæ durationis, ex re modicæ perfectionis rem maxime perfectionis, cui nulla dari possit res æque perfecta, & quæ omnibus aliis est perfectior; sicque in omnibus aliis conditionibus, quas in creaturis cognoscimus aliquid perfectionis habentibus. Et horum fere modorum altero comparatur in nobis omnis quæ de Deo naturaliter contingere potest cognitio.

Quomodo Deus cum secundum se maxime sit intelligibilis, à nobis tamen difficillime cognoscatur.

Notandum tamē quod huiusmodi cognitiones non sunt intellectui humano secundum suam excellentiam simpliciter naturales, sed tantum propter colligationem cum hoc corpore, pro statu isto, in quo nihil potest intelligere nisi ex sensibilibus & phantasmatibus. Alioquin ipse Deus per semetipsum est maxime ab intellectu perceptibilis, & post Deum Angelicæ creaturæ magis sunt quam corporeæ intellectu perceptibiles. Cum enim ens siue verum (quæ adinuicem convertuntur) obiectum sit intellectus, quæ admodum color visus consequitur, quo unum quodque habet perfectiorem entis naturam & perfectiorem entitatem, eo magis esse ipsum perceptibile intellectu, quæ admodum id quod maxime habet coloris naturam (id est, perfectissimus color) per se est maxime visu perceptibile: ite & maxima perfectissimaque lux, quantum est ex parte sui, maxime est visibilis. Verum sicut in his sensibilibus non semper id quod ex se maxime visibile est, potest maxime à sensu videri, propter imperfectionem organi, vel debilitatem sensum, ut maxima & fulgidissima lux Solis minime potest ab homine videri, non quia ex parte ipsius huius lucis, quæ nihil est magis per se visibile, sed ex imperfectione visus nostri, qui tam excellens sensibile non potest ferre. Ita profecto nobiscum quantum ad intellectum res habet, donec sumus in corpore mortis humani. Corpus enim hoc quod corrumpitur (iuxta Sapientis ver-

bum

Cognitio
Dei per ex-
cellentiam,

Deus per se
maxime co-
gnoscibilis
est ab intel-
lectu.

bū) aggrauat animā, & deprimat terrena inhabitatio sensum multa cogitantē. Tamen enim Deus ipse per se maxime sit intelligibilis à nobis corporeæ autē creaturæ per se minime; nos tamen e contrario, quod maxime per se est intelligibile, egerime, difficilimeq; intelligim⁹, quæ verò minime, multo facilius. Similes enim sumus noctuis & vesperiliōibus, quæ lumē præclarū diei ægerrime cōspiciūt, noctis autē tenuissimo lumine gaudēt. Et quemadmodū humanū visus melius faciūsq; Solis imaginē contuetur in aqua relutētē, quā Solē ipsū in sua substantia, eo quod tam lucidos radios directe in se reflexos nō ferat oculus: ita lucē illā beatissimā primo ex se intelligibilē, melius in speculo & in sua imagine (id est, in creaturis) aliquo modo repræsentatā quā in se ipsa cognoscimus. Hoc enim est, quod de sapientibus quibusdā Romanis scribens ait *Roma. 11:* Apōstolus: Quod notum est (inquiens) Dei, id est, de Deo manifestū est in illis. Deus enim illis manifestauit. Volens autē explicare, quomodo illis Deus sui manifestasset cognitionem, subiungit. Inuisibilia enim Dei, à creatura mundi, per ea quæ facta sunt intellecta cōspiciuntur: sempiterna quoq; eius virtus & diuinitas. Hæc enim sensu nequaquā perceptibilia, per creaturas & in creaturis velut in quibusdā speculis, intellectus eorū perspicax & admodū exercitatus in depurandis phantasmatibus & abstrahendis materialibus cōditionibus, quantū opus erat cognouerat ut nō esset eis relictus excusationis locus. Cū verò huic lumini naturali intellectus agentis, additum fuerit lumē aliud spiritualis gratiæ, missum desuper, tum vere mirabilis efficitur intellectus ipsius agētis perspicacitas, ita ut iā non solū in speculo creaturarū, verū etiā aliqua ex parte incipiat in semetipso Deus ab homine cognosci. Est enim sancti spiritus gratia intellectui agētī in adiutoriū, propter nimiam ipsius solius debilitatē, quemadmodū si in oculū aliquem infirmū aquam infundas rosaceam, vel aliā magnæ virtutis, quæ oculū prius Solis lumen nō ferentē nisi in imaginē (ut in aqua vel speculo) ita cōfortet, ut eū iam possit in sua rota contueri. Cū autē tali lumine superno adiutus fuerit intellectus agens, poterit in intellectu passibili efformare Dei similitudinem, absque conuersione, ad phantasmata: conuertendo scilicet sese ad

Quantū in intellectu proficiat adueniēs gratia spiritus sancti.

ipsum Deum: quod alloquitur ali non adiutus lumine, minime valeret: quemadmodum oculus sic aliquo auxilio confortatus, non per conuersionem ad Solis imaginem vltra acciperet speciem eius. sed per conuersionem ad ipsum. met solem in sua substantia & fulgore. Et in futuro, quando olim perficietur in nobis lumen istud (supernaturale, quod nunc per spiritum diffunditur in electorum cordibus, fidei enigmatica obscuritate conuersa in claritatem apertæ visionis, perfectissime tunc deum absque mentis reuerberatione contuebimur, facie ad faciem sicuti est: tanquam si usque adeo hominis confirmetur oculus, ut directissime possit aciem visus in rotam Solis, in tota sua virtute per meridiei tempus relucens intendere absque vlla reuerberatione. Et commutabitur tunc quidem in nobis ordo intellectus modo mirabili, ut quomodo nunc primum intelligibile. Solem æternum & incorporeum, in corporeis imaginibus tenuiter cognoscimus, ita tunc e contra ratio corporea omnia in illa corporea luce contueamur. Omnia nanque in eo ut in speculo perfectissimo videbimus, & multo perfectius videbimus, quam ea in semetipsis valeamus cognoscere, quemadmodum etiam omnia in deo perfectius existunt, quam in semetipsis. Sed nos iam ab hac profundissima Theologia pedem retrahentes, ad reliqua intellectus agentis describenda officia styllum reducamus,

Quomodo intellectus aliquando singulariter, aliquando vniuersaliter intelligit.

CAP. XI.

Habet autem intellectus varias in sese operationes. Intelligit enim singulariter aliquando, aliquando vniuersaliter, aliquando concretè, aliquando abstractè. Et secundum hæc,

Diuiditur cognitio intellectiua in singularem & vniuersalem, cōcretam & abstractam. Et si membra ista adinuicem voluerimus cōmiscere, quædam est cognitio abstracta singularis, quædam abstracta vniuersalis, quædam concreta singularis, quædam concreta vniuersalis:

Cognoscit intellectus singulariter, quando notitiā format

mat in seipso, vnius alicuius rei singularis tantum repræ- *Cognitio in-*
sentatiuam, & nō alicuius rei cōmūnis neq; plurium sin- *tellectiua*
gularium simul: vt est notitia qua hunc hominē singula- *singularis*
riter intelligo quæ in voce respōdet huic dictioni, hic ho-
mo, vel Ioannes. Vñ enim cōceptu, vnāq; notitia singu-
lari non potest nisi vnā res singularis repræsentari. Viden-
tur autē dicere nōnulli; quod intellectus talem operatio-
nem in se nō habeat singulārē, existimātes hoc ad sensum
tantū pertinere; cognoscere singularia singulariter; intel-
lectum autē nō cognoscere singularia singulariter, id est,
cognitione singulari; sed vniuersaliter tantū, id est, in co-
gnitione vniuersali. Probabilius tamen est & verisimilius
intellectū etiam singulariter (vt diximus) posse singularia
intelligere, & primā intellectus cognitionem esse singu-
larem. Differentia autē inter sensum & intellectum hac
est, quod sensus solū singulariter apprehēdit. Intellectus
verō non dīco nō singularitet, sed non solū singulariter
verum etiā vniuersaliter cognoscit. Tamen hoc notandū
est, quod licet notitia singularis pro statu huius vitæ sit in
intellectu prior tempore, secundum tamen intellectus na-
turam, infima est. Multo enim digniori fungitur officio
intellectus, quando efficit in seipso operationem quā supe-
rat sensum, quam tunc cum efficit eā in quā cū inferiori
potentia sensitiua cōmunicat. Vnicuiq; enim re illa actio
magis secundū suam naturā cōpetit, quæ ei est peculiāris,
& per quā distinguitur ab aliis. Quapropter magis pro-
prie dicitur operatio intellectus cognitio vniuersalis, in
qua sensum excedit, quam singularis, in qua cum eodem
communicat. Et secundū hunc modum recte saluā verita-
te intelligi possit prædicta positio, dicentium intellectum
nō cognoscere singulariter, intelligendo intellectum
secundum suam naturam & propriam conditionem non
singulariter cognoscere. Veluti si dicamus hominem
non sentire, aut sentire non esse humanā operationem;
intelligendo de operatione hominis secundū quod homo
est, & cætera animalia superat. Hanc autē notitiam singu-
larem facillimē intellectus in se efformat, propter simili-
tudinē maximā phantasmatis & talis notitiæ. Cognoscit
autē intellectus vniuersaliter, quando in se ipse efformat
notitiam nō vnius alicuius indiuidui, sed plurū simul re-

Discrimē in-
ter sensum
& intelle-
ctum.

Cognitio in-
tellectiua
vniuersalis.

præsentatiuam, vel vnius alicuius rei communis, in quæ plura singularia conueniunt. Talem autem cognitionē intellectus agens format in intellectu passibili, per abstractionem à conditionibus materialibus, depurando videlicet speciem, qua sit notitia singularis, à conditionibus huiusmodi indiuiduantibus: quæ species sic depurata & abstracta repræsentat intellectui non rem vnā singularem, sed rem aliquam communem, in qua multa conueniunt singularia, & simul omnia singularia quæ in comuni illo conueniunt. Quod vt fiat clarius, subiiciemus manifestum exemplum. Cum enim hunc hominem (vt po-
te Ioannem) singulariter intelligo, non simpliciter in eam naturam humanam considero, sed tale indiuiduum sub conditionibus singularibus indiuiduantibus, quod hic est, & nūc, & talis coloris, ac tali dispositione dispositum, intelligo: & in quocunque hæ eadem conditiones indiuiduantes non reperiuntur, id non simul eadem notitia intelligo. Et cum conditiones indiuiduantes non nisi in isto singulari inueniantur, ideo hoc solum indiuiduum tali notitia singulari intelligo. At verò cū intellectus agēs super hæc notitiā eiusq; speciē se conuertens, incipit speciem illam atque notitiā depurare ab eiusmodi conditionibus particularibus, adiiciens quicquid est singulare, & solum ipsam spectans quæ est in indiuiduo, naturam humanam, ita efformat speciem intelligibilem cognitionis vniuersalis effectiuam, quæ ipsam humanam naturam repræsentat, & generaliter omnia quæ in hac natura conueniunt. Experimur autem hoc manifeste in nobis, frequenter ex singulari notitia formari cogitatum vniuersalem, singulari omiſſa: quemadmodum si ambulantes nobis per plateam contingat videre in fenestra sedentem simiam, primum quidem indubie notitiā singularem huius simiæ quam videmus accipimus: mox verò abstrahentes à conditionibus indiuiduantibus, de simia generaliter cogitare & loqui incipimus, mirabile animal esse simiam, & simiam esse imitatricem humanorum operum, simiam vultum habere vultui humano persimilem, & in multis gestibus admodum videri rationi propinquā, atq; alia huiusmodi cogitamus ac dicimus, nihil tamen ultra in particulari huius conspectæ simiæ mentionē facientes.

De notitia concretiva & abstractiva.

CAP. XII.

Interdum vero intellectus in seipso format notitiam concretivam, cum videlicet simul & subiectum & formam vel individuum, & naturam, vna notitia apprehendit.

Notitia cōcretiva.

Vt cum intelligimus hoc album, hoc dulce, hūc hominem, hanc simiam, &c. In his enim non aliqua forma, vel natura sola, sed pariter subiectū cum forma, & individū cū natura, vna notitia apprehenditur. Nam hoc album si explicetur, tantum valet, quantum hæc res habēs albedinem, vel hanc albedinem: & hoc dulce, hæc res habens dulcedinem, vel hanc dulcedinem: hic homo, hæc res habens naturam humanam: atq; huiusmodi sunt notitiæ cōcretivæ singulares. Talis autem est, omnis apprehensio sensus. Non enim visus hunc colorem separatim apprehendit, absq; subiecto in quo est: sed ipsum subiectū vt album intelligit, id est, hoc albū. Visus enim rē habentem colorem apprehendit, non separatim colorem: tametsi non nisi ratione coloris ipsum videat: sicq; color id quod per se & suuipius gratia percipitur. Quod autem sensus ita singulariter cōcretivè cognoscat, argumentum est, quoniā animalia de coloratis rebus iudicant: nō de coloribus. Neque de sono, sed de rebus sonantibus. Vnde pleriq; hominū nesciūt omnino, an sit color, vel sonus, vel odor. Et si quæras ab homine solo sensu vtente, quid videat, respōsione prōptissima mox respōdebit, se hanc rem, aut illam videre, vt pote arborē, aut dōmum, aut simile aliquā substantiam, nō autē ipsum assignabit colorē. Nisi forte subtiliores aliqui, nō ex sensu, sed ex intellectu colorē à subiecto abstrahentes, respondeant se colorē huius aut illius rei videre. Verū hæc respōlio manifeste ex intellectu procedit, non ex sensus iudicio. Ex quo patet, quōd cognitio singularis concretiva, omniū infima est intellectus operatio, quoniā in ea (vt supra diximus) cum sensu cōmunicat. Cognitio autem abstractiva est, qua intellectus separatim ipsam formā intelligit absq; materia, vel sine subiecto in quo secundū rē existit, aut naturam absq; individuo in quo est.

Sensus notitia est concretiva.

*Cognitio ab
abstracta.*

Habet enim hæc vim intellectus agēs, vt ex cognitione concretia representante subiectum simul & formā possit formare speciē solius formæ representatiuam, per quā distincte ac separatim formā possit intelligere absq; subiecto. Talis est cognitio quæ cognosco hanc albedinē, hunc sonū, hūc odorē. Et in hac notitia exceditur sensui ab intellectu, quoniā sensus nēquit à materia abstrahere; sed solius est intellectus hoc officiū. Et licet superius dictū sit phātica virtuti cōuenire compositionē & diuisionē; nō tamē diximus illi omnē diuisionē cōuenire. Potest enim (vt diximus) species in imaginatiua seruatas rerū in exterioribus sensibus perceptarū simul cōponere adinuicem & diuidere, vt humano capiti ceruicē equinā iūgere, & varias cōiungere formas, item hominē sine collo, & sine ventrē effingere. Non potest tamē formā à materia, aut accidēs à suo subiecto diuidere; quoniā vna eademq; specie subiectum & accidens, simul vna sensatione percipiūtur. Sicut autem exemplis iam declarauimus cognitiones intellectiuas singulares, quasdam esse concretias, quasdam abstractas: ita & de vniuersalibus est intellectiōibus dicendū:

*Cognitio cō-
creta vni-
uersalis.*

Interdum enim vniuersaliter & cōcrete intelligimus, quando videlicet nō ipsam communem naturam seorsum & diuissim, sed pariter cum illis in quibus inexistit, intelligimus.

Vt cum intellectus in se ipso generalem hominis facit notitiam, cogitando non de aliquo particulari homine singulariter, neq; etiā de ipsa in se humana natura, sed generaliter de eo quod in se habet humanam naturam. Homo enim si resoluitur, valet habēs humanā naturam, vel indiuiduum humanæ naturæ. Item cum generaliter albi formamus notitiam, non huius albi particulariter, neque albedinis ipsius abstractæ, sed generaliter albi huiusmodi notitiæ yniuersales sunt & concretia.

*Cognitio
vniuersalis
abstracta.*

Vniuersaliter verò & abstracte intelligimus, cum ipsum illud cōmune, in quo multa particularia cōueniūt cognoscimus, absq; cōintellectione eorum in quibus cōmunis talis natura existit.

Vt

Vt cum absolute humanā naturā cogitamus, de nullo homine cogitantes, sed tantū ipsam naturā illam omnibus hominibus communē (in qua omnes particulares homines conueniunt) in semetipsā cōsideramus, huiusmodi cognitio utiq; abstracta est. Similiter cū in generali albedinem intelligo, non facta cōparatione ad aliquid cui insit, abstracta quodāmodo cognitio est, quātum ad subiectū: quoniā videlicet nullum subiectū cointelligitur. Signanter dicimus talem cognitionē esse quodammodo abstractā, videlicet quātū ad subiectū. Nam albedinis conceptus generalis non penitus abstractus est, sed est partim concretus, cōparatione videlicet ad sua indiuidua, id est, ad particulares albedines. Quomodo enim omnes particulares homines in vna natura conueniunt, quæ dicitur natura hominis vel humana, sic omnes particulares albedines conueniunt in vna comuni natura specifica, quam appellamus naturā albedinis. Quapropter, sicut se habet homo ad sua indiuidua, ita se habet albedo ad particulares albedines. Sicut ergo vniuersalis notitia hominis est cōcreta, eō q̃ simul naturā & ea in quibus natura illa inuenitur particularia indiuidua repræsentet: ita & notitia cōmunis albedinis simpliciter cōcreta est quantum ad indiuidua, id est, hanc & illam albedinem, non autem quātū ad subiectū. Illas enim simul cū natura cōmuni albedinis repræsentat, à subiecto autem abstrahit.

Quare dicantur abstracta concreta, & de duplicibus abstractis.

CAP. XIII.

QUARE autem huiusmodi notitiæ dicuntur abstractæ seu concretæ, aut abstractiæ, vel concretiæ, nō admodum obscura ratio est: quoniā videlicet notitia illa quæ abstracta dicitur vel abstractiua, abstrahitur, & auellitur à subiecto, ita vt formam repræsentans non simul repræsentet subiectum: vel naturam communem repræsentans, non simul repræsentet singularia, quæ in ea communicant. Concreta autem notitia dicitur, à cōcernendo: quòd simul respiciat siue concernat subiectum & formam, vel indiuiduum & naturam.

Cum autē sit omnimoda abstractio, tam scilicet ab indiuiduis quàm à subiecto, talem notitiā

*Abstractio
ultima ab-
stractione.*

appel

appellant abstractam vltima abstractione.

Quid nō vltima.

Cuiusmodi est notitia humanitatis, quæ magis nō potest abstrahi, & post quam notitiam non potest fieri vltior abstractio. Aliam dicunt notitiam abstractā abstractione non vltima, cuiusmodi est notitia communis albedinis, quæ licet à subiecto sit abstracta, nondum tamen à singularibus: & ideo potest fieri vltior abstractio, dicendo, natura albedinis: quā proprio nomine efficto non male appellant (ad rei significationē commodius exprimendā) albedineitatem. Hæc autem abstractio est vltima, post quam nequit fieri vltior. Secundū prædictā verò considerationē etiam dialectici abstracta aut cōcreta appellant sua vocabula, iuxta quod abstractiuam vel concretiuā habent significationē: vt nomen albus concretū appellant, albedinē verò abstractū, sed abstractione non vltima: humanitatē autem vel albedineitatem, abstractione vltima. Quo verò modo & qua ratione id fieri possit, vt intellectus agens circa idē phantasma operans, & ad idē penitus phantasma se cōuertens, possit in se formare ita diuersas notitias (videlicet modo abstractiuam, modo concretiuā, modo vniuersalem, modo particularem) tamen difficile captū videatur, per exemplum tamē sensibile luminis super colorem cadētis, vtcunq; poterit fieri manifestum. Quemadmodum enim in splendidis columbæ pennis, diuersas contingit apparere colorum differentias, iuxta quod lumen super ipsas diuersimode cadit, & iuxta quod oculi ad ipsum respectus siue cōuersio variatur: ita existente in phantasia eodem phantasmate, intellectus potest vario modo se ad ipsum conuertere, & velut modis variis ipsum illustrare, iuxta quod intelligere vult, vniuersaliter vel particulariter, abstracte vel cōcrete: atque ita secundū variā hanc conuersionē, varias producit species in intellectu possibili, variasq; notitias efformat.

De memoria intellectiua.

CAP. XIIII.

QVemadmodū autē in rebus naturalibus videmus, id quod à formā in materia efficitur, à materia & in ea conseruari: itemq; in sensibus iam suprà ostendimus, species sensibiliū exterioribus sensibus perceptorū, in imagi natiua seruari, & intentiones phantasticæ virtutis in memoria

moria sensitiva: ita de intellectu passibili dicendum est, &
 non solum specierum sit ab intellectu agente productarum
 susceptivus, verum etiam susceptarum conservativus: ita
 ut possit species intelligibiles (etiam cum actu non sit in-
 tellectio) in se reservare, ad quas cum intellectus agens se
 voluerit convertere, sit intellectus in actu, per eiusmodi
 species non de novo formatas, sed in ipso servatas, tantum
 per novam conversionem intellectus agentis super ipsas,
 ad eum modum quo phantasia cum se convertit super species
 vel intentiones servatas in memoria, efficitur in ipsa phan-
 tasiatio atque estimatio, absque novae speciei vel intentionis
 production, tantum per veteris resumptionem & novam sui
 conversionem. Et haec est intellectiva memoria, quae in ho-
 mine ponitur. Omnino enim necessitas cogit fateri nos,
 quod sit in homine praeter memoriam illam sensitivam (de
 qua supradictum est priori libro quae suam sedem habet in or-
 gano corporeo, videlicet in posteriori ventriculo cerebri)
 alia memoria, tanto superior quanto intellectus superior est
 phantasia, pro conservatione videlicet specierum intelligibi-
 lium ab agente in intellectu efformatarum; sicut illa est con-
 servativa intentionum phantasticarum, & sensibilibus ab æ-
 stimatiua sive phantastica virtute elicitarum. Impossibile
 enim foret, species intelligibiles (quibus mediatis sunt
 intellectus operationes) servari in organo corporeo, sicut
 foret impossibile, species sensibiles sive intentiones conser-
 vari in intellectu. Sunt enim haec crassiores, quam ut altis-
 sima intellectus potentia possint ingredi: & illae nobilio-
 res sunt, quam ut in corporea crassa & materiali possint
 servari. Et quoniam haec memoria secunda nobilior intelle-
 ctui servit, intelligibiles species & intentiones conservan-
 do, ideo ad differentiam alterius memorativae virtutis ap-
 pellari solet memoria intellectiva, ut illa a sensu (cui ser-
 vit, & cui species intentionesque retinet) dicitur memoria
 sensitiva, vel corporea. Estque inter has duas memorias dif-
 ferentia tanta, ut possit altera a corpore separari, altera non
 possit. Quae enim corporeum habet organum, & sensitiva
 memoria dicitur, deficiente corpore, & ipsa deficit, quae-
 admodum ceterae illae omnes potentiae quae organa habent
 corporea, simul cum corpore creduntur interire. Intellecti-
 va autem memoria corpore moriente, in anima permanet, &

Memoria in
 intellectiva.

ea quæ feruat nō perdit, sed retinet, quod immateria-
lis sit potentia, & nulli corporeo organo alligata. Neu-
tra autem harū duarū memoratiuarum viriū sola homi-
ni sufficeret, pro statu huius vitæ, propter duplicē in ho-
mine cognoscitiuam virtutē, sensitiuam scilicet & intel-
lectiuā. Propter quod, duplici etiā memoratiua opus erat.
Neq; enim memoria sensitiva posset intelligibiles species
cōseruare, neq; intellectiua species intēriōesq; sensibiles.

*Dubitatio
de memoria
intellectiua.*

An memoria intellectiua distinguatur ab intellectu. C A P. X V.

CAeterū, an hæc potētia, de qua nūc loquimur: intel-
lectiua videlicet memoria, verē realiter, distinguatur
ab intellectu passibili; id profecto difficultate non caret.
Sūt enim in utraq; partē probabiles rationes. Pro distin-
ctione enim reali facere videtur, qd cōseruare & fuscipere
in sensibus nusquā videtur ad eandē potētiā pertinere.
Sensus enim exteriores recipiunt primo; & ab illis sensus
cōmunis, nō autē cōseruāt: sed habēt imaginatiuā cōser-
uantem. Itē æstimatiua (quæ recipit in se ipsa intētiōes,
quas elicit ex speciebus imaginatiuæ) adiunctā habet cō-
seruatiuā memoriā. Et certū est in sensitiuis potētiis, me-
moriā cōseruantē realiter distinguī ab æstimatiua. Vide-
tur ergo (nisi ratio possit dissimilitudinīs debita assigna-
ri) etiā ita de intellectu & intellectiua memoriā dicendū.
Præterea, si species intelligibiles cōseruarentur in ipso
met intellectu, non indistincta potētia: quæ esset causa,
quorū nō semper intellectus intelligeret actū omnia quo-
rū haberet species? Tunc enim sit sensus in actu, quando
habet in se speciē sensibilem. Itē, quomodo nō impedi-
retur intellectus à recipiēdis nouis speciebus & cōparan-
dis notitiis nouis rerū nō antē cognitarū, cū plenus esset
speciebus apud se cōtēntis? Nā intus existēs prohibēt ex-
traneū. Item, quomodo saluabitur in homine ratio ima-
ginis, quæ secūdū tres istas potētiās, memoriā, & intelle-
ctū, & voluntatē, solet in homine ab orthodoxis patribus
assignari, si eadē est memoria cū intellectu? Hæc fere sunt
quæ pro diuersitate solēt adduci. In cōtrariā autē partē,
pro idēitate reali multū cōsiderationē nostrā mouet no-
bilitas intellect⁹ humani, qui p se videtur sufficiens ex sua
natūra ad fungēdū officio illo, cuius gratia alij volūt no-
uā ponere potētiā. Et quia nō est absq; necessitate vel

*Opinio con-
traria.*

—vtilic

utilitate euidēti constituēda pluralitas, si omnia cōmode saluari possint absq; reali distinctiōe, videbitur id magis ad nobilitatē humani intellectus pertinere, q̄ talis interimatur distinctio. Suprà enim ostendimus quāto paucioribus potentiis, & formis res quælibet attingit maiore perfectionē, tanto eam esse nobiliorē. Vnde si eadē omnino & tota perfectio dicatur homini conuenire per duas has tantū potentias, quā alij per tres illas realiter distinctas dīcūt cōuenire, aliquo gradu eleuatur dignitas animæ rationalis. Illa verò quæ pro reali diuersitate obiecta sunt, facile vidētur congruis respōsionibus dissolubilia. Facile enim qui pro idētitate loqui voluerit, respōdebit intellectum ob suā perfectionē id habere peculiare (quomodo multa alia habet etiā maiora) vt simul & suscipere in sese & cōseruare in semetipso possit, tæcti id in sensitiuis viribus minime inueniatur. Itēq; pfectioni adscribi poterit intellectus, q̄ species priores cōseruare possit absq; prohibitione aduenientiū. Nā intus existēs prohibere extraneū, manifestū est de corporeis intelligi. In spiritualibus nanq; mille angeli in loco aliquo existētes, nō impediunt quin & alij mille adueniāt in eodē penitus loco. Itē quod obiiciūt, intellectū semp fore in actu p illas species quod semp eas haberet præsentes, respōdebūt alii, malo inferri cōsequio. Nō enim sufficit speciei inexistentia, nisi fiat intellectus ad ipsam speciē cōuersio. Imō & in sensu exteriori contingere potest, vt specie in oculo recepta, nō fiat actu visio. Ratio quoq; imaginis per distinctiōē rationis satis potest saluari, vt illa rationis diuersitas q̄ est inter memoriā & intellectum absq; differētia reali, similitudo quadā sit diuersitatis personalis, quæ est inter patrē & filiū absq; distinctiōe essentiali. Vel assignabitur trinitatis imago in memoria, intelligētia (id est, actu intellectus qui ex memoria gignitur) & amore ad intelligētiā ex memoria consequente. Nos verò impræsentiariū nihil super hac re firmā asseratione definire volumus, cōtēti, dubiū & dubij causas proposuissē: tæcti ex præcedenti capite nos idētitati magis fauere indicauerimus. Hoc tantū certum relinquimus, intellectuam memoriā esse ponendam.

Solutio obiectionū prioris opinionis.

De multis, in quibus, ratione intellectus, homo cetera excellit animalia.

CAP. XVI.

Quan

Quāquā ex prædictis liqueant quādam præcellentiam, quibus superat homo ratione intellectus cætera animalia, utpote quod intellectus in seipso possit efficere species omnium rerum intelligibiliū, cum nō possit sensus efficere in se species rerum sensibiliū, item quod possit vniuersales & abstractiuas notitias in seipso formare, quod nō potest sensus, & alia quādam huiusmodi: ad pleniorē tamē intellectus naturalis cognitionē, volumus & alias quādam hominis excellētias super animalia cætera distinctius aperire, quæ illi ratione intellectus cōueniūt. Inter quas vna nō minima est, quod homo nō solū voces audire potest, sed vocū etiam significationē percipere, resq; significatas per ipsas voces apprehendere. Id enim nulli aliorū animalium præter quā homini datū est. Bruta namq; animalia voces quidem audire possunt, ut sunt quidā soni (nimirum quomodo alios sonos rerū audiunt inanimatarū) significationes autē vocū nō percipiunt, vocū dico ad placitū significantiū. Et licet vocū quarundā videantur significationē percipere, ut gallinæ, cū certa acclamatione ad pastū vocātur, equi, cū in curru certis aurigæ vocibus, vel procedūt, vel sistūt gradū, item canes, cū suis nominibus, quibus appellari solent, à suis domesticis vocati accurrūt, nō est quod significationē intellectu percipiant, sed quia per consuetudinē hoc ita est illorū phantasiæ impressum, ut cū talia audiunt nomina, debeāt vel accurrere, vel fugere, vel procedere, vel figere pedē. Quod autē nō percipiāt hæc animalia significationē vocū huiusmodi, manifesto probatur indicio in canibus illis quos sic edoctos videmus, ut nihil accipiant cibi, nisi quod nomine certæ personæ, aut certarū personarū eis porrigitur: quēadmodū sub nomine Cæsaris, aut Regis, aut alterius alicuius, cuius nomē fuerit ipsorū impressum phantasiæ. Cū enim cibū oblatū (audito nomine Cæsaris, vel Regis illius in cuius nomine institutus est) acceptat, ac māducat caniculus, nō hoc inde est quod intelligat quid nomine Cæsaris aut Regis significetur. Neq; enim quid Cæsar sit, neq; quid Rex, nouit, neq; minus sub trunci aut vespertilionis nomine faceret, si sic esset institutus. Sed propter consuetudinē multis verberibus & multa ieiunij maceratione acquisitā in æstimatione ita naturaliter mouetur ad certas actiones ad quas fuerit edoct

Solus homo, vocū significationes percipit.

Nota de canibus edoctis.

edoctus, siue verius assuefactus: non autem, quod vllam vocis significationem percipiat. Et quomodo per assuefactionem fieri potest, vt irrationalia quædā certas voces pronunciare discant, nequaquā autem vt quod proferunt intelligant, aut significationē vocis percipiant: ita in proposito licet per assuefactionē instituantur ad certarū vocum auditum hoc vel illud agere, non tamen possunt ita edoceri, vt significationē vocis intelligant. Hæc ergo est hominis præcellentia (ratione intellectus) vt solus possit vocum ad placitum significantium percipere significationē. Quod autem de voce dicitur, idē & de scriptura intelligitur. Imò & de nutibus certis ad placitum significantibus, quibus homines mutos, vel linguā ad verbera laxare nolentes videmus sui animi conceptū exprimere, eisdem loco vocum aut scripturarum vtentes. Hæc enim omnia, scilicet voces, scripturæ, nutus, ad placitum significantes, nō nisi illis cōueniunt in vsu quæ intellectu sunt prædita. Quæ autem sensum tantum habent, non nisi illarum vocum significationes percipiunt, quæ naturaliter sunt significatiuæ, aut quæ ex consuetudine (quæ altera est natura) aliquo modo eis significant.

Quod solus homo docere vel doceri possit, deque duplici magisterio.

CAP. XVII.

EX quo deinde alia cōsequitur hominis præcellentia, solū videlicet hominem esse capacem disciplinæ, solūque hominem inter omnia animalia posse docere, vel doceri. Omnis enim instructio fieri debet per signa aliqua ad placitum significantia, quæ dum ex parte vna docens proponit discipulo, & ex parte altera discipulus accipit à docente, percipitq; significationes signorum quæ ille proponit, ita in intellectu cōparat sibi rei quam docetur notitiam. Vnde nisi signa aliqua communia habeant doctor & discipulus, quæ ab vtroq; intelligantur, impossibile est fieri doctrinationem. Veluti si doctor vtatur sermone Indico, aut Arabica scriptura, cum docendus nō nisi Latine nouerit, impossibile erit sic doceri discipulum.

De modo tamen docendi notandū est, quod cum homo vnus alterum docet, ipse docens non format in discipulo specie intelligibilē rei quā ipsum docet. Est enim id homini pro hoc statu impossibile, vt per suā actionē imprimat

*Quomodo
homo homi-
nem doceat.*

speciem, vel cognitionē in intellectu alterius. Sed docens tantum ministrat discipulo, vnde sibi formet speciem rei quam ipsum docet, & vnde intellectus ipse agens in passibili efformet notitiā eius rei quā docet doctor. Voluntas autem hęc intelligi de instructione illa, qua homo hominem docet, nimirum quod homo docens non possit in intellectu discipuli speciem imprimere, neq; notitiā efficere, signisq; egeat quibusdā, vt per illorum ministeriū docere possit (velut mediate) discipulum. Deus enim benedictus cū intellectui nostro infederit, per fidē (iuxta Apostoli vocem) in corde nostro inhabitans, verē efficere potest in nobis cognitionē omnium eorum quę ipse nos docere voluerit, absq; vllis signis vocum aut scripturarum. Qua in re patentissima est hominis foris verbo vel scripto docentis diuersitas, ab eo qui menti insidens hominē docet interius. Ille enim tantū vt minister laborat, intellectui subministrādo vnde sua virtute possit in se formare rerū cognitionē. Hic verō non vt minister, sed vt principalis effector, operatur in nobis rerū cognitionē. Vnde de eo scriptū est, *Qui docet hominē scientiam*. Et iterū, *Vnctio eius docebit vos de omnibus*. Ac rursus ex ore veritatis, Cum venerit paracletus, quem ego mittam vobis, docebit vos omnem veritatem, docebitq; vos omnia quę cunq; dixero vobis. Nam (iuxta beati Gregorij sententiā) mox vt tetigerit mentē spiritus, docet: solumq; tetigisse, docuisse est. Neq; vllis eget doctor iste signis, quibus hominē doceat: cū homo hominē docens egeat vocibus, vel scripturis, vel vt minimū nutibus. Cuius quidem diuersitatis causa oritur ex prædictis. Quia enim Deus interius docens, per semetipsum efficit cognitionē veritatis, idcirco signis non eget ministerialibus. Homo verō qui per se nō potest agere in intellectu alterius, signis eiusmodi indiget, quibus velut ministerialiter in altero cognitionē alicuius veritatis inducat. Propter quod, verius dixerimus discipulum seipsum docere, quā doceri ab alio, veriūsq; seipsum efficere scientem quā ab alio scientem fieri, cū ipsemet intellectus principalis sit effector talis cognitionis quę in ipso acquiritur, doctor autē exterior tantū ministerialiter cooperetur. Cuius etiā est euidentis indicium, quod illos qui boui sunt ingenij & viuacis intellectus, ex

*Deus quo-
modo docet.*

Eph. 3.

Psal. 93.

1. Ioan. 2.

Ioan. 16.

Et 14.

Gregorius.

paucissima magistri instructione videamus multo maiorem cognitionem rei de qua erudiuntur acquirere, quam alios minus ingenio pollentes ex instructione multo copiosiori. Et in quibusdam frustra omnis impenditur labor, peritque omnis præceptorum opera, cum videlicet tam est hebes discipulorum intellectus, ut non possint ex ullis vel vocibus, vel scripturis ad scientiam in sese gignendam pertingere. Atque hinc rursum inter docentem extrinsecus hominem, & interius docentem Deum, alia differentia est, quod illi docenti obstat discipuli hebetudo: huic autem non obstat. Tam enim facile est sancto Spiritui, rudissimum maximeque hebetem hominem docere scientiam suam vocatione, suoque interno magisterio, quam hominem ex naturali dono felicissimo ingenio præcellentem: id quod in piscatoribus & teloneariis Apostolis apertissime ille omnium artifex demonstravit. Videlicet in proprio diuersitatis ratio est, quia docens homo principalem gignendam scientiam operationem, intellectui discipuli committit. propter quod si ille impotens fuerit ad formandum in se scientiam ex oblati per instructionem, nihil ultra valet præceptor, impediturque fructus instructionis eius. Deus autem per se intellectui hominis cognitionem imprimit, & in eo efficit per seipsum, cui nihil est difficile, & cui nulla res potest esse impedimento in sua actione, cum sit eius infinita virtus. Per accidens tamen peccata dicuntur impedire hanc interioris hominis à Deo instructionem, quatenus videlicet non dignatur Deus in illis operari qui sunt peccatis subiecti, iuxta illud Sapientie, In maleuolam animam non introibit sapientia, neque habitabit in corpore subdito peccatis. Quapropter huius internum magisterium super omnia nobis semper optandum est desiderandum, & votis omnibus incessanter postulandum. Et multo melius sibi consulunt, qui per vitam Deo dignam & precem assiduam internum istud sibi student comparare magisterium, quam illi qui maria enauigant & terras perambulant, ad audiendos doctissimos præceptores, vel qui noctes atque dies legendis libris quantumvis eruditissimorum hominum insistent. Tamen si enim (Hieronymo teste) aliquid habeat latentis energiae viua vox, & de præceptoris ore in discipuli aures transfusa fortius sonet, quamuis etiam plurima doceant attentum lectorem scripta doctorum hominum (quibus velut mutis quibusdam præceptoribus in subsidium vel

Sapientia.

defectum viuentiū doctorum vtimur) atramen tam illis
 uiuis quantumuis eloquentissimis, quā his mutis quan-
 tumuis doctissimis longe fortius, longe efficacius, longe
 celerius, longe facilius, lōge planius ille doctor internus
 operatur in intellectu hominis, cui infuderit cognitionē
 omnis veritatis: id quod in pluribus tā veteris quā noui
 Testamēti patribus euidentissime monstratum est, atque
 etiā nūc quotidie ante oculos cernimus, dum homines nō
 paucos idiotas & simplices, humanæ literaturæ nihil ha-
 bētes, multo limpidiore, multo solidiorem, multoq; per-
 fectiore experimur habere veritatis cognitionem, ex in-
 ternæ vnctionis magisterio, quā habeāt ij, qui inter homi-
 nes doctrina habentur celeberrimi. Merito proinde cū
 paruulo illo ouicularū pastore cantantes dicamus, Boni-
 tatē, & disciplinā & scientiā doce me, quia mandatis tuis
 credidi. Et iterū, Reuela oculos meos, & cōsiderabo mira-
 bilia de lege tua. Dirige me in veritate tua, & doce me.
 Vias tuas dñe demonstra mihi, & semitas tuas edoce me.

Psal. 118.

Psal. 24.

*Quòd solus homo componat & diuidat, secundum affirmationē
 & negationem.*

CAP. XVIII.

ESt præterea homini ex intellectu hæc præcellentia su-
 per animalia cætera, quòd solus ipse componat ac di-
 uidat secundū affirmationem atq; negationē, vnā videli-
 cet notitiā alteri vniendo per verbalem copulam, cogno-
 scendo hoc aut illud esse tale vel tale, vt hominē esse ani-
 mal, animal esse substantiā, Deum esse diligēdum, homi-
 nem non esse equum. Neq; hoc tantum, verum etiam hu-
 iusmodi affirmationes plures aut negationes potestatem
 habet pariter cōiungendi per signa aliqua ad coniungen-
 dum apta, variis modis, iuxta quod ille plures affirmatio-
 nes, aut negationes natæ sunt adinuicem cōnecti atq; cō-
 iūgi, & iuxta quod certā cōnexionē ille voluerit significa-
 re. Cognosco enim per intellectū, quòd homo sit animal,
 & nō sit lapis: cognosco Deum esse summe bonū & sum-
 me honorandū atq; diligendū. Item cognosco quòd ho-
 mo sit mortalis, vel quòd nō sit mortalis, cognosco quòd
 si homo sit animal, sit etiā substantia: & quòd si nō sit sub-
 stantia, nō sit animal. Itē cogitādo plures huiusmodi affir-
 mationes vel negationes, eam quæ consequitur infero ex
 illis ad quas consequitur, formoq; talem apud me cogita-
 tio

tionem. Omnis homo disciplinæ capax est: hic homo certe homo est: ergo est & disciplinæ capax. Et hæc omnia quæcūq; homo sic cogitat, potest similiter per intellectū apte exprimere, vocibus ad ea significanda apte effectis; item & scriptura correspondente. Neque vllus potest esse in intellectu cogitandi modus, qualiscūq; cōnexionis, vel copulationis, quem non valeat voce ad hoc aptata aut respōdente scriptura exprimere. Si enim cogiret indicādo, habet verba modi iudicatiui, quibus exprimat quod intēdit verū aut falsum manifestare: si imperādo cogitet: velitq; fieri aliquid ab altero, habet modū imperādi: si optādo cogitet, habet modū optandi. Si de tempore præsenti aliquid facere aut fieri cogitet, habet præsens temporis verba, quibus cogitatum exprimat. Si tempus præteritum cogiter, habet verba tēporis præteriti: si de futuro, futuri. Si de pluribus cogitet, exprimet per numerū pluralem: si de vnico, per numerū singularem. Sic in personis verborum, in casibus nominum, in significationibus aduerbiorum, potestatibus coniunctionum, & in cæteris omnibus vocibus quomocunq; significantibus, est dicendum;

Quomodo intellectu ratione compositionis & diuisionis inest veritas & falsitas.

C A P. XIX.

PER hanc autē cōpositionem, inest intellectui veritas & falsitas, quæ nulli inest alteri inferiori potentia. Cum enim intellectus format sibi affirmationem vel negationem veram, est in intellectu veritas: cum falsam, falsitas.

Est autem affirmatio vel negatio vera, quando ita in intellectu repræsentatur, sicut est in rebus.

Quod tunc quidem est, cū ea secundū affirmationem cōiunguntur in intellectu, quæ secundū rerum naturam cōueniunt, & eo modo quo conueniunt. Vt cū cogito hominem esse animal, vera est intellectus hæc affirmatio, quoniā ita cogito vt res habet. Coniungo enim per intellectū ea quæ secundum rei naturam conueniunt. Genus enim iungo speciei, quæ secundū naturam ad idē spectāt. Signanter verò adiectū est, & eo modo quo conueniunt. Cum enim cogito, omne animal esse hominem, non est in cogitatione ista veritas, quoniam ea quæ conueniunt non eo modo compono quo cōueniunt. Non enim secundum

totam suppositorū vniuersitatē genus cū specie cōuenit, atq; ideo ita species nō debet componi cū ipso secundum vniuersalem denotationem, cū signo vniuersali, sed tantū particulari. Vera tamen est cogitatio, omnē hominē esse animal: quoniā hīc eo modo componuntur, quo secundū rem iuncta sunt, genus & species. Genus enim speciei cōuenit, secundum totam vniuersitatem suppositorum siue singularium. Per oppositū facile liquet, quando sit falsitas in intellectus affirmatione.

Est si quidem cum non ita est in re, quomodo in intellectus operatione esse repræsentatur.

Vt cum hominem esse asinū intelligo, falsitas iuest intellectui, eò quòd cogitatio, rei non respondet. Non enim ita se res habet. Item cū cogito, omne animal esse hominem. Aliter enim se res habet. Fit autem hoc, cū illa iunguntur per affirmationem in intellectu, quæ secundum rem non conueniunt: vel cum ea quæ cōueniunt, non secundum eum modum iunguntur quo conueniunt, vt est videre in exemplis mox adductis.

Secundū negationē intellectui inest veritas, quando negādo ab inuicem disiungit, diuidit ac separat, quæ secundū rem ab inuicem sunt disiuncta, & eo modo quo disiuncta sunt.

Vt cum intelligo hominem nō esse asinū, veritas inest intellectui: quoniā diuido, per intellectum, quæ ab inuicē secundū rem sunt distiuncta, & eo modo quo sunt diuisa. Item, cum intelligo quædam animalia non esse homines. Sic enim diuido speciem à genere, quomodo secundū rem diuisa est, videlicet secundū aliquam partem suppositorū generis quæ à prædicata specie omnino sunt separata.

Cum verò diuido intellectu, quæ secundū rem nō sunt diuisa, aut aliter diuido quàm sint secundum rem diuisa, falsitas inest intellectui.

Veluti cum cogitauero hominē non esse substantiam, aut nullum animal esse hominem. Ex prædictis patet, quod veritas & falsitas per se nō sunt nisi in intellectu. Quòd autem affirmationes vel negationes vocales aut scriptas
dic

dicimus veras aut falsas, non nisi per accidens, est quoniā videlicet expressiua sunt vel significatiua intellectiōis veræ aut falsæ: dicunturq; propositiones vocales aut scriptæ veræ aut falsæ, tantū extrinsece. Ipsa autē affirmatio atq; negatio intellectus intrinsece est vera aut falsa. Quod verò nec vocali propositioni, nec scriptæ realiter insit veritas vel falsitas, manifeste patet quoniam potest vocalis ista affirmatiua, qua affirmo hominem esse asinum, ex falsa fieri vera, absq; vlla reali mutatione circa ipsam facta, si tantum mutetur significatio, & impositio alia fiat, qua asinus idē iubeatur significare quod animal. Nā talis noua impositio fieri potest, per voluntatē hominis, absq; vlla mutatione reali vocis vel scripturæ illius, homo est asinus.

Quod bruti non componant vel diuidant, nec ratiocinantur.

CAP. XX.

QUod autem nonnulli putant æstimationē potētiam posse in particularibus aliquā affirmationē vel negationē facere, aut etiā aliquo modo ratiocinari, id ex ignorantia venit philosophiæ. Quod etiam vulgo dicimus, canem iudicare hunc cibum esse sibi conuenientem aut disconuenientem, non ita debet intelligi, quasi talem in se faciat compositionem, in qua rationem appetibilis & conuenientis componat per verbalem, compositionem cum ratione huius cibi. Est enim hoc planē excedens facultatem sensus. Sed hoc significare volumus, quod cibū illum apprehendat sub ratione conuenientis. Neq; enim aliud est quod dicimus, Canis iudicat hūc cibū conuenientē & prosequendum: quā si dicamus, Canis hunc cibū apprehendit secundum rationem vel æstimationē conuenientis, vel prosequendi. Ita cum in biuio canem quidam iudicant ratiocinari: ex mera est ignorantia Philosophiæ, quod naturam sensus ignorent. Non enim ratiocinatur canis, quasi plures affirmationes ad inuicem componat per cōiunctionem inferentem, hoc modo. Hic odor est relictus à lepore, transit ergo hac lepus qui odorem reliquit. Item, hic vestigium est impressum leporis ergo huc lepus fugit. Est enim id existimare, planē ridiculū. Dicitur tamen interdū canis id argumentari vel colligere ex odore seu vestigio, loquutione nimis impropria: quatenus videlicet odoris vel vestigij imaginatio phantasiā mouet ad

*Intellectus
practicus et
speculati-
uus.*

prosequēdū leporē, & quia admodū hominis ratiocinātis se habere videtur. Relinquitur ergo, in solo homine esse cōpositionē & diuisionē secūdū affirmationē vel negationē, itē secūdū quācunq; cōiunctionalē vnionē. Et quādoq; quidem cōponit homo ac diuidit de iis quæ tantum ad speculationem faciunt, nō autē ad actionē: & secūdū hoc dicitur intellectus speculatiuus, vt cū intelligo hominē esse animal, scientiam esse habitū, Deum esse primum ens, & similia. Quādoq; vero intellectus cōponit, & diuidit in his quæ ad actionem pertinent, & dicitur intellectus, practicus, à Græco vocabulo praxis, quod significat actionem vel operationem. Vt cum intelligo Deum esse super omnia diligendū, proximis faciendū quod nobis velimus fieri, iustitiam in omnibus esse teneudam vel singulariter, nunc dandam esse elemosynam, hunc hominem debere cōsilio iuuari, hoc opus nunc faciendū esse, &c.

*Solum hominē per intellectū cognoscere propriam excellentiam
et quomodo intellectus seipsum intelligat. CAP. XXI.*

Habet præterea ratione intellectus homo, vt omnem suā excellentiā quæ in ipso ab optimo creatore posita est, suāq; nobilitatē & dignitatē in qua magnifice admodū exaltatus est, valeat agnoscere, & pro dignitate estimare atq; ponderare. In quo manifeste ab aliis rebus naturalibus omnibus distinguitur. Cælum enim quanquam sit admodum nobile, habeatq; incorruptibilitatem & impassibilitatē & summā actiuitatē, non tamen horū quicquā cognoscit se habere. Itē Sol quanquā ita est formosus in stola sua, ita gloriosus in splendore suo, ita efficacissimus in virtute sua, nihil tamē horum se habere cognoscit. Sed neq; bruta animalia, perfectionē viriū in ipsis positarū intelligūt. Et quia solus homo potest cognoscere bona quæ habet, soli etiā homini cōuenit gaudere & lætari pro iis quæ habet: cæterarū autē creaturarū naturalium omnino nulla de sua perfectione & nobilitate potest lætari vel gaudere. Gaudiū enim & lætitia consurgit, cū quis cognoscit se habere aliquod bonū. Si autē habeat & nō cognoscat tamē, nequaquā inde gaudebit. Vnde cū nulli alia res, naturalis præter hominem sua bona cognoscat, gaudere inde nō poterit, nisi homo solus, quātūuis magna sint bona quātūlibet admirandæ perfectiones, quæ in aliis inue-

nium

*Solus homo
de suo bono
gaudet.*

niuntur. Quod enim gaudiū esse potest Soli (qui tamē est pulcherrima, formosissima, virtuteq; efficacissima creatura) de omni sua pulchritudine, virtute & præcellentiā super astra cætera, cū nihil horū ipse cognoscat? Quale gaudiū est herbis & plātis, quodd secūdū suā naturā digniores sunt & altioris gradus quā lapides & cætera mineralia? Quale gaudiū est bestiis irrationalibus, quod præcellāt nobilitate sensus arbores atq; plātas? Nō enim suā excellētiā cognoscūt. Atq; idcirco omnes creaturæ quasi in tenebris sunt. Quale vero gaudiū habere possunt, quę in tenebris sunt, & lumē cœli non habēt? Solus homo in lumine est, per lumē naturale intellectus omnia discernens, omnia diiudicās, suā excellētiā super omnia alia per intellectū cognoscēs. Neq; omnino aliquid est in homine quod nō ipse per intellectū possit cognoscere, adeo vt etiam seipsum intelligat, ac super se ipsum reflectatur & super actū propriū: quod nulla alia inferior potētia facere potest. Visus enim nō potest se videre, neq; sensus cōmunis, neq; æstimatiua, neq; phātasia seipsam cogitare potest. Itē visus nō cognoscit se videre, neq; sensus cōmunis se sentire, neque phātasia potest se phātasari. Vnde nullū brutū potest cognoscere se phātasari aut æstimare, quoniā deest illi potētia superior per quā id posset. Solus est intellectus, qui seipsum potest cognoscere & cognoscit, quiq; solus super suum actum reflectitur, dū intelligit se intelligere, Imò amplius adhuc, intelligit intellectus intelligere se, quod intelligat se intelligere. Deniq; quotiescunq; reflectit intellectum super suū actū, poterit semper à seipso apprehendi. Ipse nanq; intellectus agens, cū sit potēs omnia efficere (vt suprā diximus) id est, omnium rerum speciem in intellectu possibili producere sua virtute, etiam substantiarum immaterialium, etiam entis primi & felicissimi, quod est Deus, potest & sui ipsius speciē in intellectu possibili efformare, vt sic & ipse cognoscatur secundum propriam suam speciem. Et cum (vt suprā diximus) ens vel verum sit obiectum intellectus, quicquid sub hoc obiecto cōprehenditur, illius potest in intellectu species efformari: quemadmodū omnis eius quod sub colore (qui est obiectum visus) comprahēditur, potest in oculo species produci: sicq; necesse est omne quod sub ente comprahē-

ditur, posse ab intellectu apprehendi atq; intelligi. Ac proinde ipsemet intellectus, cū sit res aliqua, potest ab intellectu intelligi, id est: à semetipso. Ipse quoq; actus eius, simili ratione, ab ipso est intelligibilis. Omnis quoq; bonitas & perfectio rerum (cum sit ens quoddam) sub intellectu cadit iudicio, & ita cū omnia quæ sub ente cōpræhēduntur cognoscat, potest ipse diiudicare quid excellentius, conferendo bonitates illas & perfectiones adinuicem, quemadmodū visus inter colores discernit, & sensus cōmunis inter omnia exteriora sensibilia. Vbi dū nihil inuenit homo seipso præcellentius, nullam perfectionē tantā in vlla creatura quā in seipso, ita cognoscit homo seipsum (intellectus ratione) cæteris animantibus præstare, atq; cæteras omnes res naturales lōgo interuallo post sese relinquere.

Quomodo intellectus ex semetipso deum potest cognoscere.

C A P. X X I I.

Non solum autē intellectus potest quæ sunt inferiora se creata cognoscere, verūctiā, quæ supra se sunt angelicas substantias, atq; ipsis etiā præsidentē deū (vt suprà declarauimus) per duos modos, scilicet per abnegationē, & per excellentiā. Quibus tamen nunc etiā tertiū adiicimus modū, dicētes, quod intellectus agēs per semetipsum & ex semetipso potest sibi formare aliquam speciem per quam deum intelligat. Cum enim intellectus se cognoscēs discernit suam perfectionem (quæ in hoc consistit quod omnia quodammodo potest in se efficere & omnibus assimilari, sicq; omnia potest cognoscere) à sua imperfectio-
ne (quæ in hoc est, quod sit in potētia omnia, nō autē omnia actu) ac deinde similitudinem aliquam in semetipso efformare cœperit superioris alicuius intellectus, qui actu semper est omnia, omnium in se rationes & similitudines semper actu habens, & ab æterno sic habens, vt non insit in potentia, neque esse possit in potentia ad alicuius speciei de nouo susceptionem, sicq; ab æterno semper actu intelligentis omnia, quæcunque intelligibilia sunt, vt non possit aliquando intellectiōnem alicuius rei acquirere vel perdere, neq; crescere neq; minui in intelligendo talem profecto similitudinem talis intellectus admirabilis, in seipso efformans noster intellectus agens, proculdubio specie habet & similitudinē, in qua intelligat deū. Nimirum
eius

Vide quomodo intellectus ex se ipso potest deum cognoscere

eiusmodi intellectus perfectissimus & nobilissimus est Deus, qui purus actus est, & nō in eo quicquā potentię, actūq; omnē in se habet similitudinē, & ab æterno habuit: neq; quicquā nō dico erit, nō dico fuit, nō dico est, sed esse potest, cuius nō ipse ab æterno præsentem habeat cognitionē, ita exactā, ita distinctam, ut meus modo intellectus illud intelligit, cuius actu specie tãgitur. Propter quod etiam omnia nuda sunt, & aperta oculis eius, iuxta Apostoli sancti testimoniū: neq; quicquam potest esse illi perfectissimo intellectui occultum, neq; præteritū potest obliuisci, neq; futura potest nō cognoscere, tanquā si oculum aliquē fingamus esse qui in se cōgenitas habeat omnium rerū species & similitudines, multo perfectius quā possint ab obiecto in ipsum imprimi, & has species à seipso sic habeat ut nō egeat obiectorū præsentia corporali, hic ocul⁹ indubie omnia cerneret, etiā absentia: imò etiā res præteritas & futuras p̄ species in ipso seuatas videret, in super etiā abditissima cōtueret. Ita sane ex semetipso intellectus agēs formare pōt speciē & cognitionē summi dei: ita vestigiū pōt aliquo modo in semetipso primariū fontē agnoscere, ita scitillula lucē immēsa aliquaten⁹ cōtēplari.

Hebr. 4.

Quomodo ratione intellectus homo de perfectione omnium aliarum creaturarum letari potest. CAP. XXIII.

Habet quoq; per intellectū homo, ut nō solum (quē admodum suprà declaratū est) possit de ipso propria perfectione, & de iis quæ sunt in bonis gaudere, verum etiam de perfectione & bonitate omnium aliarum rerum. Gaudiū enim non solum consurgit ex hoc quod in nobis ipsis bonū cernimus, sed etiam cum aliquā perfectionem in alio aduertimus, maxime si ad nos spectet ille in quo cernimus, si nobis sit aliqua ratione cōiunctus, videlicet amicitia, familiaritate, cōsanguinitate, affinitate, ordine, gradu, vel alio quolibet cōsimili modo. Gaudemus enim in amicorum fratrum, vicinorum, consanguineorum ciuiūq; prosperitatibus. Cū ergo omnis creatura corporalis non minimo vinculo sit homini coniuncta, neq; vna ratione ad humanam speciem attineat, meritō debet homo in omni perfectione quā cognoscit in creatura, oblectari. Est enim omnis corporalis creatura, homini multis modis coniunctissima. Primum quidē, ratione eiusdem opificis, qui

qui ipsam & hominem idem ipse condidit & creauit quoniam ab autore Deo, tãquam ab eodem patre, cuncta procedunt. Qua consideratione, sancti dei homines etiã creaturas vilissimas dignabantur fratres atq; sorores appellare: primarij videlicet fontis, vnde efluxerant, spectãtes originem. Inferiores quoq; istã, creaturã viuentes, ex eadem terra (tanquam ex eadem communi omnium matre) procedunt. Quod si consideremus cætera omnia corporalia propter nos esse facta, & propter nostrum seruitium: nostrãmq; vtilitatem & omuem illarum perfectionem at tendamus ad nostrum cõmodũ, nostrũmq; ministeriũ esse ab optimo & nimium nobis benefico Deo ordinatam: quomodo non maximè in illorum perfectionibus gaudere debemus? Quis enim paterfamiliã non gaudet de sua familiã bono? Quis dominus non latatur in seruorũ prosperitate? Est autem homo velut paterfamiliã & dominus in magna domo mundi huius quam ædificauit illi Deus, vt ipse ex omnibus seruitiũ capiat, iucũditatẽ, & vtilitatem tam corporis quã spiritus. Quod enim Sol tantum habet decorem, tam gloriosum ornatũ, mihi habet non sibi. Mihi habet, vt me sua claritate lætificet, vt mihi lumen gratissimũ per dies singulos adducat. Mihi habet, vt terram faciat germinare ac de se producere abũdantẽ omnia, quibus ego ad corporis egeo sustentationẽ. Deniq; mihi habet omnem suam gloriam, vt me moneat pulchritudinis creatoris mei: qui cum meo aspectui sese monstrat tam mirabiliter pulchrũ & fortem, vtiq; hoc me docet luce clarius, habere se creatorẽ incõparabiliter pulchriorẽ, & magis validum, ac robustissimũ. Quod etiã arbores fructus producunt, nõ sibi, sed mihi producũt: herbæ odoriferæ odorem fundunt, non sibi, sed mihi: flores pulcherrimos producunt, non sibi, sed mihi. Et (vt insignis ille poeta ait) Sic vos nõ vobis vellera fertis oues. Sic vos non vobis mellificatis apes. Sic vos non vobis, fertis aratra boves. Sic vos non vobis nidificatis aues. Scilicet ego ille sum, cui hæc omnia ex dei præcepto inseruiũt, vt mihi in omnibus (tam quæ ad necessitatem, quam quæ ad castam voluptatem) abunde sit prospectum. Vnde Propheta, non pauidisti solum, inquit, sed delectasti me domine in factura tua. Hæc ergo omnia cũ per intellectũ homo cognoscat

pro

propter se ita in suis perfectionibus disposita, vnūquodque in genere suo iustum est, vt diligenter naturales eorum perfectiones consideret, inq; eis seipsum oblectet, ad gloriam eius qui omnia mirabilia condidit.

Quod ratione intellectus solus homo possit & debeat agere gratias Deo, pro se & omnibus creaturis. CAP. XXIIII.

Consequitur ex prædictis, quod solus homo ratione intellectus Deo potest & debet agere gratias, & non vlla creatura alia corporalis: quodq; nō pro se solo & bonis quæ in seipso sunt, verum etiam pro omnibus bonis quæ in aliis creaturis inveniuntur, possit homo & debeat agere gratias omnium creatori omnipotenti Deo. Gratiarum actio nanq; requirit primo susceptionē beneficij, deinde beneficij accepti cognitionem eius quoq; cognitionē qui beneficiū præstat, ac postremo gratitudinis declarationē pro accepto & agnito beneficio. Beneficij suscepcio cōmunis est homini cum omni creatura. Omnis nanq; creatura particeps est beneficiorū creatoris sui. Cætera vero non nisi solius hominis sunt. Solus enim homo beneficia cognoscit (vt declarauimus) tā ea quæ in seipso accipit, quā quæ in aliis creaturis. Solus etiam homo per intellectum cognoscit bona ista quæ in se habet, atq; etiam quæ in aliis creaturis conspicit, nō ab ipso esse: neq; creaturas à seipsis habere, sed ab vno omnium benefactorum Deo. Deniq; solus homo potest pro suscepto beneficio bonum & gratum animum declarare, & signis congruis ad benefactoris gloriam id protestari. Potest enim homo voce testari & eloqui magnalia Dei sui, eiusq; beneficia (quæ tam ipse quā alia creatura accipiunt) ad Dei gloriam prædicare. Potest etiam alia quædam exteriora opera exhibere, ad hoc ipsum demonstrandum, videlicet cantare, laudare, sacrificia offerre, vota facere, in instrumentis musicis personare: quæ omnia ad gratiarum actionem spectant, & soli conueniunt homini. Potest ergo solus homo gratias agere. & cum possit, vtique & debet. Nam id ratio naturalis dicit, etiam homini benefico pro minimo aliquo beneficiolo, vt minimum, gratias agere, vt ne dicam gratiam referre: quanto magis illi cuius beneficium est quicquid sumus? Et cum omnibus creaturis homo accipiat beneficium (eò quod propter ipsum

Solus homo potest agere gratias.

facta

facta sunt omnia) utiq; pro omnibus ipse debet gratias agere Deo. Cū enim seruo aliquid impenditur beneficij in vtilitatē domini, indubiè dominus magis quàm seruus tenetur gratias agere beneficienti. Et cum puero adhuc infanti & ratione carēti impenditur beneficiū, utiq; parētū est benefaciēti gratias agere pueri loco per ætatē fari adhuc & gratias dicere impotentis. Debet ergo homo gratias agere Deo, nō modo pro se, verū etiam pro omni creatura, maxime corporali, duplici consideratione: tum quia solus potest, & præ omnibus potest: tum quia in omnibus ipse accepit beneficiū. Vnde gratias agere debet homo Deo suo, q̃ soli tantā dederit claritatē, tantā virtutis efficaciam & nobilitatē. Item q̃ terræ & aquis talē dederit fecunditatē, quod aërem repleuerit volatilibus, quod aues ita plurimum oruatu decorauerit, quod arbores, ac herbas ita fructiferas odoriferasq; fecerit, & ita in singulis. Illæ enim creaturæ excusabiles sunt, si gratias non agant, tū quia minime id possunt, tū quia quicquid acceperunt, potius homo in ipsis accepit, quàm ipsemet in se ipsis, vel pro seipsis, quemadmodū id quod seruo impenditur in vtilitatē domini, domino potius quàm seruo impenditur. Hinc considera o homo, quāta tibi incumbit seruendi domino Deo tuo necessitas. Attende, quanta tenearis erga Deū obligatione: qui non pro vno teipso, verum etiam pro omnibus creaturis Deo tuo seruire ad gratiarū actionem obligaris. Vide quanto vinculo te sibi collegauit, dū te super omnia constituit. Magnū (fateor) te creauit, & sublimi admodū loco posuit altissimus conditor tuus, dum te paulominus ab Angelis minorem fecit, gloria & honore coronauit super omnē corporalē creaturam, constituitq; super cuncta manuum suarū opera, omnia subiiciens sub pedibus tuis, non solum oues & boves, pecora campi, volucres cœli, & pisces maris, qui perambulāt semitas maris, verū etiam Solem, Lunā, & stellas nobilissima illa perpetuæ incorruptionis corpora, quæ dominus Deus tuus creauit in ministeriū cunctis gentibus. Ita quidē magnū & excelsum nimis altissimus te conditor tuus cōstituit, pro omnibus. Verū quanto tu altior es Dei speciali beneficio & superemines omnibus, tātō magis te agnosce Deo tuo obnoxii, qui sic te magnificauit & ele-

uauit

Psal. 8.

Deuter. 4.

uauit super omnia. Agnosce (quod verum est) nullā creaturam aliam æquē Deo esse obnoxia, æque forti vinculo Deo esse colligatam, agnoscensq; obligationē, modis omnibus satage iustum iuste persolvere debitū, vt quibus possis modis Deo tuo studeas vel gratias agere, quandoquidē referendi neq; necessitas est, neq; possibilitas. Bonorū enim nostrorum ille nō indiget, in quo omnes diuitiarum thesauri sunt absconditi. Grati tamen animi declarationem, & protestationem per signa congrua utiq; à nobis exposcit, gratiarum seuerè exigit actionem non utiq; propter suam voluntatem, sed ob nostrā utilitatem, vt cum pro acceptis beneficiis temporalibus nos sibi gratos comprobauerit, maioribus aliquando afficiat in conspectu vultus sui, cuius in nobis impressit similitudinem Deus ipse Trinus & vnus, in secula benedictus. Amen.

Psalm. 15.
Collos. 2.

FINIT LIBER XI.

PSALMVS PATRI SPIRITVVM

vniuersæ carnis, in iubilatione mentis, &
alacritate animi.

Paratum cor meum Deus, & iterum paratum cor meum: paratum corpus meum, parate vires omnes ad laudem tuā, quæcunq; siue corpus, siue animam inhabitant.

Exurgam diluculo, & psallam magno nomini tuo, medijs noctibus consurgam de lectulo quietis meæ, vt personem cantica ante thronum amœnissimum tui amabilis thalami.

Datè mihi tympana, lyram, citharam, nablum, & cymbala bene tinnientia: edent in illis articuli manuum mearum melodiam bene resonantem in auribus Domini sabaoth.

Tubas afferte huc mihi: & clangam in eis os meum late aperiam, attrahamq; spiritum flatu, vt buccis valeam concrepare plenissimis.

Non cessabit oblectari in Deo meo animus quem creauit, quem posedit ab initio. in quem impressit admirabilem similitudinem, imaginemq; nobilitatis sue.

Videbo ego cælos opera manuum ac digitorū tuorū quæ fundasti in fortitudine tua: insuper Solem, Lunam & stellas cūcta limpidissima.

Contemplans video totū incundissimum decorem, potentissimum vigorem, & ordinem verè admirabilem non sufficio pro dignitate contemplari vel totis conatibus, quæ tu nullo perfecisti negotio.

At verò ubi ad memetipsum in intima reflecto oculos meos, cessant videri mirabilia, quaecunque foris conspicio.

Domine, domine, domine quid est homo, quia sic magnificasti eum? homo quid est ut tanti illum feceris?

Verè paululum est ac modicum quo minuisi genus nostrum ab angelicis principibus tuis: omnis corporalis creatura regem & dominum (dato in manibus eius sceptro potentia, & in capite corona gloria) constituisti hominem.

Propter hunc enim creasti omnia, & cuncta subiecisti pedibus eius, præcellentissima cælestium corporum creasti in ministerium cunctis gentibus.

Sol accede huc nobis magna moles, & lata substantia: vide an possis in tota tua virtute atque pietate nobiscum contendere.

Eslo sis gloriosus in fortitudine tua, formosus sis in fulgidissima stola tua comas tui splendoris de tanta spargens altitudine in imaterra viscera.

Sed nūquid vides ipse, aut intelligis decorē pulchritudinis tue? nūquid cognoscis perfectionē virtutis tua, qua antecellis subiecta omnia?

Dic, si nosti illum, qui cuncta in te posuit quæ habet mirabilia: responde muta substantia, si quicquam horum intelligis.

Magne Deus non illi contulisti splendidissimo corpori, quod mihi donasti stercorulentæ & feculentæ creaturæ: verè multa mihi, & magna nimis contulisti in te vnica.

Etiā si in millecuplū augmentetur tibi Soli rationalis pulchritudo decoris, & fortitudo roboris tui: quantūvis pauper & humilis ego semper immenso te superabo intervallo, hoc solū tenēs quod nunc possideo.

Intellectu & ratione tu dotaſti dominator genus nostrum: à te processit nobis hæc tanta præcellentia.

O utinam pro dignitate gratiarum actiones tibi valeamus persolvere: nimis magna enim sunt quæ nos accepimus, & nimis pauca, imò nimis nulla sunt quæ valeamus reddere.

Tu nos scientiarum Domine iustas tibi fac reddere gratiarum actiones, doce nos doctor optime in spiritu & veritate famulatum tibi exhibere decentem.

Tu das velle, tu das perficere pro tuo beneplacito: magne Deus semper nos tantis fac gratos esse beneficijs.

Gloria patri & filio, & spiritui sancto.

Sicut erat in principio, & nunc, & semper, & in secula seculorum. Amen.

IN LIBRVM XII.

CONSIDERATIONIS PHY-

sicæ, de appetitu sensitivo, &

voluntatis præcellentia,

Præfatio.



OMNIVM creator perfectissimus Deus, cuius(iuxta prophetæ confessionē)perfecta sunt opera,cū animalium genus sensitivę virtutis nobilitate cęteris omnibus insensibilibus creaturis vellet præferre,voluit & appetitiuā virtutē adiungere,qua valerēt per sensitivā apprehensa amare vel odire,prosequi aut fugere,itēmq; de præsentibus gaudere vel tristari.Quorsum enim cōduceret res obiectas apprehensione mirabili percipere,si non talis esset adiuncta virtus,qua erga res perceptas possent iuxta rationē obiecti apprehēli moveri & affici.Ad eundē planē modū,humanū genus cū benignissimus cōditor voluisset super naturā brutorū animalium cōstituere:vt non solum crassa ista & corporalia sensibus subiecta,verū etiam spiritualia & insensibilia posset apprehensione intellectiva cognoscere,voluit item & huic nobiliori potentie cognoscitiuę correspondentem nobilitate adiicere vim appetitiuam,id est intellectui voluntatē:per quam ad ea posset inclinari amanda,odienda,prosequēda,& fugiēda,ad quę nequaquam sufficeret appetitus brutalis ille sensitivus nimium ad spiritualia ignobilis.Quomodo autem in homine nō solus est intellectus,sed est simul cū sensu & super sensum intellectus,sic & hic appetitus superior in eo non solus nō est,sed cū inferiore simul existit.Duorū autem horum appetituū cōsideratio,maximā homini ad cognitionem sui ipsius adfert vtilitatem.In his ergo duabus appetitiuis potentiis finem accipiat hæc physica cōsideratio.Posteam nanq; absolutam non erit in rebus naturalibus quo longius proficiscamur,nisi naturam penitus relinquentes in supernaturalia toti transeamus:quod impræsentiarum nostro instituto minime conuenit,qui non nisi cōsiderationem rerum naturalium,earūmq; ad creatorem reductionem,præsentī determinatione intendimus.

Ostenditur, quid sit in homine voluntas, per comparisonem ad appetitum sensitivum. CAP. I.

ESt ergo in homine altera quædam potentia ab intellectu distincta, solis etiam hominibus peculiariter cōueniens, potentia admodum nobilis & excedens: vnde plurima singularia habet homo, quæ cum nulla altera specie habet cōmunia. Ad perfectā ergo hominis considerationē, necesse erit post intellectū hanc etiā virtutem diligēter cōsiderare, & quomodo in brutis inueniri non possit, quove indicio peculiariter speciei humanæ cognoscatur inesse, & quomodo ad appetitū sensitivum se habeat, & quæ homini donet eximia distincte determinare. Vocatur autem voluntas nomine composito, potētia volitiua, siue appetitus intellectiuus. Est enim potētia talis per quā homo appetit, vult, & nō vult, ea quæ secundū intellectū iudicat bona vel mala. Id autem in se homo quilibet experitur, talē aliquā vim sibi inesse, per quā possit ea quæ per intellectus iudiciū vt bona vel mala cognoscit aut velle aut nolle. Quemadmodū autem rectē nō potest cognosci natura intellectiux potentiæ, nisi per comparisonem ad sensum secundū similitudinem & dissimilitudinē, videlicet nisi ostendatur in quo sensus cū intellectu cōueniat, & in quibus differant abinuicē: ita nō potest exacte cognosci natura potentiæ volitiux, nisi secundū cōparationem ad appetitum sensitivū. Sicut enim in homine duplex est potentia apprchensiuā rerū extrā existentium, ita est & duplex vis appetitiua, altera videlicet quæ sensui cōiuncta est, & ad sensus iudiciū mouetur, ea quæ sensus iudicat cōuenientia amando & prosequendo, quæ discōuenientia odiendo & fugiendo. Atq; hæc vocatur appetitus sensitivus. Et cōuenit hac in parte homo cū ceteris animalibus brutis, quemadmodū & in sensu. Altera verò superior est coniuncta intellectui, & corpori nullo modo (sicut neq; intellectus) immersa, per quā homo id quod intellectus iudicat bonū, amat & prosequitur, quod malū, odit & fugit. Et hæc quia sic intellectui cōiungitur, vocatur appetitus intellectiuus. Cognoscitur autem huius duplicis appetitus differētia ad eū modū quo deprehenditur differētia sensus & intellectus, videlicet quoniam experimur hominē ea posse velle aut nolle, ea amare vel odire, quæ

quæ nequaquã sensus apprehendit, & quæ ad iudiciũ sensus nullo modo videntur sic amari vel odio haberi. Quẽadmodũ (exẽpli gratia) virtutes amamus, & probitatem amatam prosequimur: vitia autẽ odimus & fugimus atq; auersamur, quæ tamen manifestissimum est sensu nõ apprehẽdi, ac proinde sensitiuo appetitu sic nõ appeti: cum ille tantum prosequatur quæ sensus iudicat cõuenientia. Oportet ergo esse in homine aliũ quendã superiorẽ appetitum, per quẽ homo ad illa quæ sensus iudiciũ excedunt, & quæ sensus nec cõuenientia nec discõuenientia iudicare potest, inclinetur & propellatur, ea vel prosequẽdo vel fugiendo. Ad cuius intellectiui appetitus meliorẽ cognitionem obrinendã, pauca quẽdã de sensitiuo appetitu volumus præmittere, quoniam sine cognitione sensitui appetitus plenẽ intellectiuis cognosci non potest.

De appetitu sensitiuo quomodo mouetur ab obiecto secundum phantasiam proposito.

C A P. II.

INuenitur autem appetitus sensituius generaliter in omnibus animantibus, neq; potest nõ esse, vbicũq; fuerit sensus vel vnicus. Nam & imperfectissima animalia, etiã quẽ (iuxta probabiliorẽ sententiam) solum tactum possident, appetitu isto non carent. Inest namq; eis appetitus quidã conuenientis nutrimenti, quem etiã iudicant, dũ se huius gratia dilatant, vel cõstringunt. Omnis enim motus animalis quantũcunq; imperfectus iudiciũ est in-existentis appetitus sensitui. Ad hoc enim se mouent, vt quod appetunt cõsequantur. Vnde Aristoteles, de animalibus imperfectis (vt vermibus & muscis) ait, ea habere vagam imaginationẽ & appetitũ, id est, phantasiam vagam siue imperfectã & cõsimilẽ appetitũ. Perfectã tamẽ phantasiam negat illis adesse, atq; ita & appetitũ perfectũ cõsequitur ab eis abnegandũ. Ex quo patet quod æstimatione siue phantasie adiuncta est vis appetitiua, cõ quod hæc ita se inuicẽ consequantur secundũ naturã. Non enim statim vbi sensus exterior perceperit aliquod sensibile, mouetur appetitus ad prosequendũ vel fugiendũ, neq; itẽ mox vbi sensus communis apprehenderit, sed neq; cũ imaginatiua nuda illud imaginata fuerit. Verũ cum ad æstimationem vsque fuerit peruentum, vt per eam iudicetur tale obiectũ amicum vel inimicum, conueniens vel disconue-

*Arist. 3. lib.
de anima,
cap. 8.*

niens, tum demum animal ipsum per appetitum mouetur ad concupiscendū vel odiendū, ad prosequendum vel fugiendum, ad latandū vel contristandū. Nam id manifestè monstrat experientia. Cum enim appetitus moueatur secundū rationem cōuenientiæ vel disconuenientiæ, nullus autem exterior sensus conuenientiā vel disconuenientiā apprehendat, neq; vllus interior præter æstimatiuā (quæ intentiones conuenientiæ vel disconuenientiæ elicit ex rebus sensatis) consequitur ad solā æstimatiuæ operationem ipsiusq; iudicium, appetitū moueri. Et notandum, quòd appetit⁹ iste mouet & mouetur. Mouet enim ipsum animal, & immediatè vim motiuā quæ est in membris, ad querendū id quod prosequitur. Mouetur verò ipse à phā-tasia, quatenus ipsum obiectū præsentat & offert appetitui, sub ea ratione sub qua appetitus moueri potest ad odium vel ad amorem, ad prosequutionem vel ad fugam. Obiectum enim præsentatum & oblatum virtuti appetitiuæ sub ratione cōuenientiæ, mouet ad sui prosequutionem: sub ratione autem discōuenientiæ, mouet ad fugam. Vt cum canis videt cibum, eumq; sibi conuenientem iudicat, mouetur ad prosequendū ipsius appetitus, ab æstimatiua: quatenus videlicet ipsa obiectū illud præsentat sub ratione cōuenientis, & cū baculum videt eleuatū ad verbera, mouetur ad fugiendum appetitus, ab obiecto sub ratione disconuenientis proposito, per æstimatiuam.

Mouetur autem appetitus ab obiecto sic sub ratione cōuenientis aut disconuenientis præsentato naturaliter, absq; vlla libertate vel deliberatione. Canis enim cibum conuenientem videns eumq; æstimans sibi cōuenientem, naturaliter amat atq; prosequitur & accurrit ad illum, & videns baculum eleuatū ad verbera, æstimando sibi hoc discōueniens, & inde male sibi futurum, ita naturaliter fugam perit, qua malum euadat, quòd sibi æstimat imminere. Cū verò plura simul fuerint obiecta proposita, quod fortius mouet secundū suam rationē, id naturaliter præualet & mouet appetitum. Vt cū duplex cani cibus est propositus, ille qui magis cōueniens ab æstimatiua iudicatur, appetitū naturaliter mouet. Ita cū ex vna parte delectabile proponitur, & ex altera contristabile (vt ex hac parte cibus conueniens cani, & simul baculus eleua-

tus

*Appetitus
mouet &
mouetur.*

tus ad verbera (solet plerūq; verberum terror præualere, ut cibo relicto fugiat. Est enim hæc appetitus natura, ut magis vehemēter magisq; citò ad fugiendū à terribilibus moueatur, quàm à delectabilibus ad prosequendum. Facilius enim & vehementius contristabilia, siue terribilia operantur in appetitu sensitivo fugam, quàm delectabilia siue cōcupiscibilia, efficiant, in ipso prosequutionē. Vnde ad oculum videmus moueri homines multo amplius timore mortis, quàm amore vitæ, & multo vehemētius dolere de infirmitate, quàm gaudere de sanitate.

Quomodo appetitus sensitivus semper naturaliter moneatur absque libertate.

C A P. I I I.

C O ntingit vero interdum duobus appetitui propositis obiectis, ambobus delectabilibus, ad neutrum statim moueri, sed interdum ad tempus gradum sistere, eò quòd ex vtraq; parte æque fortis sit motio & operatio obiecti, & æstimatiua ad vtramq; partē æque sit propēsa, neq; plus ad hoc quàm ad illud ferat suum iudiciū. Atque ita nunc accidit, ut quasi deliberare videatur irrationale animal: cum tamen reuera nulla in eo sit deliberatio, quæ est solius rationis, sitq; ut postquā tandem alterū acceptauerit, quasi eligere videatur, cum tamen electio nequaquam competat brutis, sitq; solius hominis. Vnde hoc sciendum est, quod canis ille sic quasi dubitabūdus consistens, dum & huc & illuc vocatur, nequaquam consulit, neq; vllò deliberat: sed habet se appetitus ille ad modum linguæ siue examinis in libra, siue bilance, cū lanx vtraq; pondus penitus æquale in se habuerit. Quēadmodū enim ista neq; in hanc partē deorsum trahitur, cum tamē sit pōdus sufficiens ad eā pertrahendā, neq; in partē alterā, cum sit & ibi pondus sufficiens, sed (propter pōderis æqualitatem vtriusq; æquali fortitudine trahentem) cōsistit in medio: sic & appetitus irrationalis animalis existēte ab vtraq; parte pōdere æquali & obiecto æque ad mouēdū valido fixus cōsistit, & neq; huc neq; illuc mouetur, cum vtroq; tamen trahatur. Fitq; illa immobilitas penitus naturaliter, nec vllius est deliberationis indicium. Alioqui, cur nō & linguā in trutina dixeris deliberare, cum ita hæret in medio? Et cū tandē contingit in alterā partē rapi animalis appetitū, nequaquā electionis est iudiciū, nō amplius quàm lin-

gua illa modico flatu adiuta in vnam partem tandē vergens, dici debet elegisse hāc partē ad quā flectitur. Quōd si interrogēs, quī ergo fieri potest, vt tandem ad vnā partem moueatur appetitus, si nō per electionē id fiat, & ex libertate eligendi? Dicimus quōd ad eum modū animalis appetitus tandem in alteram partem trahitur, quomodo lingua illa modico vento adiuta in partē alteram mouetur, etiā si pondus maneat vt antē. Si enim cōtigerit æstīmatiuam aliquantō magis vni obiecto & fixius intendere quā alteri (etiā si nō æstīmet illud magis cōueniens) solum ex hoc quod fixius intendat iudicio vnus cōuenientis quā altērius, & ad illud fortius se conuertat, ipse appetitus rapietur adueniente impetuoso flatu in illā partē in quā æstīmatiuam contigerit fixius intēdere. Ac tūc quidē ita se habebit illa defixio fortior æstīmatiuę in alterū obiectū, ad faciendū vnus illius prosequutionem, quomodo se habet adueniens in vnā lancem flatus venti, ad mouēdum linguā in partē alteram. Vnde nō videtur aliqua ratiōe verisimile, quod vulgo per iocū solet iactari de asino quē vocāt Buridani, habēte pabulū vtrinque, æque cōueniēs, & que multū in eadē distātia sibi appositū, quod fame esset moriturus in medio pabuli. Profecto qui id asserunt, naturam appetitus, & æstīmatiuę virtutis nō rectē cognoscūt. Et qui hoc ita asserunt, ne cogantur in animali deliberationem ponere aut electionē, aut facultatem liberi arbitrij, ij sanē timore timent, vbi timor nō est. Sola enim (vt diximus) conuersio maior atque attentio, defixioq; phantasie in alterum obiectum propositum efficere potest, vt altero relicto in hoc moueatur. Relinquitur ergo appetitum naturaliter moueri ab ipso obiecto appetibili, ita secundum rationem appetibilis propositi, per æstīmatiuam. Neque quicquam refert, siue dicas appetitum moueri ab obiecto appetibili sub ea ratione sub qua appetibile est, siue ipsam æstīmatiuam proponentem appetibile, sub ratione appetibilis. Non enim ipsum obiectum per se mouet appetitum eo modo quo obiectum sensus exterioris agit in sensum (vt videlicet per se aliquid imprimat obiectum exterius in appetitum) sed tantum quatenus per æstīmatiuam proponitur: ad cuius iudiciū ipsius appetitus passio consequitur. Vocantur enim

omn

omnes ipsius appetitus inclinationes siue motus vulgato nomine passionēs, eo quòd appetitus ab obiecto pertrahitur ad concupiscendum vel odiendum; &c. propter quod ab obiecto quodammodo pati dicitur.

De varijs passionibus in appetitu sensitivo. CAP. IIII.

ET quia (vt diximus) appetitus mouetur ab obiecto per æstimationem secundum rationem appetibilis propositam, hinc fit vt multiplex passio & varius appetendi modus possit in appetitu sensitivo inueniri secundum quod obiectum sub diuersis rationibus potest per æstimationem proponi. Cum enim proponit obiectum æstimationem sub ratione conuenientis, appetitus statim mouetur, inclinatur ad illud, efficiturq; in ipso passio quæ appellatur amor vel concupiscentia talis rei: per quam videlicet inclinatur ad talem rem sub ratione conuenientis propositam. Et hæc est prima passio, quæ in appetitu exoritur. Si vero præsentetur hoc idem obiectum tanquam conueniens & tanquam potens acquiri, ac tanquam propinquum ad habendum, ita vt nullum iudicetur obstaculum, quin possit illud consequi, ita fit progressus appetitus ab amore nudo ad prosecutionem. Incipit enim prosequi & iam tendere ad illud quod prius amabat. Nam amor est quasi prima inclinatio ad rem propositam, prosecutio autem velut tendentia in rem amatam. Vnde manifestum est, prosecutionem istam nasci ex amore, quasi ex radice. Nihil enim prosequitur appetitus, nisi quod amat & concupiscit. Cum verò obiectum iam æstimatur vt præsens & consequutum, fit in appetitu passio lætitiæ, vel gaudij siue voluptatis: per quam in re primum amata, & per prosecutionem postmodum consequuta tandem conquiescit. Et non refert ad passionem gaudij in appetitu faciendam, vtrum iam actu sit præsens obiectum, vel propinquum, & certum quod iam iam habebitur. Quod enim propè est (iuxta Aristotelis vulgatam sententiam) nihil distare videtur. Vnde gaudium etiam est de eis quæ propinqua sunt, & iam iam ventura, quasi pro præsentibus exultantur. Et hæc passio manifeste à prioribus distinguitur, tanquam quies ab inclinatione & tendentia, & ad priores duas consequitur, amorēque & prosecutionē præsupponit. Prius enim est rem amare postmodum

Amor.

Prosecutio.

Voluptas.

prosequi, postmodū lātari. Vt (verbi gratia brutū a nimal
vidēs pabulū cōueniēs, afficitur illi, & inclinatur ad illud
pabulū, ipsumq; amat: & si assequi potest, prosequitur, ac
tendit ad ipsum consequendū. Vbi autē fuerit assequutū,
quod amauit & prosequutū est, tum demū oblectatur &
conquiescit in eo. At vero amor solus esse potest absque
posterioribus. Cū enim obiectum conueniens proponi-
tur aspectui, sed non vt possibili adipisci, non fit adhuc
prosequutio. Veluti cū canis cibis cōueniens proponitur,
sed astat iuxta cibū qui baculum ad verbera eleuatū te-
net illic sane amor est ad cibū quē tā cōueniētē aestimat,
sed quoniā non proponitur, vt acquisibilis, neq; vt propin-
quus haberi, propter astant malum, amorem non sequitur
prosequutio. Nonnunquam vero prosequutio est, & non
subsequitur lātitia: quoniam videlicet non cōtingit asse-
qui rem amatam & prosequutā. Nonnūquā etiam res iam
acquisita nō talis inuenitur, qualis ante iudicabatur secū-
dū aestimatiuā atq; ideo nō consequitur gaudium in ea
iam habita & adepta. Frequenter enim aestimariua deci-
pitur iudicans esse conueniens, quod vere nō est cōueniēs.

Nihil autē refert ad passionum harum effectiōem in
appetitu, an res vere talis sit an non. Non enim obiectum
appetibile secundum seipsum, vel secundum quod in se est
mouet appetitum sed secundum quod in phantasia pro-
ponitur, siue ita sit in re, siue aliter res habeat. Vnde cum
aestimatiua decepta iudicat hanc rem esse cōuenientem,
quæ secundū veritatē non est cōueniens, nihilominus fit
in appetitu amor & prosequutio, quam si secundum veri-
tatē talis esset. Cum vero iā habita præsens fuerit etiā gau-
diū de re præsenti habetur, donec deceptio aestimatiuæ nō
fuerit deprehensa. At vero mox ubi per sensum exteriorē
aestimatiua perceperit se errore delusam in iudicando
de re absente, cessat passio gaudij, cessante nimirum aesti-
matione conueniētis. Deponit enim errorē quo se compe-
rit fuisse illusam. Itaq; tres istæ passiones, amor vel con-
cupiscentia, prosequutio vel desiderium, voluptas siue lā-
titia sunt, quibus afficitur circa obiectum conueniens.

CAPVT V.

His vero tribus passionibus prædictis correspondēt tres
alix, quæ sunt circa obiectum cōtrariū, id est, circa
obie

obiectum discōueniens: odium videlicet, fuga, & tristitia *Odiū.*
 vel dolor. Cum enim primū appetitui prēsentatur obiectū
 discōueniens, mouetur appetitus displicentia, & quadam
 velut auersione opposita cōuersioni cōcupiscentiæ vel a-
 moris. Nam sicut obiectū appetibile efficit in appetitu pri-
 mo conuersionem quandā & inclinationē ad ipsum, sic ob-
 iectum disconueniens auersionē quādam & retractionē.
 Et hæc passio odium nominatur estq; amori opposita. Et
 sunt duæ istæ radices omniū aliarum passionū. Cum vero
 disconueniens illud malum æstimatiua proponit vt iam
 imminens animali, & tanquam propinquū vt veniat, alia
 passio gignitur in appetitu, per quā quærit elongari ab il-
 lo malo ipsumq; euadere & effugere. Et hæc passio appel- *Fuga.*
 latur fuga & est quasi recessio quædam ab obiecto malo
 imminēti vel propinquo, per quā animal mouetur ad fu-
 giendū, quod est disconueniēs, sicut prosequutio (cui op-
 ponitur) tendētia quædam est ad conueniens. Sed cū ob-
 iectum discōueniens iā præsens & habitū fuerit, efficitur
 in appetitu passio doloris vel tristitiæ, qua afdigitur in
 prēsentia adepti mali, sicut per voluptatē (cui opponitur)
 quiescit in præsenti bono. Ita enim canis vidēs tenētē fla-
 gellum ad verbera eleuatū, primo aspectu odit & auerti-
 tur, & si vt sibi imminētia hæc verbera cōsiderat, fuga mo-
 uetur, ad effugiendū imminens & propinquū malū. Cum
 autē in ipsius corpus flagellū fuerit incussum & verbera
 iā suscipit, dolore & tristitia affligitur: propter quod etiā
 exclamat, eiulando lamentans. Contingit autem interdum *Dolor.*
 (quomodo de amore per cōtrariū diximus) ad odiū
 non sequi fugam. Cum enim videt canis tenentē flagel-
 lum, odit quidē & auertitur, sed nisi videat sibi imminere
 aut sibi propinquū esse malū, nō sequitur fuga vt cū multū
 distat ab eo, qui flagellū tenet. Neq; itē semper ad odiū &
 fugam sequitur tristitia, vel quia malū illud nō si præsens
 vel quia cum præsens fuerit, sensus nonnunquam mōstrat
 non esse disconueniens, quod secundū æstimatiuā errantē
 prius discōueniens iudicabatur. Nihil enim refert ad au-
 diendum, fugiendū, vel tristandū, an res discōueniens ext-
 stat, modo ab æstimatiua talis iudicetur. Vnde videmus
 homines quosdam morosos tristari pro rebus quæ secun-
 dum veritatē eis non disconueniunt, neq; in aliquo mala

sunt, tātum propter firmam æstimationem, quod æstimēt, sibi disconueniens, quod tale nō est, quam æstimationem vel nolunt vel non possunt deponere. Atq; ad hunc modum tristatur canis aliquo modo, dum irascitur ex hoc solum, quòd domum quis ingreditur, aut fimarium, in quo iacet, nō ad mali aliquid faciendū, aut quod per plateam aliquis transeat, cum id ei nullo modo sit disconueniens.

De appetitu concupiscibili, & irascibili, & de passionibus irascibilis.

CAP. VI.

INueniūtur autem & aliæ passiones in appetitu sensitīuo diuersæ à prædictis, originē tamen ex eis habentes. Pro cuius intellectu sciendū est, quod appetitus sensitīuus apud Philosophos (tam physicos quàm morales) diuiditur in duas partes, videlicet in cōcupiscibilem, & irascibilem.

Quid appetitus concupiscibilis.

Appetitus cōcupiscibilis dicitur, quo res erga obiectū conueniēs, vel disconueniēs, erga bonum vel malum simpliciter afficitur, secundum rationem sub qua proponitur ab æstimatione.

Atq; hanc partem spectāt passiones illæ omnes, quas supra iam distinximus videlicet amor, prosequutio & gaudiū circa obiectum conueniens: odiū autē, fuga & tristitia circa obiectum disconueniēs & malum. Considerāt enim hæ passiones simpliciter bonum aut malum secundū simplicem aliquam rationem, ut timor & odium conueniens vel disconueniens, vnde propositum: prosequutio & fuga bonum vel malum imminens gaudiū & tristitia, iam præsens. Denominatur autem hæ pars concupiscibilis à primo & præcipuo suo actu, qui est amare vel concupiscere.

Irascibilis appetitus.

Irascibilis vero appetitus dicitur, qui mouetur, à bono vel malo pposito, nō simpliciter, sed sub cōditione alicuius arduitatē vel difficultatis.

In hac parte sunt spes & desperatio, audacia & timor & ira: à qua (ut magis manifesta) pars ista irascibilis nominatur. Hæ enim passiones omnes pro obiecto habent arduum. Vnde Spes est quasi amor boni ardui. Audacia est, quasi prosequutio boni ardui. Desperatio est quasi odium & auersio ardui, propter arduitatē. Timor est, quasi fuga ardui mali. & Ira, quasi tristitia mali ardui cū iam præsens
fue

fuerit. Quarū passionū ab inuicem distinctio, non parum ad cognitionē appetitus sensitiui cōducet. Passio nanq; *Spes.* spei in appetitu oritur, quādo ab æstimatiua proponitur obiectū aliquid cōueniens, tamē sub ratione ardui: quatenus videlicet difficultatē habet ipsum obiectū in acquirendo. Vt cū proponitur canis cibis cōueniēs, sed astat, qui flagellum tenet atq; ita arduitas & difficultas simul opponitur, illo tamē arduo nō obstāte, adhuc inclinatur canis, & mouetur amore ad ipsum cibum cōuenientē æstimās arduitatem illam se posse superare, & propter arduitatē non desinit ad rem illā inclinari tāquā sibi possibīle adipisci, hic sperare dicitur. Spes enim est de rebus arduis & difficilibus. Quæ enim arduitatē & difficultatem non habēt, sperare non dicimur. Econtrariō autē desperatio est, cum ratione ardui propositi, aut præsentatæ difficultatis, appetitus auertitur ac desinit ab obiecto aliās appetibili & conuenienti, vt amplius ad ipsum nō moueatur, neq; inclinetur, vtpote nō possibile adipisci. Veluti cū canis cibum appetit vehemēter: sed videt flagellum tā terribile, & tam terribiliter vibrantē flagellum, qui astat cibo, vt non æstimet se posse arduitatē superare, & verbera talia euadere posse vel perferre, hic certe desperat, quia ab eiusmodi appetitu desinit obiecti cōuenientis propter arduitatē & difficultatem, quam æstimat insuperabilem. Respondēt autem spes & desperatio in trascibili, amorī & odio in concupiscibili: estq; spes velut amor quidā boni ardui, secundū rationem ardui. Nā quatenus bonū obiectum amatur quatenus vero arduū speratur. Desperatio autem est, quasi odiū ardui: secundū rationem ardui: id est. auersio ab arduo vt arduum est. Videntur autem spes & desperatio nō solum respicere bonū, sed etiā malū. Spes enim est de bono arduo consequendo, vel de malo arduo superando. Vnde sperare dicitur, qui bonum aliquod, quod amat non desinit, sed pergit appetere, nihil obstante cōsideratione ardui. Sperat etiā qui amat mali alicuius, quod odit, euasione, & superationem, tamen si arduitatem habeat adiunctā, malū illud euadere vel superare. Itē desperat de bono arduo cōsequēdo, propter arduitatē, vel de malo euadendo, aut superando propter arduitatem. Vt (verbi gratia) brutum animal sperat cōsequi pabulū, quod videt, etiā si

ali

aliquid difficultatis sit adiunctum, & sperat effugere periculum sibi imminens, etiā si sit arduum ad effugiendū. Aut econtrario desperat de cōsequendo pabulo propter nimiam arduitatē, aut de superando euadendoq; periculo, propter nimiam arduitatē quam sibi putat insuperabilem. Itaq; tam boni consequutionem, quā mali superationem, atq; euasione respiciunt spes & desperatio. Atq; ita in sequentibus passionibus est dicendū. Audacia verò & timor differre videntur, sicut prosequutio & fuga. Audacia enim est quasi prosequutio quædam boni ardui, vt arduum est, nihil videlicet obstante arduitate. Timor vero fuga est ardui propter arduitatē, cum scilicet arduitas retrahit & fugā facit in appetitu. Et oritur audacia ex spe, quemadmodū ex amore oritur prosequutio, & ex desperatione timor, quemadmodū ex odio fuga. Cum enim proposito bono arduo, appetitus propter arduitatē nō aueritur, vt desperet, sed manet conuersus vt speret, neq; spem abiicit illius boni consequendi, quanquā sit arduum ad consequendū, tum deinde mouetur, ad ardui illius prosequutionē, non obstante arduitate: atq; hæc est passio audaciæ. Item, cū per desperationem quis à malo superando aueritur, spe superationis abiecta, propter arduitatē quam æstimat insuperabilem, ex hoc consequenter mouetur ad fugiendum hoc ipsum propter suā arduitatē, & est timor oppositus audaciæ. Est enim timor fuga à malo arduo, propter ipsius arduitatē, vel à consequutione boni ardui, item propter arduitatē. Quæadmodum enim spem & desperationem diximus esse de bono arduo assequēdo aut non assequendo, nihil obstante arduitate, aut malo similiter superādo: ita audacia prosequitur bonum arduum consequendum, vel malum arduū ad superandum. Timor vero deiectio & fuga quædā est, vel à bono arduo consequendo, vel à malo superādo.

Quòd ira nullam habet passionem contrariam. CAP. VII.

DE ira verò hoc singulare est, q̃ nullam habeat passionem sibi contrariam, vt in prædictis apparuit, sed est penitus absq; cōtrario. Cuius ratio est, quoniā ira respondet tristitiæ, estq; tristitia quædam de malo arduo præsen-
ti, quatenus arduum est ad ferēdum, vel de boni ablatione, quatenus arduum est, & difficile tali bono carere: quæ
trist

tristitia, propter arduitatem, cōsurgit ad ipsum malū superandū per vindictam. Vnde ira est, quando propter malum arduum illatū, appetitus vehemēter mouetur ad malum illud superandū, per illationem vindictæ. Existimat enim hoc modo malū proprium superare, cum equale vel maius illi intulerit, à quo accepit malum. Huic autem tristitiæ de malo arduo præsentī, nō potest in bono aliquod inueniri, contrariū. Contrariū enim tristitiæ est gaudiū, quod est de bono præsentī: bonū autē præsens nō potest sub ratione ardui considerari. Omne enim bonū, quantūcūq; ad acquirendū sit arduū, quātumlibet habeat in sui prosequutione & acquisitione difficultatē, cum iam habitum fuerit, nullā omnino habet difficultatē. Quapropter bonum præsens nō potest nisi passionem simplicis gaudij in appetitu efficere. Nā tantū vt præsens bonum mouet appetitū, non iam vltà vt arduum bonum, cum nullum præsens bonum sit arduū bonum. Et licet hoc experientia doceat, quanto bonū aliquod in prosequutione magis arduū fuit, tanto gaudiū vehementius (cum iam adeptū fuerit) in affectu causari, quēadmodum ea quæ cū periculo vitæ adepti sumus vehementius diligimus, & gaudio maiori afficimur de illorum possessione, nō tamen aliud quā gaudiū inde enascitur, ex adeptione videlicet talis boni, cū iam præsens ardui rationē perdit. Quod enim maius gaudiū sit ex huius cōsequutione nō est, quia vt præsens arduū est, sed quia in prosequutione arduum fuit, & ad cōsequendum difficile. Atq; hac de causa fit, vt ira in appetitu irascibili nō possit habere contrariū: quoniā videlicet obiectū iræ (quod est malum arduū præsens) non potest habere contrariū. Nā bonum arduū præsens & habitum, appetitus nequaquā respicit: neq; vllum obiectum sub tali cōsideratione ipsum mouere est potens. Includit enim repugnantia: quia si bonū præsens est, arduū nō est: & si bonū arduum est, præsens nō est. Præsentia enim excludit in bono arduitatem. Secus est de malo, quod simul præsens & arduū esse potest. Secus etiā de bono absente. Nam bonū absens potest esse arduū, priusquā habeatur, secundū quod in acquirendo habet difficultatē. Omnes *Sex passio-* ergo passionēs quæ in appetitu sensitivo inueniuntur, in *nes concupi-* sex iuga possunt reduci: quorū tria prima perfecta in pa- *scibilis.* ritate

*Sex quoque
irascibilis.*

ritate sua, sunt ipsius concupiscibilis, concupiscentia & odiū, prosequutio & fuga, voluptas & dolor. Tria autem posteriora iuga, quorū nouissimum imperfectū est in imparitate (quod vnum deficiat) sunt ipsius irascibilis appetitus: videlicet spes & desperatio, audacia & timor, & ira non habens contrariū. Opponitur tamē ei priuatiue ipsa iræ carentia, quam in irascentiam possumus appellare. Et ad harū passionum aliquam necesse est reduci omnē passionem sensitiui appetitus, siue irascibilis siue concupiscibilis. Quod autē omnes istæ passionēs sint appetitus sensitiui, manifestissimum est, ex eo quod singulas videamus etiā in irrationabilibus animātibus, in quibus nullus est intellectiui appetitus. An verò appetitus irascibilis, & concupiscibilis, duæ sint potentia realiter distinctæ, an tantum vna secundū rem potentia, sed diuersa habēs officia, nolumus impræsentiarum inuestigare profundius.

Quomodo passionēs irascibilis oriuntur ex passionibus concupiscibilis.

CAP. VIII.

Illud autem notandū est, quod passionēs irascibilis oriuntur ex passionibus concupiscibilis, & terminantur in easdē. Nam ex amore alicuius rei conueniētis quæ est in concupiscibili, exoriēte aliquo quod arduitatē adducit illi rei amatæ, consurgit in appetitu irascibili spes ad illā arduitatē superādā, & audacia qua prosequitur superationē talis arduitatis. Et cū per audaciam cōtigerit arduū superari terminatur spes illa & prosequutio in gaudio, quod inde nascitur: atq; ita in passionem concupiscibilis terminantur passionēs illæ irascibilis. Ita timor de malo imminenti & arduo, cū iam malū ipsum aduenierit & vicerit, ita vt superari non possit, in purā tristitiam terminatur. Non enim est ira, donec mali præsentis arduitas æstimatur per vindictam superabilis, quemadmodum audacia prosequutio est superandi mali ardui imminētis, cuius mali arduitas æstimatur superabilis. At verò, cū æstimatio talis (videlicet superandi præsentis mali) defecerit, iam non amplius ira, sed tristitia mera est, quæ ex malo arduo præsentī procedit, quemadmodum in iis qui rebus desperatis, post timorem, tandem in illud incidunt quod antē timuerāt, nec æstimant mali arduitatē se vlla vindicta posse superare. In his enim ira vertitur in puram tristitiam

tristitiā. Talis ergo qui iam præfente malo sic premitur, *Amor est*
 definit desperare, definit & timere: & post desperationem *prima radix*
 ac timorem, finem occupat dolor. Terminatur ergo (vt *passionū a-*
 diximus) passionēs irascibilis in passionēs concupiscibili-
 li. Et licet terminentur nunc in gaudium, nunc in tri-
 stitiam, simpliciter tamen amor in cōcupiscibili est prima
 radix omnium aliarum passionum: nec potest vlla passio
 in concupiscibili, vel in irascibili oriri, nisi ex radice amo-
 ris, siue concupiscentiæ. Nou enim est aliquod odium,
 quod non oriatur ex aliquo primo amore. Quicquid
 enim odit appetitus, ideo odit, quia contrarium est alicui,
 quod vt bonum & conueniens amat. Vt si amat canis ci-
 bum, odit quicquid ab huius consequutione prohibet
 vel impedit, & quicquid hoc, quod vt conueniens appetit
 expellit ac fugat: sic qui amat vitam ac sanitatem, odit
 quæcunque apprehenduntur, vt sanitati aut vitæ contra-
 ria. Nihil enim odit appetitus, nisi sub ratione disconue-
 nientis. Disconueniens autem dicitur disconueniens in or-
 dine ad aliquid. Indicatur ergo in odio disconuenientis,
 præuius amor alterius rei, illius cui hoc est disconueni-
 ens, nempe vitæ & boni ipsius animalis, cuius est appeti-
 tus. Est enim appetitui naturaliter insitus quidā amor vi-
 tæ & boni ipsius animalis cuius est: ex quo amore procedit
 odium generale disconuenientis, ac deinde particula-
 ria odia omnium earū rerum, quæ estimantur vt contrariæ
 aut repugnantes vitæ ac bono ipsius animalis. Sicut econ-
 trario ex vno illo amore, oriuntur particulares amores
 omnium earum rerum quæcunque æstimantur, vt con-
 uenientes vitæ vel bono animalis.

Gaudiū siue voluptas esse aliarū passionū finem. CAP. IX.

Profundius autē considerantes, inuenimus gaudium
 siue voluptatem, omnium passionum aliarum esse fi-
 nem, quæ appetitus finaliter quærit, & ad quæ naturaliter
 omnes aliæ passionēs ordinantur: ita vt quæadmodū ex a-
 more omnia proficiſcuntur, sic ad gaudiū & voluptatem o-
 mnia ordinantur. Ad hoc enim appetit⁹ cōcupiscit & proſe-
 quitur, quod cōueniens est vt cū assequutū fuerit gaudeat
 in illo estq; gaudium velut, fructus, ad quæ appetitus con-
 cupiscendo & prosequendo tēdit. Et sicut omne odium,
 & omnis fuga ex amore proficiſcitur, ita omne odium,
 omnif

omnisq; fuga finaliter tandē ad gaudiū ordinatur. Ad hoc enim id, quod animali disconueniens est, odit & fugit appetitus, vt non per aduentum disconuenientis animali veniat tristitia, sed malo depulso gaudium acquirat, vel in habito gaudio conquiescat. Vnde sicut perturbatio belli ordinatur ad trāquillitatē pacis, sic odiū & fuga ordinantur ad quietē gaudij. Et prouidē admodū Deus animalibus dedit nō solum amare & prosequi, sed odire etiam & fugere. Nā si nō aliud noscet appetitus quā amare, quā prosequi, non esset quō se à cōtrariis & discōuenientibus præsaueret. Nā ad præservationē huiusmodi à discōuenienti, requiritur odiū & fuga, quibus à disconuenienti appetitus, ipsum animal potest se elōgare & abstrahere. Ex prādictis patet, qd gaudiū per se est secundum naturā animalis, tristitia verō contra naturā. Nam gaudiū est per se finis ipsius appetitus, quē finaliter quærit. Vnde oportet tristitiā contrariā esse cōtra naturā. Atq; hinc est, qd naturaliter omne animal quærit delectationē, voluptatem, & gaudiū: abhorret autē à tristitia & dolore conatur item modis omnibus se in gaudio cōseruare, & in delectatione cōtinere, à tristitia autē & dolore diligentissime & quā ocyssimē potest, se conatur liberare. Hinc etiā est, qd tristitia (vt pote naturæ animalis cōtraria) cōsumit & corrumpit ipsum animal, atq; ad mortē deducit. Vnde per Sapientē dicitur: Spūs tristis exiccat ossa. Et Iacob ad filios suos volētes secū Bēiamin adducere in Aegyptū: Si qd ei aduersitatis (inquit) acciderit in terra ad quā pgitis deducetis canos meos cum dolore ad inferos. Cōtra verō gaudiū: & lætitia sanitatis est effectiua, & vitæ conseruatiua.

Quare Deus irascibilem addidit concupiscibili, & quod etiam timor & desperatio animali fuerint necessaria. C A P. X.

OMnes etiam passiones quæ sunt in irascibili, sicut ab amore radicaliter oriūtur, ita ad gaudiū naturaliter pergūt, & ad ipsum vt suum finē ordinātur. Spes enim & audacia ad hoc ordinātur, vt tandē bono arduo, nō obstāte arduitate, cōsequuto vel malo arduo superato, appetitus per gaudiū, quiescat in bono acquisito. Imò desperatio & timor ad gaudium ordinātur. Desperādo enim animal mouetur vt timeat ac fugiat, sicq; euadat tristitiam quæ imminet, & gaudiū habeat malo per fugā declinato.

Vbi

*Gaudiū est
secundū naturam.*

*Prouer. 17.
Genes. 42.*

Vbi notandū, quòd appetitus irascibilis datus est animali propter cōcupiscibilē, & est velut propugnator appetitus cōcupiscibilis. Sine appetitu nanq; irascibili, concupiscibilis esset velut inermis, & absq; defensione. Neque sufficiebat appetitus cōcupiscibilis ad bene esse animalis, nisi fuisset adiunctus etiā irascibilis. Frequenter enim cōtingit circa id quod animali est cōueniens, occurrere arduitate & difficultatē, per quam affectus cōcupiscibilis statim retraheretur, vel remoraretur, nisi esset adiunctus appetitus irascibilis, qui confirmaret concupiscibilem & velut animaret in suo amore & prosecutione, ne statim concupiscibilis occurrente arduitate se retrahat, atque à prosecutione desistat. Quomodo enim armatus aliquis per viam ambulans, cū inermi, facit ipsum inermē non desistere ab itinere, etiā si videatur aliquid occurrere aduersi, qui alioqui solus & inermis existens statim ab itinere suo cessaret, vel deflecteret: sic appetitus concupiscibilis statim à cōuenientis prosecutione cessaret, arduitate occurrente deterritus, nisi haberet irascibilem velut propugnatorē, qui illū teneret in prosecutione sui appetibilis. Ita ergo irascibilem appetitum Deus animali cū cōcupiscibili dedit, vt etiā occurrente arduo à prosecutione cōuenientis nō cessaret, neq; statim malo succumberet, sed cōtra ipsum sese erigere posset, & ad arduitatē superandā conari. Item, cū fortē à disconuenienti malo teneretur, vt nō perpetuo sub illo permaneret, sed ad eundē malū sese possit erigere, & velut ad superandū animare. Ita enim per spē & audaciā animal nō obstante arduitate pergit prosequi quod amat, & vnde quærit gaudiū. Per iram verò, etiā cū præsens fuerit malū, superare conatur & euincere malitiam, atque ex ea sese extricare.

Per desperationē quoq; & timorem sibi cōsultat animal, cū ipsum malum arduū imminens tantū videt, vt superare se nō posse existimet. Cōducit enim animali ad euasione mali, desperatio & timor: cū tam arduū fuerit malum, vt existimet se nō posse superare. Nā tunc per desperationē & timorē fugit animal, sicq; suæ salutis cōsultat. Si enim oblato arduo quod animal ipsum superare non potest, adhuc pergat sperare & audere, periculum est vitæ ipsius, dū se opponere tētat malo excedēti suas vires, & se

*Appetitus
irascibilis,
propugna-
tor est cōcu-
piscibilis.*

fortius oppugnare: vnde cū deuictū fuerit, malè habebit. Et frequentissimè hoc modo animal in perditionē venit. Itaq; etiam desperatio & timor in animali vtiliter posita sunt ad salutem animalis, occurrente malo quod existimatur nō posse superari: sicut econtrario spes & audacia ibi cōducunt ad esse animalis, vbi existimatur malum posse superari. Atq; hoc pacto manifestè patet, quomodo (vt suprā diximus) etiā desperatio & timor ad gaudiū ordinantur, sicut ex amore proficiuntur. Amor autē ille primus, ex quo oriuntur omnes istæ passionēs tam cōcupiscibilis quā irascibilis (vt iam ostensum est) & gaudiū istud ad quod passionēs omnes ordinantur vt ad finē, de eadē re sunt. Est enim primus amor appetitus, quo appetit & amat salutē ipsius animalis cuius est appetitus. Et gaudium vltimū ad quod ordinantur omnes passionēs aliæ, est similiter de salute & bono ipsius animalis, ad quod ordinantur quæcūq; in ipso sunt omnia. His autē de appetitu sensitivo determinatis, rursus ad intellectiui appetitus considerationem (vnde digressi sumus) reuertamur.

*Prædicta omnia etiam in intellectu appetitu innu-
niri.*

C A P. X I.

HAs autē passionēs omnes quas iā explicauimus, manifestū est sic in homine, sicut & in aliis irrationabilibus inueniri. Nā & homo quæ secundū sensum percipit corpori cōuenientia, amat, atq; prosequitur, & cū adeptus fuerit, voluptate in eis afficitur: cū percipit discōuenientia corpori, hæc odit, fugit, & de his tristatur, si ea aduenire sibi contingat. Sperat itē, & audet, & occurrenti difficultati se opponit, vt euincat. Desperat quoq; interdū, & timet cū arduitatē æstimat suas vires superare. Insuper & irascitur cū præsens malum fuerit quod putat per vindictā posse se superare. Et in his omnibus (quātū ad corpus attinet) manifestè homo cū cæteris animalibus irrationabilibus cōuenit, ita in appetitu sensitivo sicut in sensu. Verū quantū ad appetitū intellectiui cōsiderādū est, quod licet nulla talis passio corporalis posset in eo inueniri, ipse tamē dicitur amare, odire, prosequi, fugere, delectari, tristari, sperare, desperare, audere, timere, & irasci. Et hæc omnia quæ iam prius appetitui sensitivo diximus cōuenire, nō sunt omnino ab intellectuui appetitu aliena.

Quo

Quomodo enim in appetitu sensitivo sunt amor corporalis, gaudiū corporale, odium corporale, tristitia corporalis, ira corporalis, & ita in cæteris: sic in appetitu intellectivo est amor spiritualis, quo voluntas id quod secundum rationē bonū iudicatur, amat: est desiderium spirituale, quo ad acquirendū id quod secundū rationē bonū iudicatur, tendit: & est gaudiū spirituale, quo in eo iā adepto oblectatur. Vt cū intellectus iudicat virtutē esse bonā, & rem vtilē homini, appetitus intellectivus amore afficitur erga illā, & incipit eā prosequi, siue ad eā tendere desiderio: atq; vbi adeptus fuerit, in ea gaudet. Et cū intellectus aternā vitā (qua Deus est) vt bonā & summē bonā cognoscit, volūtas amore afficitur, & desiderio tendit ad illam consequendā. Atq; vbi desiderium hoc suū adimpleri cōtigerit, summo gaudebit gaudio. Est quoq; odiū spirituale, eius quod secundū intellectum iudicatur disconueniens & malū, & fuga eiusdē, atq; vbi præsens adesse contigerit, tristitia. Vt cū intellectus iudicat vitia esse hominis nobilitati contraria, & naturā deformantia, afficitur voluntas auersione & odio contra illa, fugitq; & abominatur ea: ac si quando in ea per fragilitatem cōtigerit incidere, tristatur de talis mali præsentia. De quali odio per Psalmistā dicitur: Nōne qui oderunt te domine oderā, & super inimicos tuos tabescebā? Perfecto odio oderā illos, inimici facti sunt mihi. Item spes & audacia in appetitu intellectivo inueniūtur. Cū enim intellectus virtutem vt arduā & difficilem considerat (quippe virtus & ars, iuxta Aristotelis sententiā versantur circa difficile) voluntas nihilominus firma & stabilis non deterrita arduitate, eūmq; putās posse euinci & superari, pergit amare virtutem, pergit etiā desiderare & ad eam tendere, hīc certē sperat & audet. Sin e contrario arduitate victus humanus appetitus resiliat deiiciatūque ac fugiat à virtutis proposito (quemadmodum proh dolor cernere est in maxima parte hominum) hic desperatio & timor est. Itrā quoque in intellectu appetitu spiritualement experimur, cū illud quod secundum intellectum malum & disconueniens iudicamus, adesse contigerit: voluntas tamen aduersus ipsum consurgit, & quatit ipsum malum superare atque euincere. Vt cū homo in peccatum se aduertit

Psal. 138.

Aristoteles.

cecidisse, grauiter irascitur aduersus illud, si non sibi cō-
placet in eo, neq; perseuerare eligit in eo, consurgitq; ad
ipsum expellendū, ac se ab illo emundandū. Ita cū quis
in se vel in proximis videt contemptum diuini honoris,
ira spiritali aduersus malum hoc secundū intellectiūm
appetitum consurgit, ad superandū & destruendum con-

Psal. 62. temptum honoris Dei. Ac de huiusmodi ira intelligendū
Ioan. 2. est, quōd in Psalmis scribitur, & apud Euangelistā Ioannē

2. Cor. 7. adducitur de Christo domino: Zelus domus tuæ comedit
me. Et Paulus Apostolus gaudet per suam epistolā se cō-
mouisse discipulos ad iram & indignationē, cōtra pecca-
tum, ad pœnitentiam. Ita ergo manifestum est, omnia ista
quæ in appetitu sensitio inesse suprā diximus, etiā intel-
lectiūo appetitui inexistere. Est tamen hoc aduertendū,
quōd ista vt sunt in sensitio appetitu, dicūtur passiōes,
non autē vt sunt in appetitu intellectiūo. Vnde & angeli-
cæ mentes amant salutem hominum, amant Deū, profe-

Luc. 15. quantur & desiderant electorum salutem, gaudent super
peccatoribus pœnitentiam agentibus, & super iustis pro-
ficientibus, tristantur super cōuersis, reuertentibus ad pri-
stina vitia, aut iustis suam iustitiā relinquentibus, irascū-
tur aduersus eos qui scandalizant pusillos, qui Dei nomē
blasphemant, sperant de peccatoris cōuersione donec in
mundo est, desperant de eorū reditu ad bonū qui in pec-
cato mortali iam condēnationem acceperunt, & ita in
aliis. Nequaquā tamen in angelis sunt ponendę passiōes,
amoris, gaudij, odij, tristitiæ, & huiusmodi: atq; ita nec in
homine secundū appetitum intellectiūm, secundum quem
similis est angelis. Hæc enim omnia intellectiūus appeti-
tus absq; passiōe in se habet, quæ sensitio habet cū
passiōe, & affectiōes tantum, nō passiōes appellantur.
Passio enim corporalem aliquam immutationē designat,
& imperfectionem includit. Vnde plerūq; inualescenti-
bus passiōibus corporalibus istis, cernimus hominis cor-
pus secundum eas disponi. Vt qui vehementer irascun-
tur, cernuntur oculos habere scintillantes, & faciem ve-
lut fumantem atque ardentem, propter quod in scriptu-
ris nonnunquam ira per fumum faciei designatur. Veluti
cū de Deo dicitur: Ascendit fumus in ira eius, & ignis
a facie eius exarsit, Et alibi: Domine Deus quousque ira-
sce

sceris super orationem serui tui? ubi in Hebræo habetur, *Psal. 79.* fumabis, pro irasceris. Qui vehementer timent, pallidi fiunt: itē qui desperant, vultu fiunt deiecto. Vnde ad Cain desperantem ob non acceptata munera, dominus. *Gene. 4.* Quare (inquit) concidit facies tua? Ita qui gaudent, multum rubescunt, & grato colore perfunduntur in vultu: qui verò tristantur, vultum habent tetricum & toruum. At verò affectiones istæ ut sunt in appetitu intellectiuo, non sunt cum tali immutatione corporali, neque per se eiusmodi passionē in corpore efficiunt, nisi simul & in appetitu sensitiuo passio existat affectioni voluntatis correspondens. Ita enim solet ex redundantia affectionis, quæ in appetitu intellectiuo est, etiam in sensitiuo passio correspondens generari. Quemadmodū videlicet ad oculum cernimus, eos qui interno letantur gaudio, ex bonæ cōscientiæ testimoniō, ex redundantia gaudij spiritualis gaudere etiam corporaliter, & serenitate ac placiditate quadā vultus illud internum gaudiū demonstrare. Et cum quis secundū Deum irascitur, secundum voluntatem simul etiam corporis ira accenditur, quæ velut ministrat ultionem.

Differentia inter passiones appetitus sensitivi, & affectiones appetitus intellectui.

C A P. XII.

ESt etiam hæc differentia inter passiones appetitus sensitivi, & affectiones voluntatis, quòd appetitus sensitivus secundū eas merè patitur, quia naturaliter ab obiecto ei imprimuntur, ita ut non possit non recipere, quēadmodum sensus merè passiva potentia est. Vnde presentato per sensum obiecto conuenienti, & per estimatiuam ut tali iudicato, appetitus sensitivus necessariò & naturaliter afficitur & amat illud, & cū obiectum aliquod ut conueniens & præsens per sensum præsentatur, naturaliter patitur appetitus sensitivus, & afficitur gaudio ex ratione talis obiecti, habetque se merè passiuē, quemadmodum sensus cū à sensibili oblato speciem recipit. Atque hinc fit, ut brutum animal proposito cibo quem secundū estimatiuā iudicat conuenientem, naturaliter erga ipsum amore afficiatur, ipsumq; prosequatur, neque potest non amare, aut non prosequi, nisi adit impedimentum aliunde quod præualendo naturaliter operetur fugi vel odiū, ut suprà declarauimus. At verò in appetitu intellectiuo *Appetitus*

*intellecti-
mus differt
à sensitivo.*

multò aliter se res habet. Est enim voluntas, potētia multò nobilior. nō vtiq; merè naturaliter patiens ab obiecto, etiā sub ratione sua proposito, sed mouēs seipsam ad obiecti propositionem potius, quàm ab obiecto moueatur. Nā si naturaliter ab obiecto moueretur, semper obiecto proposito deberet secundū rationē obiecti moueri, cum nullum esset ab extra impedimentū. Atqui experientia aliud manifestat, videlicet hominis voluntatē nulla necessitate ab obiecto proposito moueri: sed propria libertate ipsam sese mouere. Potest enim cōtingere, & cōtingit per singula momenta in plurimis, vt intellectus & ratio iudicet hoc esse bonū, aut conueniens, cum tamen ipsa voluntas illud non prosequatur, nec amet: item vt intellectus iudicet hoc esse malum, cum tamen voluntas non odiat illud, nec fugiat. Vnde in incontinentibus manifestè hoc cernimus: iudicant enim secundum intellectum, malum esse adulterio coinquinare vxorem alienam, malum esse in tali statu permanere: attamen secundum voluntatem non tristantur de tali malo præsentī, neq; odiunt, neque fugiunt. Item omnes secundum intellectum iudicant peccatum esse malum, & deformans humanam naturam: attamen secundum voluntatem non omnes odiunt peccatum, neq; fugiunt. Est ergo voluntas potentia non merè passiuā naturaliter patiens ab obiecto, ita vt non possit non pati ab eo quemadmodū est appetitus sensitivus: sed libera est, & actus sui in seipsa liberè effectiua, ad propositionem tamen obiecti. Intellectus enim & rationis est voluntati obiectum proponere, vtpote sub ratione boni aut mali: & voluntas non trahitur ad obiecti prosecutionem, neque vlla necessitate in ea sit affectio secundum rationem obiecti, sed libertate sua se mouet cum voluerit, secundum affectionem tali obiecto conuenientem: ita vt etiam cum mouetur, liberè possit non moueri. Vt cum intellectus virtutem vt bonam & conuenientem humanæ nobilitati proponit, voluntas non trahitur naturaliter ad eius amorem & eius prosecutionem, sed liberè se mouet. Nam obiecto eodem similiter oblato, & nullo existente alio impedimento, potest nunc moueri ad amorem virtutis, aliās non moueri: potest nunc prosequi, aliās non prosequi.

De libertate voluntatis super affectiones proprias & passion-
nes appetitur sensitivi.

CAP. XIII.

EX prædictis videtur manifesta libertas ipsius appeti-
tus intellectivi, quo ad proprios actus, & affectiones.
Vnde etiã fit vt propriè nomenclentur voluntatis actus vel
operationes, nequaquã autem passionibus, tametsi vt in ap-
petitu sensitivo, passionibus verius quã actus vel operatio-
nes appellentur: videlicet quod in appetitu sensitivo fiant
ab obiecto potius quã efficiantur ab ipso appetitu: in in-
tellectivo autẽ contrariò, nõ ob obiecto in ipsum impri-
mãtur, sed ab ipsiusmet libertate efficiãtur. Nõ solũ tamẽ
hanc libertatẽ habet voluntas super actus proprios, verũ
etiam super passionibus, quæ sunt in appetitu sensitivo, ma-
gnũ habet dominiũ, & magnã libertatẽ. Quia enim appe-
titus sensitivus, secundũ naturã subiectus est voluntati
vt inferior superiori: & quia voluntas potẽtia libera est,
hinc fit, vt nõ solum imperiũ & libertatem habeat supra
proprius suos actus, verũ etiam supra passionibus appetitus
sensitivus. Imò verò ex Dei ordinatione, hoc ipso quod vo-
luntatẽ liberã homini dedit, inferiorem appetitũ nõ libe-
rum voluit huic superiori libero esse subiectum, voluit q̃;
huius passionibus naturales & nõ liberas ab huius liberta-
te regi & moderari. Vnde ex ore domini ad Cain exarde-
scientem mala iracundia (propterea quod non quæ ipsius
mala munera, igne cœli absorpta essent, vt bona sacrificia
fratris) ita dictum legimus, Subter te erit appetitus
tuus, & tu dominaberis illius. Quasi dicat, Tu quidẽ nunc
subita exardescis iracundia, quasi grandi malo tibi illa-
to ex eo quod tibi frater prælatus est signo diuino. Atta-
men scito, inordinatũ hũc iracundiæ furorẽ qui in tuo sensi-
tivo appetitu exoritur, debere te comprimere & mode-
rari, per superiorẽ quæ in te est liberã voluntatem, ne pro-
pter hunc iræ furorẽ, impium aliquid operẽ committas
quod in proximo futurum est, si insurgentem appetitũ pri-
mum nõ cõprimas. Si autem verũ est quod ait domi-
nus, sub homine esse ipsius appetitum, & ipsum domina-
ri debere suo appetitui, manifestè consequitur supra hũc
appetitum debere poni aliam aliquã potentiam superio-
rẽ cui subdatur, & cuius imperio atq; dominio subiiciã-
tur. Quod autẽ dominatur alteri, & sub se habet subiectũ

*Voluntatis
libertas.*

Genes. 4.

Genes. 4.

vt possit reprimere, moderari, ac regere, libertatem habere debet qua id possit. Hæc autem potentia superior voluntas est & appetitus intellectiuus. Patet ergo ex verbis illis domini, appetitum sensitium subiectum esse intellectui, item & voluntatē habere libertatē, & imperiū, nō solū super actus proprios, sed etiā super passionē sensitui appetitus. Quomodo enim sub ipso esset appetitus sensitiuus, & quomodo ipse huius dominaretur, si super suos tantū proprios actus diceretur habere libertatem? Quomodo enim regē dicemus imperare populo, si ipsum fateamur solū habere libertatē in propriis rebus agēdi quod voluerit, & nō etiā in negotiis populi? Sed & si ea quæ antecedūt prædicta domini verba, diligētius considerauerimus inueniemus libertatē volūtatis causam esse, ob quā illi subiicitur sensitiuus appetitus. Sic enim dominus præmittit, *Quare iratus es, & quare cōcidit facies tua? Nōne si bene egeris, recipies: sin autē malē, statim in foribus peccatū tuū aderit?* Ac demum subiūgit quod iā diximus: *Sed sub te erit appetitus, tuus & tu domiaberis illius.* Vbi dum propriæ actionis libertatem præmittit, mox subiungens seruitutē & subiectionē appetitus, indicat appetitum homini subiectum esse ratione eius quod est in eo liberum, & à quo suam habet libertatem. Et hæc est sola potentia voluntatis. Per voluntatē enim homo habet libertatē. Est ergo volūtas in homine, quæ ex diuina ordinatione habet libertatem & imperiū super appetitū sensitiuū.

De dominio voluntatis supra appetitum sensitium.

CAP. XIII.

Duplex dominium.

AD cognoscendū autē quomodo volūtas dominatur super appetitū sensitiuū, notandū est (iuxta Aristotelem distinctionē) duplex esse dominiū: alterū quo dominus dominatur in seruū, ita vt nihil possit facere à seipso seruus, nisi quod dominus imperauerit, cuiusmodi dominiū Græca appellatione vocat despōticū, quod nos Latine dicere possumus herile, id est, quo herus dominatur seruo. Si quidem despotes, herus, vel dominus interpretatur. Alterū est dominiū liberū, quo rex dominatur suis subditis liberis: qui licet subiecti sint suo domino, non sic tamē (quæ admodū priores) vt nō possint nisi quæ ille iubet facere, sed ita vt pareant quidē illi in iis quæ imperauerit, possint
nihil

nihilominus etiā illo nō requisito agere quæ sibi videntur cōmoda. Manifestū est autē, appetitū sensitivū pro hoc statu potius posteriori hoc modo quā priori, esse voluntati subiectū. Non enim sic ei subiicitur, vt nihil possit nisi quod ille iusserit. Nam potest per se absq; volūtatis imperio sensitivus appetitus, mouere ipsum hominē ad obiectū, ad quod fuerit pertractus, etiā nō requisita volūtate, neq; accepto à volūtate imperio. Quanquam enim in homine appetitus sensitivus subiectus est voluntati, non tamē ob hoc est ignobilior neq; impotētior in homine quā sit in animali bruto, vbi alium nō habet superiorē. Vnde sicut in bruto appetitus motus ab obiecto, per se sufficiens est animal mouere ad obiectum à quo ipse prior mouetur prosequendū vel fugiendū, ita potest & in homine moueri per semetipsum. Secundo autē modo subiectus est volūtati, & voluntas ei dominatur, quoniā videlicet vbi voluntas iusserit, potest appetitū inferiorē cōpescere, eiusq; passionēs mitigare, vel cōprimere, vel prorsus supprimere, potestq; eū cohibere, ne animal moueat ad obiectum à quo ipse mouetur. Ad eandem rem tertio libro de anima adducit Aristoteles cōparationē sphæræ superioris & inferioris, quarū superior mouet inferiorē suo raptu, eā secū circūgyrando: inferior nihilominus proprio motu contramouetur. Sic enim volūtas (vt sphæra superior) suæ iussionis imperio sibi parere facit appetitū sensitivum, & vi quadā cogit suū sequi imperiū. Attamen habet etiā sensitivus appetitus potestatem motu proprio mouendi, quam non accepit à potentia superiori. Quod si quis huius rei requirat experientiam, mirabor ego an lapis sit absq; sensu qui id requisierit. Quis enim non experitur in sese per singulos dies, imo per singulas horas (ah quid horas dico? potius per singula momenta dicere debueram) multis se inordinatis passionibus & motibus mirum in modum molestari, quæ absque volūtatis imperio ex parte inferiori à sensitivo appetitu exoriuntur? Quis non statim visa re pulchra percipit intra se amorem rei illius, & quandam prosecutionem antequā voluntas adsit, quæ compescat sensualem passionem? Quis non circa res sensibiles sentit frequentissimē sese brutorum more statim affici, subitis passionibus in sensitivo appetitu nascentibus, con-

*Comparatio
Aristotelis.*

cupiscentiæ, prosequutionis, desiderij, odij, fugæ, timoris, spei, audaciæ, iræ, & similium ante omne voluntatis imperium? Hanc ergo non perfectam subiectionem sensitiui appetitus ad voluntatem, euidentissimè sic in nobis probat experientia.

Quomodo sensitiuus appetitus voluntati contrariatur.

C A P. X V.

*Contrarie-
tas appeti-
tus sensitiui
& intelle-
ctius.*

NEq; verò hanc solā habet facultatē appetitus sensitiuus, vt possit absq; voluntatis imperio moueri à suo obiecto, ac deinde ipsū animal etiā mouere: sed (quod magis dolendū atq; deſendū est) secundū eā cōditionem in qua nūc est, plerūq; etiā ad ea quæ volūtatī sunt cōtraria, inclināt & mouet. Appetitus nāq; intellectiui secundū suam naturam ea amat ac prosequitur, & de illis gaudet, quæ secundū intellectum atq; rationē bona sunt: ea verò quæ ratio mala indicat, odit, ac fugit, & de illis tristatur. De huiusmodi etiā bonis sperat, mala cōtraria timet, & aduersum mala huiusmodi irascitur. Appetitus autem sensitiuus amat & prosequitur ea quæ sensus bona iudicat, & de his gaudet: ea verò quæ sensus discōueniētia iudicat, odit ac fugit, & de his tristatur. Atqui nō eadem sunt quæ sensus bona estimat, & quæ ratio vel intellectus; itē quæ sensus mala, & quæ intellectus. Aestimatio nāq; sensus illa iudicat bona, quæ carni sunt grata, bona videlicet corporalia, & tēporalia, delitias, diuitias, amplī supellectilē, pōpas magnificas, & gloriosos titulos, amplū famulitium, abundantiā ciborū, ferculorū, potuū, musicorū instrumētōrū cōcentū, & cætera huiusmodi, quæcūq; sensui carnis sunt grata, & quæcūq; sensum oblectā: & hæc omnia inordinatē & secundū excessum cōsiderata, sensus estimatio- ni bona vidētur, & sic ea sensus appetitus prosequitur. Ratio verò siue intellectus vera bona iudicat illa, quæ incorruptibilia sunt atq; æterna, & ea quibus ad æternitatē pertingitur, cuiusmodi sunt bona cœlestia, itē virtutes, & virtutū opera, virtutū etiā occasiones, & quicquid nouit ad vera atq; æterna bona cōsequēda idoneū. Quæ autē sensus vt sibi grata & conuenientia iudicat, secundū eū vsum. nepe superfluū & excessiuū, nequaquā intellectus vt vere bona iudicat, sed potius vt mala & noxia ad ea bona consequenda quæ ipse verè bona iudicat. Non enim

hæc

hæc temporalia iudicat vtilia, nisi quatenus ad vera spiritalia & æterna bona conducunt, quod est secundum vsum moderatū & sufficientem. Propter quod, appetitus sensitivus contrarius est voluntati, nō simpliciter in hoc, quod ipse temporalia & corporalia appetat, voluntas autē supernaturalia & æterna: sed quia ille corporalia secundum excessum & inordinationem appetit, ista vera non nisi secundum debitam moderationem: nec ea quidē per se, sed vt ad aliud cōducentia. Atq; hoc est quod sanctus Apostolus ait, carnē concupiscere aduersus spiritū, & spiritum aduersus carnem, & adinuicem hæc sibi aduersari, vt non quæcunq; velint homines faciāt. Carnē nanq; intelligit partem infimā appetitus sensitivi, & spiritum appellat superiorē partem in anima hominis, ratione voluntatis: significans videlicet, appetitum sensitivū & intellectivum adinuicē pugnare, vt caro, id est, carnis appetitus, cōcupiscat cōtraria appetitui intellectivo. Hinc & in alio loco multa verborū replicatione cōqueritur, non habitare in carne sua bonū, sed malū sibi adiacere, ita vt legem Dei facere volēs, & secundū spiritum quæ verē bona sunt diligere, inueniat in carne sua aliam legē, legi mentis repugnantem, seq; captiuantē in lege peccati, & alia huiusmodi multa dicit, quæ non nisi sensualitatis peruersitatē indicant voluntati repugnantis: quæ illi vsque adeo est molesta repugnando, vt in vocem tandem exclamationis miserabiliter ciulans terminet querimoniā, dicēs: Infelix ego homo, quis me liberabit de corpore mortis huius?

Galat. 5.

Rom. 7.

Ibidem.

Vnde procedat rebellio appetitus sensitivi contra voluntatem.

CAP. XVI.

SCiendum tamen est, qd appetitus sensitivus licet ex sua natura appetat bonū corporis vt corporis, nō tamē ex sua natura habet sic appetere bona corporis extra modū & ordinē, etiā cōtra rationis dictamen, & suprā quā ratio dicter, quomodo nūc manifestissimē experimur in nobis ipsis. Verū id ex corruptione provenit humanæ naturæ, quā sacræ scripturæ autoritas, & sanctorū patrū testimonia nobis astruūt, ex primi peccati inobediētia evenisse. Nā (vt Sapiēs attestatur) fecerat Deus hominē rectū ab initio, & absq; vlla cōtentione: princeps pacis, o sor dissensiois, duos hos appetit⁹ in hoīe siue vlla cōtrarierate cōiunxe

Eccles. 7.

iunxerat, sicq; appetitum inferiorem subiecerat superiori, ut nihil posset cōtra eius imperiū & cōtra regulę ipsius directionem (id est contra dictamen rationis) appetere, ut non posset amare aut prosequi cibū, vel potū, vel aliud quodcunq; sensui gratū, contra voluntatis imperiū, neq; cōtra rectę rationis dictamē. Nā ante primi peccati inobedientiā, nunquā appetitus sensitivus appetisset cibum, nisi quantū & quomodo & quādo corpori fuisset bonum pro sua sustentatione, & sicut voluntas voluisset appeti, ipsaq; rationis regula dictasset appetendū, neq; vnquā fuisset imperiū voluntatis egressus appetitus inferior, neque limites excessisset rationis. Mox enim ut volūtas iussisset cessare inferiōrē appetitum à sui obiecti prosecutione, dicto statim fuisset obediens, nec progressus fuisset ulterius. Atq; ita dulcissima omnino fuit ab initio duorū horum appetitū harmonia, & incūdisima concordia, inferiore in nullo superioris prætergrediēte imperiū, eratq; tū ab homine in eo statu procul omne dissidiū. Et perdurabat quidē hęc suavisissima pacis cōcordia, donec diuinę voluntati paruit voluntas humana, & donec præcepti diuini regulam voluntas hominis non fuit trāsgressa. At verò posteaquā suam volūtatē homo per inobedientiam subduxit, imo verius suffuratus est diuinę voluntati, eiq; cœpit per suā volūtatē velle cōtrariari, diuiniq; præcepti regulā trāsgrēdi (heu sortē nostrā miserandam) iusto Dei iudicio, harmonia illa & pax suavisissima in homine dissoluta est, ex tūc sunt in homine cōfusa atq; perturbata omnia: ita ut obedientiā iam negare inciperet appetitus inferior superiori (cui vsq; tunc optimē fuerat subiectus) mox ut hic superiori voluntati diuinę multò magis debitam denegasset obedientiā. Qui enim superiori suo iustę negat subiectionis obedientiā, hunc non potest iustior ultio subsequi, quàm ut sui quoque subditi patiatur rebellionem. Et qui initū cum superiori domino fœdus violat, dignus est cui nec alij fidē seruent. Ita ergo per primi peccati inobedientiā, dum se volūtas humana à diuina seiunxit, atq; separauit, eligēs & appetens, quod illa nolebat, factum est, ut mox in carne inferior appetitus similē nobis ludū ludere inchoaret, inciperetq; statim appetere superiori appetitui cōtraria, ut ille iā amauerat quod diuinę

*Vnde profecta
carnis
rebellio.*

uinæ omniū supremæ volūtati repugnabat. Atq; hoc malum in posteros omnes propagatū, ex vno homine, nemo non sentit grauissimè in se desæuire, nisi quæ fortè Deus speciali dignationis priuilegio ad pristinū illum innocentia dulcissimū statum reduxerit, per gratiæ suæ superabundantis præuentionē restituens, quod per primi parētis inobedientiā semel perditū amplius natura non potest restituere. Id quod iuxta consonā catholicorū doctorem sententiā, de beatissima Dei genitrice virgine Maria est confitendū: in qua nō est verisimile fuisse vuquā inordinatū aliquē in appetitu sensitiuo motū, qui in vllō voluntatis repugnasset imperio, aut à rectæ rationis regula dissonasset. Nā de benedicto filio eius domino nostro Iesu Christo, hac in re (vbi de inordinatione loquimur) opus non est verba facere, quem vt verum Deum ordinatissimum omniū ordinatōrē, firmissimè credimus nulla prorsus inordinatione posse, vel potuisse coinquinari. Patet ergo, quomodo sensitiuus appetitus non secundū primariam suæ naturæ conditionē id habet, vt contra voluntatem cōcupiscat, sed secundū corruptionem illā quæ in humanā naturam ex primi peccati inobediētia processit, & hanc contrarietate quæ in homine cernitur, non debere Deo creatori imputari (nō est enim Deus dissensionis, sed pacis, vt sanctus ait Apostol.) sed homini præuicatori, qui seipsum à Deo voluntarie separādo, sui inferioris appetitus perdidit perfectū dominiū. Hic autem appetitus inferior, secundū hāc corruptionē, appropriato vocabulo sensualitas solet nominari. Nam quoties sensualitatē nominamus, inordinationē istā in tali nominatione intelligimus. Nominatio autē appetitus sensitiui corruptionē nō includit, sed ipsam tantū potentiam inferiorē appetendi.

Quanta miseria homini oriatur ex rebellionē appetitus sensitiui contra voluntatem.

C A P. X V I I.

EX hac autē humani generis corruptione ex illius pulcherrimæ harmoniæ miserabili dissolutione multiplex in hominibus procedit incommodū. Inter quæ illud non minimū est, qđ homo ad omne bonū admodū est difficilis ac tardus, & quod nō nisi cū difficultate multa operatur bonū: ad malū verò promptus est & facilis, ipsumq; sine multa difficultate operatur: quemadmodū in Genesi

Virgo Maria à carnis rebellionē immunis.

scribi

Genes. 8. scribitur, sensum & cogitationem humani cordis prona esse ad malum ab adolescētia sua. Ex eo enim, quod sensualitas semper transire quærit rationis limites (quæ est regula voluntatis) semper homo in se habere cognoscitur, quod virtuti studentibus reluctetur. Nā virtus & bonū intra limites rectæ rationis consistit, quos sensualitas exire semper appetit, sicq; virtuti studentibus sua importunitate faceſsit negotiū, & non modicā ingerit difficultatē, suis passionibus cōtinuò pulsans, & velut imperū faciens in voluntatē ad meliora conantem. Atq; hinc est, qd

Arist. 2. lib. Ethicorum. Arist. in libris Ethicorum asserit, virtutē (sicut & artem) versari circa difficile. Profectò enim difficile nō foret homini operari bonū, si non hanc in se haberet corruptā sensualitatē, sic semper ad mala sollicitantē, & bono semper repugnantē. Impossibile est autē non fieri difficultatē in re quātumvis facili, vbi sit qui retrahat, & qui impediat. Quemadmodū in se quidē est facilimū in altum de terra hūc eleuare baculū. Si tamē sit qui toto pōdere calcet super eius extremū, at si sit qui mihi sursum trahere volenti quomodoq; contranitur, difficultas mihi erit in eleuādo: non quidem ex re ipsa, sed ex parte retrahentis atq; contranitētis. Atq; ita sanē, virtus non circa ipsum quod in se est difficile versatur, neq; per se difficile est volūtati appetere & mouere ad bonū: sed propter hāc sensualitatem, retrahētem semper à bono, & ad malum sollicitantē,

Luc. 13. prouenit difficultas. Neq; aliud quā sensualitatē istam rebellem respicit Saluator, cū in Euangelio viam vitæ facit angustam, & angustam portam dicit per quā intratur ad vitam. Videlicet significare volens, plerosq; mortalium sensitiuū appetitum insequētes per vias malas ad mortē pergere, paucissimos verò appetitui huic resistentes per vias bonas ad vitā proficisci. Qua in re illud maximè deſendū est, quod non solum reluctari in nobis potest sensualitas voluntati, & in bono prosequēdo ei facere negotium, verum etiā penitus eam possit ad se allicere, imò sibi subiicere, & pertrahere quò ipsa voluerit: sicut pertrahere solet ancillam conductitiā domina quò voluerit. Nam si tantum difficultatem posset inferre voluntati in operando bonum, foret id quidem tolerandum. Nunc verò tantam habet potestatem, vt etiam supra vo-

lunta

hantatem possit fœdissimè conscendere, eamq; sibi seruiliter subiicere. Quod sanè spectaculum tam fœdum est, tam sordidum, tam inamœnum, tam Deo & sanctis Angelis, atq; spirituali animæ abominandum, vt verbis explicare non queat: tolerabiliusq; foret totam mundi machinam perturbari, sursum ac deorsum commixtis omnibus infimis ad suprema, & supremis ad infima commutatis, quàm ita inferiorem illum appetitum superiori tanto nobiliori dominari. Narrat apud Esdrā secundus ille nobilium adolescentum, qui de mulierum fortitudine disse-

Nota.
3. Esdr.

rebat, rem fœdissimam, de muliere meretricula, concubina magnifici regis: quæ sedens ad regis dexteram, auferebat diadema regni eius, imponensq; sibi, palmis Regem cedebat cum sinistra manu: cum ille super hæc omnia aaperto ore intueretur meretriculam & arrideret ridenti, indignanti verò blandiretur donec reconciliaretur in gratia. Atq; hoc tam fœdum spectaculum referens ille adolescentens purpuratorum omnium præ narrationis nouitate in se conuertit oculos, & principum animos commouit in vehementem admirationem. At verò iis qui inter nos habent oculos, qui fœditatem internam valent conspiceret, multò fœdius, multò sordidius, longè magis execrabile videbitur, sensualitatem vilissimam & sordidam de terra prodeuntem, & semper in luto volutari quærentem dominari voluntati de cœlo progenita, ac de clarissimo Diuino stemmata prognata nobilissimæ utiq; ac liberimæ imperatrici, & regni diadema (quod huic donauit altissimus) ab ea auferre, sibiq; imponere. O' vilissimam meretriculam, ô scortum putidissimum, prauam sensualitatem, quæ tam multorum hominum voluntates tibi vilissimè subiicit, quæ hominum voluntates facis quæ bona sunt relinquere, & tuis pessimis desideriis acquiescere.

Quod voluntas ob suam libertatem non possit cogi ab appetitu sensituo.

CAP. XVIII.

HOc tamen sciendum est, quod nulla voluntas à sensualitate superatur mere violenter, sed tantum sua permissione & libertate. Propter quod, nequaquam voluntas excusatur à grauissimo scelere. Deumque in
infini

infinitum offendit, cum se ita permittit à vilissimo scorto superari. Quanquā enim sensualitas rupto fœdere potest suis passionibus facere negociū & molestiā exhibere voluntati rationis rectæ regulā insequi cupienti, si tamē voluntas obistere voluerit, & nisi ultro consenserit sollicitanti. nisi cedat insultanti sensualitati, impossibile erit ipsam ab hac superari: ita vt impossibile sit volūtātē subiici violēter à sensualitate, neq; possit vnquā ab ea expugnari quantūvis oppugnetur, nisi ipsa se dedat in manus meretriculæ. Quapropter omni excusatione caret voluntas quantūvis grauibz impulsibus passionū sollicitata, si sceptrum & diadema regni à Deo optimo sibi datū permiserit à se tolli, & in manus meretriculæ fuerit deuenire. Non enim potest à voluntate tolli sceptrū, nisi ipsa dederit, & verius ipsa se subiicit sensualitati, quā à sensualitate subiiciatur. Qui enim omnē oppugnātis apparatus & insultū sua virtute potest repellere, hic si se superari ab hoste permittat, manifestum est quod seipsum dederit in manu victoris. Atq; ita cū volūtas in homine possit sua libertate depellere omnes passionum impulsus, quibus ab appetitu sensitiuo potest impugnari, siue blandiendo, siue quancūq; molestiā exhibendo, manifestum est, non posse ipsam manu violēta expugnari, sed à semetipsa sponte deduci in manus expugnantis. Atq; hinc estimet homo, quam grauiter illa à iusto iudice rege regū & domino dominātū puniēda sit voluntas, quæ ita præter necessitatē, absq; omni periculo cōmissum sibi regnū & imperiū, ad modicā oppugnationē vel molestiā resignet & tradit alteri inferiori, cui Deus nequaquā regnū vult esse in homine: id est infimæ & corruptæ sensualitati quā ipse voluit omnimodis esse subiectā. Proinde omni diligētia quisq; debet sibi attēdere, ne ipsam in naturalē dominationē, ministræ super dominā, seruæ super liberā, ancillæ super heram, mulierculæ super virū, in semetipso admittat. Attendat volūtas nobilitatē suæ originis, quoniā de excelsis cœlo est, nō de terra progenita & quātūvis importunā se exhibuerit cōiūcta eadē in carne meretricula quātumlibet sibi facessat negotiū, caueat tamen ne vnquam tam vilissimo scorto ipsa tē nobilis Dei propago se subiiciat: maxime cum nulla sit illi necessitas, atq; hoc certissimo sciat non posse se

Nota diligēter.

se se nisi volentem ab illa superari, imò verò suo conatu & suæ libertatis virtute illā quantūcunq; repugnantem posse nihilominus quò voluerit pertrahere. Tanta enim est voluntatis humanæ pro hoc etiā statu libertas, vt non possit ab vllis passionibus appetitus sensitiui pertrahi violenter ab eo quòd ipsa elegit, ipsa vero possit sensualitatē violenter pertrahere quo voluerit, quantumlibet reclamet, quantumlibet recalcitret ac reluctetur. Et licet voluntas hominis impedire nō possit quin à sensualitate oppugnetur, quin illa recalcitret, remurmuret, repugnet, quia prauæ in illa passionibus exurgant, à quibus magnam difficultatē ipsa patiat, & multā sustineat perpetuamq; molestiā, potest tamen si diligenter aduigilauerit & viriliter se gesserit, omnes illius passionibus edomare atq; cōpescere, ita omnem difficultatem euincere, vt non possit vnquam expugnari, neque in subiectionem venire oppugnantis, vt manifestum sit, quoties voluntatem deuinci contigerit, non ex impotentia esse, sed ex socordia atque segnitie: quandoquidem viriliter decertando, omnem potuisset oppugnationem superare.

Quatenus passionibus sensitiui appetitus in homine datur vitio.

CAP. XIX.

ET quoniā impedire nō potest nec prohibere voluntas pro statu huius miseræ dissensionis, quin sensualitas suis motibus & passionibus insurgat, vt autē nō dominetur & non preualeat omnino, potest sua vigilantia prohibere: hinc est quòd ad culpā à iusto iudice imputatur voluntati, & districta ab ea requiritur ultio, si se ab illa permittat superari, & sub pedes cōculcari. Non autē imputatur ei, quòd passionū in sensualitate exorientiū patiat, insultus, nisi quantū ipsa per negligentiam illas permittit exurgere & inualescere. Quæ verò suæ rebellionis impetu sensualis affectus voluntatē præueniendo agit, pro his culpa nō ascribitur voluntati. Non enim exigitur ab ea quod supra facultatem ipsius est, & quod prohibere ipsa haudquaquā potest, quomodo ergo ei iuste imputabitur? Quapropter nō illi tantū laudādi sunt, neq; boni viri censendi, qui nullis passionibus molestantur, in quibus nullæ sensualitatis malæ affectiōes exurgūt (hoc enim vix paucissimis datur, & nō nisi singulari cōtingit Dei beneficio:

Caput istud pariter & proxime subsequens diligenter expendere.

& vix interdum post multos labores, post luctam annorū multorū à Deo hoc obrinetur) sed ille laudandus est, qui mox vbi persenserit in se malas oriri passionēs, occurrit ex aduerso, per imperium voluntatis, vt eas antequā crescant, succidat, & antequam inualescant, supprimat. Quē admodum non ille solum agricola laudandus est, in cuius agro nullum crescit lolium, nulla vnquam exurgunt zizania: sed qui diligēter prospicit, ne ita exurgant zizania vt triticum supprimant, quiq; mox vt enasci viderit, diligenti sollicitudine euellit ac succidit, antequam in altum exurgant. Neque ille tantum equi sessor laudatur, cuius equus non reluctatur, nō calcitrat, non in altum proiicit posteriora, non exercet vllam petulantiam: sed qui petulantem atque saltantem equum ita nouit fræno gubernare, calcaribúsque comprimere, vt nō ipse pessundet, & equum cogat eam quam ipse voluerit viam, quantumuis reluctantem incedere.

Per similitudinem petulantis equi, ostenditur quomodo debeat appetitus sensitivus subingari voluntati. CAP. XX.

Quam similitudinē equi petulantis & sessoris eius si diligēter cōsiderauerimus, inueniemus, quomodo voluntas in domanda sensualitate sese habere debeat, vt non solum nō pessundet, verum etiam ad quācūq; voluerit, eam cogat sibi subseruire. Videmus autē equorum sessores ad equorum petulantium gubernationē duplicibus vti adminiculis: videlicet frænorū gubernaculis, & stimulis calcarium: quibus equū quantūcūq; petulantem diligens sessor, & equitandi gnarus sub se retinet, & quocūque voluerit, potest agitare. Ita ergo & sensitivus appetitus frænis eget & calcaribus, quibus cōstringatur, vt sub obedientia debita permaneat. Sunt autem fræni isti habitus boni & bonę assuefactiones: quibus illū voluntas quodammodo induit, dum frequenter illius passionēs frangendo, & secundū rationē moderando, ita quandam assuefactionem bonam in eo generat, per quam facilius ipsum regat ac sub se teneat. habitus enim morales, id est, bonę assuefactiones per multū laborem passionibus malis resistēdo, cāsq; moderando in appetitū sensitivū introductę, hoc ei sunt, quod fræna equis. Quemadmodum enim fræna equis affixā & firmiter copulata, sessori dant quo

Fræno indiget appetitus sensitivus.

quo se teneat, & quod equū subiectū moderetur: ita habitus illi atq; assuefactiones in appetitu sensitivo ex multis actibus relictæ, sunt aliquid ei inexistens, quo potest tene-ri & moderari. Generantur autē huiusmodi habitus vel assuefactiones in appetitu sensitivo, ex cōtinuo exercitio. Cū enim frequenter volūtas suo imperio resistit passio-nibus sensualitatis, & eas cohibet intra limites rectæ ra-tionis, facitq; nō realiter appetere quā oportet, ex hoc relinquuntur in ea habitus quidā & quedam assuefactio-nes, & quantō amplius & frequentius id factū fuerit, tan-to firmiores habitus & maiora frena iniiciuntur in appe-titum. Atq; hinc fit, vt rebellio ista appetitus sensitivi ad voluntatem in studiosis & diligentibus hominibus con-tinuo mitigetur, fiatq; in dies mirior ille bestialis appeti-tus, & facilius se gubernari permittat. Fit etiā, vt illis qui primum à vitiis ad virtutes se conuertunt, difficilimum sit continere appetitū, ne currat in pristina obiecta. Sunt enim hi fessoribus imperitis similes, equo indomito absq; frænis insidentibus. Vbi verò paulatim assueuerint, fit eis studium virtutum multo facilius. Calcariū autem stimu-li quibus equi sunt subiecti, afflictiones sunt & pœnalita-tes, quibus affectus sensitivus afficitur à viris spirituali-bus, quo facilius illum sibi subiectum reddant, & minus rebellantem, faciliusque dicto faciant audientem. Huius-modi sunt ieiunia, vigilæ, lacrymæ, labores manuum nu-ditas, frigus, fames, sitis, egestas, vilitas, cōtemptus, & hu-iusmodi: quibus omnibus velut quibusdam stimulis cal-cariam pungitur affectus sensitivus, afficiturq; dolore & affligitur, vt minus sit voluntati bona molienti molestus, & facilius sequatur quocunq; illa duxerit. Atq; hæc ratio est, quare sancti viri quibus omnis cura est tota volūtate domino suo deseruire, sedulo huiusmodi afflictionibus insistant, ieiunantes, vigilantes, laborantes manibus, ver-beribus seiplos afficientes, siti & algore seiplos torquen-tes, atq; ita de aliis huiusmodi afflictionib⁹. Hinc illa Pauli Apostoli vox est: Castigo corpus meum, & in servitutem redigo, ne fortè cum aliis prædicauero, ipse reprobus effi-ciar. Et alibi in infirmitatibus gloriatur, in ieiuniis, pla-gis, fame, siti, nuditate, frigore, & huiusmodi: asserens quod virtus in infirmitate perficitur, & quod tunc fortior

*Calcariibus
indiget sen-
sitivus appe-
titus.*

1. Cor. 9.

2. Cor. 11.

sit, cū infirmatur. Videlicet hæc omnia ad effectus sensitiui edomationē ille referebat, nō audens super indomitū equum absq; calcaribus insidere. Et quanto quisq; magis lasciuientem & magis rebellem hunc subiectū equū persentit, tanto magis illum stimulis huiusmodi pungere debet atq; vrgerē, nec cessare, donec præ dolore subsilientē & clamitantem cogat cessare à petulantia. Atq; ob hoc, in principio conuersionis (cū maximē ferocire videtur appetitus contradictionem à voluntate præter cōsuetudinem patiēs) illis maximē exercitiis corporis afflictiuīs insistendū est, iis qui faciliē volunt ac breuem reportare victoriæ triumphū. Postea verò quā subiecti cōperit, iam utcūq; didicit pristinis stimulis humiliatus minus lasciuiare, mitius quoq; tractari potest & stimulis calcarium prædictorum minus vrgeri, sic tamē, vt nō nimia remissione rursum redeat ad lasciuiam. Nulla enim re melius quā afflictione contumax seruorū genus in subiectionem redigitur, & in subiectione retinetur: quemadmodum Agar ancillam præ lasciuiā dominā suā spernentē, prudens Sara dura afflictione sibi subiicere curauit: quod cōsiliū à Deo non est improbatum, vt fugientem eam etiā angelus domini reduxerit, & cōsiliū Saræ probarit, dicens: Reuertere ad dominā tuā, & humiliare sub manu illius. Quomodo verò habitibus moralibus appetitus frænatur, & an in ipso tales sint habitus, & quot sint, & qui, aliāq; huiusmodi particularia, ad præsentem tractatū non pertinent. Ad moralem nanque doctrinā, atque ad Theologorum determinationem spectant. Nobis sufficiat duos istos appetitus secundum naturalem considerationem distinxisse, & quemadmodum se adinuicem habeant indicasse. Nunc verò ad considerandum ipsam in se voluntatem pergamus, & quæ per illam homini proueniant eximia contemplemur.

De libertate voluntatis in omnibus operationibus. CAP. XXI.

*Voluntati
ceteræ vires
subiiciuntur.*

A voluntate habet homo hoc sibi peculiare, vt solus omnium suorum actuum sit dominus, hoc est, vt quæcūq; homo operatur, liberē operetur, possitq; pro sua libertate quod operatur, nō operari. Subiecit enim Deus voluntati omnes alias vires quæ sunt siue in corpore, siue in anima, ita vt ad voluntatis imperiū omnes possint moueri,

possit

possitq; eis voluntas imperare sui actus executionē, & ipsę ei obedient. Loquimur autē nō simpliciter de omnibus operationibus, neq; de omnibus viribus quę sunt in homine, sed de viribus animalibus, & de operationibus animalibus, quę videlicet homini, secundum quod est animal, cōueniunt. Nam potentia vegetatiua nō subiiciuntur imperio voluntatis. Non enim ad imperiū voluntatis nutritur homo, vel augetur. Alioquin non verū esset quod ait Saluator, non posset nos ad staturam nostram adiicere cubitum vnū. Si enim augmentatiua potentia esset subiecta hominis volūtati, indubiē plurimi statura pusilli (qui ob hoc contemnuntur ab hominibus) etiam vltra cubitū sibi adiicerent. Illę autē vires omnes quę homini cōueniunt, vt animal est, subiacent voluntatis imperio: nō ita vt absq; voluntatis imperio non possint moueri, sed quia ad imperium voluntatis sic nata sunt moueri. Visus enim naturaliter ab obiecto mouetur, cū fuerit pręsentatū: sed volūtas ipsi potest imperare, vt ad hoc vel illud vidēdum se conuertat, & potest auribus pręcipere, vt ad sonū illum attendant, quāquam oblatum sonum absq; omni voluntatis imperio possint audire. Ita potentia motiua imperat volūtas, vt corpus moueat huc aut illuc, quō scilicet voluerit. Sed & intellectus à voluntate moueri natus est. Potest enim imperare intellectui, vt ad hoc aut illud intelligibile contemplandum se conuertat. Et omnes hęc potentię secundum quod voluntati sunt subiectę, aliquo modo per participationem liberę dicuntur, eò quod à voluntate liberē moueantur. Sola tamen voluntas per se ipsam libera est, & veram habet libertatē. Omnes enim alię tametsi à voluntate liberē possint moueri: proposito nihilominus obiecto naturaliter ab illo mouentur, quemadmodum de sensitiuis potentiis supra declarauimus, & de appetitu sensitiuo. Voluntas verò omnino libera est, quia proposito sibi bono & appetibili, nulla cogitur necessitate illud amare, sed potest liberē non amare, & non prosequi: & proposito malo, liberē potest non odire & nō fugere. Neque possibile est, vt quis voluntatem cogat ad aliquid amandum, vel prosequendum, odiendum vel fugiendum, ad gaudendum de aliquo aut tristandum: atque ita in ceteris actibus voluntatis. Neque solum in propriis

Luc. 12.

Voluntas liberissima.

actibus ipsius voluntatis id verū est, sed in omnibus actibus potentiarum sibi subiectarū. Nemo enim potest cogere voluntatē, vt imperet alicui inferiorum viriū exercitium actus sui: videlicet vt imperet potentiae motiuae vllum motum, vt vllum membrum moueat, aut vt per vllam potentiam animalem quicquam fieri debeat. Sed neque ipsa corpora coelestia, neque omnes quae sunt in superioribus constellationes, ad aliquid possunt voluntatem liberrimam compellere, quantumuis sint constellationū vehementes operationes, quamlibet efficax sit virtus astrorum. Quanquam non est negandum astrorum & constellationum influxus posse agere in corpus, sicque appetitum sensitium vt corpori immersum posse immutari ab effectu astrorum impresso in corpus, & inclinari ad aliquid appetendum vel fugiendum secundum qualitatem impressi effectus. Verum vltra appetitum sensitium non potest protendi virtus astrorum. Non enim possunt nisi in corpora vel corporalia suos effectus producere. Voluntas ergo neq; corpus neque corporale aliquid existens, sed potentia superior, nec immersa corpori, nullius est effectus ab astrorum virtute susceptiva. Et licet ferē cōtingat (propter insipientiam) bonam partem hominum astrorum inclinationem etiam secundū voluntatem sequi, id tamē argumentum nullum est, quod astrorum influxus cogat voluntatem, aut quod astrorum virtus per se immutet & inclinet voluntatem: sed inde hoc procedit, quia maxima pars hominum, per damnandam socordiam permittunt voluntatem à sensualitate superari: & quia paucissimi sunt, qui non secundū carnem viuunt, & carnis cōcupiscentiam spiritu contempto insequuntur. Propter quod rectē sapiens ille dixit Ecclesiastes, stultorum esse infinitum numerum. At verō sapiens si quis inuenitur ē milibus vnus, hic per volūtatis libertatem, omnem superabit astrorum operationem, omnia sensualis appetitus blaudimenta pro nihilo pendet, atq; ex alto despiciet. Vnde illa Ptolemæi vulgo iactata sententia, syllabarum quidem numero modica, sed veritatis pondere grauissima: Sapiens dominabitur astris. Qui enim astris non dominatur, profecto stultus & insipiens, vtpote qui absq; necessitate in perditionem abduci se permiserit. Ne-

mo

*Corpora
coelestia nō
possunt vo-
luntatē co-
gere.*

Iacob. 1.

mo ergo cum tentatur dicat, quoniam à Deo tentatur, aut ab astrorum influxibus (quæ sunt creaturæ Dei) ad malum urgeatur: non creaturam Dei bonam, & bonam valde incuset (sed suam potius stultitiam & insipientiam condemnet. Unusquisque enim (ut ait Iacobus Apostolus) tentatur à propria concupiscentia abstractus & illectus cuius meretriciis blandimentis dum voluntate consentit, ipse se propria culpa filium mortis gehennæ constituit, ac propria sponte damnabilem facit.

Ibidem.

Quid ratione voluntatis homo mereatur vel demereatur.

CAP. XXII.

EX hac autem libertate quam iam ostendemus inesse hominis voluntati, consequitur hominē ratione voluntatis posse mereri vel demereri, dignumq; fieri præmio bono siue malo, iuxta quod per voluntatē bona vel mala facere elegerit. Cæterorum verò animalium nullum mereri potest aut demereri, aut retributione bona vel mala dignum fieri. Meritum enim & demeritum, præmium & punitio illic locum habent, ubi est actuum liberum dominium, ubi quod fit, liberè fit ita ut possit qui facit hoc ipsum, si velit, non facere: item ubi quod non fit siue omittitur, liberè non fit, liberèque omittitur, ut potuisset si voluisset, non omittere. Vbi verò libertas non est, ita ut non possit agens non agere quod agit, vel ut non possit agere quod non agit, ibi constat nullam esse meriti vel demeriti, præmij vel retributionis rationem. Propter quod ignis si hominem innocentem comburat, nullam meretur punctionem: Quod enim egit, liberè non egit, sed naturali necessitate. Similiter lapis, cum hominem desuper cadens interficit. Imo & lupus cum hominem fame excitatus vorat, vel etiam cum sola phantasia ductus id facit: In his enim omnibus sicut nulla libertas, ita nullum est demeritum. Sic infanti dum parentes manu cadunt, dum per noctis tempus molesti sunt parvulis & multum illis faciunt laborem, vociferantes & clamantes contra illorum voluntatem, in nullo demerentur, neque punctione sunt digni, ob defectum libertatis. Necdum enim usum habent suæ libertatis, sicut necdum habent usum rationis. Ita quoque moriones, qui penitus velut pueri aut bruta absque libero usu sunt ipsius voluntatis & rectæ rationis.

Meritū, & demeritum præsupponūt libertatem.

Bruta cur secundū leges puniantur.

Et licet secundum ciuiles leges puniri decernantur animalia bruta: vbi homicidium fecerint, nō hoc arguit, illa punitionem huiusmodi meruisse suo actu. Nam talis punitione potius ad dominorum ipsorum dñum ad quos attinent spectat, quam ad ipsa animalia bruta. vt fit cum bos interfecto hominis securi ceditur, capite rotæ supraposito: videlicet vt discant possessores illorū diligentius suam iumēta obseruare. Vel sūt huiusmodi punitiones ad hominū cōmonitiōē, vt magis ab huiusmodi ipsi absterreantur animalia rationalia, cū & in irrationalibus bestiis talem vident capitalis sententiæ seuerā exerceri vindictam. Interdum etiā in sceleris detestationē, veluti cū is qui cum iumēto coit, simul cū ipso iumēto exuritur, si possit cōprehēdi. Cōsequitur ex prædictis, quod non in omnibus suis actibus homo meretur vel demeretur, sed in iis tantū, quæ voluntariē operatur. Primū quidē in iis actibus quæ propriē sunt ipsius voluntatis, & deinde in omnibus quæcūq; à voluntate imperantur, non autem in illis, quæ nec propriē ipsius sunt voluntatis, nec ipsius subsunt imperio. Idq; intelligendum est tam de ipsis actibus, quā de actuum omisionibus. Potest enim homo mereri, & bono præmio dignus fieri, non solum tale aliquid faciendo quod bonum est fieri, sed etiam omittendo quod bonum est non fieri, & malum est fieri. Sed demereri potest, non solum faciendo quod malum est fieri, sed etiam omittendo quod bonum est fieri, & non malum est non fieri.

Quomodo actus humani, de voluntatis libertate participant.

CAP. XXIII.

Participatio voluntatis libertatis.

Est etiam circa præsentem locū aduertendū, non requiri ad hoc vt in actu aliquo mereatur homo vel demereatur, quod sit actualiter & formaliter imperatus à voluntate, sed sufficit quod voluntas super ipsum habuerit dominium & imperium: ita vt impedire potuisset, si tantū voluisset. Quod enim voluntate permittēte fit, voluntariū est, & vt libertatem voluntatis participās meritū vel demeritum facit. Non enim solū peccat voluntas, dū ipsamet eligit actū malū, sed etiā quando appetitus sensitivus malam passionē excitat: quā voluntas nō supprimens dū potest, ita acceptat atq; permittit. Hac enim acceptatione vel permissione, actus ille de voluntatis libertate participat.

pat. Ex quo patet causa, ob quā in illis actibus homo non mereatur vel demereatur, quos habet à potentiis non subiectis volūtatī, videlicet nutritione & augmentatione, itē in illis quæ ei vt corpori naturali conueniunt. vt cum subito cadens homo alium opprimit, vel interficit. Hic enim non aliter homo se habet, quā truncus, aut lapis, neque vt homo agit. Item in iis quæ homo dormiens per phantasiam agit, ratione ligata. Item in iis quæ homo in furia existens agit, nō compos mentis, nec suæ voluntatis vtens libertate. Consequitur etiam, non demereri hominem ex solo aspectu rei illicitæ oblatae, ad quam nō se per voluntatem cōuertit, neq; in auditu rerū obscenarum subito, cum non aduertit voluntariē auditū ad huiusmodi, & ita in cæteris. Non enim in potestate voluntatis erat talem actum compescere, neq; aliquid de libertate voluntatis participat. Qui autē voluntariē conuertit oculos suos ad aspiciendū vana, aures accommodat ad mala audiendum, & ita in aliis: aut etiam nō auertit oculos, non obturat aures, cum possit & debeat, hic in operationibus sensuū peccat ex libertate volūtatī, cuius ibi fit participatio. Consequitur insuper (quod suprà diximus) primos illos passionū motus, qui ab appetitu sensitiuo exurgūt in homine, præueniendo voluntatis imperium, non imputari homini ad demeritū, si nulla sit acceptatio voluntatis, si volūtas mox vt senserit, sese opponens incipiat eosdē compescere. Hoc tamen sciendū est, quāto magis diu tales motus sustinet, postquā aduertit & repellere potuit, tantō magis ipsi imputari ad demeritum: quoniam continuō magis de libertate participat, quāto magis volūtas in eis cōquiescit. Et vniuersaliter ita in omnibus iudicandum est, quanto vnusquisq; actus, vel vnaquæque omīssio magis est voluntaria, & quāto magis de voluntatis libertate participat, tātō maioris esse meriti vel demeriti. Circa quod etiā

Nota.

notandum est, posse in aliquo actu esse participationem voluntariæ libertatis, etiam tunc cum voluntas omnino nihil operatur & prorsus est ligata, videlicet cum aliquid prius voluntariē homo eligit, & libere operatur vel admittit, ad quod alterum illud per se consequi est natū. Vt qui per tempus vigiliæ illicita varia cogitat, neq; antequā somno se dat, agit pœnitentiam suæ vanitatis, huic si per

noctem de præteritis vanæ occurrant imagines, inordinationes huiusmodi & illusiones nocturnæ non prorsus culpa vacant. Voluntariæ namq; libertatis aliquid habet, quatenus vigilans illa admisit in sese, vnde in somno plerunq; solent consequi. Sic qui se volutariè inebriat si postea ebrietate obrutus delinquat, vel cōmittendo quæ committere non debet, vel omittendo quæ facere debuit, hunc certè à peccato non excuset ebrietas. Atq; hac in re quantum ad ea quæ in somno fiunt, multum confert illa somniorum naturalium ab animalibus distinctio, quam in libro præcedenti posuimus. Naturalia enim somnia absque volutatis participatione sunt, eò quòd causam habeant naturalem. Animalia verò aliquid de voluntaria libertate participant. Quid autem sit voluntarium, & quot modis dicatur, & alia plura quæ de voluntario subtilius solent differi, ad moralem doctrinam pertinent. Nobis sufficit generaliter hominis istam prærogatiuam in merendo vel demerendo descripsisse.

Homini quomodo ratione voluntatis præcepta fiunt & promissiones.

CAP. XXIII.

Præcepta sensibilibus rationalibus dantur.

Habet quoq; à voluntate homo, vt solus ipse inter cætera omnia naturalia creata possit accipere præcepta & prohibitiones, promissiones itè & cōminationes. Hæc enim illic locū habent, vbi est actionum libertas. Frustra namq; præceptum fieret illi à quo nō posset fieri quod nō præcipitur, vel à quo non posset non fieri, vtpote illi quod naturaliter quippiam facit vt non possit in oppositum. Quemadmodum vanè præciperet, qui igni præciperet calefacere, aut materiam appositam inflammare. Neq; illic est præmia proponere, vbi non est libertas ad faciendum vel omittendum. Ad hoc enim præmia proponuntur (siue bona promittendo, siue mala comminando) vt ad ea quæ bona sunt agēda extimulentur, vel ab iis quæ mala sunt amoueantur, ij qui libertatem habent siue bonum siue malum faciēdi, aut omittendi, pro sua libertate. Est autem promissio & comminatio de re nō præsentē sensibus, sed quæ tanquam futura proponitur. Sunt enim promissiones de futuris, item & comminationes. Vnde cū solus homo propositione futurorum moueatur, cætera verò omnia tantum ad præsentiam obiecti sensibilis per
sēn

sensituum appetitum mouentur naturaliter, hinc fit vt non possint nisi homini promissiones fieri & comminationes. Et licet aliquando appellemus ostentationē ipsius appetibilis promissionem, & ostentationem rei terribilis, nonnunquam vocemus comminationem (velut cū cani baculum ostendimus, eundem vibrantes tanquam indicantes accepturum illum verbera, si ad carnē hanc accedat) id tamē manifestū est potius allicere vel absterre-
re esse, quā promittere vel comminari. Quod etiam in scripturis legitur, Deus præceptū posuisse irrationabilibus creaturis: quēadmodū de cœlestibus corporibus non solum irrationabilibus, sed etiā inanimatis dicitur Psal. 148. quōd illis Deus posuerit præceptum quod nunquam præteribit: hoc certum est dici metaphoricē, videlicet ad significandum diuinam institutionem, qua illis motum suū ab initio instituit & desiniuit, quē ipsa inuiolabili lege obseruant. Propriē ergo solis hominibus præcepta, & prohibitiones, promissiones, & cōminationes constituuntur. Maximē autem illæ promissiones secundum dignitatem hominis sunt, quibus bona æterna promittuntur.

Quod homo ratione voluntatis capax sit infiniti boni.

C A P. X X V.

Habet insuper homo à volūtate, vt solus sit capax infiniti boni, nulloq; possit bono creato repleti, nullo possit tēporali bono satiari. Est enim ipsa capacitatis infinitæ, & durationis æternæ: cum sit potentia nō immersa materiæ, & à corpore separabilis. atq; in æternū perman-
sura. Omnia autem alia creata præter Deum solum. finita bona sunt. Solus Deus est bonum infinitum & incompre-
hensibile. Ac proinde non potest hominis voluntas vllō bono creato quantumlibet præcellenti satiari, nisi solo Deo. Nā finiti ad infinitum nulla est proportio. Vnde si-
cut si vas aliquod imaginaremur infinitæ capacitatis cor-
poralis, nullo posset creato liquore impleri, etiā si omnia flumina in illud infunderētur, omnesq; aquarum fontes,
& putei: ita sanē voluntas hominis infinitæ capacitatis
existens, nullis potest bonis creatis, etiam si vniuersa si-
mul influant, satiari. Quantūcunq; enim boni finiti in vo-
luntatē immiseris, nihil aliud agis, quā si in immensum
vas, aquæ guttulam infuderis. Verum infinitum aliquod
flumen

*Volūt. n. nul-
lo creato sa-
tiabilis.*

flumen infinitum vas posset replere, minus autem infinito non possit replere infinitum. Infinita enim capacitas requirit infinitū replēs, si debeat repleti. Vnde impossibile est voluntatē vllō creato satiari. Appetitus autem sensitivus nō est capacitatis infinitæ, sed admodū modicæ: propter quod faciliē impletur, & impletus cessat concupiscere, donec rursū illo, quo plenus fuerit, euacuetur. Atq; hinc manifesta est differētia inter animalia bruta & homines brutaliter siue bestialiter viuentes. Animalia enim bruta quoniam non nisi appetitum sensitivū habent, citō satiātur & replentur, modō cibo vel potu. Homines autē eiusmodi, verē nō homines, equis & mulis minus rationabiles, qui voluntatem habent sensualitati subseruientem & similiter vt appetitus sensitivus inordinate absq; regula rationis sensibilia appetentem, nunquā possunt temporalibus rebus satiari, quātū ad affectū, vt gulosi cibos atq; potus absq; termino cōcupiscūt, nec ingurgitare desistūt, donec vsq; ad guttur ab imo pleni prohibeātur vterius ingurgitare, non defectu desiderij, sed defectu corporis, quod omnino nequit amplius recipere, propter nimiam impletionem. Ea verō sensibilia bona quæ nō intra nos suscipimus (vt sunt pecuniæ & possessiones, & huiusmodi) absque vllō termino & fine semper appetūtur. Videlicet hoc ipso cognoscere potest & debet homo, per illud quo supereminet cæteris animātibus, se esse capacitatis infinite, & nullo finito bono satiabilem. Propter quod vanē laborat ac frustra seipsum diuexat homo, dū temporalibus, ac finitis huiusmodi bonis quæ in hoc mundo sunt, suum cupit infinitum desyderium adimplere: non minus quàm si vas infinitum (vt diximus) modico aquæ cyathō quis laboret implere. Illud autē bonū requirere debeat, & toto conatu inuestigare, quod solū est suo infinito appetitū proportionatū, quod solum potest hominis desyderium penitus implere & satiare perfectissimē. Bonū autem hoc vnicum est, non temporale, sed æternum, non creatum, sed creator dominus deus super omnia benedictus, qui ad hoc nos sic creauit capacitate infinitos, vt ipsum qui solus in infinitū potest adimplere, requireremus, & ad eū omne nostrū dirigeremus desyderiū. Cū enim nihil ipse frustra fecerit, qui est sapientissimus omnium conditor, nūquam

vti;

*Appetitus
sensitivus fa-
ciliē imple-
tur.*

*Christiane
lector atten-
de.*

vtiq; hominis voluntatē infinite fecisset esse capacitatis, nisi aliquo modo voluisset bono infinito eā adimplere. Vnde cum solus ipse tale bonum infinitum sit, constat ad hoc illum fecisse nos capacitatis infinitā, vt ab eo plenissime impleremur. Hanc philosophiam non ignorabat ille qui de post fœtates assumptus fuit ad regnū, cū diceret, Satiabor cū apparuerit gloria tua. Sic & in alio loco *Psalm. 16.* exclamans, Quid enim mihi (inquit) est in cœlo, & à te *Psalm. 72.* quid volui super terram? Quasi dicat, Omnino nihil est, quod meam infinitam capacitatem valeat implere. Et subiungēs quid sit quo credat posse se adimpleri, ita prosequitur, Defecit cor meū, & caro mea, Deus cordis mei, *Psalm. 26.* pars mea, Deus meus in aeternum. Et rursus alio loco, Credo videre bona Domini in terra viuentium. Manifestè videlicet significans, non hic in terra exilij & morientium esse vlla bona quibus possit satiari. Sic enim loquitur, quasi nulla hic bona viderit. Hinc & Saluator in Euangelio, toties monet thesaurizare nō thesauros in terra, sed thesauros in cœlo deficientes. *Luc. 12. & 13.*

Quomodo per voluntatem Deum amare, Deoq; vniri potest homo.

C A P. X X V.

Habet insuper homo ex voluntate, vt inter omnes creaturas solus possit Deum diligere, eiq; per voluntatem adhærere perpetua adhæsiōe. Nam animalia bruta per sensitiuum appetitum non possunt nisi quæ sensibilia bona sunt, & quæ sensus iudicat conuenientia diligere. Deus autem nullo sensu sentiri potest, homo verò sicut per intellectum sensui supereminentem, potest Deū cognoscere, ita per voluntatem Deum potest amare. Amor vero facit rem amantem adhærere rei amatae. Hæc enim est natura amoris, vt vniat amantem cum re amata: faciatq; vnum ex duobus. Est enim vinculum & quasi viscus siue glutinum, quo conuiscantur coniuntur, & conglutinantur ad inuicem amans & amatum: ita vt etiam vulgo qui se multum amant, vnam animam in diuersis corporibus dicantur habere. Et sicut Paulus de meretricio amore ait quòd duos coniungat in vnum corpus: (Qui adhæret, inquit, meretrici, vnum corpus efficitur) *1. Cor. 6.* ita de amore spirituali voluntatis dicendum est, quòd vnum

vnum spiritum efficiat. Vnde & subsequēter de amore diuino loquens adiecit, *Qui autem adhæret domino, vnus spiritus est.* Hęc enim adhæsiō de qua loquitur nō nisi per amorē est. Potest ergo homo per voluntatem Deum infinitum amare, & sic cum illo vnum fieri. Per voluntatem quoq; potest homo donec abest à Deo ipsum prosequi & desiderare, infinito & infatigabili desiderio, & in eo iam habito, potest gaudere: & quanto perfectius habuerit, tanto perfectius gaudere: & cum perfectissime ipsum habuerit, in futura scilicet patria, tunc perfectissime gaudebit, eritq; ibi vnio perfectissima, suprā quā humani ingenij valeat caligo nunc apprehendere. Ecce quanta, quā admiranda sunt, quā eximia, quā præcellentia, quæ humana soboles vere cælo demissæ ab alto, præ cæteris omnibus creaturis possidet, quibus creatis omnibus præstat & præfertur in immensum. Vide ô homo & attende, quā nobilem te nobilissimus creauit conditor tuus. Ecce qui cunctas res naturales creauit finitas, te solum infinitum creauit: & talē te creauit, vt ab ipso posses inhabitari, & ab ipso infinite bono, infinite beatificari.

*Conclusio
libri.*

Sed nos iam ab infimis rerum naturalium elementis atq; principiis, ad id quod in creaturarum ordine dignissimum est atq; omnium supremum Dei adiutoris (qui nostrum sic direxit calamū) subuecti, quō iam auolabimus longius? quō proficiscemur vltcrius? Per materiam & formam rerum naturalium, per earum causas, per motus & accidentia cætera, per generationes & corruptiones iam peruolauimus, supernas impressiones sub nobis reliquimus, viuentium naturam & sentientium dignitatem (tam quō ad externos sensus, quā quō ad internos) proposuimus ante oculos omnium. Insuper & hominis intima introgressi, nobilissimas illas vires (intellectum & voluntatem) quantum dedit altissimus, vtcunq; lallantes puorum more & balborum instar magna fari gestiētium, expressimus. Quō verò super hæc conscendamus altius, in ordine rerum naturalium nequaquam poterimus inuenire. Ipse igitur qui nostræ fuit considerationis initium, qui ad sui gloriam nostrum hætenus calamum direxit atque prouexit, nunc quoque nostri laboris finem accipiat: & cuius gloriam in cunctis præcedentibus spectauimus,

mus, tandem in operis conclusione canticum laudis idem ipse accipiat: qui in Trinitate & vnitae viuit & regnat in æterna secula benedictus. Amen.

FINIT LIBER XII.

PSALMVS IIII, QVI SOLVS IM-
plere potens est humanum de-
siderium.

Quemadmodum desiderat fatigata cerua ad fontes aquarum, ut
resocilletur in eis: ita desiderant ad te Deus anima nostra,
arefacta præ inopia, & fatigata carnis molestia.

Apud te namq; solum est fons vite, & torrentes voluptatis apud te
sunt: vena tu es aquarum viuientium, quibus solis satiari possunt, &
inebriari rationales anima nostra.

Quæcunque in hoc creato mundo sensibus subiecta percipimus, ne-
quaquam implere possunt, vel secundum partem minimam, desideria
nostra: etiam si agglomerentur quacumq; orbis iste continet superna,
& infima, non valebunt nec vnius hominis implere desiderium.

Talem enim tu Deus piissime creasti rationalem creaturam tuam:
ita magne Deus & mirabilis, magnum & mirabile creasti hominem.

Vt tui capax esset, nec villo posset satiari bono nisi tu, ut solo tu oq;
te possit impleri, suaq; capacitatis te ipsum accipere plenitudinem.

Irrationalium cæterorum animantium appetitus, rebus impletur
permodicus: pro nihilo est eorum satiare desideria.

Lupus fame insaniens vna satiatur aut altera: Leo rugiens
prædam adeptus modicam, cessat à venatione sua.

At verò hominis voluntatem nimis donasti amplitudine: latitu-
do capacitatis eius atque profunditas non habent terminum.

Quantumcunque fuerit iniectum creati boni, non implebitur im-
mensitas eius: nihilo amplius quàm si in ollam mensura infinitam
inijciatur parvula aque guttula.

Infinitatem tamen istam non ad afflictionem contulisti homini,
ut semper egeus torqueretur atque famelicus: multo magis, ut vera
beatitudinis & supernæ felicitatis solus ipse capax foret, talem crea-
sti eum.

Ita magne Deus nos voluisti capaces facere amplitudinis tue: ta-
lem enim tibi placuit creaturam condere, in qua posses inhabitare
ipse secundum plenitudinem gloriæ atq; felicitatis tue.

Quomodo autem te caperemus infinitum, immensum & immen-
surabilem, nisi & nos tu creasses capacitate infinitos: nequit enim, ra-
tione monstrante, infinitum à finito concludi.

Magnus

Magnum mare magnum requirit alueum : nec posset mare infinitum finito contineri alueo.

Nequaquam ergo ad malum nobis est infinita capacitas ista: quoniam quidem ad infiniti boni possessionem felicissime nobis proficit.

O quam dulcis est Domine spiritus tuus : & quam bene illis erit qui dignas nunc tibi faciunt suas animas, ut ad eam tandem aliquando pertingant beatitudinem.

Bonum est homini cum portauerit iugum tuum Domine ab adolescentia sua : quia in vris mandatorum tuorum ambulans , perfectam custodierit animam suam.

Et quam magna multitudo dulcedinis tue Domine, quam preparasti filiis hominum : quam non vidit oculus, non audiuit auris, lingua non gustauit, imò neque cor hominis valuit comprehendere.

Ibi conglutinetur spiritus Domini cum spiritibus seruorum suorum: indissolubili glutino charitatis perpetua erunt conglutinati absque dissolutione, in eternitate perpetua.

Eia Domine, quando veniet dies illa ut impleatur nobis beata unio ista : ut tu nobiscum, nos tecum, tu in nobis & nos in te simus unum suauiter?

Ibi erit absque defectu satietas plena. ibi erit absque siti perfecta, & dulcis ebrietas: cum sese nobis manifestauerit reuelata facie fulgidissima illa gloria tua.

In beata unione implebitur voluntas bonis omnibus quaecumque desiderauerit: infiniti namque boni talis possessio statum reddet totius boni accumulatione perfectissimum.

Expectabo te Domine, stabo super speculam & custodiam meam, ut vigilem: donec tu mihi aduenias, plenitudo omnis desiderij mei.

Absque hesitatione tibi fidens, credo videre bona omnia in terra viventium, ad vite fontes aquarum, in te sperans non confundar in perpetuum.

Gloria patri & filio, & spiritui sancto.

Sicut erat in principio, & nunc, & semper, & in secula seculorum. Amen.

FINIT PSALMVS.

DEO LAVS, ET GLORIA.





INDEX ALPHABETI

CVS EORVM, QVAE HOC OPE-

RE TRACTANTVR.

*



- A**bstracta & concreta vnde dicantur, & duplex abstractum describitur. 313
- A**ctus primus & secundus quid sit. 228
- A**ctus quomodo libertatem participant tametsi voluntas actu non imperat. 414
- A**ctus qui non mereantur. 415
- A**ctus voluntatis participes sunt, etiā dū voluntas ligata est. ibid.
- A**ctus in ebrietate admissi nō excusantur à peccato. ibid.
- A**d aliquid excessione, defectione actiui, passiui, motiui, & mobilis, quid. 71
- A**equinoct. circulus cur dicatur: 203 & cur equator. cingulū. 204
- A**equinoctium vernum & autumnale quid. 203
- A**estimatiue officium, & ipsam esse motus principium. 309
- A**estimatiue duplex operatio. 310
- A**estimatiue ab imaginatiua differentia. 311
- A**estimatiua an eadem sit cum phantasia dubitatur. 312 & 313
- A**estimatiua diuidit, & componit quod quidam phantasia tribuunt. 312
- A**estimatiua in homine quā in ceteris animalibus nobilior est, & quomodo hac ab illa differat. 313
- A**estimatiua seu phantasiae locus, & despectio, & officia. 314
- A**estimatiua somnia naturalia operatur. 339
- A**estimatiua mouet obieclū. 377
- A**ffectiones, amor, gaudium, &c. spirituales in intellectu appetitu inueniuntur, quēadmodū corporales in sensitiuo sunt. 381 & 383
- A**ffectiones cur dicantur, & non passionēs. ibid.
- A**gens naturale nō potest seipsum secundū utrāq; partem mouere, neq; à seipso moueri. 70
- A**gens & patiens, similia & dissimilia cur esse debeant. 127
- A**lteratio quid, & quomodo ab alijs motus speciebus differat. 121
- A**mor omniū passionū radix. 389
- A**nima rationalis à corpore separata corpori iungi cupit, quod angelis non competit. 29
- A**nima rationalis corpori corruptionem, non corpus deestatur. 31

*

277

- Anima rationalis seipsam mouet.* 72
Anima vegetatiua nutritionis est causa, & augmentationis naturalis. 122
Antiperistasis quid. 148
Antiperistasis duobus fit modis 149
Anima rationalis ab intelligentijs differt. 180
Annus bissextilis quis, & quare hoc nomine appelletur. 191
Angelus ille primus cur Lucifer dictus sit. 196
Anima quid. 227
Anima alia duæ definitiones. 228
Anima in tres species diniditur. ibidem.
Animæ tres, tantum ratione differunt, & in singulis corporis partibus simul sunt. 229
Animarum, sola rationalis à corpore separata non perit, nec de potentia materie educitur. 231
Anima rationalis à corpore separata quomodo seruet alligatas potentias organo corporeo. 230
Angeli pauci operationibus, hominibus & plura assequuntur. 233
Animalia quædam ex corruptione nascuntur, alia indifferenter ex hac, & ex semine, alia ex commixtione specierum, quorum prima & postrema generatione nasciuntur. 238
Animalia quedam cur respiratio ne odorantur, alia verò minime. 287 & 288
Animalia quedam cur odoratus organum habeant rectum, alia verò non. 288
Animal omne, & solum animal dormit, & quare. 318
Apprehendentes facile, male seruant. 317. & 318
Appetitus sensitivus in omnibus animalibus reperitur, & ab æstimatione naturaliter mouetur, & mouet. 376
Appetitus concupiscibilis, & irascibilis quid, & quæ eorum passionibus. 384
Appetitus intellectivus, qui à sensitiuo differat. 395. & 396
Appetitus intellectivus ab obiecto non patitur, nec cogitur prosequi. ibidem.
Appetitus sensitivus quomodo voluntati repugnat. 400
Appetitus sensitivus quomodo ad modum petulantis equi refrenari, & subijci debeat. 403
A' proportionem maiorem in æqualitatu fit actio. 90
Aqua quem habeat situm. 172
Asinus Buridani inter duas auenas. 380
Astrum quid. 191
Augmentatio multis dicitur modis. 122
Augmentatio à nutritiõe differt. 123
Augmentatio quomodo fiat & ex quo. 123. & 124
Augmentatio fit sine vacui positione, aut penetratione dimensionum, quemadmodum & motus localis. 124
Augeri quid proprie dicatur. 125
Aures cur tortuose 269
Aures nullum proprium habent sonitum, ut nec oculus colorem, & unde

- unde sonitus ille qui intra aures
percipitur, & ipsum esse boni au-
ditus argumentum. 269. & 270
- Audacia quid. 384
- Axes mundi, seu poli, arcticus &
antarcticus, qui dicantur. 189
- B**ruta animalia hominibus,
tum cibo, & potu, tum vene-
re, temperatiora sunt. 260 & 261
- Bruta non reminiscuntur. 325
- Bruta non componunt aut diui-
dunt mediante copula verbali. 364
- Bruta, licet oblati duobus obiectis
deliberare videantur, non deli-
berant tamen. 379
- Bruta cur interdum per sententiã
iudiciariã morte plebantur. 414
- C**ausa quid sit, & quomo-
do ab occasione distingua-
tur. 41
- Cause altera definitio, eius qua-
tuor species explicans. 42
- Causa materialis quid. 43
- Causa efficiens quid. 44
- Causa finalis quid. 45
- Causa formalis quid. 43
- Causa finalis & efficiens quomo-
do primæ dicantur. 45
- Causarum proprietates tres. 47
- Cause plures sunt eiusdem rei di-
uersarum specierum & eiusdẽ. 47
- Cause sunt sibi mutuo cause, &
in eodem & in diuerso genere. 48
- Causa eadẽ contrarios producit effe-
ctus pro varia passi affectiõe. 49
- Causarum quadã vniuersalis, alia
particularis, alia propinqua, alia
remota, & quæ sint. 50
- Causarum, alia per se, alia per ac-
cidens, secundum rem, & appella-
tionem. 52
- Causa per se, & per accidens secũ-
dum appellationem quid. ibid.
- Causa per se & per accidens secũ-
dum rem, quid. 53
- Causa potentialis, quid. 53
- Causa actualis quid. ibid.
- Causa secundum esse, quid. 55
- Causa secundum fieri, quid. ibid.
- Casus & fortuna quibus effecti-
bus conueniunt. 62
- Casus quid. 63
- Casus à fortuna distinctio. ibid.
- Cause velocitatis & tarditatis mo-
tus sunt variae. 80
- Calor naturalis augmentationis
& nutritionis instrumentũ, quo
deficiente augmentatio cessat. 123
& 124
- Calidum segregat partes diuersæ
rationis in misto. 140
- Capra saltans quid. 149
- Caligo vel nebula quid, & quo-
modo dissipata serenitatem dei
prenuntiet. 153
- Calor Solis à Martis calore dif-
fert. 199
- Caput & cauda Draconis, quid. 241
- Calor naturalis vite necessarius,
humido radicali nutritur. 242.
& 243
- Causa longitudinis & breuitatis
vite procedit ex caloris naturalis,
& humidi radicalis proportionem
adinuicem. 244
- Calor & humiditas, qualitates bo-
ne sunt, & quas inter ceteras ex-
pedi dominari. 243
- Causa breuitatis vite hominis tri-

- plex est, brutorum duplex, plantarum vnica. 252
- Capēs vocum significationē ignorant, tametsi ad auditum quorūdam quasdam operationes exercent. 358
- Circulus maior quid, & quot sint. 203
- Circulus minor quid. ibid.
- Circuli minores quatuor sunt. 208
- Circulus arcticus & antarcticus quid. ibid.
- Contra naturā quid dicatur. 14
- Consurrectio in deum ex naturalibus. 22
- Conuersio in Deū ex creaturis. 68
- Continua quae dicantur. 80
- Contigua quae dicantur. ibid.
- Consequenter se habentia quae dicantur. ibid.
- Corpus simplex quid. 128
- Combinationes qualitatum primarum vnde quatuor elementa consurgunt. 129
- Complexiones in mistis quae sint. 141
- Cometa futurorum malorum indicium. 151
- Cometa quae celi parte generetur, & quem habeat motum. 151
- Continuum quid. 166
- Corpus quantitas, quid. 166
- Corpus simplex, & compositū siue mistum quid. 168
- Corporis simplicis diuisio, & eorum corporum situs explicatur. 168
- Caelum cur nihil corrumpat. 180, & 181
- Caelum vnicam eamq; nobilissimā habet qualitatem, lucem videlicet, quae mediante suas operationes exercet. ibid.
- Caelestis natura mistum non ingreditur. ibid.
- Caelum cur quinta essentia vocatur. ibidem
- Caelestia corpora animata non sunt. 183
- Caelum empyreum quid, & an in inferioribus quid operetur. 185
- Caeli vndecim, & quo ordine siti. 186
- Caelū nonū cur aqueū dicatur. 186
- Caeli aquei frequens in sacris literis sit mentio. ibidem
- Caelum stellatum & firmamentū idem est, & vtriusque nominis ratio. 184
- Contemplatio pia, ex planetarum ordine congruo. 195
- Colurus solstitiorum quis circulus dicatur. 206
- Colurus aequinoctiorum, & puncta duo in eo aequinoctia distinguuntia. 207
- Coniunctio diametralis quid. 211
- Corpus opacum luminoso obiectū, si eo minus fuerit, pyramidalem facit vmbra. 211
- Corpus physicum & organicum quid. 228
- Corporum quaedā multa, alia pauciora habent organa, alia nulla. ibidem
- Contemplatio de congruentia corporis ad animam, & ediuerso. 234
- Complexionum quae sit maxime diuturna. 245
- Com

Comparatio viuentiū quo ad uitae
longitudinē fit multis modis. 249
Color luminis alieni illustratione
 eget ut videatur, non autem lux,
 quae etiam per maius lumen impe
 ditur. 265
Color quibus conueniat corporibus
 ibidem
Color actu sensum faciēs, quid. 267
Color quid. 268
Corpora quaedam, cur ab odoratu
 non percipiuntur. 285
Coqui cur ex cibis, quibus parando
 adsunt, exaturentur, similiter il
 qui penarium vino repletum in
 trat. 28
Cognitio nostra intellectuali quo
 modo à sensu profisciscatur. 342
Cognitio dei in nobis duobus for
 matur modis. 345
Cognitio intellectus quadruplex.
 348
Cognitio intellectualis singularis
 quid. 349
Cognitio vniuersalis intellectuā
 quid. 349
Cognitio concretia quid, & ipsam
 esse infimam operationum intel
 lectus. 351
Cognitio abstractiua quid, &
 ipsam sensui non competere. 352
Cognitio vniuersalis concretia,
 & abstractiua quid. ibid.
 Collatio pulchra sensualitatis cum
 meretrice, ex literis sacris. 412
Constellationes & astrorum vir
 tutes, voluntatem cogere non
 posse, quantumvis vehementes,
 sed solos stultos ipsas sequi. ibi
 dem.

Deo nihil est casuale aut for
 tuitum. 64
Deo materia & forma non com
 petunt. 65
Deo competit esse causam finalem
 & efficientem ibid.
Deus multa mediantibus causis
 secundis agit, quae tamen omnia
 per se potest. 66
Deus licet mediante causa secun
 da agat, immediate tamen ad
 quemlibet concurrit effectum.
 66
Deus in omnibus rebus per suam
 essentiam inexistens & prae
 sentiam, non mouetur. 88
Deus quamuis omnia instantane
 ne mouere potest, non facit ta
 men. 94
Deus seipsum mouere non potest.
 ibidem
Deus solus essentia infinitus. 98
Deo solum esse conuenit, non fuisse
 aut fore. 116
Desperatio quid. 385
Deus nobiliori modo docet, quam
 homo. 360
Diuinitatis consideratio ex natu
 ra materiae. 12
Differētia multiplex regionis coe
 lestis & elementaris 180
Dies quis naturalis, & quis arti
 ficialis dicatur. 188
Doctrina spiritus sancti nullam
 per se habet in docendo resis
 tentiam, & quomodo peccatum ob
 stat. 247
Dominium duplex est, & iuxta
 alterum eorum, appetitus sensi
 tiuus voluntati subest. 398

Deo

* 3

- E**clipsis lune quomodo fiat. 211
 Eclipsis lune quando fiat. 212
 Eclipsis lune quibus locis sole & luna existentibus fiat partialis. 213
 Eclipsis totalis, & vniuersalis quid differant. 213
 Eclipsis solis quid. 214
 Eclipsis quando perfecta, & quando partialis. 214
 Eclipsis solis in nouilunio, & lune, in plenilunio fit. 217
 Eclipsis solis vniuersalis esse nequit. 216
 Eclipsis solis à lune eclipsi multiplex discrepantia. 215
 Eclipsim solis tempore passionis Christi Dionysius in Aegypto vidit. 218
 Eclipsim tempore passionis Christi vniuersalem fuisse, partim luna coniuncta soli, partim radijs retractis, aut nubibus obiectionis. 220
 Echo quid. 230
 Echo semper fieri, licet non audiat, & cur non audiat priorum partium soni reflexio. ibidem
 Effectus quid sit. 46
 Efficiens causa est, tum principalis, tum minus principalis. 55
 Effectus secundum esse, & fieri, quid. 56
 Effectuum, quidam semper, alius plerunque, alius suam sequitur causam. 62
 Effectus quis dicatur fieri propter finem, & quis non. ibidem
 Effectus casualis quid. 63
 Effectuum quidam per elocutionem sunt, alij non. ibidem
 Elementa quatuor sunt quorum quodlibet habet duas primarum qualitatum. 128
 Elementa symbolizantia quae dicantur, & quae non. 130
 Elementorum symbolizantium, facilius est transitus. ibidem
 Elementum superius sibi proximius inferius proportionem decupla excedit. 131
 Elementa quatuor, quomodo in mixtis corporibus maneant. 133
 Elementa quatuor ad quodlibet mixtum & quamlibet eius partem concurrunt. 135
 Elementorum aliquod in mixto semper dominatur. 136
 Elementis puri non vtimur. 135
 Elementa post iudicium in alium statum esse reuocanda. 137
 Elementa cur rem ad interitum ducunt. 142
 Entium quaedam sunt actu tantum, alia & potentia sunt. 71
 Ens in decem predicamenta diuiditur. 72
 Ens seu verum, intellectus obiectum 350
 Essentia mobilium non mouetur. 88
 Experimenta docent vacuum esse non posse. 110
 Experimenta docent quatuor elementa in mixto manere. 135
 Exhalatio quid. 149
 Exhalatio causa materialis ignitorum, in aëri suprema regione potissimum apparentium. ibidem
 Exhalatio causa materialis est tonitruum, fulminis, ventorum atque terre

tertius motus	158	tialis, artificialis, & accidenta-	
F ebriçitãbitus cur omnia sint		ria.	55
insipida	289	Forma accidentaria quid.	15
Finis ultimus quid.	59	Fortuna minus commune est casu.	
Finis non ultimus quid.	ibid.	62	
Finis ultimus, vnicus quippe		Fortuna quid.	ibidem
Deus.	ibidem	Forma quomodo infinita.	97
Finis non ultimus cuiuslibet rei		Forma substantiales per se locum	
vsus est.	ibidem	non habent.	103
Finis prima causa est, & ad ipsum		Fontes & fluuij vnde generentur.	
effectus & media aptantur	61	153	
Firmamentum nonnunquam to-		Fontes & fluuij non ex aqua, ex	
tum aggregatum ex orbibus pla-		pluuia collecta fluunt.	155
netarum, & stellarum, fixarum		Fontes cur in locis montosis.	ibid.
significat.	187	Fulmen quid.	158
Fluuij ex mari fluentes cur falsi		Fulmen exteriora sine nocimento	
non sint.	156	transit interioribus lasis.	ibidem
Fluxus & refluxus maris vnde		Fumus iram in sacris lucis signi-	
ibidem		ficat.	394
Frigidum partes heterogenias con-		G Alaxia quid, & eã esse du-	
iungit.	141	plicem.	152
Frigidiora loca habitantes amplio		Gaudium & voluptatem, omnium	
riobo egent.	148	passionum esse finem.	390
Frigiditas & siccitas mortis ini-		Generatio verbi eterni, & proces-	
tia sunt.	244	sus spiritus sancti explicatur,	
Fros cornuta & obtusa, cuius sint		per Solem generantem lumen, &	
indiciu, & quæ ratione.	308	ardorem.	57. & 58
Forma vt est principium rerum		Generatio quid & quomodo ab	
naturalium, quid.	24	alijs motus speciebus differt.	121
Forme vltima plures se non com-		Generare sibi simile opus natu-	
patiuntur in eadem materia.		ralissimum est, nec omnibus,	
ibidem		nec solis animalibus conueniens.	
Formam non id esse quod suo ad		237	
uentu composito dat.	ibid.	Generatur in quibusdam simile si	
Forma deo similis ostendit.	26	ne semine, ramuscuo in se. 10	238
Forma quo modo materiam appe-		Grando quid, & cur lapides in se	
tat.	28	nonnunquam concludat, & ro-	
Forma substantialis cœlestia cor-		tunda sit figura.	153
pore incorruptibilia reddit	35	Grando cur aliquando animalis	
Formales cause tres sunt substan-		referat speciem,	ibidem

- Grando cur potissimum in vere et
 & autumno generetur. ibid.*
- Graue dicitur dupliciter utpote
 quod simpliciter graue est, & id
 quod solum comparatione alte-
 rius graue dicitur. 168*
- Gravissimum quid & vnicum
 esse. ibid.*
- Gustus quid, & quod medium
 eius & instrumentum. 289*
- Gustus & tactus habent medium
 coniunctum. ibidem*
- Gustus est quidā tactus. 290*
- H***Alon quid, & ubi genere-
 tur. 159*
- Hemispherium quid, & duo es-
 se. 208*
- Hiatus quid. 149*
- Horizon quis dicatur. 207*
- Horizon in rectum & obliquum
 distinguitur. 208*
- Homines studiosi macrescunt, som-
 nulosi pinguescunt. 329*
- Homo multis animalia cetera ex-
 cellit, tum quod vocum significa-
 tiones capiat. 358*
- Homo solus animalium discipli-
 na capax. 359*
- Homo solus diuidit, & coniun-
 git plura copula verbali, & plu-
 res propositiones coniungit, at-
 que ratiocinatione conficit. 362*
- Homo solus suam excellentiam
 nouit, & ea gaudet, idq; per in-
 tellectum. 366*
- Homo intellectus lumine omni
 perfectione cuiuslibet creaturae
 gaudere potest. 369*
- Homo solus omnium creatura-
 rum tenetur gratias suo creatori
 agere, etiam pro alijs creaturis.
 371*
- Homo non in omnibus actibus
 meretur aut demeretur. 413*
- Homo ratione voluntatis infini-
 ta est capacitatis ratione verò
 appetitus sensitiui finita: unde ho-
 mogula, cupiditate, bruta longe
 excedit. 258*
- Homo solus deum amare potest, et
 ei vniri. 415*
- Humidum est facile terminabile
 termino alieno. 244*
- Humidum radicale quid, & qua
 materia partim consumptum re-
 paratur. 243*
- Hyeme maiori est opus cibo quam
 aestate. 148*
- Hyeme media aeris regio minus
 est frigida, quam aestate. 148*
- I***dem Zenit habentes eundem
 habent meridianum. 205*
- Ignis perpendicularis quid. 150*
- Ignis fatuus seu candela ardens
 quid. 150*
- Ignis elementaris à quibusdam ne-
 gatur & oppositum ratione pro-
 batur. 170*
- Ignis elementaris cur ita rarus
 ibidem*
- Ignis elementaris nutrimento non
 eget. 171*
- Imaginatiua quæ, locus eius &
 differentia à sensu communi. 308*
- Imaginatiua nunquam est motus
 principium. ibidem*
- Infinitum essentia & quantitate.
 97. & 98*
- Infinitas materia, imperfectionis
 est, formæ vero perfectionis. 98*
- Infi*

- Infinitum quantitate continua et discreta.* ibidem
Infinitum potentia & actu. 99
Infinito nihil maius. 100
Infinitum successione, non actu, sed potentia tantum infinitum est. 100
Infinitum in actu, in rerum natura non reperitur. ibidem
Infinitum multitudine non reperitur. 101
Ingeniosi fere memoria deficiunt, & ediuerso. 315
Ingeniosi bene reminiscuntur, licet non semper bene memorentur. 316
Insomnia unde procedant, & cur ita esse putamus ut somniamus. 351
Intellectus quid sit, sensus comparatione docetur. 343
Intellectus aestimatiuam excellit. 345
Intellectus agēs & passibilis quid & quod utriusq; officium. 348
Intellectus agēs lumini cōparatur, & lumē spirituale dicitur. ibid.
Intellectus à sensu differentia, & necessitatem esse ponendi intellectum agentē & patientem. 351
Intellectus agens an realiter à passibili differat dubitatur. ibi.
Intellectus agens quomodo se super phantasmata conuertit, & ex corporalibus spiritualia intelligat. 344. & 345
Intellectus adiutus lumine spiritus sancti, deum facie ad faciem contemplabitur. 347
Intellectus deum sibi maxime co-
- gnoscibilem ob corporis molem conoueri non valet.* ibidem.
Intellectus quomodo singulariter intelligat. 348
Intellectus eodem phātasmate nūc abstractam, nūc concretam habet notitiam. 351
Intellectus practicus & speculatiuus quis. 365
Intellectus super suos actus reflectitur, quod nulli sensuum competit. 367
Intellectus ex seipso deum potest cognoscere. 368
Iris quomodo generetur, & quod tricolor sit. 159
Iris & halon quid differant. 160
Irides duæ aut ad summum tres apparent simul. ibidem
Iris secūda eosdē habet colores cū prima, sed ordine cōtinuo, & tertia eodem omnino ordine. ibid.
Iris quo tempore appareat. ibid.
Ira passionem cur non habeat sibi contrarium. 386
Lancea volans quid. 150
Lapis cum fulmine ex nube decidens, fulminis cuneus dicitur. 159
Languentes cur se penumero longam vitam degant. 248
Leue quid. 167
Leue quoddam tātum in respectu, aliud simpliciter. ibid.
Leuissimum quid. 168
Linea quid. 166
Linea simplex quid. 167
Linea ecliptica quæ, & cur ita appelletur. 205
Linea ecliptica cur via solis ap-

pelletur.	ibidem	ri potest.	ibidem
Lignum vita cuius fuerit virtutis.	<u>210</u>	Materia nulla creatura annihilari potest.	<u>22</u>
Linguae duplex officium, alterum tantum necessarium.	<u>277</u>	Materia inferiorum an specie à superiorum materia distinguatur.	<u>23</u>
Locus quid & potissimus locus proprius.	<u>103</u>	Materia & forma, cere & sigillo comparantur.	<u>24</u>
Locus qui communis, & qui proprius.	<u>104</u>	Materia formam appetit, ut id quo perficiatur.	<u>27</u>
Loci proprietates sunt quatuor. ibid.		Materia coelestis, vim nullam patitur, aliam formam accipere prohibita.	<u>38</u>
Locus quis naturalis rei.	<u>105</u>	Materia ad alias formas appetitus, ex imperfectione est, atque ideo pueris & canis assimilata Aesopico.	ibidem
Locus quis violentus.	ibidem	Materia in beatis sub forma eadem manebit sine violentia quam in damnatis admittere non videtur inconueniens.	ibid.
Locum naturalem cur cuncta petant & magno desiderio contendant.	<u>105</u>	Materia comparatur ad formam & sic in qua dicitur, & forma correlatiuum est.	<u>34</u>
Luna humidis dominatur, quae plenilunio crescunt, nouilunio vero decrescunt.	<u>197</u>	Materia ad compositum collata ex qua dicitur.	<u>34</u>
Luna in bonam partem & malam in scriptura applicatur.	ibid.	Materia quomodo infinita.	<u>38</u>
Luna varius ad solem respectus mutationis eius est causa.	<u>216</u>	Mare duplici ex causa falsum	<u>155</u>
Luna unde sit varia figura.	<u>217</u>	Maris fluxus cur quotidie ferè una hora tardius incipiat.	<u>156</u>
Lumen omnium astrorum à sole proficiscitur.	<u>197</u>	Mare quando crescat, decrescat, &c.	ibidem
Lumen semper reflectitur.	<u>155</u>	Mare cur nunc impetuosius nunc minus fluat.	ibidem
M ateria prima quid.	<u>17</u>	Mars non ita nocivus planeta, atque Saturnus, & quam operetur complexionem.	<u>194</u>
Materia secunda quid.	<u>16</u>	Medium motus quoque distinguere.	<u>26</u>
Materia prima tantum eius potentia.	<u>18</u>	Mensura durationis triplex & discrimen eiusilem.	<u>118</u>
Materia prima tantum passiva est, ideoque deo dissimilima.	<u>18</u>		Mer
Materiae creatio deo non fuit indigna.	<u>20</u>		
Materia non nuda, sed sub forma est creata.	<u>21</u>		
Materia an sine forma creari potuisset dubitatur.	ibid.		
Materia nulla creata virtute fie-			

- A*lterius ingenium dat, Marti aut Saturno iunctus hereticum, & tumultuarium, Ioui vero propinquus, tranquillum & commodum. 196
- M*eridianus circulus quis dicatur. 207
- M*edium visus quid, cur colore careat. 280
- M*edium propter colorem, & non propter visum, illuminari debet. ibidem
- M*emoria quid, & quod eius officium pulcherrima docet similitudo. 315
- M*emoria ab imaginativa differrentia. 316
- M*emoriae nomen tripliciter accipitur. ibidem
- M*emoriae locus, & eius dispositio, & bonae memoriae iudicium. 316
- M*emoria quae bona, quae mala. 317
- M*emoria eadem, cur unum altero melius seruet. ibidem
- M*emoria intellectiva quid, & quam sit necessaria eius à sensitiua memoria differentia. 355
- M*istio quid, & quotuplex. 132
- M*odi existendi in alio, octo. 102
- M*onstrum quid & varijs excusis contingere. 67
- M*otus quis perfectus, & quis imperfectus. 72
- M*otus subitus instantaneus, & successivus quid. 73
- M*otus nullo predicamento continetur. 74
- M*otus extensionis non autem intensiōis habet partes. 75
- M*otuum localium alius rectus, alius curvus. 166
- M*otus rectus, motus sursum, deorsum, & circularis, quid. 167
- M*otuum quis simplex, & quis mixtus dicatur. ibidem
- M*otus caelorum quomodo contrarij dicantur, & quomodo caeli inferiores sine violentiā à primo mobili rapiantur. 189
- M*otus cuiq; caelo proprius, quanto tempore absoluitur. 190
- M*otus propriè dictus & mutatio differunt. 78
- M*otus, saltem ratione, à termino ad quem distinguitur. ibidem
- M*otus, ab actione, & passione differt, saltem ratione. ibidem.
- M*otu eodem mobile mouetur, & mouens. ibidem
- M*otuum quis tardus, aut velox. ibidem
- M*otus frequens non idem quod velox. 79
- M*otuum quis regularis & irregularis. 82
- M*otus naturalis quē habeat processum, item violentus, & progressivus. 83
- M*otuum quis naturalis, quis item violentus dicatur, & utrunq; in cunctis rebus reperiri. 84
- M*otus cui quieti privatiua oppositur. 85. & 86
- M*obile & mouens per se mouent, & mouentur ratione partis, & per accidens. 91
- N*ihilus vniversus quibus con. 168
- N*adir quid. 205
- N*ix quid, & quando gener.

- ner. 154 cam semper tenet. 208
- Nubes in regione aeris suprema Poli mundi duo, quorum alter non generantur, sed ignea quedam. 147 nunquam nos latet, alter vero perpetuo. 189
- O**biectionum quarundam, contra eclipsim in tempore mortis Christi factam, solutiones. 218
- Obiecta sensuum exteriorum quæque. 264
- Odoratus quid, & cuius nature & quod instrumentum & obiectum et quomodo odoratio fiat. 283
- Odoratus cur in homine quam in cæteris animalibus imperfectior. 285
- Ordo quis sit in moventibus subordinatis. 89
- Ordo in elementis unde. 172
- Oppositio diametralis quæ dicatur. 211
- P**Artes mobilium perfectius ipsius accidentibus mouentur. 87
- Paraheli quid. 161
- Paraheli duo cum sole apparuerunt tempore natiuitatis Christi. 162
- Periodum seu terminum determinatum, natura omne viuens habet. 251
- Perspicuum actum, & potentia quid. 267
- Penetratio dimensionum impossibilis. 107
- Pluuia quid, & quid imber, pluuia & labrocera differant. 152
- Planeta septem & eorum situs. 122 & 123.
- Planeta soli stellarum, non scintillant. 23
- Planeta nunquam Zodiacum exeunt, vnicus tamen sol lineam eclipticæ
- Potentiarum animæ quedam in anima sunt, aliæ in composito, quarum ille tantum animam à corpore separatam sequitur. 230
- Potentiarum diuersitas partim perfectionis, partim imperfectionis est. 233
- Potentia vegetatiua quæ & quot officia præcipua. 235
- Potentia quatuor sunt necessariae, nutritioni, augmentationi, & generationi. 236
- Præternaturam quid. 14
- Principium naturalium quid. 15
- Præuatio quomodo transmutationis rei naturalis principium. 32
- Propter finem omnes res naturales agunt, siue viuentes siue non. 60
- Prouidis pauca casualia aut fortuita contingunt, improvidis vero plurima. 64
- Proprietates temporis quinque. 117
- Proprietates augmentationis sex. 125
- Præma qualitates quatuor. 129
- Proprietates elementorum sex sunt. 131
- Præuina quid sit, & quando fiat. 154
- Præuina cur fæteat. ibid.
- Præuina quando indicium serenitatis, & quando effectus contrarij. ibidem
- Proportio quatuor qualitatum primarum, causa est vite longæ aut

- aut brevis. 246
Præcocia seu præmatura ingenia, 73, & 74
cur brevioris sint vite. 248
Puncta solstitiorum duo, & ubi. 205
Pueri cur infelicis sint memoria. 319
Q Vinque ad motum requisita. 75
Quæres quid sit. 86
Quantitas corporea sola ita occupat, ut eodem loco aliam non admittat. 108
Quinque modi sunt locum replendi. 108, & 109
Quæstio an quicquam simpliciter generetur, necne. 138
Quæstio, qua ratione ex contrariis quatuor aliquid generetur 140
Quæstio, an quamlibet corruptionem sua sequatur generatio non. 142
Quæstio, quenam sit causa generationis aut corruptionis diversorum temporum. ibidem.
Quæstio, unde quorundam tam facilis generatio, aliorum vero tam tarda ac difficilis. 143
Quæstio, an corruptum semel possit idem redire. 143
Quæstio, cur individuum nutriendo nequeat perpetuari. 249
Quinque concurrerunt miracula tempore passionis Christi. 218
R Ana cum pluvia descendunt. 153
Res naturalis quid. 11
Res spiritalis create tantum habent finalem, & efficientem causas: corporales vero ad hæc materiale & formalem. 41
Res permanens et successiva quid. 73, & 74
Regule proportionum septem Aristotelis, quibus duæ adyiciuntur. 90, 91, & 92
Regiones aëritres, & earum qualitates. 147
Regiones quæ sint habitabiles, & quæ minime, & quomodo id sit accipiendum. 210
Respiratio duo habet officia, quorum alterum necessitatum est, nec omnibus animalibus convenit. 277
Reminisci quid, & qui à memoratone differat, & ad illud quam ad hoc plura requiri. 325
Res corporalis in intellectum non agit. 351
Ros quid, & cur potissimum verno tempore generetur. 154
S Aturnus planeta nocivus, & cur cum falce depingatur. 194
Saliua licet non sit medium gustus ad gustationem tamen requiritur. 289
Saporum variae sunt species. 290
Scripturae origo. 277
Seminis pulcherrima consideratio. 239
Sensus exteriores quinque. 264
Sensibile per se quid, & sensibile per accidens. ibidem
Sensibile proprium, & sensibile commune quid. ibidem
Sensus omnis speciem absque materia recipit, & cur plantæ non sentiunt. 299
Sensibile excellens, sensu corruptum, quid dicatur, 300
 Sensus

Sensus suum quisq; habet obiectum organum, & medium.	300	Somnus matutinus castitatis inimicus.	333
Sensus nullus, proprii obiecti alterius speciem in se recipit.	301	Somnia naturalia, supernaturalia, animalia quæ.	351
Sensus communis ubi situs & quod eius officium.	294	Somnia mala, viris optimis sine crimine contingunt.	328
Sensus communis necessario ponitur.	305	Species rerum non sunt animæ creatæ, nec ipsæ quoq; animæ simul creatæ sunt.	344
Sensus exterior super actum suum non reflectitur.	307	Spes unde oriatur.	385
Senes infelicis sunt memoria, quæ tamen in iuuentute memoriæ mædauerunt tenacissimè seruât.	319	Stipula ardentes quid.	150
Siccum formam impressam optime seruat.	317	Stelle firmamenti in sex magnitudinis differentias diuiduntur.	176
Signa pluriæ.	152	Stelle innumere sunt in firmamento, hinc visu non notabiles. ibidè.	
Signa terremotus.	158	Stelle fixæ scintillant, & cur fixæ dicantur.	192. & 193
Signa borealia, seu septentrionalia aut arctica sex sunt, rursum sex meridionalia, australia, seu antarctica, & cur ita dicta.	205. & 206	Stelle & Luna, cur de die non videantur.	266
Solis in scriptura magnifica mentio.	200	Successio impedit durationem, vt occupatio repletionem.	116
Sol diuino verbo compara. ibidem.		Superficies quæ conuexa dicatur, & quæ concava.	102
Solstitium hyemale, & æstiuale quid, & quando sit, & quomodo Sol stare dicatur.	206	Superficies quid.	166
Sonus quid, & tria ad ipsum requiri.	271	T angendi modi quatuor sunt.	126
Sonus fortior cur non semper longius audiatur.	273	Tactus organum, medium & obiectum quid.	291
Sonus & in aqua & in aëre recipitur.	274	Tactus, solus omnium sensuum animæ mali est necessarius, cur per totum sit diffusus.	291
Somnus quid: duplici de causa necessarius est.	328	Terminus à quo, ad quem, quid.	75. & 76.
Somnus uti cibus necessarius est, quatenus unicuiq; vtendum.	330	Tempus quid & eius duplices partes, & quomodo numerus dicatur.	112
Somnus quomodo fiat, unde fortior aut debilior.	331	Tempus omnia mensurat, sed solū motum primi mobilis intrinsecè, cui & æquale est.	113
		Terræ motus quid.	157
		<i>Ter</i>	

- Terra mobilis est omni motu, & quomodo punctum & centrum dicitur mundi.* 175
Terra unde suam habeat immobilitatem. 177
Terram esse rotundam, quomodo intelligatur. ibidem
Terra cur montosa sit, & vallibus perisq; in locis distincta. 178
Terra quantitas. 179
Tempus vite humane, pro diuersis mundi aetatibus, aliud atq; aliud fuit. 255
Tenebre quid. 163
Timor quid sit. 390
Tonitruum quid. 158
Tonitruum fulmine prius est, licet posterius percipiat. ibidem.
Torrida Zona quid, & quā viuentibus præbeat habitationem. 20
Tropicus Cæcri, seu æstiuales quid. 209
Tropici respectu quorum hyemales & æstiuales dicantur. ibidem.
Tropicus Capricorni seu hyemalis quid, & unde tropicus dicatur. ibidem.
Tremor & pulsus, quid differant. 158
V *Acuum impossibile est esse.* 110
Vacuum quid sit. ibidem
Varietas figurarum in aëre apparentium unde proveniat. 149
Vapor quid. ibidem
Ventus quid, eorum qualitates, nomina quot sint. 157
Venus, nunc lucifer, nunc hestertus dicitur. 195
Venus Solem vt coniugem comita-
tur, muliebrium est effectiua qua-
litatum, vt sol virilium. 198
Venus immoderata speciem huma-
nam miris modis debilitat. 258
Veritas, & falsitas quomodo sunt in intellectu. 365
Vituli cum pluuia descendunt. 153
Visio quomodo fiat. 265
Visiua potentia, oculus, & anima diuersimodè videre dicuntur. ibid.
Vigilia quid. 328
Vigilia corpus exiccat, vt ieiuniū. ibidem.
Vorago quid. 159
Vox quid, quibus conueniat ex natura tam in brutis, quàm hominibus aliquid significat. 275
Vocalis arteria, & eius operculum. 278
Vox articulata, & eius instrumenta, vox nō semper significat. ibid.
Vox inarticulata, etiam naturaliter significat. 278
Vocem formare & loqui differunt. ibidem
Voluntas quid sit, comparatione appetitus sensitui docetur. 376
Voluntas quomodo omnibus viribus animalibus dominatur. 411
Voluntas sola meretur, & demeretur. 418
Z *Enith capitis quid.* 207
Zodiacus circulus omnium circulorum solus longitudinem habet. 204
Zodiacus iuxta longitudinem in duodecim signa secatur. ibidem
Zodiacus quid. ibid.
Zona cæli quinque. 210.

Lugduni,
EXCVDEBAT
PHILIBERTVS
ROLLETIVS.



aliquid autem supponit; potest. pro caliditate illius, eodem modo ex parte
inter ut est. tunc huius actualis inheretia et ut huius actualis inheretia
potest pro alio, nisi propter hanc actualis inheretiam seminare potest
et est possibile, sic videtur quod actualis inheretia a predicato incipit et
et erga possibile est videtur semel sub voce illius quod seminat ad ipsam
accipere; et idem sub semel si supponere ut invenit accipere aliquid
potest semel actualiter predicari

Questio quinta nomen infinitum aliquid ponat

¶ Duae sunt opiniones. Prima dicitur de nomine infinito, substantivum est
quod nomen infinitum substantivum nihil ponit, adiectivum vero aliquid ponit
est quod particula regna adiuncta semel pro se privas qualitate; sed in semel su
privas qualitate privas; et illud quod sit est per illa quod tunc est ratio. Et ergo
actuali non oportet illud privari quod est per illa quod tunc est ratio illa non est per
simpliciter pro. Sic dicendo locum est et non aliquid ponit? aliquid
autem in se accedenti est. In positio quod accedenti est subiecto, sic in se sub
in forme culmāria; si quod privas potest subiecto manere subiecto infinita, et
accidit aliquid ponit, sic privas forma subiecti a materia potest manere
non negat forme determinate, cuius materia sit aliquid videtur quod semel sub
aliquid ponit

¶ In questione quodammodo supponit quod querere an semel infinitum aliquid ponat, est
et tunc accedenti semel infiniti sit quod exigit aliquid non subiecti, ut propter
aliquid dupliciter ponit semel, et pro se semel natura per accidens, ut pro
ponit quod utram significat

Conclusio

¶ In infinitum ponit aliquid in seminat ad eum nam et eum, in alio modo
et non in alio modo. Tunc post aliquid non sit. Vide dicitur Boetius quod in
aliquid ad est simpliciter et ad est in alio modo in actione ut tunc

ut cuiusdam qualiterque ens ratione ut ens intelligitur pro ut intelligitur
et igitur finis et propter hoc amaretur et propter
ut et aliquid non possit infinitum non infinitum aliquid ponit, et non ponit
et ponit: addo id est dicendum de istis terminis appropinquat, videlicet, memoria
res nunc Verbum infinitum maneat infinitum in oratione
et verbum infinitum in oratione ponitur non differt a verbo pure negati. Ratio
et non non currit, ut affirmat de ratione sed magis ab ratione aliquid videtur

non negatur recte ad indicat **Questio Sexta**
verbum est sit in copula predicati cum subiecto ut sit predicatum et aliquid
quod hoc verbum est, quod predicat? proprie non est subiectum, nec pars eius, nec
pars eius sed tamen denotat predicatum et id est subiectum actuali. ut 2^m actu ad
demonstratum intelligitur: proinde autem quia dicitur est intelligitur et hoc quod ha
et tamen unigenitus: et id est 2^m quod predicat. propria ratio eius et hoc modo eius
et id est actu, et alia est ratio propria ponit 2^m quod dicitur: a non potest non
o. Et in actu

et quod est aduersus id, quod dicitur in edposito ratione dicitur aliquid tamen ratione ponit
et tamen ratione autem ut forma, sic est in edposito actus quod est proprium: subiectum
etiam predicatum ut forma, et sicut in ratione edposito est unio 2^m quod forma
autem actus informat materiam, ita in artificiali verbum est ratio in qua pro
ut est in subiecto; et sicut unio ex parte forme non facit dispositionem in se
ratio qua forma unio: in materia. Ita verbum non facit dispositionem in se
et ratio qua predicatum in ponit in subiecto; Unde tria videtur esse in pro
videtur predicari: intellectus predicandi: res ut informat: talis in intentione et d
videtur est pars predicati si verum considerando, videtur quod, sed et quod

Questio Septima
valeat ut sequitur et propter negum de terminis finitis ad affirmatiuum de terminis
et existens proprie de eodem ratione predicati variat 2^m finitum et infinitum

